

北京圖書館 編

北京圖書館藏珍本

年譜

叢刊

第 151 冊

DUXIU.COM

北京圖書館出版社

□ 北京圖書館 編


北京圖書館藏珍本

年譜叢刊

北京圖書館出版社



第 151 册



第一一五册目錄

胞兄紀略卷二	一
蘇河督年譜	六三
南溪韓公年譜	八九
武秋瀛自訂年譜	一三七
先文忠公自訂年譜	一九三
馮桂山自訂年譜	三〇一
汪梅翁自書紀事	三六七
黼山府君年譜	三七三
一齋公年譜	五〇五
厚庵自叙年華錄	五三五
鄒叔績先生年譜	五八一
繩其武齋自纂年譜	五八七

省齋全集卷之二

鄂 雷爾鄉 成都 武謙 新津胡拱

通渭牛樹梅雪樵著

及門彭翮

劉鵬 黎忠川 何榮樟 袁蔚 恩添
高拱 棟南部 敬文光 易 澤亮 同刊

射洪 涂定中 華陽 陳炳榮 資州 張國恩

紀畧

同治元年壬戌正月二十三日本縣容引之父臺

名恬陝西寶雞人

騎馬

履冰雪而來見面道喜問何喜出行知示則四川新任總督駱

公片奏也云前署四川甯遠府知府牛樹梅

由彰明縣知縣洊

升茂州直隸州知州在署甯遠府任內告病回籍該員歷任地

方循聲卓著 臣到川後訪其政績僉稱該員恟愾無華廉靜不

擾在官之日每襍被親歷四鄉諮詢民間疾苦抉求幽隱彰別
是非善良賴其扶持頑梗漸以格化風聲所樹而民俗為厚該
員現在甘肅本籍體氣甚強用敢籲懇 天恩勅下陝甘總督
飭令該員迅速來川交臣差委以收臂指之效云云咸豐十一
年十二月二十六日奏同治元年正月初八日奉 上諭四川
候補知府牛樹梅現回甘肅本籍前經降旨令樂斌飭令赴川
交駱秉章察看茲據駱秉章奏稱該員歷任地方循聲卓著此
時需才孔亟似此愷悌宜民之吏豈容置散投閒著樂斌卽遵
前旨飭令牛樹梅迅速赴川聽候駱秉章差委毋稍延緩將此
由六百里諭令知之欽此樹梅立捧行知見有 上諭等字卽

敬謹叩頭然後起讀讀終且喜且懼卽向容公具道不能出山
之意祈為善辭留再宿而去時家中止有補疤舊紅毡兩小片
聞縣主來卽命鋪在學舍學舍冷屋也旣而請往家齋以便食
宿容方起則兒輩捲毡而趨先往鋪之次日早飯後容公仍欲
往學舍客甫起又捲毡而前晚歸復然公臨行歎曰自人及物
毫無宦氣今時所未有也

附記

衙門公館厨中穢水缸往往飯米肉菜雜沓傾■倒挑穢水者
利其然不吝多錢包挑之以為喂猪 糞之資水愈濃則錢愈
多司厨者亦利其然兩相利而暴殄無極矣 余昔候補時有人

亦許厨者數百文既而水清到底辭不挑則減價且誑之久而
猶然挑者怒而去則款言溫慰之不敢復要一錢矣今猶未免
於此

余嘗署理引見缺本任薦一僕及來任則還之其僕兩頭來往
私謂人曰二姑之下難為婦一見衣履鮮好則皺眉一見樸陋
則掉頭奈何以上二事寒酸之氣與換鋪紅毡事皆可令人發
噱因附記之

元年有報老 恩命時余六七兩堂 叔及老姪采茗皆年逾八
十族兄元慶及墳坪之牛永泰皆年近八十容公來偶言及之
公命開單帶回至縣則各填一照並遣人送胙肉來余卽請五

老具衣冠謝一恩享昨歡燕而罷亦一時盛會也

容公既去卽遣人具稟以疾辭如上年辭湖北之意既而有以四川按察司報者署制軍沈朗亭先生將有剿辦撒回之行亦得信時容縣公適在省制軍呼而問之曰曾見此人否曰見之真病乎曰不願出山耳氣體何如曰尙健曰既如此可速寫信令伊早報起程日期此我鄉榜同年也為我言卽不願仕到任一二年再告無卽負君恩也告病一層我決不為覆奏只當無此事可耳時榕弟亦在省以信來

附辭官稟

為年老久病不堪起用懇祈轉稟事情牛樹梅昨奉文知蒙四

川總督駱奏請赴川聽候差委 諭旨允准 恩從天降樹梅
聞命感泣亟思報効奈樹梅自甯遠府任內慘遭地震之變遂
得怔忡之疾久之健忘益以眩暈偶聞觸動之聲則心神震蕩
搖搖然如在半空方與人言輒忘首尾移步之間忽不省其所
為竊思樹梅夙志功名非同枯槁從前歸田之時甫逾五旬年
力尙強足任驅策只以精神恍惚醫藥罔效不敢再作出山之
想今年現已六十四歲髭鬚盡白日就衰頹加以如此病狀委
難任事是以咸豐八年曾蒙湖北督撫奏調起用經前縣主馬
驗明取結覆稟奏免茲又欽承 恩命而久病未痊仍祈 據
情稟覆代懇奏免使 樹梅 得以安心養疴則始終成全之恩同

於再造矣

沈公既西征囑令兩司一面據批飭府行縣驗視病狀一面寄信勸行義理正大情詞婉切秦安成壽山亦屢以大義相責自念身雖退休本非高隱當此之時固執勿出毋乃孔子所謂疾固者乎又念蜀本舊遊人地亦覺可親遂定出山之議本擬以養病為詞緩期兩月旋奉 上諭催令速赴新任無庸來京請訓聞命悚惶乃改期焉

將赴四川新任壁帖云區區新任之赴實出萬不得已之行聞欲跟去者甚眾殊為撫然上念 國恩當作如何心腸內顧家運當是如何心緒此次出門苟有一毫發財之心享福之意宜

受天誅然則我之所以別家者只是一個苦字我之所以報國者亦是憑一個苦字我方一心受苦而人乃百計圖樂不亦舛乎愛我者亦宜體諒矣

留子姪云世澤綿遠孝子賢孫千枝萬葉只看命根 胸填俗氣雖富猶貧續茲家世一頂儒巾

四月初八日自家起程從行者親友三人僕一人行李一馱所顧輿馬發價直至成都入川以後毋許在地方別有所索一路山川風物撫景觸情不勝今昔之感云

五月初二日到省初四日接印初奉 上諭有云著樂斌卽遵前旨飭令牛樹梅迅速赴川之語但不知前旨云何到川之後

始由制軍另札知僚刑科給事中高公延祐所保奏查緝紳高
公浙江蕭山人癸丑進士此 旨到甘適當樂制軍被議交卸
之時故未及行知也

梅

自少多出門凡有家稟首稱 祖父母 祖父母歿則稱

父母道光十六年後只稱 父而不稱母舉筆愴然咸豐元年
後惟稱胞弟其情更慘此次來川欲寫家信則並無弟可稱矣
悲哉

滇匪藍大順李永和二逆自咸豐九年九月起星火燎原駱公
督師入川綿州一戰破賊二十餘萬又破賊於青神於是省城
解嚴然賊之分擾川境者尙如毛也余到任之初藍大順由太

平入陝境陷洋縣而漢中之禍起矣是年八月余暫攝藩司事
劉霞仙方伯督各軍殲李逆於龍窩塲惟將李逆永和及其先
鋒卯得興等數人解省訊明磔之李逆帝制自為有木印大如
升其篆文云受命於天惟德永昌先是獲其母妻降人郭安邦
當堂猶稱老皇太自天洋坪八角寨壘經散敗之後死黨尙餘
數千人皆坑之而是股遂滅

四川

○陝西逆回之禍萌蘖者非伊朝夕矣是年捻匪入陝不久卽去
而如藥線引火回賊遂起秋冬之間延及甘省吾莊及鄰近數
莊集團一千餘人每往梨樹梁上耀武揚威又被惡少數輩無
故將馬鄉約全家殺死以致回逆於十二月朔突至魏家店殺

三十餘人沿街房屋燒燬殆盡魏家坡及吾莊之近南者皆燬
燬吾家柴草俱燼房屋餘不及半 陝甘

二年癸亥回賊自春初圍仁當川之李家堡堡甚險固而無水至

二月二十五日困極自開吾姊丈劉君開泰自先世有德於鄉

里近回馬某以全家保諸其首獲免後魏家店堡與南家石堡

子皆以無水破可為殷鑒 家鄉

夏四月擒粵逆石達開磔之達開狡悍善戰與洪秀全等同時

起事在偽六王之中最為雄傑鳴張十二年蹂躪十二省蓄謀

窺川非伊朝夕比年自楚自黔連犯川疆未得逞志乃復自滇

之米糧坦徑渡金沙由甯遠府直趨腹地先以中旂賴裕新即

剝一股冒險內竄晝夜狂奔直走漢南而自率大隊數萬乘之意將使川兵疲於北而失備於南也已而知越鶴大路仍有重兵阨截乃由冕越小路走土司王應元所轄之子打地我兵阻河為防四路把絕河水又復暴漲該逆陷入絕地殺馬而食並以桑葉充饑乃就擒所率數萬人殲焉石逆轎帷風帽皆用黃上繡五龍妻妾數人抱子投水並擒者一五歲子耳余嘗笑謂人曰余乃四川空前絕後之梟司也人曰何謂余曰王侯將相我皆審之他人能有是乎眾為粲然

四川

李石二逆之就擒也同官聞之皆喜不可言及入見宮保則如道家常事坦然不形於色以是服其度也

四川

○漢中之賊藍逆先之髮逆偽啟王等繼之縱橫跳盪豺狼而外
幾無人蹤南鄭周令四川墊江人也招其鄉人盧又能以勇二
萬餘來守川省風氣但有招勇之信四方無籍者如水赴壑禁
之不能一日可招千百人盧故啜匪之雄也其勇類皆無賴遊
民以攫掠為食者駐漢城年餘公私儲蓄概為所羅掘巨室大
家皆餓死室中在外者未絕氣卽為人食易子析骸未為慘也
朝廷以劉霞仙方伯為知兵屢促援漢是年秋升授陝撫駐兵巴
州囑余於臬署設席與同官再請陝商而勸之捐連年接勸開
口拙辭其餘發來款目如票借什一之類萬難照行然勉強應
捐者亦尙可觀斯時蕭慶高何必勝兩軍之先往者於九月十

六日獲小勝輕進無備十九日大敗幾於覆沒城中聞信盧勇
開門夜逸賊遂入之焚殺一空仍返營於城外中丞以殘軍不
堪再舉遣人赴湖南招勇未至而賊於次年正月以次東去蓋
金陵之賊勢已危急調取以自救也 川陝

○逆回之禍自陝及甘蟻聚蜂屯徧地雲擾當事者一意主撫屢

為所愚是年八月二十七日屠狄道城而九月十三日 朝廷

以撫狄河之功獎叙四十人未幾河州亦被屠 甘省

三費章程者勘驗緝捕招解三者費也前督憲徐曾通飭設立

遵行者不過一二處後由同鄉張大令爾周治仁壽時稟請通

行書役規費者前由漢公暖同年蔣若采先後治安岳時所設

立後由楊公勳署射洪仿照稟請通行者也此二事者士民甚欲之書役不欲也官之為百姓者欲之護書役如兒孫者不欲也余在任時照案通飭三令五申令其因地制宜寬為籌畫為書役事畜地方可經久不廢然遵辦者仍不過十之二三耳吏

治可歎

四川

是時司中寃獄遊擊徐璋之案見於別錄有顏佐才者貴州人文武才也以知州帶勇賊圍渠縣急知縣張鍾瑛求救於顏顏以欠餉為詞張大言曰現有二萬銀在庫中但能退賊何愁無餉蓋時適有委員某提餉過境亦在圍城中故云顏軍聞之奮勇殺賊一戰解圍眾軍逼餉於顏顏再往張不應眾乃譁然入

署脇張自行開庫出銀於外而分之共二萬餘兩顏竟不能制也於是知縣委員合詞以劫庫上稟制軍卽據以入奏奉批審明正法夫顏罪固不容辭然事急則侈口許之事平則縮手謝之眾怒難犯顏亦實有可原之情余甚矜之後歸獄於已死之營官某除將欠餉算清外餘不過數千金勒令賠繳渠縣士民並其同鄉親友張羅足數輸之事獲解四川

又有羅必超者成都人重慶都司以救永川敗績當事者稟革又因涪州告急勉湊市井游手三百人仍令帶往蓋不啻以肉投虎矣繼復坐以退怯之罪然此猶其已事後以得罪當事也

萋斐貝錦謂是川東巨匪必欲殺之已而其人去官事乃獲解

然二人出獄皆在余罷官之後而感謝之情如實出已褚中者
聞必超又私奉余長生牌四為憑然四川

署隆昌魏元燮藉名軍務搯索百端敲骨吸髓肆口吞噬久之
為人所奏提省審辦或委員提証或飭縣查覆朦朧偏護之詞
閱卷輒欲裂眦蓋陰有主之者矣是時魏元燮雖已革職而安
坐省寓要証過付年餘不能到案惟當時受害之人羣焉如軟
押之囚不堪苦累魏元燮又飾病沉深卧不出區區身掌刑名
既不能奮破柱之威又不能化噎喉之梗以致終任仍未結案
咎有攸歸夫復何辭後任受指以發口定案差。四川
省城鄉賢名宦兩祠在錦江書院左右名宦尙完好鄉賢則朽

敗不堪牌位半委塵泥中 余見而惻然命貢院首事估工捐二
百金重新之 四川

○范雲吉名泰亨任隆昌時書院門生也詩文超雋與兄舉人宗
山公友愛甚篤家風鄉行蜀人推為第一以拔貢小京官分刑
部留心經世之學於名法家言究極根要而本之仁恕咸豐九
十年間由主事升員外其時賢能之名彰著中外如胡文忠駱
額門嚴渭春曾滌生諸公交章薦達十一年丁外艱滌生相國
聞其在籍具書幣遣人迎致服闋赴皖時江西糧臺牙釐需人
相國已函復沈幼丹中丞許以雲吉往雲吉以為宜在大營歷
練觀相國所以調度籌畫與南畝情形然後往相國是之遂留

幕府數月日閱歷年軍務奏底後及減漕牙釐全卷每申酉刻
相國必就雲吉所議論天下大局鄉曲瑣屑無不盡於是相國
之相知益深十月初捧檄至江右糧台任清釐減漕牙釐積弊
稟陳八條相國皆可其請十一月密疏稱器識深厚條理精密
似堪大用時雲吉已有病力疾從事十二月 簡放吉安府知
府而竟於二十日不起矣相國奏聞謂其器識深穩綜貫庶事
能勝艱鉅之任方冀儲為大用乃以從公盡瘁未竟所長齋志
云殂深堪憫惻奉 旨交部照軍營立功後病故例從優議卹
部議請追贈太僕寺卿廕一子入監讀書期滿以知縣用報可
相國又致書鄧伯昭太守曰嘗謂仁厚正大者苦無才識魄力

雲吉乃兼而有之滿擬儲為棟梁共濟時艱不謂中道夭闕令人短氣云云 四川

七月初四日三品 誥軸到川十月初一日命匠用彩箋繪製男女公服各三襲並 賜封三軸故也為文焚告

錦堂胞弟未遂科名余不忍獨荷 國恩也而無可為計乃為瑜姪更名偉烈捐一六品銜加級請五品封並及季弟樹樸夫婦明年二月二十五日 誥軸到家

三年甲子二月初七日奉行知二年十二月某日片奏再四川按察司牛樹梅心地慈祥人亦樸直惟辦事才短近復健忘交審案件未能隨時清結川省獄訟繁多臬司一缺非該員所能勝

任可否將該員以京職改用四川按察司另行簡用幹員之處統俟聖裁云云奉 上諭牛樹梅著卽來京交吏部帶領引見四川按察司著蔣志章補授欽此迴憶沈朗亭先生有言卽不欲仕俟到任一二年後再告今不自告而如此輕輕放下殊可笑也翌晨李西邨同年曰我昨一夜睡不著自笑曰自昨日得信後看本人似不甚失意者而汝邨如此何為乎然畢竟輾轉達曙矣 以下罷官後事

初余之接臬篆也犯三忌後方知之人謂正五九月不到任每月初四與某某日為四不祥余曩不信其說故從不記憶而兼犯之又適當午節有似捨收節禮者當時心中殊空洞無物也

余從來但聞上司催取之命卽迫不及待應稟應辦之事決不踰期在彰明時兩次調省皆在冬間日短之時聞命卽行四路兩日半輒到此次親奉 朝命催令速赴新任真若有不容刻待者私心有無蜀中人士蓋皆能信之矣然當時本應從緩姑從學習之例始為得體雖無私心而事不當埋難免招咎且其來也驟其去也必速亦氣機之相應者然也於此亦可稍長學識矣

余到任時皆謂向有清名必不收禮自端午至中秋送者寥寥然蜀中臬司道府非此則無噉飯之資矣何況辦公往常有規禮州縣一有不來則囑首縣或經歷函催此時署中人皆欲效

之余曰吁收禮已非本心函索更覺可恥且聽自然待真下不去時再看又上司到任屬員送到任禮可也屬員需次數年身負重累甫得一缺亦令送到任禮於心忍乎往嘗與郭古樵亡友言此古樵笑曰老翁生日小的搥頭小的生日也是小的搥頭余心識之故余在任幾二年所收實無他人之半然當時捐輸餽贈既已不貲罷官以來節口縮腹日用敷衍並貼補家鄉之避難者皆在於此方諸古人抱愧良多而或者嗤余為過當也噫

余在任時先後捐京米二千金陝甘捐輸二千金趙譜荃招募二千金當時只知為義並不知有議叙一層既而知其有切欲

辭之而不能也陝甘捐輸劃作木家親友監生五貢生二按經

歷銜雙月州判各一 五月初司道來寓道喜謂見京報加布

政使銜則吾甘省恩護院

名麟字仁山

以指招勇項故有是舉也鹽

道啟薊圃並送紅頂珠一個然余不樂戴直至中秋日行知到

寓乃換之其京米一項奉部文問所叙余心慙然謂自頂至踵

罔非 國恩今京米之捐不啻父母告帮於子弟而忍望酬乎

人曰 朝廷不虛取人是不可却也乃援移獎子弟例為十歲

媛兒請中書科中書被駁改請太常寺典簿尚餘銀六百餘兩

為內姪李金源撥叙縣主簿去秋接賈世兄

名敬修河南原武人

書知仕

陝署洋縣令自蘭圃師去官後音問不通者二十餘年矣則大

喜答書縷縷而轉惜其不能與城俱亡也已而親來告苦住月
餘贈之三百金而去又盧一旣世兄名雲衛江會試房師立峯
先生之子也自湖北來乃知曾補綿州吏目丁憂後家鄉榛莽
乃覓陸莊而依之初依陳竹坡中丞而竹坡罷官繼依龍翰臣
方伯而翰臣去世又依趙岫存觀察而岫存丁艱此次以岫存
書來中途遭破舟之險衣物損失過半余為料理一切時江南
未復營辦就地起復事未及一月而余又卸任矣然橫被部駁
仍須往原籍請咨金陵隨亦尅復資送就道往返年餘蓋亦
備極蹇滯矣余常笑稱之曰鮑秀才比年以來似乎時運漸轉
然甫得小差一二次而身故悲夫

指自元年到任之後知 祁實圃大子選 御名 更號實圃更起在京師

為寄真十二月奉到復諭並親筆數行云前聞閣下循聲久著

欽慰良深因比年病退書札濶疏又不知回籍後何時復出今

蒙 特簡益信治行有素公望翕然○哀病復邀 恩召力不

從心現已因頭暈臂痛兩次請假未痊請告又未蒙 允准展

假兩月不知屆期能否供職也作字甚艱鑒譽為幸○手白肘

初二日拜讀之餘見其字跡蹇澁病痕宛然為之憮然時胡小

蘧同年來信內有夫子廉潔自持非義不受清風兩袖幾有懸

釜之憂又言入直時坐車而不坐轎緣無力雇輿夫故也十年

宰相其窮至此此後世佳話也次年春間寄奉脯敬三百金冬

間又奉炭些資二百金 夫子於復書外皆有親筆數行甲子
鄉試四川主考為胡小蘧張錫甫兩同年時梅已罷官場後藉
寄一稟兩公又奉差湖南南至次年進京六月又奉復諭其親
筆云來示直摯之至如面談且慰且念請退之 旨上諭來京
以病請緩
未見明文珂鄉此時不知情形何如歸計不必太急閣下年甫
六十仍望為 國宣力 某則衰病日甚自開缺後仍兼 內廷
而暈眩時發竟難入直承念厚期惟有慚感俞陶泉六字官箴
猶在記憶中可見相知之深久要不忘也北省餘匪未淨僧邸
又折軍情不無變易何時乃 酬焚香之願同此情懷數行奉報
手戰不能多及惟鑒譽焉然此次字跡似較前數次不甚勉強

竊幸其病之漸輕也

○嚴涓春中丞來贈胡文忠公集八冊及皇朝輿地全圖共三十二冊是年米貴每石至銀十六兩通省皆辦平糶歲非甚歉而價奇昂老人所未聞也

吾刻二曲集因川中無全本託寇愚溪覓諸陝因是知其弟允臣守信又知賀角生瑞麟皆吾關中講學人也賀三原人聞其篤守程朱矩步方行所刻有訓蒙九種允臣以一部寄余讀其書思其人蓋有如玉之藁焉

允臣時署漢中教授

○洪雅曾幼卿省三起家寒賤仕江西吉安府太守有賢聲丁憂回籍九月至省來見贈史外八本彙有明一代忠節事各為傳

汪訂頑先生筆也雷乙垣大令醵資余於次年校刻之

○六月克復金陵粵逆洪秀全等倡亂至此十有五年盤踞金陵稱尊者亦十二年統計蹂躪十六省淪陷至六百餘城實古今罕見之劇寇也一朝盪除普天同慶惟初意金陵若開當有巨餉可以補軍國一日之闕而竟無有蓋皆付賊烈焰中矣首逆洪秀全於本年五月間官軍猛攻時服毒而死瘞於偽宮院內立幼主洪福瑱重襲偽號城破後積薪宮殿舉火自焚而逆氛盡矣

在川聞報

○沈公之征撤回也未及痛剿聞陝西回匪猖獗勢且西向卽受撤欵而歸欲備東防行至平番小沙溝忽有暴水自上流來溺

死稍在前後者固無恙也

元年陝自多將軍來名隆戰必勝攻

必克回匪望風奔潰不敢交鋒因是年正月羣賊之寇漢中者

髮逆東去藍逆亦遂入陝賺踞蓋屋多公攻之中爆數日而亡

三年五月而回遂無忌要脇甘回萬里騷動禍延七年而未已也嗚

呼沈多二公之遇害陝甘之劫運使然也夫又何說哉

陝甘

藍逆不久敗散竄至興安地界為鄉團所嚮誅其黨蔡某尤狡

從髮逆偽啟王於二年冬陷階州踞之至三年川甘兩軍攻之

四年某月始克蔡為眾兵所爭體解肢分啟就擒至成都磔之

偽啟王每歎創業難或誘以降則曰吁似此不忠不孝之人安所用之臨刑不跪亦無懼色相貌更偉於石逆云

○陝回之過山而西也蓋分三路北則由延鄜陷靈州甯夏而踞

之南則由邠涇陷平涼固原而踞之又南則由汧隴而來張家川龍山鎮蓮花城長坪皆因土著之回踞為巢穴是年夏間大兵克復平涼逸賊南竄於五月二十五日突至吾鄉橫直數十里間所有一切民居皆為賊占時約會丁家店以下鄉團為打賊計六月初一日上團來紮安家山望賊先潰賊乘之死者數十人返入吾莊前此未燒之房盡成焦土於是收其麥豆而芻牧其秋禾如土著然

此吾鄉第一險難

○雷

正總陶茂林

兩軍於八月初三日克復張家川龍山鎮進營

隴城奸回散馬為餌竟致敗績是時魏家店之賊聞兵勝而北去斗底岔苟家岔之賊又聞兵敗而移住於魏家店墳坪等處

之賊如故也直至十月初間曹軍名克忠字蓋臣自陝來相與克蓮城

搗長坪魏店一帶之賊聞信北竄而鄉人始得長吁出氣矣

○方賊之未去也八月初四日忽從四面麀集兇攻吾堡自卯至

未賊方暫休堡上又發爆中其一人賊譁然遽退云係伊海元

帥之子故也是日本庄出堡打賊者陣亡二人受傷十有三人

幸而皆愈 此吾堡第二險難

甲子乙丑 楊厚菴制軍名岳斌南省水師名將也二年放陝甘

總督三年四月到陝五月到甘一路號令嚴明所帶兵勇秋毫

無犯人皆以為長城之靠任後清絕一塵而調度乖方致將秦

王川出糧養命之源為賊所據省城絕糧投黃河死者日數十

百人命將城門關守不許出城則縊死室中者亦日數十百人
又將營弁盡換楚人散糧亦復不均標兵蓄怨已久因其往涇
州查辦叛軍也三月某日將楚人之在省者一夜殺盡外寇聞
之四面麋來當此之時累卵之危不足喻也幸林遠村名之方
伯權宜安頓急請曹蓋臣軍門以兵晉省頓覺鎮定執其亂首
數十人以待制軍餘人諭保無事而制軍歸來又復挾忿縱殺
波及平民於是官吏軍民相視兢兢而制軍乃成孤人矣而曹
軍門亦決意告歸矣曹軍門者甘肅第一可靠之統領不合而
去人咸思之

○是時省城糧路三面梗塞惟東南一隅尙賴供應曹軍門分置

卷二
四營於蓮花城以便保衛制軍自涇州回調令上省守道州牧
苦諫不從蓋為殺標兵起見也然兵尙未至省而張家川一帶
前所血戰而克復者復為賊踞乃飭原營之兵半道折回而已
無及於事矣

○陶軍漫無紀律沿途搶掠為楊制軍叅革其勇潰散四月內破
李家堡及冉家川堡殺擄之慘甚於回賊以下尙無大擾七月
之杪又一起過境圍丁傷其前哨一人於是兇來猛攻莊內未
及上堡者死數人崖堡守西牆者死七人火蛋鎗子紛如雨集
崖上屋壁如蜂窩狀賊中中鎗爆死者亦復不少旋即曳去有
進無退守者不支陸續撤移上層堡有兩層適苟念菴遣人說和賊

亦允之而乘吾懈也爬入崖堡者已八人搜其財物而驅其牲
口上堡人曰如此仍是要命何和之有執械蜂擁而下賊視下
有柴草處撲數丈之崖得不死眾賊亦烘然而去賊皆以魏
店為窠穴

晨遂行此吾鄉第
三險難

是年 四川克復松潘松潘為番夷陷踞者數年矣蹇守子和

名聞辦理頗有頭緒周渭城名達以階州得勝之兵加之乃克

成功云

僧王蒙古人名陣亡於曹州王自咸豐初年辦理軍務先髮逆

次曠夷次擒匪馳驅中原者十餘年忠勇勤勞 朝廷倚為干

城腹心至是陣亡天下聞之同聲痛惜其子名伯
參訥謨佑

○饒滌夫先生名拱長江西新城人學問人品迥異時流由湖北
 即用仕至安陸府知府所至政聲卓著致仕後就養來川嘗與
 雲南竇蘭泉楊剛齋陝西蔣少園講身心之學余自甲子六月
 移居陝甘公所乙丑九月先生卜居對宇時相過從乃知本年
 六月遭回祿之變諸皆灰燼而所有藏書與生平著作尤其心
 血所在不能遽忘者時年七十有六歲矣余既敬愛其人乃
 以狀求為先君作傳而先生復取牛氏家言細釋條分為家
 言類纂一冊余嘗謂先生心誠而氣厚於此蓋可見焉先生又
 作原氣一篇論明代氣節余附刻諸史外之未

○鄆縣文生鄭啟瑞海門以其友陳會芳芷君所著梅窗碎錄送

閱哀然十二冊理學經濟古制今典無所不究夷然不屑於科
舉之學惜二十七歲而死矣余備閱之並為稍定去取而序之
滌夫先生亦閱數卷謂讀其書令人有顏子之痛後鄭生分類
編輯釀資刻之約有三分之一

五年丙寅

○饒滌夫先生就眉州書院館二月起行其子順丁母憂又遭回
祿年近八旬尙以筆墨自給可歎也

○鄧伯昭先生名瑤號小耘湖南新化縣拔貢父耘渠公叔湘臬
公兩孝廉皆以古文名家而湘臬尤馳譽海內家世孝友有椿
津之風伯昭亦以古文名好學敦品江達川方伯延之來蜀與

余及滌夫為道義交曾相累書招之五年二月下旬買舟東下先擬回家行至湖北歸州境舟壞被溺天道茫茫令人欲問無從也

九月十二日大學士祁賓圃師告終奉 上諭予告大學士祁鴻藻學粹品端忠清亮直迭受 先朝知遇之隆咸豐四年以樞務積勞因病開缺朕御極之初蒙兩宮

太后簡用耆臣重加倚畀以大學士補授禮部尚書命在弘德殿授讀朝夕納誨啟沃深資旋復因疾予告在家食俸老成碩望中外咸知方冀頤養安和遐齡久享遽聞溘逝悼惜良深云云欽此所有一切 恩禮備極優隆並入祀賢良祠

○社庭老友來見社翁長余四歲自少未嘗應試嗜古積學老而益篤著作甚富總以有關世道人心者為主近又積廿年之力廣搜博採以孟子親親仁民愛物為三大綱各疏細目鯖集羣籍以貫穿之裒然五六十冊題曰全仁寶鏡是又蜀中有功世教一大著作也翁再見之後欲效董蘿石拜王陽明故事固辭不得然終不敢當也

凡失守城池非由於人心之震懾則由於疎懈耳以吾輩郡言之初時遊擊周公派丁守城晝夜巡警每旂十人更遞睡歇俱行昏睡者鞭之起人皆怨之既而賊皆退去周亦他調守者遂宴然享安平之福然渭源已為賊窟去郡僅九十里遊奕無期

八月二十夜賊將往他處打糧經過郡城覺城上寂然以瓦石

擲試之亦無聲息爬登城上果無人影於是開挖壕路土城登故也

者百餘人然猶未敢遽下也以城中素號團練且有兵勇數千

也官使在押回民鮮三往諭之鮮作番語告以無備城上賊向

外一招外者畢登登者齊下而城關悉為粉齏矣先是三年春

間回匪不靖蕭舉人同人名德馨字香山與其老成數人密謀曰我輩中

有異心者不過十餘人可假議事執而獻諸官無同受池魚殃

也蕭入告斌太守斌方以大度為消彌術不聽且洩之又以西

鄉海團頗形跋扈命人率回眾往查甫出城即殺農民五人民

怨入骨而海團隨來鞏郡北關最大回皆萃處時竟掌其管鑰

氣勢洶洶漢民紛搬入城四月某夜海圍從大城南門入直趨北關搜戶洗殺然精壯者已開門逸矣其後郡城受禍之酷怨毒實結於此賊之陷城也甫三日席捲而去未去者不及半時

裨將傅某屯兵通渭聞信往救有投誠回軍蘇某曹軍門所撫者進策

曰城中虛實不可知請伏大兵於山後我先往視可則豎紅旂

於北城以為號從之既入極口稱賀謂我輩之投降者偽也回

眾信之大隊自把掘墳又名拱碑見紅旂豎城上即下山一擁入城

賊罕脫者然賊梳於前兵飽於後日以掘地搜財為事男女逃

出者聞大兵克後喜而返各視其家之燒燬橫死狀纔進城則

兵勇剥其衣而奴使之且令引指有銀物處所稍緩則毒毆寃

苦萬狀而報克復之功者幾欲彌綸天地矣盤踞半月焦木破
器亦無留餘顛沛逃脫之人仍復餓死傳去陳公來約束嚴
明遺黎始有來蘇之望

六年丁卯正月二十五日姪孫春生生纔滿月卽搐風日夜數
十發發則聲狀不忍睹聞百醫不效惟尙能食乳延至一月之
久門生唐綱章來言鄉人以牛蚊子治小兒風盡試之託致數
枚瓦焙為末和白糖熟水下之每服一二個再服而遂愈矣牛
蚊子者卽牛蠹吾鄉謂之麥脅

○春生之病也許願刻達生遂生福幼保嬰合編達生胎產遂生
痘証福幼慢驚保嬰種痘旣乃購牛痘書並刻之名曰保赤五

種

余舊刻小兒語及醒世西江月三十首為一冊此次來川見李西漚先生老學究語合刻之名曰二語合編又見先生所編韻語通亦以二種合刻竊喜其有同也惟老學究語頗有刪改而又有小兒語補九十餘條註云天谷老人著或曰卽西漚也及陝西寇允臣學博重刻二語合編於漢中亦加有小兒語補來信且言所本乃知天谷非西漚也

○浙江趙謙泉觀察必達捐百金欲倡刻二曲集為貧友用去二千金已亦以去年九月回籍乃以八數委余幸同鄉集腋克臻厥成且併四書反身錄合刻之

○苟三弟奉祖念菴於八月初六日得病一日而歿念菴才具優長居心公正軍興以來為金茨本鎮團長上應公事下庇鄉里守禦有方他堡皆就取法米珠薪桂之年凡鄉里有糧者勸令勿糶以濟饑窘熟成則具息奉還顆粒無虧保全者三十餘莊本年夏秋歉收糧價暴漲而念菴遽殂鄉人悼歎如失泰山之靠焉

咸豐初年吾在家時市斗小麥五百文粟穀三百文自變亂以來升麥五百上下者數年矣是秋漸昂明年乃至七千二三百餓莩載道村里為墟賦去勇來勇去役來委員催軍餉者至於斬權差並欲割知縣之耳噫民生乃至此哉

蔣少園同年若采邇國皆知其賢忌者譖之變白成黑幾不能自容於蜀劉方伯之升陝撫援漢中也咨調暫兼軍務以去劉在陝士民愛戴等於眾母旣而亦被議去蔣遂張羅北上奉旨候知府補缺後以道員用四月挾全眷回蜀人方以忌者之在位為慮而仍望其有造於蜀也是年秋闈派充內監試撤棘前三日以病先出延至十月初七日竟不起知者謂少園之死與范雲吉之不祿皆關省運非止一郡一邑之不幸也

○冬月十七日節相駱公薨士民悼歎滿城都用喪儀坊額門聯一片通白聞綿州亦復如此蓋公之清操婦孺皆知而芟夷大難之恩尤深著於人心也然鄉保團長或緣之以為利城外市

鎮又或演為升天橋等劇則人心之浮動亦復可見 朝廷恩
禮渥隆與祁相等明春沿途州縣護送歸葬

七年戊辰正月克復河州陳馬二莊二月克復狄道自楊厚菴宮
保被議後調浙閩總督左公季高為暎督未到任將軍穆公圖
善署理以撫甯夏者撫狄河丁卯八月忽稱回至公曰彼已應
撫焉有惡意欲單輿往視眾強之乃帶圍隊二百出城將至回
已喊殺公易馬而馳賊欲生得公以此僅脫所帶圍隊殲焉公
大恨之乃調各路兵分攻狄河至是始得一效殺賊既眾固糧
亦多左公名宗棠 湖南人之調甘督也望歲之情一如上年之望楊公
者六年始到陝西則擒匪方熾回亦乘機是以留辦陝事賊懾

公之名望塵般避不與交鋒然此截彼竄疾如風雨及北境冰合
賊卽渡黃由是而山西而河北而直隸蓋數省皆以黃河為天
塹高鑰一開蕩無關限矣

燕晉之間有井陘之險故賊必由河北入直

左公以兵跟

追而賊直犯保定且撲近畿矣斯時京兵而外直隸陝西山西
河南湖北江蘇安徽山東各有勤王之兵雲集畿疆適當大祲
之歲供億維艱可想而知幸將該逆打退京師解嚴而賊復由
畿南而山東而天津已而又復遠窺免脫狼奔再擾山東再撲
天津諸軍築長圍驅諸武定一帶河海之間首逆張總愚受重
傷溺水死六月內全股撲滅普天同慶時李少荃左季高二公
分督各省之兵此角彼掎始克成功也先是捻匪分股入陝其大

股亦由李帥滅諸山東境內多年劇寇連歲蕩除殆與湘鄉兄弟金陵之功足相頡頏云

○越雋大樹堡經歷張溥字遠亭甘肅靖遠人家伊犁者再世矣以吏得官同治二年死於石達開之難寄靈蕭寺有宦囊二千餘金寄雅州陝號其舊僕邱福稟余與梅芳山兄懇其代為經理未果適馮春皋署臬事就商之提其貲交陝甘公所首事為之經理生息買地搬靈並其眷屬三棺而葬焉立案雅安暨神以待其家人是時陝甘逃難之人紛至沓來鞭長莫及惟是秀才廩生文弱不耐苦或隻身或攜一二子姪赤跣行乞尤為慘然芳山倡議以為遠亭存項歲息幾及二百金伊犁天末世事

難知何不移緩就急藉同鄉之餘息救同鄉之急難且救讀書者之急難遠亭有知當亦喜之余嘉歎當郎商諸春阜春阜亦喜先捐百金黃振齋亦捐四十金公所尚有閒房收恤難友自五月起年內尙可不支遠亭息也

五月二十九日姪輝如來避官役之難也姪身歷百險未嘗思避惟替予支持門戶大受艱辛虎視鴻嗷公私交困去年夏秋歉收四五月間只存扁豆二三石以備吃緊之時台堡煮食之用而為剛八團匪所掠並將馬匹火器劫去一半賊甫去後羣來指將熟之麥豆告緩不能又將嚴拿到縣令辦合鎮麪斤姪知其萬無是才力也躲避多日不敢回家乃隻身徒步狼狽來此

驟見為之心悸姪自親戚家起行之次日縣官竟為麩斤將黃家窰頭人張祥打死矣嗚呼民之死於賊者無論已餓莩載道人肉為糧幸而存者光景乃至斯極哉姪至冬初始行回家至今掛心慮其免於賊或不免於官也

舊刻庭訓為牛氏家言此次來川問索者甚眾乃信取其板於家而印給之又刻舊輯聞善錄陸續添入然聞而未錄者亦多矣在任時刻小學並後編及吏治節要數種罷官以後凡涉吏治者皆屏藏之史外二曲集反身錄皆釀眾資而成之存諸公所並惠蜀人余慨釋道二氏輝煌其廟宇珍重其經典而儒者反之孔廟之內往往塵積寸許位次顛倒或莫識所禮拜者之

為何也在川覓得文廟通錄聖域述聞二種全刻無資乃就二書合校而約坡之擬以授梓將來攜回吾省庶幾邊徼之人稍識先儒面目焉

己巳十一月二十四日錄至此勉強湊記雜亂無章竊思古昔聖哲學以日課德與年進區區老而無成茲所記錄皆無關於身心者殊可愧也自此以後惟坐觀中興之景運復耕讀之舊基出與田夫野老晴雨閒談入與古聖先賢琴樽晤對家崇禮教里有仁風皞皞然為太平之老民而已有無可記姑俟後來同治七年戊辰秋 吳仲仙制府自閩移節督蜀至萬縣卽在署令王小垣處詢余尚在川否九月莅任卽往顧日且欲以書院

相屈今晚矣以待來年余卽辭次年八月之初因鍾雨辰學使與余以年誼相往還託來商定關聘事余固辭而去蓋以年老學荒不堪爲師故也數日復來施大禮曰此次竭誠來必得請乃去好復言於制府也不得已諾之又數日司道四人來送關書庚午到館厯辛未壬申至癸酉二月十一日遘疾淹及四月瀕殆者數次因監院薛丹亭退關書至再乃許然脩金節儀固卻不獲受之滋愧丹亭又將余零碎示諭諸生語彙錄刻之亦自慙也

同治以來甘省並無小試十一年仲冬之初家中特遣人來言
聞學院將提鞏棚於秦州並考不日下馬命瑜瑗二子速來應
試等語隨於十一日起程然星軺尙遠亦無提秦之事又行文
各屬令將元四七年及本考之縣府試一並補齊乃於次年三
四五月次第補考瑜姪補得元年縣試第一伯媛兒補得元年
府試第一名至六月學使按臨各得入學并補廩或以未得選
拔爲歉然堂姪英烈亦得入庠 祖宗詩書門第賴以不墜瑜
姪又得補行甲子科優貢小試如此豈不幸甚惟有志者以此
爲始基則前程正遠耳

十二年癸酉二月十一日忽覺胃口重墜不堪已而大吐越日

又犯者數次從此惹起雜症至四月時已盛暑醫者純用峻補身熱如炙愈醫愈沉漸至危殆衣服棺木皆備賴王藍田明府

名震乙山東拔貢朝考一等分發四川知縣 一診便曰無妨也是藥吃反耳醫之午

節以後漸有起色時二子不在同鄉皆勤來問視其尤日夜操

心者雷乙垣張鶴儕與涂子靜等真有骨肉之恩子靜不解衣

而寢或夜靜或未曙每至門外竊聽鶴儕為調胃口製送飲食

者逾月

甘省之亂遍地風烟而東北之金積堡西南之河州尤為兩大

巢穴左公既了慶屬之董志原遂辦金積堡回首馬化澂兇狡

異常其黨分聚各城堡以衆樹犄角之勢勦辦連年漸次得手

當時將官惟劉軍門松山最爲得力每戰輒勝設備遂疎卒致敗亡可惜亦可鑒也馬逆糧盡勢窮乃出投誠然仍包藏禍心一切反具擇其良者而密藏之左公赫怒殲其族衆并其醜類悍黨凡二千餘人北境以平時同治九年十二月也

甯夏旣平遂辦西南制軍駐劄安定以便調度狄道之賊聞風先竄十一年四月收復河州十月克復西甯河賊最爲強悍諸軍渡河漸逼城闔十一年正月某軍以無糧卻退回賊乘之大致敗衄而回轉悚懼其大酋馬占鰲特地至大營投誠一許送亂首若干人一盡數繳呈馬匹器械一賠修衙署廟宇城樓皆如式公問亂回現有若干對以五萬公曰五泉通省名勝汝曹

燬之每人派制錢一千運省修理乃可耳蓋是時錢法大壞鵝
眼則千錢曾不盈把鈔票則每千只抵八文公欲禁之而患無
好錢故借此以通市利回勉應之是後河湟饑饉回亦從此大
窘不能復振矣

馬貴源西甯人與占鰲同爲河州說降者其兄本源弟貞源先
世世爲阿洪雄長一方父永祥于琦文勤勦番案內詐死倖免
至伊兄弟而益橫在西甯某辦事大臣處半求半脇自言若假
事權能保西甯於是本源爲總鎮貞源爲中軍貴源爲知府者
三年矣十一年秋初貴源在省大兵將西甯賊亦來納款公命
貴源先往隨遣劉軍門瑞棠

松山之姪

以兵從之貴源歸與其兄弟

商曰劉軍來事不可知不如拒諸小狹隘口雖插翅不能過一面仍踞府城此萬全計也而百姓聞貴源來遽閉城門而守之觀察郭不能禁劉軍阻隘口相持月餘士卒多傷賊亦熬苦日久夜則熟睡有漢民之被虜者間道來報軍門卽從間道乘夜進兵而殄滅之遂整隊進城矣貴源自府城反卽歸私第挾眷入巴燕戎城據之公仍命馬占鰲誘之來省使其在店候傳一面取其妻子在省別住無何批摺已轉一并戮之

肅州城固賊悍大軍勦辦年餘公怒親往乃於十二年九月二

十三日克之而關內一律肅清矣

各錄所聞
詳畧不一

陝甘鄉試自同治

初軍興以來歷次停科八年己巳特開一科以補行壬戌甲子

兩科時陝省肅清甘省正在糜爛取中名數不得不暫爲劃分
公合同陝撫查對近三科取中之數大約陝得三之二甘得三
之一乃酌劃以四十一名爲陝省一次中額以二十一名爲甘
省一次中額仍於甘省劃出額數內兩科共取中六名餘皆留
諸下屆俟軍務底定後補中至九年庚午帶補丁卯正科甘省
應試人數稍多奏准兩科共取中十八名餘亦留諸下屆甘省
兩次下場之人公念亂離之中道路艱遠每人給銀八兩至癸
酉正科甘省軍務漸平而學臣補取歷屆未考學額不下萬人
應鄉試者必多公於省城以西每人給銀四兩省城以東每人
給銀二兩本年又以甘省西偏赴陝鄉試實屬萬艱瀝請分闈

不知終能 允准否也公之武功文治大有造于西陲者

約畧如此

十三年 吾鄉壽木以栢為貴彰明產栢前數年間曾向人士為託

辛未某月適有官地大栢

隆慶某年 栽有碑

水漱土鬆遂為大風所撥

彰人曰此天與我牛公者遂命匠解作兩付恐余之不肯白爰

也僅配銀四十兩癸酉之冬余將為歸里計函託覓脚發運並

先後寄去脚銀四十兩次年春何愷棠明府專差來信畧云邑


人士感戴深仁不啻子孫之孺慕其祖父母父母壽木二具斤

削如式業已數年而二三皓首龐眉者謂彰明一草一木皆公

手澤所貽留子弟為家長置棹轉需家長給值乎以故二月初

旬曾以代達悃忱並奉繳前今發交之八十金來請余再四查

察殊皆言出肺腑不能不允其所請云云



思源後錄序

嗚呼思源錄者吾弟錦堂咸豐八年所錄也本述先世繼以余况弟之閱歷而於余獨詳蓋彙歷年家稟而瑣輯之者使弟而在也則吾後此之出處邇年家鄉之變亂與在川聞見之寄於家信者又必詳為錄之矣嗚呼何可得哉及門涂生子靜搜余雜著分類編輯特以續錄為請自念身任臬司未滿兩載其爪跡之偶留者見於別錄餘則茫不記憶付諸春夢無痕之例罷官以來忽忽四五年更覺無事可述而夙夜縈懷據聞見以為憂喜者惟在鄉關之糜爛與世局之平陂者為最多無已約畧錄之以從涂生子靜請亦以成吾亡弟之志云

蘇河督年譜

一歲

嘉慶五年
庚申是歲生

十八歲

二十二年
丁丑歲考入府學

二十歲

二十四年
己卯科考以一等一名補廩

二十二歲

道光元年
辛巳

恩科領鄉薦正主考蘄水陳秋舫先生賞其文



有古法發刻一篇

三十六歲

乙未^{十五年}成進士

三十七歲

丙申^{十六年}以脇瘡告假歸

三十九歲

戊戌^{十七年}補散館授職編修是年五月

召見

溫語詢及

脇瘡八月乃全愈派起居注協修

國史館協修

四十二歲

辛^{二十一年}丑充會試后考官

四十三歲

壬^{二十二年}寅三月補福建道御史八月轉江南道御史旋掌京

畿道御史是年星變陳言

宣宗嘉納下詔罪己不數日而白氣消長白詩人有臺
臣已盡回天力閣老應存報國心之句此摺一出遠
近傳誦江西州縣至鳴鑼傳賣旬日而止居諫垣遇
事敢言直聲動天下與陳頌^{意補}南朱伯^琦韓有都中三君
子之稱

四十四歲

二十三年
癸卯

升刑科給事中牟工再決密陳賑撫有風雨漂搖
忍飢露立之語 宣宗嘉納發帑九十餘萬獲全
億萬計原奏有請將臣疏留中以見恩出自上之意
兩語外間無知者

四十五歲

二十四年
甲辰

充會試內簾監試官出闈後副總裁徐侍郎語羅
惇行文恪云蘇公大器了事如無事十八房皆以公正推
許五月以外艱聞訃回籍時文尚書函致粵中大吏

暨關稅官資助一概送還原書婉辭至切文尚書亟
稱于同列

四十六歲

二十五年
乙巳就館新會景賢書院從學者衆租白沙何氏兩祠

堂門人請修楚雲臺以居後來者力辭而止

四十七歲

二十六年
丙午館永福寺寓蘭湖督學戴文節公任滿北歸屏執

事造訪語次謂在粵不見足下人將議我足下可不
出耶同學述其言皆歎異

四十九歲

二十^年 戊申制府者中堂^英差官送親書天南偉人四大字越數

日糧道黃壽臣到館速往督署拜謝一見力辭憲駕
枉顧中堂每以為憾

五十歲

二十九^年 己酉就館越華書院前黃中^恩丞借寓書院臨行留饋物

件值數百金皆給監院一概不受

五十一歲

三十^年 庚戌五月院中蓮開並蒂辦大逾常張清湖諸君以詩

畫記之

文宗御極特旨召用軍機發六百里催起程十一月至
京吏部奏准 召見一次 天語垂詢周詳踰六刻
乃退補工科掌印給事中

五十二歲

歲出元年
辛亥二月奏叅穆廕奉 硃筆該給事中人甚端方軍

機擬旨斥責亦無議處八月以內艱聞訃回籍都中
某公致羅文恪函有云自蘇公一去而臺諫無謹言
之語

五十四歲

^{三年}癸丑

廷寄着帶紅丹船赴江南助勦具摺奏請臣不習軍務且水師內河與外洋已有區別以文員統帶外洋水師實不勝任乃保薦吳全美陳國泰二員可用奉 硃批既不能督帶師船着無庸前往仍責成該員會同督撫籌備紅丹船經費以資接濟又奉 旨在省勸捐踴躍輸將全無苛派得餉報最

五十五歲

^{四年}甲寅省垣多事當事議募夷兵數千守城已成謀矣以

拒虎進狼之說變色力爭言之再四遂不果行省垣
賴以安堵又以軍餉支絀議派鋪捐力言其弊而止
佛山失事大府檄調肇慶叅將崔大同來省力陳肇
城為粵中咽喉非崔叅將不能守調省與兵勇不習
未必得力乃以別策婉拒而肇城遂失及崑軍門壽
報蘇海等破西江水賊即勸乘勝赴梧州防守遏賊
西竄而某觀察以越境為辭梧州遂失此兩事當時
頗傳後乃諱言之賊圍省城時日上鎮海樓商辦守
城事宜保薦衛佐邦林福盛可練勇殺賊事平軍功

報最紅匪將近省垣即陳請大府提銀萬兩給旗員
養練餘丁助勦當事以糜費辭力爭而後可及北門
之役有效當事始帖然是時軍令獻耳記給賞人不
自保力陳其弊謂諸生過往亦不能保即行停止都
司黃耀吉之保守三水無三日糧兵潰且在旦夕與
大府力言設法從間道轉運不但孤城獲全實為西
北兩江保障蔡麟洲觀察語僚屬云吾輩受庇於紳
士良可愧也事平大擬請獎大府令王都運增謙先
容擬保卿職花翎封章待發力却而止

五十九歲

戊午八年奉旨偕羅大司農龍太常督辦夷務駐江村會

夷輸款改督辦團練駐肇慶

六十歲

己未九年主講端溪書院

六十一歲

庚申十年三月侯賊擁衆十餘萬自懷集東竄殘廣甯困四

會鄉團皆敗烽火逼肇郡郡民隨官眷紛紛遷避時

崑軍門壽自梧來引疾赴省以舊交挽留強而後可

適接勞制軍崇光飛函親筆書在城文武雖多所恃
為長城者惟老兄與崑宮保云云即日飛札調惠州
兵守城又札飭黃都司龍韜黃都司鏞許守備連陞
帶勇分護距城各鄉召七營將弁齊集書院激以大
義謂余奉命團練城存與存諸君謂何皆面赤同
聲荅應惟先生命是聽於是分段設守畱室家示無
去志守具畧備七日而施溥統帶提標兵至民知城
可堅守移居城內社廟俱滿賊數千抵城東水口見
兵勇列岸不動鼓聲隱隱山谷恐有伏逾時退去黃

許諸軍又大獲勝仗賊鋒大挫連夜東竄而郡城獲全賊中奸細供云事起倉卒不料此城有人云四會被圍旬日糧盡將潰召高要許令慶鎔曉以大義令轉運以救隣封糧至而圍解事平郡民感德釀錢以獻且請建德政祠力却而止又辭不作生日

勞制府命高要許令以二千金代買宅辭不受

六十三歲

壬戌

同治三年

穆宗登極以團練善後事竣奏聞九月特旨
召用十月六百里 廷寄催促 兩宮皇太后垂問

者再

六十四歲

^{二年}癸亥

入都十月到京引見以道員發往河南是時決意

引退軍營差遣概辭不就擬春融告假南歸倭文端

李文清字皆飛函慰畱

六十五歲

^{三年}甲子

正月奉旨署河南布政使三月初二履任時庫

欸支絀入不敷出數年來司庫所存每月無逾十萬

者欠餉幾至七十萬協餉及駐防綠營月餉稱是將

弁鼓噪委員坐催月九三四前司閉門逃避習以為
常履任旬日於州縣中賢不肖黜陟二十餘人上忙
錢糧報解踴躍未及五月已掃數清完甯陵素稱疲
弊十餘年未常破白至是亦解數千庫儲充裕增至
六十萬軍餉每月按發將弁歡騰士氣百倍故所向
有功駐防前十年僅領一二季餉及是始按季發足
盡裁各項陋規八月代辦監臨場內肅清十月武闈
主試嚴定章程亦無滋事者

六十六歲

乙丑正月初一日奉旨補授布政使

六十七歲

丙寅涓川以拒官拆寨各寨聯絡幾成大變吳中丞駐
葉縣聽縣令哭訴札行王臬司帶兵往該縣剿辦王
臬司意氣洋洋謂事在必行以河北前事為比遂會
同兩道力止之命一知府與前署涓川得民者數人
往曉諭寨民民感激帖服李道有詩紀其事數年間
賊氛時逼省垣晝夜登埤激勵將士城賴以安
陳幫辦國瑞慄悍為諸軍之冠撫軍以下皆為所屈

一見服膺執弟子禮

豫省灾捐廉賑濟全活以萬計

八月初十告病十七日奉 旨署東河總督十月至

濟甯院署自軍興以來堆貯軍火廢壞已十六年僦
居民房諸多未便遂捐貲重修戊辰落成有文紀其
事是時山東巡撫閻丹初中丞駐東昌語其屬云廿
年來無此河台爾等故事之閻中丞告退丁稚璜中
丞接任相見時述僧忠王語河南藩司

宣宗用下的人硬得狠河南官對他不過第二次再談

及叅穆廕非蘇君無此胆識官豫藩時庫款久絀僧
邸督兵勦捻匪徵各路餉甚急惟於豫餉獨紓之嘗
指稱 宣宗直臣蘇公為首

是年奉 旨會同漕督張友山中丞東撫丁稚璜中
丞會勘三省河道所至有頌聲

六十八歲

丁卯秋北岸祥河廳大堤將決署同知王仁福恐不免
遺書述公恩遇投河以殉俄而大溜去堤水立如岸
卒獲堵完公為請卹請祀崇以封號

六十九歲

^{七年}戊辰

六月廿八日滎陽無工處漫口公禱天願以身拯
民難聲淚俱動屬吏感泣各誓認真從事時當盛漲
溜不為奪人以為神十月興工時庫帑支絀適楚解
京餉廿萬道經滎陽議截留濟工豫撫力持不可乃
專摺籲請得旨俞允大農工餉亦繼至明年正月
合龍是役也請帑僅百萬工竣尚餘廿餘萬留作善
後歲修年工糜費至五百萬此次不及十之一二費
省工速為歷屆所無

舊例摠河每日饒金百兩他物稱是由雜款開銷公
除其弊隨員巡捕以下陋規幾萬金一概革除捐廉
按給工食

又奏以軍法從事懲戒一二工次肅然

七十歲

己巳^{八年}大工告成 恩加二級冬間 賜福字

吏部咨取生日服官數年向未舉行至是官吏始知
是年補河督

七十一歲

庚午^{九年}八月生日院內海棠重開李道詩紀其事奉旨

來京十月二十七日交卸告假回籍

七十八歲

光緒三年
丁丑重遊泮水

1. The first part of the document discusses the importance of maintaining accurate records of all transactions and activities. It emphasizes that this is crucial for ensuring transparency and accountability in the organization's operations.

2. The second part of the document outlines the various methods and tools used to collect and analyze data. It highlights the need for consistent data collection practices and the use of advanced analytical techniques to derive meaningful insights from the data.

3. The third part of the document focuses on the role of technology in data management and analysis. It discusses how modern software solutions can streamline data collection, storage, and processing, thereby improving efficiency and accuracy.

4. The fourth part of the document addresses the challenges associated with data management, such as data quality, security, and privacy. It provides strategies to mitigate these risks and ensure that the data remains reliable and secure throughout its lifecycle.

5. The fifth part of the document concludes by summarizing the key findings and recommendations. It stresses the importance of a data-driven approach in decision-making and the need for continuous monitoring and improvement of data management processes.

公居鄉以和睦鄉里為第一件捐貲備荒歲設有局殷
戶主之又捐貲為長利圍救水築基之用朝南三合
等鄉每年大雨水患莫治乃集眾開北塞洩瀦水肇
羅道王公批准即行至今以為利

公少穎悟髫齡就傅塾師命默國風小戎章隻字不訛
即以大器目之

公主講席除院生外負笈從學者恒百數十人課文之
餘每勗以立身行己之道不汲汲於功名為戒士風
為之一變

公天性醇實居恒不苟言笑篤孔孟之學嚴義利之辨
與人以誠士林尊之如泰山北斗丙午丁外艱服闋
富紳某勸駕出山願以三千金助川資以千金安其
家公力却而止其不苟取與如此

己酉奉 宣宗召入都制府徐公仲升知公清况擬
設法湊川資公曰長安無餓死官婉言推却

公家居每以鄉間饑饉為慮倡捐在鄉設立常平義倉
名大以備凶歲甲寅紅匪之亂米價騰貴合鄉賴以
有倉存活

公族姓浩繁連歲水災族人欠糧盈千累百催呼之苦
不可勝言公剖晰清查捐資代為償完爰立埋糧之
法稟請本族糧務分春冬兩季清納數年以來族人
得免催科之苦皆公力也

(清)陳昌運編 清宣統二年鉛印本

南溪韓公年譜

南溪韓公年譜序

大抵世運將興必有豪傑起而締造之其衰也亦必有人焉力救時艱維持大局而成敗利鈍聽之于天自古迄今彰彰可考如南溪韓中丞卽其人也公處爲名士出爲名臣其志向之遠大品行之直方諮訪之冲虛謀爲之勇決概從知言養氣之功以出于公從事年久知之最深恐事蹟久而就湮致輯史者未由採取爰將見聞所及代叙年譜用備遺忘卽以傳信云爾同治三年歲次甲子仲春穀旦胥浦陳昌運書于思南郡署

南溪韓公年譜

晉浦陳昌選撰

公韓姓名超字寓仲號南溪世居直隸永平府昌黎縣城南五十里之韓家營

嘉慶五年庚申

年一歲十一月十三日生

嘉慶六年辛酉

年二歲

嘉慶七年壬戌

年三歲

嘉慶八年癸亥

年四歲是年胞弟培元生

嘉慶九年甲子

年五歲

嘉慶十年乙丑

年六歲

嘉慶十一年丙寅

年七歲

先資政大夫教以誦讀略識之無是年胞妹生

嘉慶十二年丁卯

年八歲是年入塾受業于從堂叔祖仰賢公讀四書

嘉慶十三年戊辰

年九歲受業仰賢公讀詩經書經

嘉慶十四年己巳

年十歲受業仰賢公讀書經易經

嘉慶十五年庚午

年十一歲受業仰賢公讀易經禮記

嘉慶十六年辛未

年十二歲受業仰賢公讀左傳

嘉慶十七年壬申

年十三歲受業于從堂叔一山公讀左傳及朱子章句

嘉慶十八年癸酉

年十四歲受業于劉子欣先生學爲文詩

嘉慶十九年甲戌

年十五歲受業劉師

嘉慶二十年乙亥

年十六歲受業劉師赴縣府應童子試

嘉慶二十一年丙子

年十七歲受業劉師赴院試未獲選是年娶太學段公屏翰之女誥贈夫人段氏

嘉慶二十二年丁丑

年十八歲受業劉師赴縣試

嘉慶二十三年戊寅

年十九歲受業劉師正月赴郡應試入泮學憲爲濱州杜石橋先生

嘉慶二十四年己卯

年二十歲受業劉師初應鄉試

嘉慶二十五年庚辰

年二十一歲受業劉師是年胞弟完姻

道光元年辛巳

年二十一歲受業劉師再應鄉試

道光二年壬午

年二十三歲受業劉師三應鄉試連年饑饉

先太夫人親操井白日以窮

乏爲憂鬱成疾

道光三年癸未

年二十四歲受業劉師是年二月初三日 先太夫人溘逝 先資政大
夫念結髮伉儷以憂鬱沒誓不再娶鰥居二十餘年

道光四年甲申

年二十五歲應樂亭縣魏氏之聘教授生徒

道光五年乙酉

年二十六歲仍館魏氏四應鄉試

道光六年丙戌

年二十七歲仍館魏氏是年胞妹適劉氏

道光七年丁亥

年二十八歲仍館魏氏

道光八年戊子

年二十九歲仍館魏氏歲試考列一等學憲爲南昌彭 先生五應鄉試

道光九年己丑

年三十歲在家設館授徒

道光十年庚寅

年三十一歲仍設館于家科試考列一等食廩領學憲爲浙江沈鼎甫先生是
年長子演東生

道光十一年辛卯

年三十二歲仍設館于家六應鄉試

道光十二年壬辰

年三十三歲仍設館于家七應鄉試

道光十三年癸巳

年三十四歲仍設館于家

道光十四年甲午

年三十五歲仍設館于家八應鄉試取中副榜第二名房師爲德清蔡雲士先生
生主考穆史汪姚四座

道光十五年乙未

年三十六歲仍設館于家九應鄉試

道光十六年丙申

年三十七歲仍設館于家

道光十七年丁酉

年三十八歲仍設館于家十應鄉試

道光十八年戊戌

年三十九歲仍設館于家長女生

道光十九年己亥

年四十歲仍設館于家十一次應鄉試是年粵海氛惡慨然有投筆請纓之志

道光二十年庚子

年四十一歲仍設館于家十二次應鄉試

道光二十一年辛丑

年四十二歲應本縣曾明府之聘入署授徒

道光二十二年壬寅

年四十三歲數年前曾就直隸州州判職因累試不第欲捐足本職分發分省
學習銀不足數僅捐足雙單月選值天津防堵赴軍投効議和撤防保准以本
職遇缺卽選

道光二十三年癸卯

年四十四歲住京投供候選又應鄉試連前十三次矣教讀于龍爪槐廟及光
州徐主事寓所以資日食

道光二十四年甲辰

年四十五歲值貴州奏請揀發于二月間以直判借挑貴州府經歷三月由家
起身六月到貴陽十一月委著三脚屯州同篆務十二月到任

道光二十五年乙巳

年四十六歲在三脚屯任因地多劫搶勸民聯團並時時親歷各村訓誡之五

月十六日巳時聞盜劫距城十五里之苗親塲之岑姓公簡募差役與市民之勇敢者共三十餘人會營冒雨馳救比至盜已飽颺跟逐六十里日暝宿民家探知盜在五里外造飯定計五更分股一繞截其前一攻其後而盜早于三更時遠遁追之不及乃還民甚感悅此後盜亦屏息東道陸公元煥察悉情形大爲揄揚于省憲是年長子演東完姻

道光二十六年丙午

年四十七歲二月卸三脚任回省

道光二十七年丁未

年四十八歲五月委署獨山州篆務是月到任稟辭之日巡撫謂公曰獨山地廣俗刁劫盜訟棍層見迭出素稱難治故擇能而使委汝前往對曰大人若爲卑職作主不甚拘以文法卑職能辦巡撫曰准汝便宜行事好爲之公到任訪士人有品者尊禮之謂此人足不及城市有古賢士風官斯土者應致敬盡禮以風士林于是士人咸思自愛不預詞訟間有無賴之徒唆訟扛訟者懲治數

人其風漸息念戢盜莫如齊團延城鄉公正紳耆十餘人款以殺饌縷陳齊團之利並引古今成事證之凡若何聯絡若何守望若何堵截若何尾追接仗之頃步伐若何止齊若何張示之外復爲口講指畫衆聞而欣然樂從一鄉團練既成必請公親閱公輕車簡從徧歷各鄉自備旅費杯水不擾討訓團練之暇呼其父老子弟教以孝友睦婣任恤道破俗情勉以大義聞者忤然感動城北兎場之蕭毛大城東雞場之余王蔭各霸一方窩匪強奪威嚇取財人不敢校亦不敢訴官恐致殺身之禍公用莫生縛蕭用廖生縛余立致之死兩月之內北東兩方巨患皆除城南愁寨素爲盜藪役至則毆逐之案積如山無如之何公一日詣鄉驗屍計離其寨不遠可以用計辦理驗畢歸途夜宿一村距其寨十里密誡兵役四十餘人曰明日迂行出愁寨相機行事可辦則辦不可則止爾等切要將心放穩不可驚惶行五里許聞愁寨鳴鑼吹角兵役傾耳以聽公笑曰不必聽他須臾見百餘人登山瞭望言語喧囂如欲拒敵者然兵役曰登山矣公笑曰不必看他比至寨聲形俱寂蓋見來者從容莫能揣測遂半

匿山林半匿室內公肩輿入寨擇地下輿坐胡床吸烟飲茶不動聲色久之寨人見其無他間有來前者公從容與談農穀及入城道路來者聞而益前內有一人氣象不同問之劉姓在此教讀兵役密告公曰此人卽此寨之謀主宜加意公與閑談漸及寨人不法事謂凡告必有訴此等愚民任人告官彼一味避匿無有分訴是以誣之者益多汝宜開導若輩劉曰甚是甚是當徐諭之

先是公知寨分大小二村大者北小者南路在小寨公先坐小寨路旁預分十人持械繞循大寨北之山麓飭伏林間聽公在小寨响鎗二聲便出林赴大寨縱火穿寨而南却回顧北山林內呼三棒汛兵在林內等候不必出也緣寨近三棒汛天下太平人畏兵威故以此虛張聲勢且出奇雖止十人使之莫測多寡是時公留劉姓在身邊爲質料羣匪顧其謀主且奇兵另至林尙虛伏汛兵必不敢輕動適匪之匿室內者惡役過其門舉兵相擬者數人役執之以獻遂乘勢响鎗兵役齊動而伏林十人亦如誠而起匪驚竄僅擒十八人公諭之曰人多告爾等爲匪爾等愚蠢終不赴案所以誣告爾等者更衆今我帶爾等到

下司土官署一問如果負屈卽申下司開釋離爾家止三十里耳又諭劉曰汝乃讀書人此寨以後託汝化導有成效我必獎汝此番到下司問案汝可同往以開導渠輩回日汝與俱回劉姓願同往將行忽雨公念附近皆不良之寨行至下司始脫離匪境雨滑行遲難達中途無可駐足不如宿此明日徐行遂命噉飯勿近酒知該處慣毒人故也飯畢雨止仍行所帶十八匪合劉姓共十九人每數人以兵役間之知前路崎嶇難行走使輦空轎公乘馬爲殿旣出寨察役尙缺九人知其噉飯命催之公下馬坐盤石上吸烟以俟九人飯畢齊來公始上馬步伍整齊暇豫不迫遙見山上觀者錦簇無敢放恣初更入下司土官署食後謂劉曰夜已深不及訊明日州署再訊矣將行劉請回強之同行安抵州城下獄愍寨告人曰我寨向不知何者爲官乃竟來寨拿人拿畢不行尙噉飯出寨又下馬坐石上似此舉動不知暗中還有多少兵馬見之膽寒言之吐舌

琴寨亦盜藪前州牧親至其寨衆毆而走之差役奉票不敢往緝公派役授意

前往縛其首從數人以歸

一染坊被劫報案票差緝獲夥盜白姓訊悉黨與約數十百人多是某寨土著派差往捕羣起拒敵差潰有二差及染坊引路人陝姓被盜捉去欲擇日殺以祭旗若大兵來討卽遁入粵西至日縛三人于樁一僧痛陳利害方罷仍縛而墜之石洞時時引出鞭箠燒刺公聞信商之同寅幕友咸謂如此兇狠急之恐變若激成軍需上憲必尤之不如姑且含忍徐以圖之公不以爲然乃集諸總役諭之曰今日之事人言如此以我想來怕成軍需姑且含忍倘另有反亂者起豈能不辦若遇盜案便怕成軍需則盜風愈熾禍何可言聞我未到此以前爾等不敢出城南五里有之乎衆曰然公又謂爾等既不耕田又不負販來此充役必係遊手好強負氣敢鬪之人豈畏盜匪特前官不爲作主所以爾等束手衆曰然若官肯作主我等未嘗惜命公反手指鼻曰此人姓韓乃不畏強禦之男子也爾等若隨我去則與軍前一樣無論生擒殺斃均有賞賚若因殺死省中辦擅殺之罪則我在行間我自當之如牽累爾等則非人類鬼神臨上大

堂外萬眾觀聽敢食言乎十三總役齊聲高叫曰如此不需官親往我等皆願
決命無不成功是時堂前差役數百皆努目豎眉有如臨敵公退呼總役密語
之曰爾等既齊心大事必成但布置亦須得法爾等各帶手下人分十三股每
股約百人宜于五更潛抵賊寨以八股分八面圍寨而寨南之東西二寨與賊
寨爲品字形素同氣類以四股紮于賊寨之南以杜二寨來援以一股救出洞
內三人先護入城謹依我言必可得手回日排隊徐行倘追至則殺所擒以拒
我再親往接應眾依計而行賊不能敵擒二十餘人以歸距城百里爲徐行故
行三日方至沿途觀者如堵自此各鄉踴躍團務大行臬司通飭下游府廳州
縣囑全照獨山辦理

獨匪有越境劫都江廳者移文指名來索派役圍拿解送自此劫盜斂跡村民
夜失牛偷兒去後事主覺而追之不及乃依團練章程鳴鑼吹角須臾角聲四
起近者助追遠者截路偷兒棄牛匿草間事主獲牛以歸

一染坊被竊亦鳴鑼吹角遠近應之偷兒無處可逃人賊俱獲士民欣喜曰誰

料團之利益如是哉

公去任後而團漸弛五年後獨匪楊元保等反亂公奉調往征雖不能立復舊團而民間公至多肯出力故不四月而賊平

道光二十八年戊申

年四十九歲六月卸獨山事回省十月聞訃驚悉 先資政大夫于七月初

三日溘逝立即成服開弔因乏資斧難遽奔喪欲圖一館地以修金作歸資遂就輿義知府後升東道張公之館教其四子

道光二十九年己酉

年五十歲正月到興館十二月回省

道光三十年庚戌

年五十一歲正月起身北上五月至家聞賊起廣西之貴平縣

咸豐元年辛亥

年五十二歲起服南下五月至貴陽十月黎平胡太守邀公赴黎帶勇緝盜除

公文請院司派往外並函託首縣勸駕胡卽後來巡撫湖北戡定鄂疆太子太保諡文忠名林翼者也是時粵匪鴟張粵湖三江所在緊急胡公憂國如家愛才如寶不矜己技善集衆長公季冬抵黎一見魚水言聽計從教演勇丁漸臻熟習

咸豐二年壬子

年五十三歲粵匪有入犯之說公帶勇紮營懷遠縣之靠頭以防粵匪竟日操習水陸俱防聯絡黔粵鄉團爲助賊不敢近秋冬之際烏沙雷公山苗匪肆劫省憲命胡公往勦公爲前敵數月之中斃匪數百至明年三月而事平九月長孫方炳生

咸豐三年癸丑

年五十四歲是年五六月公在省養病黃平甕安奸民先後滋事胡公親督勇丁勦平公以病未興七月委署清江通判八月到任

胡公已升東道是時湖北大亂省城屢陷奏調胡公赴鄂公赴鎮遠送之代挑

勇士六百盤桓十五日胡欲公同往公辭之曰黔不久必亂我仕此十年養家葬親皆出于此平時食其祿及亂而坐視之我不忍公辦鄂我辦黔可也他日帶兵周行各處尙可相見胡登舟去果于明春獨山變起

清江爲苗藪內苗與外苗勾結劫奪肆行曾戕武官殺死兵役通判親出屢被逐回一日白晝劫城門外居賈文武不敢救護緊閉城門無一人敢登城瞭望賊得財後由北門循牆徐行至東門始離牆而去城中協府有存城兵六百人不發一矢武備廢弛至此曷勝浩嘆公以廉俸募勇丁六十一日三操練習陣法數月悉成精銳奸民聞而畏之河下畧拐之船永不敢行走除盜之法各鄉用人哨探有踪即派勇往捕苗賊之烏鎗環刀是其長技遇勇卽敗擒斬無數四境肅然

咸豐四年甲寅

年五十五歲三月獨山州匪徒楊元保等造反公奉文往征添募精勇二十共八十人于三月二十三日抵獨山先是他軍奉調經過州縣意外需索甚至入

署大譟刀砍堂柱公過州縣自發軍食秋毫無犯亦不聞嘈雜之聲官民稱爲紀律之師公以此語勸勉勇丁使之益知謹飭

公抵獨之前賊圍城經來援之楊遊擊廷柱擊退三月二十三日楊與徐知縣

帶兵勇千三百人由望城坡進紮土井是日公到城明日聞賊欲由甕坑繞攻城之西南以牽制土井之衆公立出城紮營甕坑二十五日黎明古州馬守備率兵二百二十至營與公合軍進駐大地

二十六日公與馬弁督師前進將紮營聞賊衆數千于一二時前往撲土井大營公命停紮率師跟追冀與楊徐成夾擊之勢行至八九里外遇賊轉回公率親勇八十當先陷陣殺賊數百賊四散奔逃越二日英叅將率提標兵四百至營與公合軍

此後破播讓洞地壩洞捷于董你楊元保窮蹙四月二十二日自粵地擒元保解省正法或欲以此蔽事公不可曰反者本多股而奏報止舉元保今元保雖擒餘股尙多撒師而餘股大熾咎將誰歸爾時上憲責令終局難于此日矣或

曰此後再辦多是粵匪不可怒也怒之則留至難敵公以理勢徐釋之或無言而退

五月初一日攻破蠻往十一日移駐蠻維燒殺賊匪又移駐四亭與拉溜二十一日攻董甕山山甚險峻先二日楊軍與邱貢生之團攻之不下邱勇陣亡三人公冒雨進軍見山勢難攻誘之使下擒賊首劉仲林丁老喬及男婦二百餘人是時各股敗匪盡入南丹之芒場大山楊徐分軍後陶前令履誠贊助楊軍楊陶邀公與徐進駐芒場徐不願往退歸州城公與楊陶至芒場楊營之兵以南丹炎熱諫而欲歸公營提標之兵亦然百般諭之竟不能止於是回駐四亭兩軍勞久思歸環請卽撤勢不可止不得已許以緩緩撤歸俟上憲許歸文至卽撤回州城於是楊陶退紮三棒公退紮鐵坑以徐俟上憲許歸與否之文其實並未稟於上憲姑退紮以安軍心且以候四亭之消息是時鄉民固求勿撤奈弁兵驕不用命不得不退密語鄉民官軍姑退紮數十里以觀動靜不遽歸城

六月初四日四亭何監生等赴營飛報謂賊復來現攻打金龜石泣請速回禦敵公設法勸慰軍士明日仍回四亭

初五日至四亭初六日獨匪粵匪約數千先後大至我軍接仗獲勝分股逐賊左股忽却賊乘之遂敗是夜楊派千總賈連陞率兵五百來援

初七日賊以數倍之衆來犯公分三股待之戒勿輕動俟賊入窄處然後擊之必勝賊鳴角揚旗作來撲之勢終不輕出蓋憚入窄處也自晨至午相持不戰賊乃於三路之中以中路虛張聲勢似欲赴窄處拒我中股卻增厚左右二路前進高聲喊叫跳舞若狂我軍凝神寂聲靜以待之公飭聞我吶喊然後羣和先是公派賈連陞帶二百人駐於右股之後以便相機應援公知中股窄徑賊不出此戒中股俟左右股進則中股亦進賊勢中虛不能抵拒但須急火四亭賊營火起卽是大功切記切記賈弁見賊左右二枝漸進遽從我軍右股之右衝出賊不意賈軍突出大驚忽賈兵砲斃一賊賊懼反走先是公察知賊之精銳在右且紛至沓來其勢浩大乃身率左股當之正在督戰見賈兵得手立飭

軍士隨我大喊餘股因同喊聲若崩山催左股齊進賊前鋒却退逐之賊右路正伏數千人踉蹌齊遁此左股情形也中股乘勢猛進燒四亭賊營賊輜重老弱皆燬左右二路賊見火起益驚須臾右股與賈兵俱至四亭此中右二股情形也既得手後三股分追斃賊約八百餘人沿途鄉民截殺與獨匪粵匪互相殺三日內共斃賊一千五百餘人經此大捷獨境始平論功公升知縣加同知銜並賞戴花翎

七月公赴省銷差閏七月回清江任八月桐梓縣匪徒楊龍喜造反陷城並陷仁懷安南普安各縣城分攻綏陽正安黔西遵義各城公奉調與遊擊烏爾滾珠統帶丹江清江台拱鎮遠四營兵丁並公親勇百名共九百五十人赴桐勦賊八月十八日公自清起身中途遵義告急改赴遵義二十六日至團溪水與烏及四營弁兵相見烏本不欲俟公至自帶兵先赴遵義因正路賊沮繞行他路他路又有賊沮如是者數次不敢前進聞公將至聽衆弁勸語回至團溪水晤公公謂直走路寬而近繞走路窄而遠且繞則示賊以怯直行則示賊以勇

衆曰直行好遂於二十八日宿龍平二十九日公帶親勇爲前鋒清兵繼之抬兵又繼之烏率丹鎮兵在後均定遇賊戰鬪之法切戒撓越驚惶中後遇賊我必救援前鋒遇賊中後但立定脚跟不需來助我自抵禦我進則遠遠隨行可也。能遵我約賊不足慮衆諾之行至離城十餘里之地聞隔山角聲知賊出拒使清兵登右梁與公犄角使丹鎮兵接應清兵自率親勇當先使台兵爲接應賊先見右梁兵正在注視公以前鋒由左突出賊失措勉強接仗斃數十人遁入丁字口大街公統全軍入城

與賊迭戰於城外之獅子橋紅花岡白虎頭螺螄結鳳凰頭空閣寺一帶均獲勝仗並屢解趙提督徐知縣之危

是時西南至普安安南東北至正安方千里之地賊踪徧滿遵城外雷台山大因保二處賊營棋布其勢浩大公閱視城外地勢惟紅花岡最要賊據則俯瞰城內我駐營則城外必無虞欲出紮于此而弁兵不願久之設法紮出楊逆見官軍占踞要地深責僞將李七三躋紅花岡而不踞終爲官軍所踞也李銜之

遂分軍

城外營八座滇二營可以自保趙提督五營每戰必敗公營屢救趙軍得不全覆文武會商議論不一遷延退縮賊勢日張公時獻策如水投石遂不復言一日會商咸以官軍屢敗爲憂相對長嘆束手無策察目公曰兄計安出公謝以無策衆固請公對如初督辦承觀察引公至別室曰兄平日一番爲國爲民志氣若何遠大近日不發一言今日仍固辭而不畫一策我與兄自獨山共事頗蒙不棄今日務念舊交賜一生路但力能辦無不遵命以行公曰兵要出奇制勝賊席屢勝之威有輕我心以爲彼來攻我是常絕無我往攻彼之事承曰然公曰我與趙各將一軍分攻雷台山大因保今夜三更造飯四更出營伏於賊營近處黎明潛襲未見賊要靜密既見賊要勇猛依此而行必得手承甚以爲然言于衆皆以爲可立寫軍帖數紙分給將弁依約而行議定趙攻雷公攻大是夜四更公帶軍潛伏賊營近處熹微辨路卽進崎嶇之甚降如墜井躋如登天不言不噓悄靜而前離賊營數十步賊始覺驚呼慌亂我軍大喊震天一

擁而入一面斫殺一面縱火賊營三座登時踏燬分軍追殺餘賊遁歸雷台山正欲收軍城內彭協專人來告曰趙違約天明始起日出鳴角高舉旗幟而行與平日出隊無異賊知而迎之半途接仗趙軍傷亡數百大敗而回請兄速退否恐雷大二股萃于貴軍也公乃分軍爲左右二枝左拒則右退右拒則左退更換不准踰五十步傳令甫畢賊果蜂擁而來見如此收軍遂不敢偪我軍徐收以歸不數日賊復築大因保營壘

城外十里大街墻屋堅固賊匿其中以爲雷大外郭偪近城垣大爲城營之患公始至卽倡議燒之人多不以爲然十月以後日日打仗官軍一面拒敵一面拆屋爲薪數十日間街屋漸稀賊漸縮入雷大其勢日蹙

先是公以親勇太單遣弁赴下游募勇日久未來是時川兵克復溫水桐梓九壩等處鄉團四起翦賊羽翼邊城外逐日鏖戰不休每夜公遣人驚擾之賊一夜數起楊逆憂之公遣閒入賊營散布流言張我聲勢并于十二月十五日戰畢收軍之際使聲洪者登高大叫曰楊龍喜奈何至愚極妄如此自古豈有皂

隸作天子乎且李七全軍覆沒矣官兵團練紮于蒲老場一帶屢敗汝軍汝等血脈不通矣遵城汝不能得大街全燬雷大孤立破汝卽在早晚矣川兵克復桐梓仁懷溫水九壩場汝等退無所歸矣汝造反應死可惜隨汝者俱是好人乃與汝同死耳喊叫三次是夜楊與其黨密商逃遁將赴粵西十六日官軍索戰賊猶出拒力不能支漸漸退縮火箭飛燒其營又自己失火燒火藥數百斤烟燄漲天官軍正在進倏忽來一軍約數百人從容而介立於官軍之間問之答曰新添之韓勇昨到紅花岡營公親勇聞而相詰數百人忽喊殺傷官軍數人始知爲賊官軍大駭陣遂亂紛紛退走兵賊錯雜賊不辨兵無可斫刺兵不辨賊不知所拒退入山溝公正坐小山督戰見兵勇過山下大聲謂之曰賊並不多爾等何以遽退對曰不辨誰是賊所以退也公舉手虛指兵勇後曰彼卽是賊爾等殺回可得重賞其實公亦不辨也兵勇聞而止步回頭賊聞之以爲公立高處定已辨明誰是賊匪遽反走兵勇見其反走知其是賊合力追殺賊大潰一賊渠執大白旗隨衆潰退公身邊一兵善九節力大砲兵勇退時公飭

連放大砲遙轟後賊以緩其追至是一砲正中執旗渠倒地于是賊之在營外者全遁入營日已夕官軍亦歸

是日公歸營所募新勇四百亦至是夜三更賊燒雷大營盤而遁十七八日各營先後追逐公因新勇初至十七日點驗編伍簡放隊長十八日教演陣式十九日拔營追賊探聞賊入磨盤山由董公寺追至混子場沿途殺賊黨七八十人探悉賊未出此寔往黔西與安底之王三乍巴合夥乃返遵城將由遵赴黔西適接巡撫書謂各軍西追省城空虛飭公迂路至札佐相見再由札赴黔以遮省城公于除日至札佐謁見巡撫

咸豐五年乙卯

年五十六歲正月初一日辭行向黔西沿途搜殺賊黨及遊勇之擾民者抵黔城圍已解賊竄大定

十七日公至大定賊竄畢節又折向東南公慮其入粵越境則勦辦倍難時分八股追賊公商之各股謂非攔頭恐入粵西今擬各軍追尾我軍攔頭衆以爲

是遂誦賊跡期出賊前賊打大灣轉十九日聞賊趨扁担山公迂路赴鎮甯州
二月初三至巴路遇雨聞賊在坡貢初五赴坡貢賊方早餐聞公至遽走急追
之行數里至枒口山山高徑陡賊欲便于登躋盡脫紙甲拋棄曲徑既登見山
勢險峻可守可戰遂據以拒我鎗砲齊發掀巨石滾下滾時磕動羣石放一石
下便有數石至地公知難仰攻密派烏旗等隊由右路繞登以攻其左使賈都
司率部兵由左路繞登以攻其右自督勇貼身山脚用鎗砲遙擊以攻其中巨
石連傷數勇公足邊有巨石滾至衆勸稍退數步公不肯衆因益奮無肯移足
半時許見烏旗已登殺賊賊反奔公大呼曰烏旗已登爾等速上貼山脚者噉
殺騰上賊大潰公命一面追殺大股一面搜山林內匿賊忽有一二百人由枒
口寨中衝來隊長楊紹賢迎之與當先賊首交鋒賊矛墜地賊手撥楊矛而進
互相揪扭滾落坎下羣賊齊進勇丁奮殺賊首並斃賊黨十餘人餘賊遁去是
役賊占地利捨死抵拒卒以右路出奇制勝惜左奇畏縮未能早登設早登則
三路合擊可以盡滅賊匪後獲生口知所殺賊首卽王三乍巴也

是時官軍追賊者股數衆多然多不敢接仗有與戰于大岩脚者爲賊所敗自坡貢一仗後官軍或敗賊於關嶺或敗賊于羊場賊勢漸微旋又連挫官軍其勢復振公急欲追及與決奈一聞公近卽兼程奔走苦于難及乃簡銳五百不携鍋帳不運米糧不紮營壘夜宿民房買飯以便行走每日行八九十里或百里冒稱某營韓弁之軍使賊不忌三月初五日至龍溪聞是日特白二軍敗績於猴場約特白兩協明日平明與公合勦於猴場二將允諾初六公至猴場特白不至正欲以所部獨勦詎知東方未明時賊向葛彰司竄去公料賊行三十里至葛必食須停歇一二時趁此急追可及遂命捲旗靜悄以進近賊始張旗大呼韓軍來矣自坡貢後辛苦又一月今日始得及賊幸甚遇賊力戰不必生擒勿獻首級殺倒卽進總以多殺爲主衆曰唯

離葛二三里知賊方食遂分二路大隊由正路公親率百餘人由山頭高處犄角而進里許賊瞥見遽鳴砲吹角渡河一舟沈溺死數十人旣渡繫舟西岸使追兵無舟可渡並排列岸上以拒我軍至河干始張旗大呼如飭賊驚顧曰又

是此輩來我軍無舟分股跣淺徑渡方至河面之半賊已大奔我軍登岸見賊遁入山口公懼其據險死拒揮紅旗隊先登左山然後督大隊入山口賊果拒守交鋒殺傷二勇見左山紅旗隊大呼馳下賊潰走

先是公謂諸隊長曰楊逆不死事無了期彼自負英雄假仁義以籠絡其黨可用計使其心灰黨散後當迫逐時使聲洪者一人高叫曰汝既造反亦是好漢奈何不達時務汝窮蹙至此尙將安往縱逃至天邊終被擒獲

皇上祇要汝一人其餘概從寬宥汝是必死之人忍以汝一人之故使親戚朋友皆死于跋涉死于刀兵乎再三高叫却竭力追殺衆曰謹記逆因傷病不馬而輿是日見事急棄竹輿負以逃踰山五層至六層山腰追者至負者疲困不支楊逆亦氣喘難續忽聞高叫如前飭遂坐地不行其黨勸行楊逆舉刀叱之其黨捨之去楊逆自刎甫橫刀我軍逼近攢刺斃之驗明首身飛解巡撫行轅巡撫奏捷公以斬王三乍巴功升同知直隸州以斬楊龍喜功升知府

餘賊竄銅仁公追至銅賊又他竄而台拱廳告急之文至知苗匪于三月十七

圍攻台城公遂返旆援台未至而圍解公于三月二十九日至察看情形商之同事擬于撫中寓勦誅首惡以懲凶頑赦脅從以安反側同人所見相符乃寫告示遣良苗徧諭各寨使之捆送首惡或斬送首級其餘一概不問各寨願從業已收到首級八十餘忽從黃平僭事

黃平生員三人承州牧教官之意謁公請調兵三萬益以團衆十萬盡滅苗人公不允復赴省稟巡撫亦不允回日竟張示諭大書滅苗清產安屯設堡一日聚數千人聲言亮團以示威至近苗處苗數百人出而喊殺數千人潰而歸苗于是刻木相約千里苗疆紛然蜂起

五月中旬苗匪燒殺漢村並陷岩門司汎城戕殺文武官弁數人屠居民殆盡公率軍雕勦小捷者三至五月二十一日賊以十倍之衆與我軍鏖戰于排羊我軍敗績回台餉絀軍單賊氛徧地雖時常開仗僅能護城之附近而已

咸豐六年丙辰

年五十七歲正月胞弟培元卒于原籍

長女適同邑李氏

鎮遠文武約公至勝秉會合鎮軍勦辦大江小江之賊公于二月初二日拔營中途層層賊沮不能達勝宿于五岔賊日日圍攻公督軍力戰賊死傷無數十餘日後不復來攻

公于二十日率軍赴勝數十里間賊以數萬人層層截殺我軍大敗僅得入勝城至此始知鎮文武受巡撫密諭託辭誘公離台以保鎮遠明言之恐公不肯拔營也公駐勝休軍添造器械賊日來攻打我軍力拒賊不得逞後不復來城外但遠遠圍困公乃于四月十三日設法行走是日抵鎮

見我致魏令承祝書而敬禮者胡宮保也見我萬言書而收用于天津者陸道台後督兩江建瀛也見我萬言書而起敬于貴陽省城者臬司孔公之友瑚方伯兼護撫印呂公侄孫也四月中旬四川副將蔣玉龍率兵抵鎮五月初一初三與鎮營遊擊楊啓賢及公各以所部出紮老城擬先援勝秉次及台拱清江駐紮七十餘日打仗數十次六月內攻破塘頭哨賊營數日後賊壘又成七月

初二解米勝城以濟飢先派軍分破賊營疏通道然後送米入勝老城至勝四十里送米之軍必于當日轉回方安往反八十里賊又營卡蟬聯層層沮截殊難萬全定計黎明出隊分襲賊營送米軍跟踪卽進而分破賊營之軍又候于半途相接應故能一日往返無有沮滯

勝久苦饑米到縣丞止分給兵勇未給居民民有怨言是夜內應引賊入城城陷賊遂擾鎮西與鎮東之邛水一帶欲直抵青溪玉屏斷大河楚米以困鎮會議勝既難圖姑且保鎮議定蔣楊守鎮遠公紮邛水以護大河

公率所部七百人于七月十七日至邛賊初零星來哨尙未大舉收穫畢賊糾衆三萬來攻紮營十里內外日夜接仗我軍頗有斬獲十二月公用內應舉火夜襲賊營破之賊遁歸巢是秋奉

旨加道銜

十月補石阡府缺

咸豐七年丁巳

年五十八歲分軍紮營瓦寨長吉與印犄角自五年六月餉糈不繼至是愈形支絀覺籌餉之難甚于勦賊

三地營盤勇丁長夫共二千五百人每月或打仗十餘次或數次不等均獲小捷

七月公兼署思州府辦印思兩地之事思民抗糧紳衿把持公事業經數年公出示不要折銀止納本色不許淋尖踢斛天明開倉雖夜亦收雨雪亦收不使民久住城內民以爲便踴躍輸將擇紳衿刁劣之甚者懲治數人以後無敢恃符玩法惟軍餉匱竭不得不加意拊循愈撫愈驕漸不用命大爲可憂

九月接奉行知奉

旨韓超著軍機處記名遇有貴州道員缺出卽行請

旨簡放欽此

咸豐八年戊午

年五十九歲去冬思南教匪竄擾石阡阡守告急公派潘弁帶勇三百五十人

往援連獲勝仗而賊愈聚愈多孤軍可慮是時卬防緊要不便多調正月底公率勇百人繼進連日頗有斬獲遂由桶口渡河進紮一碗水乃賊穴也先是得勝追逐之時軍士貪擄財物離伍深入被賊捉去七人拷問知我虛實賊相謂曰彼軍雖勇我若以二三十人敵彼一人無不勝矣乃以萬餘人四面來攻更休迭進自卯至午我軍竭力抵禦卒以衆寡不敵大敗退至塘頭適卬水有事兼聞思州另委人接署而以公署理鎮遠鎮卬皆禦苗頭敵公自揣不能兩兼須繕稟辭委而思州交代之事亦須速辦遂回思署

二月卸思任以卬營派都司潘忠友統領身駐玉屏措餉爲後路糧臺遙總軍務卬瓦長吉不時接仗無大勝負

蔣玉龍積功洊升貴州提督久經戰陣恤下而善處同人駐兵鎮遠鎮倚賴之忽奉調援省中途又截留石阡一帶使勦教匪以後鎮之文武不和諸形踈懈八月二十九日賊乘夜來攻城陷

九月初一公聞鎮陷料賊必分路東下一撲卬水一撲青溪兩地失則玉思柱

黎舉不可保乃一面飛函乞援湖南一面飭潘都司嚴守印水身赴青城以策
青印兩地

青城北門墻塌公急修之城外擇隘築營並截斷水路賊見布置嚴密開仗數
番不得逞而去遂專攻印水印軍初聞鎮失大駭咸欲退守玉屏潘不可陳說
大義察感動相誓死守賊以數十倍之衆圍攻三月逐日鏖戰屢瀕危險卒能
却賊

楚軍大集與公克復鎮遠

咸豐九年己未

年六十歲二月奉

旨貴州糧儲道員缺著韓超補授欽此七月

誥贈夫人正室段氏卒于原籍

是冬公赴龍頸坳金鼎庵一帶督勦賊匪辦理府兵即在龍頸坳度歲
咸豐十年庚申

年六十一歲三月公回玉屏因肅清思境于閏三月奉

上諭貴州糧儲道韓超著賞加按察司銜欽此

四月次孫方朴生

是月署理貴東兵備道卽在玉屏行營接印任事仍辦軍務

咸豐十一年辛酉

年六十二歲春間欽差大臣田畧巡撫何調公晉省公將東道印及督辦軍務
關防移交後任五月初二自玉起身二十八日至省六月委署臬司篆務兼總
辦軍需總局

十月二十九日卸臬司事仍總辦軍需總局

是時軍餉無出全仗釐金釐穀以濟軍食而各分局委員往往不得其人致民
嗟怨清鎮縣之鎮西衛分局委員貪暴任情民不堪命奸民乘機作亂糾衆數
千人于十二月初三日毀局戕官占據衛城並分衆一撲清鎮城一撲省城聚
集日多聲言數十萬省中大震當路問公如何辦理對曰誅首惡赦脅從國法

既伸亦不致激成大變辦理要速僉以爲是遂派唐遊擊帶兵千人隨公赴清鎮查辦唐領兵于初六先行公帶隨員三人于初七日出省中途見居民舉止失措訪之知匪徒徧送僞札妄言大兵將盡洗居民宜齊出抗禦不出者誅其全家因此進退兩難不知所措公知此情每經村寨則降輿開導之正在開導有省城行商陳姓自鎮西衛來詢以情形言之如繪並言不願爲亂者十之七八但聞大兵將不分皂白鷄犬不留是以有騎虎之勢若開一生路則各顧身家倏焉星散彼爲首倡亂之人無人輔翼何難擒之公聞而首肯立取所帶刊刷之告示數張並另寫告示數張付陳姓使轉回鎮西四處張貼兼口傳公語諭之大約謂止索爲首某某餘人不問同夥之人有擒斬首惡來獻者赦其罪與平民有功者同賞示諭一到萬衆歡聲若雷婦女恐爲官兵所辱臨水俟事急自溺者一概歸家執械在行者紛紛解散其分撲清鎮與省城者祇存四五千入亦且多懷去志特不料首匪猶冀倖一擲強逼其衆來戰以致多殺生命也

初八日午時公至清正與唐遊擊議事忽報賊來公與唐登城觀之見數千人舉旗執械列于里許之地公于城上繕告示一紙粘高脚牌上募人執牌往諭令其退散不肯須臾鳴砲吹角吶喊而進唐曰似此不得不戰公曰然唐乃率軍出城正奇接應布置分明一陣衝殺匪等大敗斃數百人遁至二十里外民房住宿夜半唐兵與居民數人在山頭放砲三聲齊聲喊殺匪等驚竄其分攻省城者距省四十里亦被官兵打退

兵勇搶擄民間財物甚至誣指良民爲賊欲盡燒南城閱圍公止之一面慰民一面使唐執法斬數人始定

兵威大振亂民慄慄危懼公遣人諭之曰大兵不出城一步專待爾等自送首惡事要迅速莫使大兵久候或省中令我等帶兵往拿則諸多不便各鄉聞之連日捕送首惡共得三十餘人解省公親赴鎮西諭令安業每過村寨民皆焚香跪迎兩旬之內大亂平息

初八城下一仗生擒者連放數人最後又擒二人一漢一夷公語唐曰再放二

人回去則匪黨立散唐曰漢是執旗頭目可送省報功單放一夷何如公曰有一頭目更好成事乃引二人跪地謂之曰汝二人一是頭目一是散人均應斬首然我不忍也此事之起本是局員不好然何不控告告而不爲伸冤然後造反猶可解也今乃毀局戕官攻打城池一何愚蠢然我終因罪在局員不忍多殺適緣城下死數百人乃是自取若遵牌示退去豈有此事留汝二人不殺使歸告衆人速回家安業數萬人姓名官皆不知有何疑慮派充頭目者尙放回豈復尋問餘人哉所不赦者惟某某首惡而已釋其縛每人賞四金謂路費之餘買米鹽以度殘歲二人喜躍而去至鴨池河正值敗匪數百聚議抗兵見二人回又聞其言霎時各散

首惡欲假衆力謂大兵將盡殺居民擄搶妻女以恐嚇之民皆變然驚疑辦理此事須先使大衆不驚不疑然後首惡孤立公在省與當路說定如此辦法乃到清後當路輕聽細人語屢函囑嚴辦似欲多殺又謂卽辦安撫亦宜紮兵鎮西衛以示威武公謂我與唐領大兵駐清城遙示形勢使趙本府及沈委員在

鎮西辦事一面安撫一面催縛首惡前日陣斃數百又陸續送首惡多人不可再肆殺戮駐兵清城不極兵力而可藉兵威以辦事若兵至衛城則首惡或誣稱來洗致大衆蜂起否則黨惡者驚疑避匿無人縛送首惡蓋首惡均已潛伏非其黨不知伏處而得之也陳說再三至以去就爭之乃已

同治元年壬戌

年六十三歲正月十一日奉到十一年十二月十九日

上諭韓超著賞加布政使銜併賞給武勇巴圖魯名號以示獎勵欽此十四日奉到十一年十二月二十三日

上諭韓超著賞給二品頂戴署理貴州巡撫田興恕著無庸兼署欽此公于正月二十日到巡撫任

公與田軍門和衷共事奈田自正月染疾日久弗痊不能親出辦賊軍務日見廢弛

秋日爲天主教事四川將軍總督奉

旨選派大員來黔查辦

同治二年癸亥

年六十四歲正月三孫福才生是月聞交卸信奏稱患病請催新任速來接印以便卸事調理奉

旨不允意欲使理軍事三月初六日卸事夏間總督勞署巡撫張合奏謂公患病屬寔所有被叅各款皆係事屬因公黔有案牘可稽無庸守候可回籍就醫俟查明續奏在籍聽候部議公于十一月到家

是年次女生

同治三年甲子

年六十五歲家居養病

同治四年乙丑

年六十六歲是年九月四孫乙良生 叅款部議候補官日罰俸九個月十一月因奉省馬賊披猖關內土匪亦蠢蠢欲動 制府劉蔭渠先生撥軍分

駐並奏辦團練請以公督辦永郡團防奉

旨允準

同治五年丙寅

年六十七歲督辦團練

同治六年丁卯

年六十八歲督辦團練

同治七年戊辰

年六十九歲督辦團練是年長孫方炳成室

同治八年己巳

年七十歲督辦團練經 制府湘鄉曾相國奏獎 部議免其從前一切處分

並加一級紀錄二次奉

旨依議

同治九年庚午

年七十一歲

同治十年辛未

年七十二歲

同治十一年壬申

年七十三歲

同治十二年癸酉

年七十四歲長孫方炳入泮長孫婦卒

是年長孫續絃

同治十三年甲戌

年七十五歲

光緒元年乙亥

年七十六歲

光緒二年丙子

年七十七歲次孫方朴成室

光緒三年丁丑

年七十八歲是年十月曾孫秀伊生

光緒四年戊寅

年七十九歲正口口感冒風寒延醫調治繼而宿疾頓發周身冷戰四肢抽縮
四月初二日病故

右韓南溪四種皆記昌黎韓南溪中丞在貴州戰事內獨山平匪記遵義平匪日記
題曰空六居士撰蓋公幕府中人韓南溪年譜則公幕友陳君昌運所編惟平苗紀
畧爲公手自編述邊省兵事多爲中原所不聞難裒瘡苦戰而較之樹牙蠹於內地
各行省者隱顯乃什百倍蓋地旣窮僻復無文學之士爲之揄揚致淹沒不彰若此
戰迹者何可勝道是亦人間極不平之事矣是書余在南皮幕中於君立部郎案頭
見之亟寫得一冊今年始刻入叢書蓋亦幸而獲存者矣又玩寇新書回目亦得之
君立今附此亦事相涉云庚戌汪康年跋

(清)武澄清編 清光緒十四年刻本

武秋瀛自訂年譜

舊派原從晉水分
知君世系

本忠五補福疇昔從
此日應

識五家者什於
夫如祖某口山西
太希人明和進士為

直常從

止之五

半讀後庭教澤深
隸華聯

芳樹成林孤兒亦
有陶家母

愧負當年截髮心

男十子歲而
始業生六月

而起

男兄弟以
母教成

進士業進念
擁親殊多愧

空蹟依稀認雪鴻
五載

扇仁風傳家治譜
今重見試

在編年紀事中


卅年不聽足青
望之間訊惟

鯉一雙今日開編差自慰恍
如剪燭話西窓

光緒戊子世種家三日清

秋瀛先生自記年譜率成四
絕印書之以告并之

樂亭先生史事彙編



年譜

澄清

南樂後學武勳朝同校
同邑門人胡景桂

姓武氏

先世山西太谷人明初入永年籍

傳十餘世家乘闕略前跡多湮良足深憾澄早孤
遭歷迍邐時自勉勵每更歲時輒書所事雪泥鴻
爪偶不自忘無他取也然貽之後人亦使知自立
之不易云爾

嘉慶五年庚申四月二十二日甲辰未時澄清生

時 祖德剛公年四十三歲 父丕承公年十九

歲 母趙太夫人年二十三歲

六年辛酉二歲

七年壬戌三歲

八年癸亥四歲

以上四年尙在襁褓一切皆不記憶

九年甲子五歲

是年十二月初十日子時二弟汝清生長字酌堂

十年乙丑六歲

從母趙太夫人識字

十一年丙寅七歲

從 父丕承公讀論語 是年十二月初十日大
妹生後適同邑茹佐村苗公印碩第五子光騰字
穎香

十二年丁卯八歲

十三年戊辰九歲

十四年己巳十歲

是年十一月初六日二妹生後適城內西街李公

印棻次子廩生世馨字貽齋

十五年庚午十一歲

十六年辛未十二歲

此五年從 母趙太夫人讀四書詩經 父丕承
公同夏蔭軒先生從縣學教諭李百泉先生受業
故不能受 庭訓

十七年壬申十三歲

從堂叔武生諱榮魁讀四書大註溫詩經講論語

學作詩文 是年二月初四日亥時三弟河清生

長字禹襄

十八年癸酉十四歲

從 父丕承公讀易經書經初集啟蒙時文詩法
淺說詩集文作半篇詩作四韻 是年 丕承公
入邑庠

十九年甲戌十五歲

是年三月杪 父丕承公患瘟疫百藥罔效延至
四月十五日棄世中秋節後 祖德剛公命從夏
蔭軒先生受業讀禮記講四子書讀明文傳薪作
文完章作詩六韻每日功課嚴密

二十年乙亥十六歲

讀儲選左傳兼讀八銘初集時文 是年三月夏
太老師去世蔭軒師哀毀逾恆兼爲家務所累染
患瘧疾至十月方愈功課較疏澄冬夜讀書受臭
煤氣咳嗽吐血數日愈

二十一年丙子十七歲

讀周禮講學庸按課作詩文夏應縣試冬應府試
二十二年丁丑十八歲

四月歲試入邑庠首題亦不入於室次題徐子以
告夷子學使爲山左杜石樵先生印堦芝農相國

之父筠巢座師之祖

二十三年戊寅十九歲

是年遷居西大街入清暉書院肄業從鄭念橋師

印城錢塘人
戊辰庶常

學詩賦冬十月娶元配李夫人同邑

從九職銜印 溥字隱波公長女

二十四年己卯二十歲

上元節後入學買煤一車自行篩檢稍覺勞頓復
犯吐血證一年方愈

二十五年庚辰二十一歲

讀時文八銘二集天崇百篇 是年三月二弟酌
堂入郡庠十二月初二日 祖德剛公棄養

道光元年辛巳二十二歲

仍從蔭軒師讀清暉書院會課爲家務所累功課
或作或輟 是科蔭軒師領鄉薦

二年壬午二十三歲

是年與胞叔析居買二叔祖宅遷回迎春街在北
院五堂叔處教讀從學者十餘人三弟與焉

三年癸未二十四歲

四年甲申二十五歲

此二年復就蔭軒師書房肄業兼課三弟讀因選拔期近作詩賦較多每月仍會清暉書院課時山長爲夏邑李景樂先生印道融後成乙未科進士

五年乙酉二十六歲

受成安縣郎堡黃君懋修聘訓其子鶴桂鶴舉三弟隨學秋入都鄉試不第是科二弟中式

六年丙戌二十七歲

授徒讀詩經書經是年六月三十日長女生後

適磁州響水梁貢生張君思誠次子守樸

七年丁亥二十八歲

授徒讀易經禮記與黃聘侯楊旗常聯課作文每
月初二十六兩次皆三文一詩倣照場規填寫添
註塗改

八年戊子二十九歲

授徒讀周禮左傳秋赴鄉試不第冬食廩餼

九年己丑三十歲

授徒讀史記唐宋古文

十年庚寅三十一歲

每日午前與門人講四書午後講經書晚講詩文
每逢二七日作詩文 是年黃鶴桂入邑庠

十一年辛卯三十二歲

六月攜門人黃鶴桂同其兄琴舫入都鄉試不第
是年妹婿苗穎香中武舉

十二年壬辰三十三歲

是年 恩科仍攜黃氏昆仲入都鄉試房薦不售
房師黃仙嶠先生 印士瀛 湖南人

全言
十三年癸巳三十四歲

自二十六歲迄是年在黃宅假館每日無他務講四書講經傳以教讀功課爲自己功課九年之間學業漸進 是年六月初二日次女生後適茹佐村苗君光耀次子甫田

十四年甲午三十五歲

是科鄉試中式首題君子之仕也行其義也次題中也者天下之大本也和也者天下之達道也三題徒善不足以爲政詩題吉人詞寡座師史望之

先生印致儼穆鶴舫先生印彰阿汪巽泉先生印

守和姚伯昂先生印元之房師羅蘇溪先生印繞

典湖南善化人

十五年乙未三十六歲

入都會試不第留京受香山小府村張君鳳岐聘
課其胞姪永錫併其甥李鵬 是年三弟禹襄入
郡庠

十六年丙申三十七歲

是年 恩科會試不第揭曉後回籍受馬北池司

馬聘主講秀洛書院

在縣西臨洛關

成安黃氏昆仲仍從

學 是年黃鶴舉入邑庠

十七年丁酉三十八歲

是年邢臺縣谷生鳴球來秀洛書院就學

十八年戊戌三十九歲

入都會試不第回籍與周公鳴鹿

南和人後丁未科成進士李

公鳴珂

同邑廩生

趙公廷彥

同邑人後庚子科中副榜

聯文社

十九年己亥四十歲

是年四月十三日元配李夫人病歿十一月二十

二日娶繼配李夫人同邑從九職銜印仝椿字大年公長女

二十年庚子四十一歲

是科會試與二弟同房薦而不售二弟成進士授職主事籤分刑部房師潘木君先生印鐸安徽人

二十一年辛丑四十二歲

是年 恩科會試不第 時城中各廟宇城牆內外空隙處浮厝之柩百數十棺甚有暴骨露尸者商之姑丈杜承宣先生請縣尊出示催葬併禁喪

禮糜費凡無力葬埋者每柩助制錢三千無主之
喪無歸之骨有棺者用其原棺無棺者另購木棺
每一具給地方制錢二千令僱人葬之義地復爲
立石記姓名兩越月而事畢至洛關邀請同人仿
城中辦法亦葬數十柩 是年族弟澣清來洛從
學

二十二年壬寅四十三歲

是年三月二十四日三女生後適廣宗鄭松峯中
丞胞姪竹園明府長子廩生繼修

二十三年癸卯四十四歲

是年長女壻張守樸來洛從學

二十四年甲辰四十五歲

會試不第大挑二等以教職用 五月二十九日

寅時長子用章生

香山張鳳岐以友人所贈八駿

窮殊相數韓君畫肉猶嫌未足云特賞願逢孫伯樂傳神惟有李將軍黃金價重燕南市駿耳名高冀北羣騏驥不教羈轡繫會當一蹴赴青雲圖本不佳故詩只論畫馬而於斯圖不贊一詞

二十五年乙巳四十六歲

是年 恩科會試不第九月選樂亭縣教諭在都作旅

館聞柝記○乙巳春初入都應禮部試路宿清風
 店夜半睡覺聞隔壁有啾啾聲蒙館讀書耶賈人
 算賬耶傾耳而聽之其聲云天先知人先知天知
 人知人人知人知絮絮不已竊訝其語之不倫
 側身而起尋其聲之所自來乃柝聲也旋以告友
 人均不解其故及闌中以人馬度哉二句命題友
 人曰柝聲應矣意者有鬼神來告於室乎而子謂
 不然也曾子曰十日所視十手所指子思子曰莫
 見乎隱莫顯乎微言幽獨之中細微之事有人不
 知而天知者矣天知即人知一人知即人人知柝
 聲其警子歟楊慎四知誠先得我心矣昔
 人謂暮鼓晨鐘發人深省吾於斯柝亦云

二十六年丙午四十七歲

二月赴省領憑四月十二日到樂亭教諭任七月

奉府委兼理臨榆縣訓導九月交卸是科門人

郭志瀛 永年人 領鄉薦

二十七年丁未四十八歲

會試房薦不第房師孔誠甫先生 印慶鋤山東人 榜
後香山小府村張永錫 改名錫齡 隨赴樂亭從學

二十八年戊申四十九歲

在學署教課生徒諸生中來會月課者四五十人
因選拔場期伊邇改詩賦較多 是年冬長女壻
張守樸門人黃鶴舉均得選拔

二十九年己酉五十歲

在學署教課生徒從學日衆率多以學舍難容辭

之 是年春門人錢德昌樂亭人得選拔秋劉調元

樂亭人鄉試中式谷鳴球邢臺人中副榜

三十年庚戌五十一歲

會試房薦不第房師奎星偶先生印福榜後回

任課諸生併教子用章讀唐詩 是年九月二弟

補奉天司主事十一月題升四川司員外郎

咸豐元年辛亥五十二歲

在學署課諸生併教子用章讀詩經

二年壬子五十三歲

是年 恩科會試中式首題柴也愚參也魯次題
楚國無以爲寶惟善以爲寶三題詩云畫爾于茅
宵爾索綯亟其乘屋其始播百穀詩題東壁圖書
府座師周芝臺先生印祖培何根雲先生印桂清
杜筠巢先生印翻載鶴峯先生印齡房師汪良山
先生印振基引 見以知縣用籤掣浙江親老告
近改掣河南七月回樂亭與淡曙軒明府史香厓
孝廉訂交

曙軒印春暉陝西大荔人少子六歲丁酉科舉人現官樂亭縣知縣香厓印夢

蘭樂亭人少子十三歲庚子科舉人
 以奉養孀親閉戶著書不求仕進
 九月攜眷入都省親
時二弟官刑部員外郎
 十月杪回籍是
 年秋闈門人錢德昌葛唐麟俱樂亭人
 李士純永年中
 式

三年癸丑五十四歲

三月中旬二弟酌堂引疾告退奉
 太夫人回籍
 五月十四日辰時次子用禮生六月粵匪圍懷慶
 道路梗塞持部照從兵戈擾之中赴豫省奉兩司
 會委稽查北門盤詰奸宄商民出入毫無留難八

月匪衆由山西折回竄擾直隸臨洺關失守九月
借差回籍省親

四年甲寅五十五歲

八月題補舞陽九月奉藩憲札飭先行赴任十月
十一日接印任事一切詞訟隨到隨問隨問隨結
出鄉檢驗輕車減從只帶刑件數人事畢點齊人
役卽時帶領回署有距城較遠者必飭赴他村始
令食宿凡投井自縊之案訊無別故當場了結鄰
佑地主訊不知情當時開釋決不株連無辜如差

役私行鎖押一經查出立予責革夜間恆出署巡
邏嚴禁娼賭捕獲盜賊盡法懲治邑舊有舞泉書
院經費支絀捐廉課士膏獎從豐又有普濟堂收
養貧民此款本係發商生息乃被前任提用致令
貧民無以爲生子自莅任以來每月捐廉如數散
給北濰渡土棍李進暴橫爲一方害獲案笞一千
棒一千鎖錮終身

五年乙卯五十六歲

舞陽南面與泌陽接壤相隔數重山捻匪麇集出

沒無常深爲民害到任後勸諭鄉團西南王店距城九十里設一民團尙店距城七十里設一民團正南接官亭阮家莊距城五十里各立一團東南武功鎮距城二十五里尹集距城七十里各立一團城東吳城距城三十里立一團城西卸甲店距城二十五里立一團互相聯絡復親練勇二百名會同營汛不時入山剿捕前後拏獲著名捻首李八千碎李四能人曹太元夥匪無算捻匪不敢入境是年門人陳聚之謝寶琮俱樂亭人領鄉薦

六年丙辰五十七歲

在北無渡拏獲鄰境劫獄戕官焚燒衙署要犯三名首犯岳善教從犯劉芳春李長春定案題請交部議敘 舞陽地處偏僻額設驛馬一匹半軍興以來道路梗塞文報繞道行走絡繹不絕兵差經過應接不暇民不堪命奉府憲札飭協濟葉縣兵車七十輛協濟裕州兵車七十輛雖係向章但今昔情形不同以罷民不堪重累稟請改派屢經駁飭終不能應

七年丁巳五十八歲

春泌陽角子山

一名腳跡山

捻匪蜂起始以王黨爲首

黨死賊目蕭况張文成領其衆數月之間聚至萬餘人英中丞桂統滿漢兵駐葉縣八月賊圍確山副都統德隆阿葛綳阿率吉林馬隊擊敗之匪衆四散蕭况逃逸張文成復糾餘衆數千人四出竄擾時邱鎮軍聯恩在皖省大營中丞奏調回豫余帶練勇隨鎮軍入山剿賊賊匿洞中用火熏燒日有斬獲

是年飛蝗過境飛蝗去而捻匪來捻匪去而蛹子生蝗蛹去而捻匪又來舞陽地面

百姓苦不堪言

八年戊午五十九歲

二月張文成就擒餘匪悉平時和歲稔百姓安堵

如常賊之初起也省委候補知府葉某襄城營都

鎗陝西司瑞某帶兵劉辦賊氛日熾繼而周廉訪士

隨員候補知縣五一人佐雜十人武弁亦十餘人親

兵雜役百餘人一切供應賠累四千餘金幾不能

支候補知縣張某帶西平練勇二百名百計營謀

欲令舞陽按日墊發口糧余以此款並未稟明立

案未敢允許遂在中丞左右多方毀詆幾致獲罪

戰守之功更無論矣後英中丞調任瑛蘭坡方伯

護院邱鎮軍歷敘顛末始得續入保案奉旨賞

戴藍翎加十一月太夫人壽舞陽紳民送壽屏

同知銜

十二幅萬人傘二柄德政牌八面

日慈惠日廉平日阜財日濟衆

日團兵日教士日戢暴日安民

是科門人李蔚然

永年人

領鄉薦

張畹

西華人

中副榜

九年己未六十歲

正月進省適值撫台赴歸德大營在省候十數日

至二月初七日始回任所二十三日安徽擒匪孫

葵心等擁衆十餘萬盤踞北濰渡環城皆賊不時

攻撲余督率練勇居民分堞防守寢食俱廢者十

晝夜發大礮連斃多賊賊退圍解載乾糧數千觔

肉千餘筋親赴邱鎮台大營犒師行至北漚渡猝
聞公已殉難不勝駭悼遂將所載乾糧等物散給
難民旋於各鄉驗災凡夫與子被殺擄窮苦無依
者每口給制錢一千民心始安 是年 太夫人
八十二歲書來諭令早歸五月杪引疾告退六月
二十九日卸事八月安徽捻匪又至助署舞陽縣
駱小園守城賊退復代出鄉驗災自出俸餘以濟
災黎十月進省瀕行前數日闔邑紳民設筵餞行
同城文武官弁咸在離情睽睽幾於淚下

作留別
同寅七

言排律一首○宦海風帆擬早收
 秋時驚白髮添雙鬢日與紅巾作對頭
 祛馬害補牢難免失羊羞幾番甲士衝鋒戰半賴
 寅僚借箸籌業富俯居文學掾功成好步武鄉侯
 他年姓字垂青史健羨芳名萬古留七絕一首○
 底事翩然賦遂初望懸慈母倚門間他年僚友如
 相問來往惟憑尺素書留別士民七言排律一首
 ○弦歌怪底不聞音五載操戈那理琴北鎮哀鴻
 猶待撫南山猛虎未全擒恨無壯士千筋斧幸有
 清官兩字金安堵未能償夙願歸田何遽遂初心
 祇緣愧見烏反哺轉類思還鳥入林拜別定陵諸
 父老惟慙遺愛少棠陰七律一首○擾攘干戈迄
 未休牧民何術解民憂三年兩次驚風鶴百姓千
 家失馬牛赤地俯看真慘日青天仰問但搔頭幸
 逢禾稼登場圃比登程日紳商士民備酒祖道迤
 邐崇墉報有秋
 遷十餘里留靴懸諸城門樹德政碑於東關晚宿

北濰渡紳商士民備行館具酒食送萬人衣一襲

傘一柄牌四面

日身修行潔日政簡刑清日德高東里日惠著北濰

次日各

備盒酒送過沙河年終稟請上憲赴彰德就醫順

便回籍省親

是年春闈門人錢德昌

樂亭人

成進

士秋闈王德馨

樂亭人

張畹

西華人

領鄉薦

十年庚申六十一歲

三月之大梁算交代六月赴舞陽 是年十一月

二十四日為長子用章娶婦李氏同邑候選守備

印 全榘長女

十一年辛酉六十二歲

二月由舞陽赴南陽署事人不肯接交代八月回
省年終回籍

同治元年壬戌六十三歲

在籍與兒輩講書論文暇則繙閱象緯形家數學
諸書借以自廣 是年族弟澐清胞姪用懌領鄉
薦

二年癸亥六十四歲

在籍訓課兒輩偶與後進諸生講論詩文

三年甲子六十五歲

自乾隆五十七年東南隅城隍坍塌迄今並未修築其餘殘缺日甚楚南楊樹屏太守來守是邦倡義修築首捐制錢五百緡余亦捐銀三百兩此外捐戶多寡不等共得制錢萬餘緡督工修葺半載餘一律完固是科門人李慎樞永年人領鄉薦

四年乙丑六十六歲

九月爲太夫人預慶九旬十月十一日寅時長孫鴻緒生長子用章出十三日之大梁算交代未

結年終回籍

五年丙寅六十七歲

赴豫與徐汝良楊少竹算交代因交代案內有徐汝良借票銀四千兩後任不接未結回籍 十二月初九日家婦李氏病亡

六年丁卯六十八歲

五月赴豫算交代徐汝良進省借票作爲七折自具限狀解司議單旣具少竹猶不肯畫押余遂將應交各款一千餘兩批解司庫奉有回批十月回

籍爲 太夫人慶祝

七年戊辰六十九歲

正月初三日捻匪張總愚由陝西北竄大隊距城
十餘里郡城戒嚴余同在城官紳董率居民登城
固守胞弟酌堂辦理團防練勇四百名竭力保衛
城賴以安 三月遣人赴豫時少竹與楊雪峯對
調雪峯出結交代始清 九月初八日爲長子用
章續娶傅氏同邑戊午科舉人前太名縣教諭
襄長女

八年己巳七十歲

與長子用章講書論文

九年庚午七十一歲

課兒輩詩文五月命長子用章入都鄉試併分部
學習先是已爲報捐郎中茲乘鄉試之便始捐分
發六月分兵部職方司行走八月應試不售年終
回籍 是年三月十九日爲次子用禮娶婦單氏
同邑施莊歲貢生 印詠春次女

十年辛未七十二歲

訓課兒輩暇則臨顏魯公帖數行

十一年壬申七十三歲

夏子松學使出月課經史詩題百道與三姪用咸
改作頗多 九月爲 太夫人慶祝是年 太夫
人九十五歲精神漸減飲食日少至十月三十日
棄養

十二年癸酉七十四歲

家居讀禮不預外事四月十二日安葬 太夫人
一切事宜命長子用章經理 是年同邑門人胡

景桂領鄉薦

去歲得選拔至此中式

十三年甲戌七十五歲

家居讀禮杜門謝客

是年六月三女壻鄭繼修

選授山西虞鄉縣知縣十月初八日辰時次孫敬

緒生長子用章出

光緒元年乙亥七十六歲

正月患瘟證旬餘未離牀褥上元後始愈二月初

精力漸復戚友咸賀是年門人董遇昌領鄉薦

董生樂亭人昔曾從學於予今年幾六旬矣

二年丙子七十七歲

邑侯夏范卿續修縣志延予協修五月開局日與

諸同人悉心採訪分別編次至年終稿本過半

是年十月初六日丑時三孫統緒生長子用章出

三年丁丑七十八歲

六月縣志定稿招工開雕至十一月竣事刻棣

華館文稿

余及胞弟酌
堂文合訂

竹軒試帖草

課徒
擬作

竹軒課

童草

與諸童
改作

從長子用章請也

是年八月三十

日繼配李夫人無疾而終

夫人性明敏遇事有斷
制工女紅治家勤儉事

太夫人以孝聞三十餘年太夫人之衣履皆
夫人手自縫紉兩侍太夫人疾百餘晝夜始終
無倦色御下寬而有禮門內整齊嚴肅所用婢女
及笄必尋其父母俾引歸嫁之以全其骨肉恩人
咸道盛德不衰

四年戊寅七十九歲

晉豫大饑郡城糧價日昂斗米制錢一千四百文
長子明郡守夏范卿邑侯勸借鉅資派選紳士赴
山東採買米糧運至郡城開局平糶余出制錢五
百緡命長子用章竭力襄辦幸麥秋中稔人心稍
安始行停止

五年己卯八十歲

家居靜坐日臨顏魯公帖數行併課長孫鴻緒讀
四月二十二日以余誕辰遠近親友稱觴者畢集
長子明太守亦率同城文武登堂爲壽宴客三日
不勝擾擾

六年庚辰八十一歲

三月初八日長孫鴻緒殤十一月二十七日三弟
禹襄病故弟身素弱近年痰喘日甚精力日衰漸
致不起雁行失序慟何能已

七年辛巳八十二歲

三月二十八日命胞姪用康等安葬三弟於南大堡村東新塋

八年壬午八十三歲

每日臨顏魯公帖數頁間閱養生之說息心寡慮
稍益暮年

九年癸未八十四歲

家居靜坐時課孫輩讀唐詩 是年春門人胡景桂成進士改翰林院庶吉士永年自道光丙戌許

勉齋入詞垣迄今五十七年始獲再見甚矣瀛洲之難步也

十年甲申八十五歲

六月初五日亥時四孫伊緒生長子用章出

右 先大人自記年譜始嘉慶庚申終光緒甲申凡八十五年敘述簡如性不喜鋪張然也 不孝等

仰體先志不敢妄增一字重滋罪戾謹依原稿鈔錄雖 先大人學問政績不竟於是而卽此已略見一斑 先大人賦質較弱讀書爲文暇則習武

數十年來善自衛攝不晚食亦不輕怒故年逾八
秩鶴髮童顏精神矍鑠時復博覽羣書藉怡情性
於陰陽象緯諸家洞澈底蘊鑒事如神吉凶成敗
率先知之一方胥就裁焉夏四月念二日先大
人誕辰遠邇戚好咸至猶能一一酬應把酒言歡
忽於閏五月杪感受溽暑患痢瀉證延醫調治漸
次就痊惟脾土大傷時覺內燥八月朔又感外寒
自是步履日艱飲食漸減然每日端坐如昔談笑
依然竊冀祈禱有靈葭苓奏效不意十月十七日

早餐後陡發大汗神氣遽頹延至二十日申刻溘
然長逝次日視殮面色如生嗚呼痛哉 不孝等侍
奉無狀罹此鞠凶抱恨終天百死莫贖祇以先靈
窀穸未安不得苟延殘喘勉襄大事爰具行述
伏求樂亭史香厓先生撰墓誌銘甯河戴愚卿殿
傳書丹旣鑄石擇吉乙酉十一月甲辰安葬嗣因
是歲七月初三日溢水盛漲蓮花口潰決環城積
水深五六尺未克如期舉行謹改卜於丁亥年二
月戊寅奉先靈與兩先妣合葬於午橋西南之新

阡南樂武常卿比部爲文以表墓

男用

禮章

泣血謹識

孫

敬統

緒敬錄

全言

五

桂 髻齡時聞 秋瀛夫子掩骼埋胔一事嘖嘖稱道
不衰長從 泚亭夫子遊復聞 夫子少失怙受
太夫人訓課兩弟讀下帷攻苦三十餘年卒能仰體
親志昆仲先後成名咸豐初年 夫子以名進士出
宰舞陽適值捻匪竄擾地方徧遭蹂躪 夫子捐廉
募勇擒斬多名用能保障一方嗣以親老告歸養親
課子閉戶篝書暇則啟迪後進孜孜不倦辛未壬申
桂 從 夫子問學見其年屆古稀鶴髮童顏氣宇和
藹學問淵深講貫經史之餘嘗與桂論天文算學至

近代而益精而大要不能越堯典四命唐傅仁均造
戊寅元厯元僧一行作大衍厯元世祖製授時厯莫
不以閏月定四時一語爲宗回回厯歐羅巴厯雖不
用閏然立太陽年以周歲日躔勻分三百六十度又
勻分爲十二月以爲耕斂之節而自春分起算是卽
堯典寅賓出日始於仲春之義特立太陽年恆星年
名目不同耳今之言天算者宜鎔西洋之算法入大
統之型模使天自爲天歲自爲歲如晝夜平卽爲二
分晝極長卽爲夏至不必問其日躔是何宮度是之

謂歲自爲歲必太陽行至降婁始命爲日躔降婁之
次太陽行至鶉首始命爲日躔鶉首之次不必問其
爲春分後第幾日夏至後第幾日是之謂天自爲天
今人不必重西法而輕中法亦不必是中法而非西
法算法雖不同差法則千古不易也其持論名通實
發疇人所未發蓋 夫子夙通陰陽術數等書而歷
算尤精故言之鑿鑿如此今歲 世兄俊民駕部來
都攜 夫子自訂年譜授梓屬 桂校字因憶平日所
聞於 夫子者書於卷末以志不忘云

光緒十四年歲次戊子門人胡景桂謹識



同治元年七月十九日內閣奉

上諭甘肅布政使恩麟奏署督臣途次出缺一摺據稱署陝甘總督沈兆霖帶兵勦辦撤回節次進勦該回悔罪投誠沈兆霖於七月初二日自碾伯縣起程回省初四日行至平番縣屬之三道嶺溝地方猝遇雨雹山水漲發致將該署督行轎關防並隨從兵役人等概行沖沒隨員陳象沛等在後聞信與該處文武各員先後馳救無及卽尋獲該署

督遺軀安爲料理等語覽奏不勝駭異沈兆霖忠
清亮直歷練老成由翰林游陟清要迭掌文衡在
上書房南書房行走蒙

皇考文宗顯皇帝擢授正卿朕御極之初復授爲軍機
大臣命往陝甘查辦事件旋命署理陝甘總督該
署督受任以來卽帶兵出省實力辦理已有成效
乃於途中猝遇山水漲發遽爾身歿悼惜殊深署
陝甘總督軍機大臣戶部尙書沈兆霖着加恩晉

贈太子太保銜照尙書例賜卹任內一切處分悉予開復應得卹典該衙門查例具奏並查照一品大員歿於王事例案聲明請旨其靈柩由甘肅起程時著沿途地方官妥爲照料並准其入城治喪伊子沈雲驥著賞給舉人准其一體會試以示篤念忠盡之至意欽此

附原摺

甘肅布政使臣恩麟跪

全言
奏爲署督臣途次出缺恭摺

奏祈

聖鑒事竊照署督臣沈兆霖於上年冬間奉

命來甘查辦事件旋蒙

派署陝甘總督於接篆後因西甯之撒拉回匪屢出

滋事沿途居民時遭焚掠

奏明帶兵親往督辦自本年三月出省駐劄碾伯
縣四月之久節次派兵進剿該撤回始於六月

底悔罪投誠署督臣因舊患胃疾時發於

奏報後卽於七月初二日自碾伯縣起程回省詎

意本月初五日申刻臣接准署督臣隨帶司員

陳象沛童大吁來函并據代行平番縣事典史

劉恕田稟報本月初四日未刻署督臣由該縣

屬之通遠駟起身行至距縣城二十里之三道

嶺溝雷雨冰雹大作山水陡發兩旁懸崖無處

躲避致將署督臣行轎並關防行李及隨從人

夫兵役等概行沖沒陳象沛等在後聞信與該處文武各員先後馳往救護已屬無及遲至是日酉刻始於西門外下流河尋獲署督臣遺軀其關防行李以及隨從人等屍身正在打撈等情前來臣接閱之下不勝駭異隨與署臬司文麟籌商署督臣猝遇意外變故省城關係重要當將督臣衙門王命旗牌等件先行敬謹封儲其關防能否撈獲另

行辦理惟總督兼轄兩省一應題奏咨行事件
在在均關緊要臣循照歷來成案暫用甘肅布
政使印信代爲兼辦俾免延悞恭候

派員來甘署理並請

迅賜簡放以重疆任至署督臣沈兆霖奉

差在外一日歿於

王事並無親屬隨從其家丁二名亦同時淹沒實堪

憫惻查平番縣距省城二百一里臣與在省

各官公同商酌已咨派前鎮迪道崇保護理督
標中軍副將馬福暨蘭州府知府徐辰告卽日
馳往將其身後一切事宜妥爲料理護送回省
外所有署督臣途次出缺緣由理合循例由駢
恭摺具

奏伏乞

皇上聖鑒謹

奏

同治元年七月二十六日內閣奉

上諭前因署陝甘總督沈兆霖途次出缺業經降旨
從優給予卹典茲據甘肅布政使恩麟將該署督
出缺詳細情形入奏並稱該署督故後闔省士民
無不同聲痛哭且蕭條行李無異寒儒念其爲國
宣勤歿於王事悼惜尤深沈兆霖着加恩入祀賢
良祠以昭忠蓋其隨行淹沒之署守備呂得元外
委周兆魁及丁役人等應得卹典均着恩麟查明

咨部照例辦理欽此

附原摺

甘肅布政使

臣恩麟跪

奏爲查明署督

臣被難詳細情形及派員前往照

料身後事宜並尋獲關防緣由恭摺馳

奏仰祈

聖鑒事竊

臣

於初六日將署督

臣

沈兆霖自碾伯回

省在途出缺大概情形由驛馳

奏在案本月初九日前派委員蘭州府知府徐辰
告自平番回省經臣詳加面詢並據司員陳象
沛童大盱來函及道員崇保等來省面稱本月
初四日署督臣在平番通遠驛午尖後起程前
進行至縣西二十里三道嶺下小沙溝地方該
處雖係驛路惟山岡重疊中僅夾溝一道署督
臣坐轎行經山溝半里之際忽然風雷雨雹同
時並作頃刻之間山水驟漲二丈餘自上直沖

而下溝內路徑窄狹兩面均係陡厓無處躲避
猝將署督臣連轎沖沒司員陳象沛童大野乘
車在後甫登嶺上聞信立即帶同夫役冒雨徒
步前往救護已屬無及隨即飭令弁兵梟水追
尋至溝外五里許西路渠河灘上始將署督臣
遺骸尋獲該司員等趕到見署督臣面色如生
早經氣絕身冷無從救治細加察看惟左額右
頤均被石擦傷一處其餘週身幸無損傷該司

員等會同莊浪同知景春將署督臣遺骸移送
至平番縣城內公所安放查點人數知隨行武
巡捕署守備呂得元外委周兆魁及馬步兵丁
隨從夫役七八十人均被水淹斃並沖去車馬
不計其數隨營委員壽昌容恬黃銑劉榮亮及
兵役二十餘人亦均被淹於水中逃出至署督
臣身後事宜因平番縣知縣吳鼎元公出未回
該司員等與莊浪同知景春正在置備衣衾棺

木適委員前鎮迪道崇保蘭州府知府徐辰告亦均趕到幫同照料於初六日酉刻大殮一切尙爲周妥呂得元周兆魁並兵役屍身業已撈獲二十二具均已妥爲棺殮其餘兵役人等現飭打撈屍身分別辦理至總督關防及歷奉寄諭係署督_臣親身攜帶安放轎內均已漂流無蹤該司員委員等督飭地方官懸賞四處搜尋於初八日在溝內沙底將關防尋獲公同查驗並無

缺損隨即封固令蘭州府知府徐辰告護中軍
副將馬福先行齎送來省臣當即敬謹封存其

歷次

批諭仍飭地方官細心檢尋有無查獲另行辦理司
員陳象沛童大畧及道員崇保等隨後護送署
督臣棺柩到省臣當與署臬司文麟先爲安置
公所派撥員弁兵役盡心照料現在陝省道路
梗塞若取道甯夏等處又恐山路險歧不足以

昭慎重應俟驛路疎通再行派員護送進京臣

伏查署督臣沈兆霖品學純粹清正廉明久在

聖明洞鑒之中自奉

命署理陝甘總督以來於地方營伍糧餉邊防悉心

籌辦事事躬親無不詳慎嗣因循戎撤回不靖

念切民瘼親督大兵駐紮碾伯三月有餘指揮

進勦迭挫兇鋒晝夜勤勞寢食俱廢又恐餉需

難以爲繼更切焦慮期於迅速奏功每致臣等

及在事各員信函多係親筆其間籌商軍務及
地方一應事宜纖悉備至六月中積勞成疾日
食稀粥半甌猶復力疾從公並無片刻安逸迨
撤回投誠具摺馳奏後因軍餉支絀趕速撤兵
以節糜費又以陝西回民構衅釀成大變甘省
邊疆接壤在在堪虞本省各屬回族衆多亟須
撫輯故將循戎等處安撫善後事宜與署蘭州
道楊炳銓護西甯道郭襄之面商飭令接辦後

趕緊旋省帶兵邁行不辭勞瘁其中忠愛之性出於至誠合省官民無不仰望愛戴聞訃之日文武屬員同聲震悼遠近編氓均各痛哭流涕棺柩自平旋省士庶哭奠者相屬於道卽經過地方回民亦相率跪祭臣以甘省時事多艱方冀署督臣撤兵回省得有稟承妥籌補救詎意凱旋之日禍變突遭慘目傷心莫此爲甚臣得信後卽赴總督衙門檢點署督臣箱籠惟有隨身

衣服書卷此外一無所有蕭條行李無異寒儒
臣目覩情形不敢不據實具奏應如何

恩賜褒恤之處出自

聖裁其同時淹沒之弁兵呂得元等死屬因公亦堪

憫惻倘蒙

恩恤臣再爲確查造冊照例辦理所有查明署督臣

被難情形及身後事宜暨尋獲關防各緣由理

合恭摺由驛具奏伏乞

皇上聖鑒訓示又據司員等面稱署督臣止有一子

雲驥候補光祿寺署正一品廕生孫一人尙幼
均在京寓合併陳明謹

奏

同治元年九月二十五日內閣奉

上諭禮部奏遵查大員應得卹典並應否予諡請旨
等語原任戶部尚書軍機大臣署陝甘總督沈兆
霖爲國宣勤歿於王事眷懷忠藎益用惻然著加
恩准其子諡沈兆霖靈柩現在業已到京並著派
郡王銜貝勒載治帶領侍衛十員前往奠醊以示
篤念忠藎有加無已至意餘依議欽此

--	--	--	--	--	--	--	--	--	--

諭賜祭文

朕惟人惟求舊鹽梅思贊日之勳天不憖遺風雨掩
使星之彩值靈輦之遄返益念盡臣願雕俎之馨香
用申哀誄爾晉贈太子太保原任戶部尚書署陝甘
總督沈兆霖學粹品端德優才裕初趨承平翰苑旋
倖直乎禁廷迨紆青綬而垂儀游筮黃扉而養望歷
佐尚書之省碩畫攸資迄登司諫之臺讜言可溯曩
膺試典衡鑑公明久侍經帷手裁謇諤蓋文章固稱

華國而經濟尤足救時受

先帝之特知器誠公輔膺正卿之顯秩任重兵農逮及
朕躬益資碩彥勤襄密勿懍温樹之不言宣布遠猷
詠皇華以奉使度隴西而權節度出塞外而作元戎
玉壘無驚方奏凱還之績金甌待卜遽攫淪溺之災
震悼實深褒崇亟示晉宮銜而申命畀嗣息以乙科
榮賁丹綸飭守土爲之照料魂淒素旒許入城以篤
恩施用攷彝章宜頒奠醑於戲徵五福而猶留餘憾

未卜考終事

三朝而不愧完人已垂不朽維茲蠲潔庶克欽承

三普

三

行



111

諭賜入祀賢良祠祭文

朕惟望隆者碩論功而中外咸孚報重馨香舉典而
哀榮備至念馳驅之盡瘁載紀旂常追翊贊之成勞
聿光俎豆桂祠從祀芝誥用宣爾晉贈太子太保原
任戶部尙書署陝甘總督沈兆霖文學起家公忠體
國自入承明之選舉播蓬萊疊操衡鑒之司蔭敷桃
李侍禁掖而儒臣久列厯華資而端尹游膺薇省分
猷勞勩幾周夫粉署蘭臺司憲論思復侍夫經筵遂

乃位應文昌人推武庫在

先帝久資碩畫迄朕躬尤賴勤施思日孜孜俾贊樞機
之密使星熠熠暫權節鉞之威方欣城築受降櫓槍
迅掃詎意災撓淪溺樑棟遽摧溘逝俄傳愴懷靡已
禮官載勅卹典優加易名無愧文忠畀乙科而賞延
後嗣晉級特隆太保膺申命而典重明禋碩範孔昭
彝章是式於戲天不遺一老望旂旐而傷神爾自足
千秋列鬯卣而生色靈其不昧庶克欽承

諭賜碑文

朕惟贊猷溫省尙書爲喉舌之司借箸巖疆連帥重
股肱之寄况乃歿於王事尤當念厥成勞載煥龍章
用光螭首爾晉贈太子太保原任戶部尙書署陝甘
總督沈兆霖文行交孚忠誠備著登翰苑而清華歷
踐直書齋而禁籟常依班聯游陟乎月卿勤襄部務
綱紀總持平風憲望重臺端玉尺量才疊司文柄牙
籤展帙喜侍經筵承

先帝之特知正卿晉秩及冲人之嗣統耆宿先庸仍判
度支入參樞密期深資其啟沃俾宏濟於艱難屬當
銜命而擁使輶因以司農而權督篆師干暫領張撻
伐以揚威回紇輸誠嘉凱旋而奏績何意還轅之跋
涉竟嗟中道之淪胥震悼良深恩施立沛贈宮銜而
特頒椒薦崇苾祀而爰祔桂祠諡日文忠表其行誼
嗚呼二陵風雨籌邊留未竟之心百尺松楸勒石示
長承之眷欽予時命貽爾後昆

先文忠公自訂年譜

沈兆霖字尺生號雨亭後改朗亭又字子萊又號莢井生尺生梁山舟先生所命也取管子澤下尺則生上尺語意二十歲前號雨亭嗣因境益困反之曰朗亭萊萊莢也因重九生故字焉嘉慶六年辛酉九月九日巳時生於浙江錢塘之義

和三圖

土名黃誥巷徽州街

吾沈爲浙大族始祖鞠軒公自歸安之竹墩遷

杭累世業儒潛德未曜曾祖諱敘章曾祖妣氏
 李氏朱生曾祖妣氏阮庶曾祖母氏薛祖諱瀚
 字書園杭郡庠生祖妣氏徐考諱蔭華本生考
 諱復初字蘭坡由滿吏補江西南昌府經歷歷
 署銅鼓營同知撫州府糧捕通判龍泉縣知縣
 吉水縣知縣本生妣氏汪本生生妣氏黃本生
 庶母氏劉三世皆以 兆霖 官累

贈至光祿大夫一品太夫人

兆霖

生時祖妣徐太夫人

年七十六歲本生考蘭坡府君年四十八歲妣
汪太夫人年四十五歲生妣黃太夫人年二十
五歲黃太夫人生伯兄增早殤庶母劉孺人先
於己未歲生仲兄兆祥故兆霖次三

七年壬戌二歲

八年癸亥三歲

九年甲子四歲

十年乙丑五歲

是年十月九日四弟兆成生兆霖以十月入塾

受業於徐秋厓先生廷烺

十一年丙寅六歲

少有痰疾時患厥逆吾杭幼讀多坐高椅發厥時身仰後并椅俱踣黃太夫人百計祈禱心力交瘁又耳常流水聽不聰二疾十歲後始愈

十二年丁卯七歲

十三年戊辰八歲

十四年己巳九歲

十五年庚午十歲

自五歲十月至是年十二月四子書十三經皆

卒讀

詩書易皆讀
註背誦無遺

十六年辛未十一歲

前五年皆受業於秋厓先生是年改受業於桂

蓮君先生

錫慶

十七年壬申十二歲

兩年中誦文選古文析義并讀小題時文是年
秋制藝完篇適許小范先生學范來府君以課

作里仁爲美題文質之大加獎勵梁久竹先生

祖恩命背誦江賦海賦無一字遺誤亦稱賞焉

十八年癸酉十三歲

正月五日子時祖妣徐太夫人棄養府君於己
未歲病假歸里實爲養親晨昏侍奉十有五年
是年祖妣八十八歲乃以微疾考終府君哀毀

骨立先是府君十三歲卽游幕直隸祖妣苦節
皆叔父侍養叔父諱蔭華少府君三歲二十五
歲而歿祖妣言及必泣然流涕又以未授室不
命立繼祖妣棄養後三十五日延梁山舟先生
題主府君體祖妣之志爲叔父立主而以

兆霖

嗣命

兆霖

斬衰苴杖捧主求題以盡子職實則

兆霖

未逮事也痛哉府君歸自江右時小有宦

囊因高祖以布業致素封謀於李氏表叔李氏

固業布於聯橋賃屋託表叔開設布肆十餘年
來家用賴此以給不圖經理失宜致有虧折初
匿而不言及是年無可隱諱涕泣自陳府君始
往盤查已成唐肆旁人皆歸咎於李欲責賠償
府君愴然遇之終無一言鄉里皆欽厚德然自
是家計日窘矣是年受業於高志山先生

十九年甲戌十四歲

是年應商籍童子試爲張柳洲都轉灼所賞試

以詩賦極見期許春聲二七律限題字爲韻有句云客路有時聞折柳天涯何處不流鶯都轉以爲可教以詩院試報罷

二十年乙亥十五歲

是年應商籍童子試仍報罷

二十一年丙子十六歲

是年受業於房琴甫先生楚桐先生爲德清名

諸生時文外詩古文辭及經史之學皆洞見本

原兆霖 學業至此方窺門徑

二十二年丁丑十七歲

是年應商籍童子試仍報罷聘吳縣郭氏

二十三年戊寅十八歲

是年應本縣童子試以第一名入錢塘學仲兄亦入杭府學學使爲山陽李芝齡先生宗昉八月應鄉試報罷五弟兆同生

二十四年己卯十九歲

是年應鄉試報罷十一月十五日辰時本生妣汪太夫人棄養汪太夫人無出鞠子愛養兼至如已出每年入冬令必咳嗽夜不能卧是冬加劇氣逆成喘遂至不起痛哉

二十五年庚辰二十歲

兆霖

昆弟入學後仍延琴甫先生課讀兆霖等

或攻詩詞或習經學間好雜藝如篆隸琢刻弈碁子平皆喜涉獵惟有專精與否耳與魏滋伯

高小垞諸君友皆府君所命遇書院課府君必命輿從借往防有他適蓋自就塾後督課之嚴如一日家庭間一言一動均不使苟且

兆霖少

稍肆仲兄謹愿每定省時

兆霖

步稍前卽叱之

云疾行先長者謂之不弟所以抑制之者過於

諸昆弟謂人曰此子當成材然懼其妄故遏之

使就範圍府君熟於通鑑

兆霖

問寢時必論古

人事實數則便諭以立身行已當如某某事君

行政當如某某是以得諸庭訓者較諸昆弟爲多

道光元年辛巳二十一歲

是年應

恩科鄉試報罷十月娶郭氏夫人

二年壬午二十二歲

府君於六月得脾泄疾日久未愈八月兆霖等

應鄉試後病轉劇九月九日放榜昆弟皆報罷

府君已大漸至二十日未時棄養府君教子二十餘年望兆霖等以讀書起家乃竟不及見嗚呼痛哉

三年癸未二十三歲

前二年家未延師仲兄課四弟讀課文則與兆

霖送琴甫先生批閱至是年仲兄治家務因仍

延琴甫先生於家昆弟三人執業焉府君自癸酉後家用不給娶兩婦皆出典債府君既歿益

形支絀食指較繁仲兄竭力摒擋

兆霖

佐之力

求樽節

四年甲申二十四歲

應科試考列一等第八名學使爲濱州杜文端公

五年乙酉二十五歲

正月仲兄又坡公以急疾於十六日卒仲兄於

乙丑歲偕

兆霖

入塾甲戌歲偕應童子試戊寅

歲偕補弟子員晨夕雁行二十年如一日每眺
覽湖山流連花月唱和聯吟哀然成冊府君旣
歿家計艱窘每事皆商榷而行從無意見不料
中道徂謝年僅二十七歲兩女皆幼兆霖時亦
患病勉爲料理身後而疾遂劇輾轉成暑瘧是
秋竟不能應鄉試補廩膳生十一月爲四弟娶
婦瘡尙未止

六年丙戌二十六歲

四弟娶婦後食指益夥家計更艱不得已典去
住宅之半以其貲給家用 兆霖 與四弟覓教讀
館不得蓋衆不知爲寒士也是年歲試一等第
六名學使爲寶應朱文定公

七年丁亥二十七歲

府君歿五年境益困不得已就所存者析而爲
四然皆不敷月給是年冬課徒於重陽菴得薄
脩以佐家用

八年戊子二十八歲

自壬午後六年未應試雖處境日嗇而胸次灑
然仍力學不倦析產後惟藉館穀及書院膏火
爲將母贍家之用然甚盼得一第乃應本科鄉
試又不售且五次秋闈未膺一薦心始愀然憂
矣是年課徒於章漱泉比部家

九年己丑二十九歲

屢試不售意甚無慘編本年詩古文辭爲己丑

詩文鈔是年歲試一等第三名學使爲臨川李

春湖先生

宗瀚

仍館章氏問字者稍衆

十年庚寅三十歲

自念壯歲未成立頗不自得初度之辰門弟子
醵錢稱祝自言明歲三十一尙擬入闈如再不
售卽當杜門謝世事日手一編單心於著述以
冀不虛此生不再作功名之念矣是年科試一
等第三名仍館章氏編本年詩古文辭爲庚寅

詩文鈔

十一年辛卯三十一歲

是年應鄉試中式第二名房師為桐城疏萊莊

先生篋壬午進士官武康令主考為道州何文

安公時官工部侍郎安岳王蓮舟先生炳瀛時

官侍講兆霖卷於八月二十四日呈薦前一夜

萊莊先生閱文詩心賞之擬次日復看就寢後

恍惚見一白髮老嫗繞書案行定睛視之不見

起就案再閱默祝曰此卷明早卽薦重就寢則
向之老嫗又至守書案不去師又起呼僕人持
此卷叩內監試之門印上薦條始就枕老嫗不
復來時漏下四鼓矣次日加批呈薦兩主司擊
節稱賞三文一詩卽發刊定元五日始改第二
十二月辭去章氏館偕同年方少牧培之家佛
花玉琪同北上

十二年壬辰三十二歲

應禮部試報罷因次年卽有會試留京寓表兄
梁小槎比部處比部之子子恭名敬事辛卯同
年也徐秋厓師爲比部之妻兄亦以會試留京
同寓焉

十三年癸巳三十三歲

二月八日聞本生生妣黃太夫人訃黃太夫人

膝下僅兆霖一人又出嗣去臘接家言知偶發

肝胃舊疾急欲回南省視正月初信來知已漸

愈不料正月十五日復發嘔吐傷胃室人在家
侍奉多方療治無及竟於十六日 時棄養聞
信痛不欲生卽星奔南旋三月抵家靈轉在堂
哀號莫返嗚呼痛哉 兆霖 未有子女生妣歿後
惟夫婦二人日暮相對悲慘之情不堪回憶

十四年甲午三十四歲

是年館於東城項氏項氏萊園擅林泉之勝地
不廣而境甚幽邃蓋自康熙時卽有此園當創

始時與臯園並稱十二辰石嵌空玲瓏不減雲
林寺前所列者一池方二十丈水光滉漾一綠
無際架亭其上沆爽凌虛几案當窗塵不能到
從游之士甚夥按期閱課殊鮮清暇十二月入
都因老母歿偕室人郭氏至吳門寄於其母家
而後行

十五年乙未三十五歲

入都後館於南豐趙子白編修

德麟

家三月赴

禮部試襄陽單地山先生懋謙力薦不售仍留

都六月考取覺羅官學教習第一名主考爲何

文安公錢塘陳荔峯先生嵩慶厯城毛伯雨先

生式郁七月補正黃旗覺羅官學教習月俸館

穀聊以自給而已

十六年丙申三十六歲

是年應禮部試中式第六十九名貢士房師爲

江甯周石生先生開麒時官給事中癸未榜眼

總裁為吳縣潘文恭公蒲城王文恪公會稽吳

梅梁先生傑時官工部侍郎清苑王曉林先生

植植時官內閣學士覆試一等十七名

殿試二甲二十四名

賜進士出身

朝考入選第四名引

見改翰林院庶吉士大教習為儀徵阮文達公長白穆

鶴舫相國

彰阿

館課第一次題秋河賦他卷皆

主水氣金精

兆霖

本衆小星聚成天河之說文

達公深加歎賞置第一名謂此子可與道古又
應鶴舫師課列第四名卽請假回籍過蘇挈室
人還杭四弟兆成以是年入錢塘學

十七年丁酉三十七歲

九月仍偕室人至蘇寄居郭氏祇攜一僕入都
十月銷假十一月補

武英殿協修子白前輩已出守揚州其尊人衣谷

先生 秉襄 邀往課其孫

十八年戊戌三十八歲

四月散館一等十一名引

見授職編修五月得

旨召見翰詹每日二人六月朔

召見於

勤政殿

垂問履歷皆以實對是年四月九日子 雲驥 生

十九年己亥三十九歲

二月大考翰詹名列二等二十引

見蒙

恩賞江綢袍褂一副五月充雲南鄉試副考官正考官

爲和蘭莊時官翰林院侍讀得士蕭培元等五

十四人十二月回京復

命是年七月補

武英殿纂修

二十年庚子四十歲

正月充本衙門撰文五月充四川鄉試正考官

副考官為羅椒生前輩惇衍時官編修得士張

樹猷等六十二人八月

簡放陝甘學政川闈揭曉後肝疾大作帶病行至甯羌

州始愈十一月歲試乾州是年正月室人挈雲

驥抵都十月至三原學署

二十一年辛丑四十一歲

二月歲試同州府同州文風最盛試者每縣一
千餘人查號閱文皆躬親之肝疾又大作勉強
竣事急回三原醫治月餘始考西安次試鄜延
榆綏鳳漢興商各屬十二月中旬方回三原署
是年九月在鳳翔聞四弟之喪

二十二年壬寅四十二歲

正月出棚按試甘肅共十二棚至十二月竣事
文風以蘭州涼州鞏昌涇州爲勝封篆後始回

署

二十三年癸卯四十三歲

科試西同乾鳳四屬五月竣事陝甘共二十七
棚惟西同乾鳳四棚歲科分試餘俱歲科並行
地輿遼闊陝省北至榆林一千七百里南至興
安一千四百里甘省一歲徧歷共一萬餘里而
鎮迪兩屬尙寄題考試由六百里馬遞往還不
克親至焉卷多期促轉以風霜跋涉爲休息之

時肝疾時發時止亦云瘁矣三原有宏道書院

創於張澥山前輩

岳崧

時道光七年成於周貞

木前輩

之楨

時道光十一年

兆霖

又爲廓而大

之買院東隙地一區構東齋增膏火六十分已
創捐而飭三原令廣爲勸募始成斯舉每鄉試
時兩省士子皆得肄業其中於是宏道之規模
遂與關中書院相埒矣試旣竣調各屬一等之
願來執業者於署中親課之寬其禮貌親爲評

改是年閏六月從天中節至七月共十課應課者二十四五人鄉試獲雋七人手編韻辨附文一書頒給諸生冀粗知字畫音韻九月赴省會同李石梧中丞星沅考取優貢四名宋金鑑趙維仁張大相張增道卽奏請

賞假四個月回籍脩墓十月卸事自備資斧由河南道入徐州回籍十二月抵杭所請修墓假實則覓地營葬到家後繭足深山幾一月始得地於西

溪挂榜山之麓

二十四年甲辰四十四歲

二月二十六日葬本生考妣及生妣伯兄四弟
於挂榜山阡親督土石肝疾不能起移榻於塋
側朝夕董視焉畢工後卧疾月餘於五月挈妻
子北行過蘇因天已盛暑小住顧氏辟疆園六
月室人因受暑染疾遽於十五日逝世伉儷廿
四年深資內助中道分折殊難爲情祇有七齡

稚子勢不能攜之而北呈請蘇撫奏乞病假納
妾黃氏暫寓吳門

二十五年乙巳四十五歲

正月因留南無事又年尙壯盛挈眷入都供職
五月充教習庶吉士仍補本衙門撰文十一月
充

起居注協修

國史館協修十二月升國子監司業前二日本衙

門

京察一等以升司業註銷

二十六年丙午四十六歲

四月考試差肝疾大作免強完卷而出不克引

見七月升翰林院侍講八月奉

旨著在上書房行走授惇郡王讀移居澄懷園復充教

習庶吉士十一月充署

日講起居注官

二十七年丁未四十七歲

大考翰詹奉

旨與少詹事葉覲儀俱免考試五月補

日講起居注官

咸安宮總裁

二十八年戊申四十八歲

惇郡王書房本在前天是年秋移於中天

二十九年己酉四十九歲

京察一等四月升翰林院侍講學士閏四月奉

旨著在南書房行走同直者張小浦前輩芾八月小浦

前輩放江西學政惟兆霖一人入直

三十年庚戌五十歲

正月

宣宗成皇帝升遐

南齋僅一人舊章無可諮訪凡諸撰擬皆敬謹以

意揣度上

進頗深惴慄至二月舊疾大劇屢屢請假

上憫其勤瘁添派三人許溟生世叔乃普熟嫻掌故至

此已三八

南齋後輩藉得依歸焉其二人為何賡卿編修彤

雲馮小亭編修培元五月充教習庶吉士七月

補

國史館纂修

上於

正大光明殿

頒賞

遺念

兆霖

得蕤賓玉佩一方

上御銀灰夾衣一領荷包一副敬謹櫝而藏於家

咸豐元年辛亥五十一歲

六月充江西正考官是科廣中額三十名副考

官為龔靜軒編修

寶蓮

放試差次日蒙

恩升詹事府詹事

召見二次途中患泄瀉入闈方愈得士李鏡華等一百
二十四人歸至徐州陸立夫制軍正在籌堵豐
工有人議其估工過求撙節慮有後患次年合
龍後復開其言果驗回京後十月充順天武鄉
試副考官正考官爲曾滌生侍郎國藩得士姚
世清等百六十七人十二月升內閣學士兼禮
部侍郎銜旋

派充

文淵閣直閣事

二年壬子五十二歲

二月

派充各直省鄉試覆試閱卷官

派閱順天各直省補覆試卷三月署兵部右侍郎升吏部右侍郎隨扈至

西陵四月

派閱考差卷散館卷二十日

派充

殿試讀卷官狀元章鋆榜眼楊泗孫探花潘祖蔭

傳臚彭瑞毓六月放江南正考官副考官為葛

蓬山編修景萊得士薛春黎等一百十四人薛

為安徽全椒優貢次年聯捷進士改庶吉士八

月放江西學政出闈後奏請便道回籍省墓十

月朔值庶母劉孺人合葬先隴即詣墓廬止宿

數日癸卯歲手植松杉均已成拱封隴均無圯

損入城後徧見親故肝疾又作眷口從都中至
挈以偕行十一月抵江西省接印任事十二月
粵匪寇湖北省城陷九江已戒嚴矣

三年癸丑五十三歲

正月粵賊自楚而下經九江直趨金陵勢甚岌
岌二月稍定出棚試瑞州臨江袁州續試撫州
建昌試未竣聞粵賊自金陵分股來撲江西省
城試旣畢又聞閩省有賊擾建昌邊地守令均

須急籌防堵倉卒啟行至撫州始知省城已閉
旬日圍攻正緊無由旋省卽暫駐撫州署中眷
口已徙梓溪復因門人許漱石焜之請移至金
溪之後車假何氏數椽暫憩焉嗣訪知本處里
民有欲贖銀米饋賊者作撫州訓士文分示諸
生并勸紳士速辦民團作撫州與紳士論團練
書二篇奏請添撥勁兵以救省城旋奉

硃批獎勵并

命查九江南康失守情形九江尚可劄守令稟覆南康
則並無守土之官民皆從賊無從飭查因專派
親信二人改裝前往密訪始得五月十六日本
地紳士誘縛守令都司迎獻賊船之事卽據實
奏

聞得

旨命巡撫張芾查辦後訪拏首事者二十餘人戮之駐
撫城幾三月省中軍火接濟及各屬錢糧皆代

爲督催學使不備用公文案牘俱用手書八月
中旬探悉賊於城之西南角起一極高礮臺俯
瞰城內并使進賢門不能紮營危險萬狀恐南
路接濟亦不能通矣時已調考甯都州卽於二
十二日起程按試乃行至南豐而省中八百里
捷報至欣聞省城卽於二十二日夜解圍爲之
一快惟肝疾又作帶病試竣甯都州接試南安
甫畢而疾增劇終日嘔吐加以氣逆自問已無

生理卽奏請開缺調理急還省署時省中稍定
而郭外悉成瓦礫滕王高閣化爲焦土矣歲除
病稍愈

四年甲寅五十四歲

正月得

旨准開缺調理卽挈眷回籍假館富春者三月仲夏旋
省賃屋以居小有園亭藉可養疴息影時挈侶
徜徉湖上或與魏滋伯謙升高伯蓀學沅方雲

泉隲觴詠流連不減未通籍時友朋之樂冬至
後薄游吳中卅月而返患肝疾委頓十餘年日
益加劇去年南安之病自問不起是年禱於呂
祖得方服之竟一年未發自分精力未衰

聖恩優渥值此時艱孔棘何敢無事閒居因復爲出山
計

五年乙卯五十五歲

二月徽州告警休甯歙縣均於旬日間失守皖

省戒嚴三月四日由杭州起程四月抵京五月
署吏部左侍郎兼

南書房行走奏請添設皖南巡撫專辦皖南防剿
事宜得

旨交大學士吏兵二部議奏嗣改池太道爲皖南道准
專摺奏事如福建臺灣道例七月調署工部右
侍郎兼管錢法堂事務八月兼署兵部右侍郎
九月

全譜
派閱順天鄉試舉人覆試卷十月

派宿字圍較射大臣因覆試弓刀不符者九人罰俸四

年零六個月十二月

命查勘明陵

六年丙辰五十六歲

正月補吏部右侍郎仍兼署工部右侍郎二月

派充各直省鄉試覆試閱卷官一等一名爲夏同善四

月

派閱新貢士覆試卷進士

朝考卷十月調補工部右侍郎兼管錢法堂事務
十一月調補戶部左侍郎兼管三庫事務十二
月充

經筵講官是年二月八日女 慶兒生

七年丁巳五十七歲

派驗修

西陵工程案工程計銀一萬六千二百五兩二月開工

七月工竣親往收工是夏京畿多蝗途中作憂
蝗歎戶部清查五字號帳目轆轤鉤稽極難作
擬改五字官錢鋪爲官鈔局說當時不果行後
皆行之八月

派覆核

朝審重囚招冊

八年戊午五十八歲

正月命子

雲驥

南歸就姻於同郡朱氏八月奉

命充

經筵直講

雲驥

挈婦還京九月科場獄興十月

派同全小汀前輩

慶

等覆勘順天鄉試卷十一月

命往通州會同倉場侍郎盤查通濟庫計自咸豐三年

冬至本年共動缺銀二十五萬六千一百兩皆

係經紀長支查照咸豐三年清查舊案廳員分

賠四成經紀分賠六成另奏四條一先漕銀兩

宜另款籌撥一動借銀兩宜奏明辦理一奏銷

全言
冊存數宜歸核實一庫中放款宜候批發給嗣
經部議准得

旨允行并照戶部三庫之例倉場侍郎加兼管通濟庫
事務通濟庫印鑰由該侍郎佩帶遇有放款親
臨監放如必須長支須奏明辦理每年不得過
一萬兩自此長支漸少矣

九年己未五十九歲

正月十九日倉場奏請

派員查驗舊太倉米石

命會同倉場侍郎查倉御史認真查驗盡旬日之力徹
底盤驗過斛分作三等擇空廩三座分收計乾
潔好米一萬一千八百四十九石零尙堪食用
之次米六千三百二十九石不堪食用米四千
五百七十六石零於二月五日覆奏得

旨好米卽作正開放尙堪食用之次米據估僅敷八成
著責令花戶等賠補二成其不堪食用者責令

照數賠補二月

派閱順天各直省補覆試卷三月

派充會試副考官同派者正考官賈耘堂相國楨副考

官趙蓉舫大司寇光成魏卿少司空琦得士馬

傳煦等一百九十一人又宗室二人是科狀元

孫家鼐榜眼孫念祖探花李文田傳臚朱學篤

四月

派閱貢士覆試卷散館卷五月升授都察院左都御史

六月

派閱翰林考御史卷八月

派閱宗室舉人覆試卷九月

派閱孝廉方正卷

派充武會試正考官副考官署禮部侍郎宜春字振得

士韓堃等三十六人先是因工部寶源局監督

張仁政自縊係因查出煤炭加價及工料等含

混摻發畏罪輕生

派瑞芝生大司寇

常暨兆霖

查辦嗣查出監督等有得

受炭商錢文情事奏請將舊監督瑞琇奎麟署
監督榮滙大使吉祥德俊撤任瑞琇時任浙江
嘉興府知府德俊時已揀發安徽知縣請飭該
省押送來京審辦十月十二日因瑞琇德俊到
京尙早先行奏結奎麟榮滙吉祥照監守盜擬
斬監候交贓後照例減二等嗣奉

硃批奎麟榮滙吉祥依擬斬監候交贓後均着發往新

疆効力贖罪張仁政婪贓多款死有餘辜著該故員之子全數賠繳不准拖欠仰見

聖主懲貪法無寬貸蓋原擬減二等職官僅止軍臺新疆乃減一等較舊例爲加重也瑞琇於十年三月二十四日奏結照奎麟等定擬奉

旨依議德俊已在安徽定遠縣陣亡十一月派閱內閣六部考御史卷

賞紫禁城騎馬是年五月長孫

宗暮

生

十年庚申六十歲

二月

派充各直省鄉試覆試閱卷官一等一名爲高梧

派閱順天鄉試補覆試卷三月署戶部尙書

派閱宗室會試覆試卷閏三月

派閱散館卷四月

派充

殿試讀卷官狀元鍾駿聲榜眼林彭年探花歐陽

保極傳臚黎培敬五月

派閱進士

朝考卷七月天津有警

上意將出巡乃率科道伏

闕乞留八月八日

乘輿巡幸木蘭二十二日英法諸國人至海淀留京王
大臣集各部院於內閣公同定議九月十一二
日和約成二十七日偕廷臣連章請

上回鑿得

旨明年再降

諭旨是月升授兵部尙書十一月復疏請

聖駕明歲春融卽行

回鑿十二月調補戶部尙書

十一年辛酉六十一歲

正月

派承修

西陵工程二月恭詣查勘赴熱河

行在復

命蒙

召見五次三月旋京六月

派覆勘貢院工程七月十九日熱河報至

文宗顯皇帝十七日升遐驚怛愴悲攀號莫及隨同留

京辦事王大臣詣內閣哭九月二十九日

兩宮皇太后

皇上奉

先帝梓宮回鑾十月初一日

命在軍機大臣上行走十五日

命偕麟大司馬魁馳赴甘肅查辦陝甘總督樂斌等

參案十一月初一日率刑部郎中覺羅續慶陳

象沛戶部員外郎童大盱主事錫縝起程十二

月初十日行次陝西永壽縣奉到

廷寄

諭旨以陝甘總督樂斌西甯辦事大臣多慧所陳西甯善後事宜及保舉剿撫撤回出力人員各摺片

飭交查辦樂斌爲陝甘總督信任提督成瑞知府章桂文於公事多所瞻徇其妾王氏與章桂文眷屬幕友彭雨亭家丁陳四均不安本分衆論沸騰爲言官所糾撒撤回者番回之別種也居西甯府屬巴彥戎格循化兩廳夾黃河而居性獷

悍好鬪乾隆間與土回辦教滋事幾危省城阿
文成討平之邇年來復因辦教與土回雀角擾
及漢民十年冬掠西甯村落碾伯人碁之團衆
自衛因與碾民爲仇掠碾南鄙成瑞督兵往勦
恇怯遷延頓兵不戰賊膽愈肆焚掠益甚西碾
兩邑村落幾無噍類樂斌於成瑞旣多回護復
輕信多慧力主撫議遣員往說被困三月之久
遂勒令民間撤團以悅回意團撤而回情益驕

日出剽掠乃曲意遷就勉成撫議既撫以後復
出大掠民間疾苦無過問者二十二日行次安
定兩邑士民遮轅哀籲爲受其辭以

聞案中應訊事件此爲最要二十六日抵甘肅省城

寓蘭州行館

同治元年壬戌六十二歲

正月初七日麟大司馬卒

兆霖

獨任讞事率司

員等日夕訊鞠旋奉

旨解樂斌任以麟公攝督篆麟公遺摺入奏

命兆霖權總督

諭令剿辦撤回二十九日奏結讞案樂斌章桂文原擬革職奉

旨發往新疆効力贖罪成瑞多慧請交刑部議罪部議斬監候其餘降革治罪有差二月准吏部知

照以

京察奉

旨交部議敘具摺謝

恩移居督署經畫剿匪事宜派西甯道恭釗署督標
中軍副將閔相儒爲營總督兵赴碾伯進剿巴
彥戎格四工回匪派同知嚴長官參將趙秉鑑
督兵赴循化達爾架山防循化八工撤匪並令
候補知縣趙桂芳率兵勇防積石關遏該匪東
竄之路三月初六日恭釗等督兵進山剿賊接
戰五日夜均獲勝旋因深入糧盡涼標兵潰率

兵自間道出退至西寧平戎驛十二日親率司
員及隨營委員帶兵自省起程十八日抵碾伯
改派署蘭州道楊炳銓爲營總分派兵勇八路
圍攻計四五兩月大小六十餘戰焚燬回莊二
十餘座巴循兩屬共斃賊五千餘人回勢窮感
兼因各路要隘置兵無所出掠山外土回之通
賊者亦不能濟以糧撤莊食盡至有鬻青苗以
代餐者屢屢乞撫以詞意不馴恐有反覆數卻

之五月杪回民總約馬歸源率十二工撤回連
呈哀懇乞撤兵誓願永不滋事因遣同知莊裕
崧前往察其誠僞該回等叩首乞命哭聲震地
遂許其撫六月二十二日派營總楊炳銓至札
什巴城受降回衆五千餘人跪道乞免死責令
繳贓繳械出具永不過山甘結皆應諾楊炳銓
反覆開導宣諭

朝廷德意咸歡欣鼓舞二十四日具摺奏

聞飭令各營弁兵歸伍派員辦理善後事宜部署已
定七月初二日率隨營員弁及督標兵起程旋
省

謹案

先文忠公自訂年譜自嘉慶辛酉九月迄同治
壬戌七月詎料

先公督師旋省於七月初四日未時行至甘肅
平番縣境去城二十里之三道嶺溝兩山陡

絕大雨猝遭山水暴發沖散從人

先公竟歿於王事棄不孝而長逝矣嗚呼痛哉

尙忍言哉維時隨員等阻隔在後趕救莫及
直至是日酉時去山岡十里外始見

先公端坐輿中面色如生冠履衣帶均完整照
常後隊營弁及路旁居民多見

先公單騎赴山麓關帝廟中先是山雨將至從
征文武請息程暫避

先公體恤屬吏供億不肯稍停冒雨行役罹此

鞠凶痛哉痛哉尙忍言哉當經護理陝甘總

督藩司恩公麟飛章入奏七月十九日奉

上諭一道又於二十六日奉

上諭一道禮部奏請

諭賜祭葬如例並以可否

予諡請奉

旨賜諡文忠

不孝 雲驥 叢愆稔孽貽禍

嚴親生不能孝養承歡歿不及躬奉含殮不可
爲人不可爲子呼天搶地萬死莫贖伏念

先公以文章政事受

三朝知遇飾終令典優厚逾常哀感餘生謹和淚濡墨

敬續并恭載

恩旨及

諭祭葬文以備

巨普

三

國史採擇云

不孝

雲驥

稽首泣誌

賜進士出身光祿大夫工部尚書

實錄館副

總裁通家生單懋謙頓首拜填諱

汪綬之

洪昌燕

門下士施應藻恭校

范鴻謨

夏同善



予馮氏族自山西洪洞縣遷濟世居鄉間自

星一公始居城二傳爲

秀卿公諱世美三傳爲

祥玉公諱瑞四傳爲

振公公諱淑孔五傳爲

曾祖青岩公諱柏

恩賜修職郎爲人梗直有氣節一介不取與壽至八十

有九以予官 例贈資政大夫

祖睿菴公諱惟智因無生產貿易江南家貲漸
豐輕財好施濟急救難疊疊不倦每歲家居不
過一月之久常曰吾先世有隱德子孫必昌壽
至七十以予官 贈通議大夫 例晉資政大
夫

祖母李氏襄理家事勤儉中禮壽至八十 贈
太淑人 例晉太夫人

父覲光公諱繼文州廩膳生以予官 贈奉直

大夫 晉贈通議大夫 例晉資政大夫

母氏宋 贈太宜人 晉贈太淑人 例晉太

夫人嘉慶六年辛酉二月二十七日吉時生予

於濟名曰德馨字曰桂山本房居長同堂則行

三也

壬戌年二歲

癸亥年三歲

甲子年四歲

乙丑年五歲弟德基生

丙寅年六歲入學讀書從州庠范廉泉先生

丁卯年七歲

戊辰年八歲從州庠生杜伯況表叔

己巳年九歲弟德華生

庚午年十歲

辛未年十一歲

壬申年十二歲大妹生後適滋陽縣庠生喬公

有巽之三子名文翼滋陽縣庠生

癸酉年十三歲受業於

伯父易泉公諱繼聰丙子科舉人以予官 勉

贈通議大夫

甲戌年十四歲始作制藝律詩

乙亥年十五歲始應童子試

丙子年十六歲弟德連生

丁丑年十七歲夫人楊氏來歸同里乾隆庚子

科舉人友枋公之孫女嘉慶癸酉科舉人登州府黃縣訓導仁公之女也

戊寅年十八歲

己卯年十九歲

庚辰年二十歲入州庠學使安徽太湖李莊肅公振祐

辛巳年二十一歲是年時疫大作予因鄉試在邇有志上進晝夜攻讀不料驟染時疾於六月

十七日大發已至脫形楊夫人晝侍湯藥燈夜
飲泣身心俱瘁而醫藥有效二旬而愈精神尙
未復元強赴棘闈勉畢三場至九月初六日聞
報中七十二名舉人是科同考官江蘇武進謝
公增官博興縣知縣主考官江蘇武進徐公少
鶴官禮部侍郎四川璧山何公增元官江西南
康府知府

壬午年二十二歲赴禮部會試不第

癸未年二十三歲再赴禮闈成三甲進士引

見以六部主事用簽分戶部派江南司行走是科同考

官順天邵公甲名後官至廣西布政使總裁官

安徽歙縣曹文正公振鏞江蘇儀徵汪文端公

廷珍江蘇高郵王文簡公引之長白穆公彰阿

官至文華殿大學士加太子太保銜

甲申年二十四歲秋間

先贈公送楊夫人同子女由水路來京船隻窄

小人聲衆多次子曰駿未及週歲因得驚症道
路醫藥不便

先贈公時深焦灼而楊夫人晝夜提撕者一月
之久

先贈公到京後不旬日返濟十二月二日午時
先贈公凶耗忽至維時天氣嚴寒北風慄慄同
楊夫人率子女奔喪甫回濟三日子女三人相
續出痘楊夫人晝夜看視又將一月之久

乙酉年二十五歲奉

先贈公柩葬於城北常清觀之西新阡

丙戌年二十六歲在岳家教讀

丁亥年二十七歲服闋仍赴戶部學習

戊子年二十八歲

己丑年二十九歲

庚寅年三十歲

辛卯年三十一歲八月又聞

太夫人凶信嗚呼痛哉自服官以後雙親見背
生不得侍養病不得視藥歿不得視殮罔極深
恩絲毫未報抱恨中心曷其有極又率楊夫人
攜子女奔喪回濟自丁亥進京五年以來廉俸
無多用度較窘厨無庖人楊夫人親自操作予
治公事每食必早楊夫人卽同子女食其餘偶
添一味不過瓜蔬豆腐而已回濟以後操作如
故也十月奉

太夫人柩合葬於城北新阡

壬辰年三十二歲教曰驥曰駿讀書曰麒尙幼
皆楊夫人出也

癸巳年三十三歲弟德華忽得損症十月內不
起績學早世惜哉惜哉十二月服闋遂攜曰驥
赴都仍在戶部行走

甲午年三十四歲春二妹出閨其壻爲同里李
公澍之三子名聯洋事後而楊夫人攜子女仍

由水路來京中
之窘況如故也
而楊夫人之
操作亦如故也
秋兼廣西司
行走卽坐辦
廣西司事

乙未年三十五歲
派在錢法堂主稿

丙申年三十六歲

丁酉年三十七歲
在錢法堂主稿
期滿二年之
中深爲安徽歙
縣程公恩澤所
知是年又以煎
煉銅斤必需熟
手仍畱辦二年
旋蒙上官賽公

尙阿特派予同聯秀峰副郎總理其事寶泉局
辦理煎煉必需招商而商人往往視爲利藪利
之所在不過出入輕重之間予同秀峰副郎力
杜其弊商人因無利可貪煉至一半而止爾時
滇銅亦源源抵通足資接濟回明接任錢法堂
侍郎裕公誠桐城姚公元之奏請停止十月補
陝西司主事缺仍坐辦廣西司事是年日驥授
室滋陽縣庠生喬公文垣之女也

戊戌年三十八歲楊夫人又回濟送大女出閨
其壻爲滋陽縣舉人鄭公藻之長子滋陽縣拔
貢生名橡十月陞廣西司員外郎查錢法堂則
例內載滇省辦運京銅各員每正銅百斤外准
帶餘銅二斤八兩以備瀘州以後折耗暨京局
添秤之用添秤之餘準其納稅領售若遇中途
沉溺現到正銅不敷收兌將所帶餘銅儘數作
抵抵收有餘仍準納稅售賣而銅運章程內載

又有先準抵秤之語等因是餘銅一項或補短秤或補沉溺例文與章程未歸畫一查近年各運委員領運銅斤船支每多沉溺自數萬斤以至十數萬斤之多且甲午等年運官陳步賢劉沛霖沈承恩等交局銅斤各又短至七八千斤及四五萬斤不等統計每年正加大運或不過一二運報有沉溺者今則六運中竟有四運具報沉溺雖因遭風遇險人力難施而平坦水次

亦復不少是皆由遇沉溺未能實力撈獲致有掛欠暨運員等途中管解不慎致有折耗此而若準餘銅先補短秤俾免短折處分更足以啟玩視公務之漸於京局額鑄大有關碍自應遇有沉溺之運無論灘次平險俱將所帶餘銅儘數抵補沉溺照例由坐糧廳分解儘數作抵抵收有餘方準添秤以示節制且各員遇有沉溺所帶餘銅隨正銅運局其運腳俱係官爲開銷

其爲先補沉溺毫無疑義回明錢法堂侍郎裕
公誠陳公官俊奏奉

上諭裕誠等奏銅運中途遇有沉溺及交局短秤卽請
照舊章量爲變通一摺滇省辦運京銅準帶餘銅一
項或補短秤或補沉溺例文與章程向未畫一近年
各運委員沉溺過多若準餘銅先補短秤俾免折短
處分易啟玩視公務之漸於京局額鑄大有關礙嗣
後遇有沉溺之運俱著將所帶餘銅儘先抵補沉溺

抵收有餘方準添秤以示節制此次運員陳步賢等
所短秤頭銅斤著卽行文該省責令該員按數賠繳
并著雲貴總督巡撫迅速飭令按數完繳買銅補解
以清欸項嚴飭各該運員以後務須小心管解毋致
疎虞如有各該運員遇有遭風沉溺卽著沿途該督
撫委派道府大員親往履勘嚴督上緊打撈毋任捏
報隱飾至折耗銅斤秤不足數著戶工兩局統合該
運額解銅斤計算照例辦理以歸畫一而昭公允欽

此

是年九弟德連入庠

己亥年三十九歲大女病卒無所出

庚子年四十歲長媳喬氏卒止生一女許配同

里優廩貢生候選訓導車公克謹之次子名毓

紳九月二女生尙未字充順天鄉試同考官得

士十二人後成進士者二人貢璜入詞林鍾佩

賢畱中書冬爲曰驥續娶直隸安肅戶部郎中

袁公德璜之女

辛丑年四十一歲二月陞雲南司郎中仍坐辦
廣西司事命曰駿回里授室同里候選知州劉
公蕙田之女五月充寶泉局監督

壬寅年四十二歲

京察大典得列一等回憶在戶部當差前後十六
年有餘惟滿尙書敬公徵在部堂年久受知較
深予主稿錢法堂時又值公任右侍郎兼管錢

法事時也予監督錢法任右侍郎兼管錢法事者薩公迎阿何公汝霖二公者信任較專每念三公時深知己之感焉

癸卯年四十三歲二月引

見准其一等加一級旋經覆帶引

見以道府記名又值郎中俸滿例得截取知府蒙

上官保舉繁缺引

見又記名以繁缺知府用

召見垂問履歷甚悉三月

簡放貴州糧儲道在部多年一無積餘僅得一益友浙
江沈砥齋也黔省去京五千餘里而缺分又屬
瘠苦艱於攜眷遂畱楊夫人在濟弟德基子曰
麟俱隨任而楊夫人在家其操作仍猶昔也到
黔之日卽充文闈提調官

甲辰年四十四歲充文闈提調官復充武闈提
調官次媳劉氏卒續娶同里駱公士坊之長女

是任於公餘之暇將在京所作律詩擇其可者
輯之題曰陋室陳蹟止以示後人未敢付梓十
二月調補山西河東道

乙巳年四十五歲二月初自黔起程二麥抽穗
及四月初至太原二麥抽穗始知南北節氣有
兩月之殊是月二十五日到河東任查鹽池周
圍一百二十里地最卑窪天氣炎熱薰風時至
出鹽必旺曬鹽之人終日勞力氣悶之災得風

吹始免乃知解愠阜財之歌專指此地言也鹽
商之賠累久矣一由於官引滯銷一由於銀價
日昂正思整頓忽奉

恩旨陞授廣西按察使巡撫 梁公萼涵奏請俟新任
到後再行交卸赴粵得

旨允行查河東課目曰正課曰河工加價曰餘引曰活
引活引者吉蘭泰地方之鹽池也自商人馬起
龍告退歸官辦理

朝廷派大臣查辦惟時河東運商率皆殷豐責成領
運不配引地某地暢銷卽運某地謂之活引歲
輸課八萬餘金現在官引滯銷碍難配運詳請
鹽院奏減活引以蘇商困奉

旨交部議減雖一半而商困亦得稍蘇又河東衙署辦
事科房有鹽六房有道六房鹽六房房間率皆
完好道六房則不堪止棲各吏辦公僅得一席
之地所存案卷多爲風吹雨滲詢其致此之由

向係安邑縣承修緣缺非昔比年延一年以至
於是予思再派安邑縣承修又必耽延日久若
攤派三十屬後必計年興修從此畱一陋例遂
發庫中間欸四百餘兩交各房自行估修一月
之外一律完好又商人向分七十籤從前有一
商一籤者有一商數籤者近因賠累日甚一商
半籤者居多一商一籤者十餘商而已賠累不
均除引地不能分者不計外尙有四裔可分詳

請鹽院飭令四商各舉殷戶分出引地以昭公允是年四月長媳袁氏病卒八月楊夫人攜子女輩來署其操作仍猶昔也是任也得一佳友浙江唐曉塘也其人守正不阿處腥膻之地絲毫不染後祁縣案內果免於難十一月未及卸事省中忽有平遙縣宋曹氏當堂自刎一案巡撫吳公其濬奏請畱予審辦奉

上諭吳其濬奏請暫畱陞任道員審辦要案一摺山西

平遙縣民人宋鶴慶因姦謀殺一案提省委審後犯
妻宋曹氏當堂自戕自應另委幹員覆審河東道已
陞廣西臬司馮德馨交卸尙未赴京著畱山西督同
嚴訊全案確情分別按律究辦毋稍徇縱欽此十二
月交卸赴省查閱卷宗提訊人証始悉正兇宋
鶴慶乃敗家子也其父有足疾其母不安於室
帮兇宋郭騾子者先剃髮爲僧被逐還俗在宋
鶴慶家傭工與其母有醜聲親鄰共知宋鶴慶

之妻曹氏幼無母常住其舅王久忠家及嫁後
王久忠時常往來禮也亦情也恒促令宋鶴慶
逐出宋郭驟子而宋郭驟子已心恨之及宋曹
氏生女宋郭驟子卽謂宋鶴慶曰女耳頗似王
久忠後宋鶴慶卽與曹氏不睦宋曹氏偶得病
其父曹爾爵約同王久忠看病伊時宋五福宋
鍾福宋有慶宋丁午俱在宋鶴慶家同桌吃飯
王久忠直而無禮先訓斥宋鶴慶不端後卽辱

其母宋鶴慶又心恨王久忠辱罵之言遂起意謀殺王久忠洩忿商同宋郭驟子代爲打刀二把於道光二十三年正月初六日稔知王久忠往曹爾爵家拜年必由伊村口經過二人果見王久忠車到卽喝令下車向砍宋郭驟子從而加功卽時身死此宋鶴慶謀殺妻舅王久忠之實在源委也查例載謀殺人者斬秋審時擬入情實擅殺人者絞秋審時擬入緩決而承審各

官謬於救生之說遂以宋郭驟子誣捏之言王
久忠禮往之迹作爲姦情之據故以疑姦擅殺
定案雖宋鶴慶之罪名可從未減而宋曹氏貞
節自持不甘受誣因覆審官逼供難堪遂暗中
懷刃當堂自刎而死是此案之錯謬已成在

吳中丞不能不有簡員覆訊之奏也予同呂小
滄刺史提到人証詳細研究宋鶴慶宋郭驟子
供認前情如畫宋五福宋鍾福宋有慶宋丁午

僉供宋鶴慶宋郭驟子該死宋曹氏平素端正
其死可惜供得實情案無疑竇詳請 吳中丞

覆訊宋鶴慶宋郭驟子俱伏法宋曹氏例得

旌表 吳中丞具奏奉

旨交部核覆準行

丙午年四十六歲三月到京

名見三次

諭以懸缺日久速赴新任遵於閏五月十一日到粵接

印查廣西與楚南粵東滇黔四省毘連素稱多盜欲杜外匪之潛踪必先本境之防嚴而本境設防莫善於團練卽經通飭所屬認真督辦以期除莠安良又粵西州縣平日於律例多未講求諳練相驗者亦未可多得遇有命盜案件則惟幕友是聽多狃於救生之見刪減傷痕改易情節舍重就輕顧此失彼以致多屬草率一經駁飭復審續詳與初報勢難相符隨用附驗了

案殊非明慎用刑之道予卽分別札飭各州縣
講求律令並設法督飭刑件講求洗冤錄解辯
精熟悉心體貼以期相驗得實審斷平允其詳
辦案件不得任幕友率用附驗以重獄讞州縣
漸知遵照惜在任未久不得觀其成耳七月巡
撫周公之琦以腿疾乞假藩司孔公繼尹得護
撫篆以予兼署藩篆楊夫人自河東由水路來
粵以氣血兩虧之身當此天氣炎熱水氣薰蒸

卽暗中受傷入署以後雖醫葯未斷而操作猶
昔也

丁未年四十七歲三月鄭公祖琛撫粵遂交卸
藩篆四月又以各屬團練是否一律舉行并行
之是否得力復疊經嚴飭查辦七月命曰驥回
濟又續娶泗水縣廩生王公亨圭之次女也八
月又命曰麒赴浙就婚九月十四日突有湖南
新甯縣齋匪雷再浩一股勾結粵省齋匪李世

得一股糾衆滋事擾及興安全州西延一帶勢甚猖獗鄒連遠者乃齋首也署全州甯牧幾至被害靈川灌陽省城同時戒嚴鄭中丞派撫標兵六百名前往攻勦星夜調提標兵八百名會勦命予馳往大溶江督辦一切予於二十七日馳往大溶江邇時賊已擾及興安所屬之車田小地一帶矣車田小地以北爲塘崗入省之要道也車田小地以東爲城坪至大溶江之咽喉

也予卽撥兵二百名防守塘崗以固省城訪獲
奸細康十一潘原戒曹心超等多名正法派張
令汝瀛率鄉勇二百名防守城坪挈獲唐玉和
陳信漢等多名正法又派陳令慶桂黃令輔相
各率勇二百名赴興安縣所屬之唐家司以防
賊匪之乘虛而來先是全興交界之界首地方
著名巨匪陸二十聶二大王唐八矮子者此時
由車田小地來爲雷逆糾人經陳黃二大令訪

獲解至大溶江予卽訊實刻行正法賊遂無信
可通在瓜里義林大垵等處焚搶無算至十月
初八日提撫兩標兵力厚集西延尅期合勦粵
匪李世得旋被鎗斃生擒其次子李加邦并匪
目多名餘匪盡歸雷再浩合爲一股如故猖獗
提軍馬公殿甲由慶遠府星夜趕來親身督戰
在瓜里義林大垵等處接仗數次共擊斃賊匪
無算奪獲器械無算生擒數百餘名及僧道等

匪一併解省至十六日夜全州以所屬之萬鄉地方向稱殷豐賊匪屢戰不利勢必竄入滋擾查八十里山一帶爲入萬鄉必由之徑不可不防馳稟告急值逢在籍道員顧公椿率省城練勇四百名前來予卽馳文移知顧觀察率勇赴八十里山防堵至二十六日雷再浩一股竟回竄入湖南新甯縣境之深沖地方被湖南官兵擒獲而匪首鄒連遠等果率衆由八十里山竄

來經顧觀察儘數擒獲先有粟正輔者代爲李
逆糾人四百名潛在省城作爲內應李逆被斃
伊子李加耀尙不知也來省會合粟逆仍遣謝
老三持暗記送往路經大溶江爲壯丁所獲訊
出前情卽遣營兵陸朝普進省認挈粟逆飭升
任臨桂縣王令淑元查挈逆子李加耀一并捕
獲訊實正法未及兩月閩境一帶肅靖省垣安
堵 鄭中丞據實入

告蒙

恩賞戴花翎在事文武出力各官

恩賞有差臘底日麒偕其妻來署浙江嚴州府知府滋

陽張公庭樺之三女也

戊申年四十八歲二月日驥偕其妻并日駿來

署予竊以爲自辛丑以來七年之久家人父子

始得團聚楊夫人亦願而樂之不料病勢日增

至二十六日忽然昏迷葭苓罔效至三十日寅

時端坐而瞑嗚呼傷哉夫人生也何勞死也何
速雖修短有數情又奚堪耶兩遇

覃恩由宜人封淑人安之若素視子女寬嚴得宜待奴
僕有恩有義家政肅然深資倚賴一旦撒手奈
何奈何 鄭夢白中丞悉其行實敘傳付梓四
月鎮安府天保縣沈令毓寅因挈盜被戕 鄭
中丞委予恭賚

王命親往訊辦予到時已據地方文武員弁擒獲盜

犯一百餘名先將拒捕戕官盜匪十七名審明就地正法適孔莘農方伯因病出缺中丞奏委予兼署藩篆七月奉到

恩旨陞授江甯布政使中丞奏請俟新任到後再行交卸得

旨俞允時因粵西州縣交代後任延不盤倉前任受累無窮予卽詳明撫院通飭各州縣遵照例限盤收如後任有意拖延逾限在三月以外者許前

任據實稟陳將倉厩鎖鑰移交後任日後盤查
虧短惟後任是問奉

批準行并列入省例永遠遵行又粵西州縣征
收兵米有撥米到營者有折色解司者撥米到
營者其費輕折色解司者其費重省外州縣向
未明定章程遂出貲與司房囑其多撥少折取
利於己爲壑於鄰於政體大有關礙予酌定數
目通行各屬永遠遵照并詳院立案後任一查

而知書吏無高下其手之弊矣十月新任臬司
勞公崇光到任予卽交卸藩臬篆務卽起程赴
都

陞見是任也追隨 夢白中丞將近二年之久 中丞
由縣令以至開府歷四十餘年精勤謹細諸凡
練達遇事指示無不詳盡深受其益焉又得一
佳友係向在臬署之浙江孫小雨也其人品行
端方辦事精細洵粵中之翹楚者本擬邀其偕

行因新任延請不果

己酉年四十九歲新正四日到京

召見兩次諄諄以清查爲訓遵於二月五日到江甯任
清查事宜先經巡撫孫公善寶奏定截至二十
四年爲止邇時辦理已有頭緒計日可以出詳
至現在奉

旨清查之件乃二五五六七八四年事也詎意五月十
八日安省起蛟江水陡漲江甯府所屬七州縣

皆在巨波之中城內水深一丈有餘氣象愁慘
難以言狀急與陸制軍先捐廉撫卹再籌欸賑
濟予卽督率同屬妥爲經理未及歲事卽聞撫
湘之

命九月到京

召見四次

垂諭甚詳因請假回里修墓值逢楊夫人葬期長媳喬
氏袁氏次媳劉氏亦先附葬於新阡卽在城東

昇仙營

祖塋之側也假滿赴任於十月二十二日行至巴陵縣卽聞寶慶府匪徒滋事之案晝夜遘行閱二日戌刻接篆委用非人以致首匪脫逃實屬咎無可辭

庚戌年五十歲三月奉

旨革職戍邊

辛亥年五十一歲新正七日到戍隨來者次子

曰駿也

壬子年五十二歲七月隨

布叅帥彥泰赴阿

克蘇辦案有南路行程記

癸丑年五十三歲二月奉

旨回籍行至烏魯木齊由紅山口循山西北行折而
東計程一千六百四十里至哈密有東路行程
記二記者續祁鶴臯先生行程所未經也及入
關至肅州所屬之鹽池驛地方曰駿病故此子

不離左右者三年一旦撒手傷哉傷哉七月朔
抵里始知長子曰驥已於去年四月病故二子
者雖修短有數情又何堪耶曰驥出者斯達斯
迺斯迪斯暹四人曰駿出者斯逮一人伏思一
介書生學業未成科名俱獲官階漸高皆夢想
不到之事也今幸生回故里家人團聚亦夢想
不到之事也此後有田可耕以資餬口課讀兒
孫以續書香人生最要之事也朝夕之暇迴憶

往事按年編敘使幼子童孫得知行實此後係
其目睹無庸自敘然性情心地不可不記於後
也

予賦性過直生理也必不可改疾惡過嚴往往
招人忌幸而脚下穩無恤也信人過輕往往受
人愚吃虧不少然問心無愧也琴棋書畫詩詞
歌賦諸雅事一無所好間有求字求跋者皆倩
人代之予歛而已同里親友中求誌墓者僅應

篆蓋俟異日之攷徵不可不從實也五十三歲
以前大概如此

咸豐三年七月

馮桂山自敘付梓

三行



三

--	--	--	--	--	--	--	--

癸丑年 先大父五十三歲奉

旨回籍時粵逆竄擾東境戒嚴在途又奉

旨辦理團練事宜蒙

恩賞給六品頂戴同事者車意園少司空孫梧江廉

訪

甲寅年 先大父五十四歲在局辦理團練夏

納庶祖母鄭太孺人冬先五叔入庠

乙卯年 先大父五十五歲在局辦理團練

丙辰年 先大父五十六歲在局辦理團練孫廉訪以病就醫京師車少司空於前一歲進京供職團練事宜盡歸 先大父一人經理

丁巳年 先大父五十七歲在局辦理團練同州尊盧公曉亭重修州誌又同衆紳士保舉節孝建總坊於學宮西偏節孝祠內

戊午年 先大父五十八歲在局辦理團練冬擒匪北竄 先大父帶領鄉勇在黃德集防堵

是年先二姑母許配於同里丙子科舉人濟陽
縣訓導劉公椿次子從九品承濟即於是年于
歸先姊亦於是年出閨 先曾伯祖易泉公著
有周易析義六卷詠史詩四卷 先大父手錄
付梓

己未年 先大父五十九歲在局辦理團練春
二月建義學於東南隅楊翰林街李相庭先生
著義學記勒石其中 不孝斯達 偕弟等始應童

子試秋九叔祖選授平度州訓導冬爲不孝斯

達及斯适完婚斯達娶同里歲貢生利津縣訓

導王公泰徵孫女乙卯科舉人工部主事藻之

女斯适娶泗邑六品軍功王公業孔次女

庚申年先大父六十歲在局辦理團練秋九

月南捻竄至濟陽門外先大父守城四晝夜

擒獲逆匪多人又用大炮擊退之幸獲無虞十

一月南捻又犯州境先大父協同官紳守城

因捐輸請加文武學額永遠定額各八名第一
次各十名以守城功蒙

恩賞給四品頂戴是年正月爲 斯速斯迪 完婚 斯速

娶同里光祿寺署正劉公克緒次女 斯迪 娶同

里從九品楊公師震次女十月先姊病故

辛酉年 先大父六十一歲在局辦理團練正

月奉 即帥札帶勇守王家橋二月又奉 即

帥札團練歸州辦理特改派辦理畝捐事宜又

奉州尊移文修各街柵欄有柵欄記勒石秋

九月斯逮妻劉氏病卒十二月二十七日庶祖

母鄭太孺人病故所出七叔曰騰及幼姑一人

七叔聘同里捐職州同誥封中議大夫李公聯

培次女

壬戌年先大父六十二歲正月先五叔以議

叙拔署齊東縣訓導秋時疫大作五叔送考省

垣於七月七日遽染時疫病故先大父攜不

孝斯達

赴省攜柩回里先五叔出者

斯週一人

女二人

斯週

聘同里捐職四品頂戴候選州同

李公為珠女

大妹

許配同里庠生候選訓導李

公政之孫

二妹

未字十二月為

斯逮

續娶鄒邑

候補鹽經歷董公作棡次女

癸亥年

先大父六十三歲主講漁山書院冬

斯廸

妻楊氏病卒十一月為

斯廸

續娶同里議

敘六品銜李公承波女

甲子年 先大父六十四歲主講漁山書院摘錄四書滙叅舉其最要者間出己意補前賢所未及抄錄成帙題曰滙叅摘要命家藏之不欲出而示人也是年三月斯遠入州庠先二姑母病故

乙丑年 先大父六十五歲主講漁山書院前一歲程篋泉州尊擒誅劉謝二逆浙人孫公念培記其事 先大父手書勒石又勒 關聖帝

君覺世經立石五龍宮是年四月七日 不孝斯

達斯迺斯迺斯迺

繼母王太孺人病故

丙寅年 先大父六十六歲主講漁山書院因

祖宅頹廢改建爲宗祠以垂久遠同孫亦何閣
學重修城外郭

丁卯年 先大父六十七歲主講漁山書院秋

八月病醫葯得痊十月爲斯迺完婚娶同里廩

貢生候選訓導王公啟疆孫女庠生治平女



戊辰年 先大父六十八歲移講任城書院秋

李星衢中丞以假旋濟 先大父商捐齋課獎

賞銀二百兩按冊發給是年春患泄瀉夏漸痊

愈秋八月爲七叔曰騰完婚後以疝氣頓發復

傷脾胃飲食漸減醫藥罔效竟於十一月初二

日亥時棄

不孝斯達等

而長逝也嗚呼痛哉

不

孝斯達

謹依問寢視膳時聞見所及補錄十五

年行事附 先大父自敘年譜之後

不孝承重孫斯達泣血謹述

(清)汪士鐸編 民國二十二年鉛印本

汪悔翁自書紀事

銘曰方正之德純固有常惟節是守著爲文章歎云柯九思贊下有柯氏私印圖章面池下有眼碧色才豇豆大旁有小黃粒皆見翁所著憶妄塵語錄稿本按森硬二語似隱復見太平四字未知是否

汪悔翁自書紀事

悔翁自書紀事云乾隆三十年乙酉十月十六日先考茗溪府君生（按茗溪先生好宋儒書授讀不應試）五月二十四日先妣蘇太孺人生嘉慶七年壬戌六月十五日子時予生（按翁生于金沙井所謂老宅也）十七年壬申十一歲（按是歲翁從學徐師諱鎔）二十一年丙子十五歲（按是年翁學故衣于焦氏者六閱月）二十二年丁卯十六歲（按是年翁又學故衣業于其姑丈朱惠泉宅者五閱月）二十三年戊寅十七歲（按是年五月翁學餅業于長千里祥和店至八月而歸）二十五年庚辰年十九歲入泮（按督學使者爲歸安姚文僖公文田）道光元年辛巳二十歲館家中二年壬午二十一歲館張氏二年四年甲申二十三歲館盛氏一年五年乙酉二十四歲食餼以後

館方氏九年七年丁亥二十六歲授室同郡宗孺人生于嘉慶六年辛酉年二十七始歸予予貧不能娶也九年己丑二十八歲（按是年六月十四日長女淑芹生適上元庠生吳榮曾字芟舟）十二年壬辰三十一歲丁外艱（按是年六月二十日字范次女淑蘋生）十四年甲午三十三歲館熊氏六年（按是年十一月四日三女淑口生適吳榮寬字立生）十九年己亥三十八歲（按是年翁遷居油坊巷）二十年庚子三十九歲鄉舉（按是科主試爲滿洲文慶益陽胡林翼）借方氏館二十一年辛酉四十歲會試二十二年壬寅四十一歲館何氏一年二十三年癸卯四十二歲赴山東二十四年甲辰四十三歲會試先慈八十壽二十五年乙巳館績溪二年二十七年丁未四十六歲六月十五日內卒棺極薄葬不成禮可哀也內艱（按是年會試不第館於邗上）二十八年戊申四十七歲在舍修南北史補志表及通鑑地理考正（按地形考草木考翁長女筆也）二十九年己酉四十八歲又四月十五日繼室吳興沈氏來歸（按是年始役一老嫗）長女三女皆歸于吳三十年庚戌四十

九歲會試冬之徐州（按是年翁遷居金沙井老宅斜對門）咸豐元年辛亥七月豐縣盤龍集河決在銅山回二年壬子在高郵九月十五日棄疾生三年癸丑二月十日金陵陷于賊十一月出城六月三十日棄疾卒九月十月二女卒四年甲寅在蔡村陶巷後七月初赴績溪實沉生十月也辭章秋漁館五年乙卯授書八都宅坦五月內來宅坦八月實沉卒十月予大病婦自炊爨六年丙辰五月向營失旱蝗六月河決銅瓦箱北流五月大女殉難婦始得喘疾七年丁巳王邑令欲代人謀予館以縣考也得大女殉難句容許村信始稍稍無憂以存洋交實翁也八年戊午冬得鄂銀信邀赴鄂立生寄靴及內人裙九年己未正月八日赴鄂三月入撫署五福堂得立生寄古文二套繩結之可寶也十年庚申聖駕北巡曾公督兩江作讀史兵略注明年刊成十一年辛酉八月安慶復聖駕賓天八月穆宗南旋水經注圖刊成六月之湖南又回湖北六月十五日六十歲宴客同治元年壬戌作撫鄂記六卷在閩丹翁處未刊立生代謀得橫渠書院華清舊址也二年癸亥刊大清一統輿圖明年二月刊成進呈

三年甲子五月嚴公被議六月十六日金陵復十月自鄂旋里十一月到城四年乙丑五月曾侯征捻三月歸舊宅四月沈來八月廿去李伯相來十二月程觀甫卒五年丙寅四月十五日吳立生歸廿日沈陳汪回六年丁卯曾侯回十一月移家七年戊辰九月曾侯移節直隸九月馬新貽來二月程汝翁歸桐川習布業申甫月江入泮（按申甫當是翁外孫吳崧慶）八年己巳十一月立生自桂林歸置井二村新塋十二月買絨莊房九年庚午七月馬端敏被刺將軍魁玉署曾侯三督兩江置西宅屋五月圍牆成閏六月作壽衣成以姻事與申鬧十年辛未沁河永定河決鄆城河決東南至徐海申定婚十一年壬申二月四日二更曾侯薨于位七月江北冷龍過是年曾文正公靈輜回湘三月何小宋來十月張振軒來二月塲後園後門一帶碎磚地賣書板作雙棺及杜同春房及本宅契申甫取婦邵十二年癸酉二月李雨亭來申甫生子祥名學杜七月與立甫開十三年甲戌修志李尙書告病十二月初五日天崩光緒元年乙亥二月李尙書歸劉峴莊來十月沈幼丹來兩縣志刊成三月二十七日陳

桐川取婦林二年丙子三月沈公閱邊桐川生子甘建侯荆禮卿鈔予詩文稿去冬以酉姻事大鬧（按酉當是翁外孫吳華慶）三年丁丑正月裁忠義局員一切局裁春立生之晉六月十一日沈兄卒八月十六日陳婦林卒吳外孫女歸于上元石承恩莫送乾脩四年戊寅汪杏孫女歸于黃莫又送乾脩李送潤筆八月孫文恭全書成未印也十一月申之吳門（按是年翁七十七歲）以上皆悔翁原文一字未易以存其真留爲異日作悔翁年譜之資翁以光緒十一年督學黃漱蘭薦授國子監助教銜十五年七月七日卒年八十有八前室生五女一子繼室生三子唯吳一女存餘皆殤亡竟無後

悔翁詬婦

悔翁晚娶沈寔少翁二十一歲夫婦勃谿無虛日悔翁詬婦之詞皆筆之語錄蓋口不能敵則書以洩恨也有云不孝不友不慈不順不和乖戾不睦鄰里多尙人尙氣無事尋人不是懶傲惰不惠下妒忌凌虐殘忍酷暴不敬夫多心凶悍挑舌狠婆吵鬧碰騙尋死拼命多言長舌講究妹妹圈套假咳嗽打掃喉嚨

嗅鼻吐痰詐喘逆乾嘔噴嚏大聲歎詐哭又云眼睛一揉即無中生有百計搜尋說張家長李家短吹毛求疵推求百般不好之處以責備人一事要數十日數百徧不止買物于秤上及價值俱要占點小便宜事事講究好排場應酬粧病無多人服侍我又中用不能作事如何不格外動氣又云恃氣衝撲不顧物力委心凶悍毀及室器判曰憊其精力困其心思反其寒暑拘其出入使之疾病任性妄作毒及子女老拳凶物毆及無辜判曰奪其飲食稽其居處禁絕粗糲使之飢餓槌床叫罵辱及先人指桑罵槐肆無顧忌判曰摔其衾茵扯其冠服褫其衾衣使之寒凍又云獠犬噬人蜂蠆有毒而况刁惡悍潑素有聲名平日無三時不尋鬧者此後貧賤艱窘諸不遂心何能逞其詐病浮靡之故態且剽悍日甚勢必歐辱吵嫁逼休觀其右眼角吊上終必橫死特未知死于凌遲之國法抑死于拚命之誦人又云女子之年十歲以內死爲夭二十內外曰正過三十曰甚過四十曰變過五十曰殃過六十曰魅過七十曰妖過八十曰怪歷歷狀其凶悍情事如繪與馮敬通致任武達書千古同一傷心也

序

余曩讀婺源汪雙池先生著述歎其確守儒先遺訓闡發不遺餘力是為朱子功臣後又得其同邑高第弟子余秀書先生庸言一書言本身行沈澹

一氣亦吾道之干城豈紫陽
風教在茲歟何晏邑之多賢
也今讀黼山先生年譜始志
余氏家學淵源其來有自
蓋黼山乃秀書先生之孫也
曾文正公云士大夫之志趨學

彬果有異於人者則修之於
身武之於家必將有流風餘
韻傳之子孫化行鄉里所謂
君子之澤也余氏自前明迄今
以正學傳家代有闡人黼山
先生論著數明切實為己

不愧祖訓君子之澤不其然
乎或謂黼山先生宦途顛
躓疑彼蒼報施有爽殊不
知承先德後在子孫賢能
不在永保富貴使君子皆安
常處順又何足以見志行

之卓道德之光耶造物成人
物用非俗識所能窺也即如
菱池先生艱辛備歷後之嗣
裔乃於晚年得秀書先生
道義之契俾守先遺書彰
其盛德恐為常子姓尚不

及此經述尔吾顛世之為學
者道程朱之正規勿惑於異
知天者勉職分之當盡勿
弱於窮其遺澤亦必有因
替者黼山先生之年譜直
可謂理學宗傳而不可作一

家志乘觀也余故樂應其
文孫彝伯之請而爲之敘
誥授後政大夫

賜道士出身兵部侍郎兼都
察院右副都御史巡撫江蘇等
處地方年愚弟長安趙舒翹

頽首拜序



皇清誥封中議大夫工部屯田司郎中前同知銜江蘇婁縣知縣
顯考黼山府君年譜

府君姓余氏諱龍光字燦雲號黼山晚號拙庵徽州婺源人
始祖道潛公宋重和戊戌進士官桐廬縣主簿祀名宦祠宣
和庚子由安慶桐城來居婺源沱川傳十世至景陽公始居
沱川之理源又十世至淡庵公諱華字積中著有省吾錄二
卷同邑汪雙池先生謂可繼續讀書居業二錄之後載縣志學
林傳府志文苑傳是爲府君高祖妣節孝汪孺人生東阜公
諱衍宣字鳳五少孤家貧而天性豪邁嘗謂雖乞食亦勉教
子讀書後卒如其志是爲府君曾祖妣詹孺人生筠谿公諱

元遴字秀書受業汪雙池先生之門爲時名儒著有庸言詩經蒙說筠谿文集染學齋詩集崇祀郡邑鄉賢祠祔祀郡邑紫陽講堂載縣志學林傳府志儒林傳省志文苑傳是爲府君大父繼妣節孝汪宜人生改齋公諱克聯字芳苑二歲而孤稍長一意向學家貧事汪宜人必盡孝更推惠以及姻親輯有世徵錄書紳叢錄諸書是爲府君父妣王淑人生男子三人長卽府君也

嘉慶八年癸亥八月二十二日申時府君生

舊居保竹祠北首鋤經堂先曾祖所築室也時先曾祖母已五十一歲先大父授徒篁邨古香書屋次日聞信喜而馳歸

先曾祖母苦節二十六年始抱孫也

嘉慶九年甲子二歲

先大父仍館篁邨秋先大父應本省鄉試

嘉慶十年乙丑三歲

先大父仍館篁邨冬麻疹並出先大父勤於奉養不能兼顧
是以府君體孱弱

嘉慶十一年丙寅四歲

先大父仍館篁邨府君幼時已有異質邨俗元旦儻於祖廟
奉儻神於廟之廡府君至儻神謬焉人以爲異徵冬先曾祖
母始教府君識字因命危坐曰小時箕踞跛立到長大便驕

傲惰慢此等處不可不謹於是不肖等生二十餘年未嘗見
府君有惰容也

嘉慶十二年丁卯五歲

先大父仍館篁邨始攜府君隨讀先大父嘗於枕上講示小
學大意及古來忠孝節義事秋先大父應本省鄉試冬邑大
夫儒紳兼先曾祖母節行入婺源縣志列女傳

嘉慶十三年戊辰六歲

先大父仍館篁邨府君隨讀秋先大父應本省

恩科鄉試冬讀孝經小學畢

嘉慶十四年己巳七歲

先大父仍館篁邨府君從先族叔祖璧輝公讀書保竹祠離
家百餘步天將明則起盥漱就塾冬月霜泠泠下端立塾門
待先生起不敢叩扉也

嘉慶十五年庚午八歲

先大父仍館篁邨府君從先族叔祖璧輝公讀書保竹祠秋
二姑母生先大父應本省鄉試

嘉慶十六年辛未九歲

先大父仍館篁邨府君從先族叔祖璧輝公讀書保竹祠秋
七月讀四子書畢府君少穎悟讀書能兼人先曾祖母甚愛
之自館歸必令背日所讀書然後令飯又時勸以祖宗艱苦

事府君聽受唯唯先曾祖母爲之色喜

嘉慶十七年壬申十歲

先大父仍館篁邨府君從先族叔祖壁輝公讀書保竹祠六月先曾祖母六十壽時先大父館穀甚薄而終窶不形自館歸問安拊背終身如孺子慕至是門生親友來賀者數十百人先大父盛辦筵席冀娛母心未嘗計豐絀也

嘉慶十八年癸酉十一歲

先大父仍館篁邨府君隨讀始讀古文唐宋詩學舉子業秋先大父應本省鄉試叔父耘竹公生

嘉慶十九年甲戌十二歲

先大父仍館篁邨府君隨讀學作雜體詩及賦先大父歲試一等補廩膳生秋先伯祖竹香公卒公諱克和字清遠先曾祖長子也先曾祖凡三娶元妣汪宜人早卒繼妣汪宜人生先伯祖三妣汪宜人則先大父生母也先伯祖爲人持身敬謹粹然無瑕精於經義鑒當時帖括之習不願著書臨歿舉汪雙池先生遺書授先大父曰吾家藏遺書惴惴唯恐失墜吾子愚柔勢不能守是在吾弟慎於付託耳旣卒先大父經理其喪冬十月先大父以先高祖墓碣授府君命每晨跪誦一過然後及他書且曰吾兒他日儻貴毋忘祖宗艱苦也

嘉慶二十年乙亥十三歲

先大父授徒本里不耕穫齋府君隨讀秋科考先大父始攜
府君應院試冬讀五經畢

嘉慶二十一年丙子十四歲

先大父仍館本里府君隨讀夏立齋叔父生秋先大父應本
省鄉試是年六月先太外祖王汝楫公歿於金陵先大父出
貲營葬而歸冬聘吾母程淑人同邑十堡起昇公幼女少府
君四歲先是吾母方六七歲富室爭求聘公輒拒不納謂吾
外祖母曰當得讀書佳壻毋以貧富爲也時先大父館古香
書屋起昇公長女嫁其家公因往來書塾與府君語心異之
遂與先大父訂兒女姻親至是始納采焉十二月讀周禮儀

禮爾雅畢授府君史鑑

嘉慶二十二年丁丑十五歲

先大父仍館本里府君隨讀秋侍先大父應歲試便道謁太

外祖墓

先曾祖三妣汪宜人外家歙縣片尚邨太外祖世壽公及孺人江氏傳三世祇有曾孫一人凋零甚矣先

大父遇歲科試必往省其墓而恤其後至是府君偕往

府君應院試取僉生送入紫陽

書院肄業向例正考前一日雜試經解默經詩賦論學各以

所長報名府君獨作全卷及取僉生有羽毛豐滿當振翮高

飛評語秋侍先大父遊高湖山冬授府君葬經旁及醫書先

大父以兩世浮屠連卜數穴皆不吉故欲府君兼習葬經也

嘉慶二十三年戊寅十六歲

先大父仍館本里府君隨讀秋先大父應本省

恩科鄉試

嘉慶二十四年己卯十七歲

先大父應同邑齊梅麓先生彥槐聘課其子於金匱縣署府君因筠石先生讀書莘源館中秋先大父應本省鄉試八月府君自館歸時山中小栗繁實偕樵者入山採歸以供甘旨往返四十餘里冬先大父自館歸省

嘉慶二十五年庚辰十八歲

先大父授徒金匱縣署休甯縣詠坑盛宅延府君課讀館中課子弟必先令讀小學然後誦他書雖髫年必爲講解大意

曰子弟欲讀書當先學做人一生建樹自蒙養初基初基壞
卽貴至一品富至百萬終不成人時山邨窘仄束脩只元銀
六兩冬先大父自館歸省吾母程淑人來歸

道光元年辛巳十九歲

先大父仍館金匱府君隨讀梅麓先生甚器重之夏病暑劇
甚秋侍先大父應本省 恩科鄉試掃太外祖王汝楫公墓
墓在金陵江東門外萬壽橋之北時外祖母已
老必欲見外孫以是先大父命府君隨往金陵冬先大父自
館歸省府君隨歸

道光二年壬午二十歲

先大父仍館金匱同邑楊林灣詹宅延府君課讀秋先大父

應本省鄉試先兄邦憲生旋殤冬先大父自館歸省

道光三年癸未二十一歲

先大父仍館金匱同邑官坑洪宅延府君課讀夏應院試補縣學生府君原名紹泰至是始改今諱冬先大父歸省癸未至己丑詩集第一卷成府君詩學根源經史而宗仰陶杜嘗論蔣趙袁三家詩謂蔣之忠雅堂集原本人倫筆亦峻潔趙只富麗爲工已無得於興觀羣怨之旨然尙未有害於人心風俗也袁則好濫淫志粗俗蕪謬不但傷風敗俗貽害後生卽其詩亦不佳世人寬之者謂其懷古諸作尙可然亦不過粗厲猛起率爾操觚耳學子少年斷不可讀者也

道光四年甲申二十二歲

先大父就祁門縣土坑洪宅聘先是館金匱五年以離家稍遠定省缺如鬚髮爲之盡白以是決計就土坑聘府君授徒官坑科試一等補廩膳生冬築家塾成興湖山文社邨中自前明已立文社產薄不能堂課久而遂廢府君兩次脩復增田產定課程爲久遠不敗之計課日黎明集諸生肅衣冠祀文昌關帝及諸先達然後扇門堂課其平日有以文藝就正者必立爲黠定卽席指陳是非尤以植根柢認理法爲誨其培作人才之意自少至老未嘗倦也

道光五年乙酉二十三歲

先大父授徒家塾府君隨讀春婺源縣志重修府君與分校

夏先兄述祖生秋應本省鄉試先大父二歲而孤先曾祖母

苦節教養先大父冀酬罔極凡十三度秋闈落遺才榜者三

戊午庚申辛酉三科先大父俱落遺才榜絕無
慳色更爲同人備考具送場其度量類多如此堂備者二備

薦者八自是以母老不忍遠離不復應鄉試矣府君試畢掃

太外祖王汝楫公及胡氏孺人墓遂自金陵歸呈先曾祖母

節行事入徽州府志列女傳

道光六年丙戌二十四歲

先大父仍館家塾府君隨讀夏六月先曾祖母卒年七十有

四歲距先曾祖之歿四十九年矣十七歲于歸先曾祖已四

十六歲嘗教以二南風詩列女傳先曾祖母輒通大義年二
 十六而嫠撫遺孤恩義並至然家無薄產日用多出十指中
 維持門戶有大家法雖期功子姓無故不得入門未歿之三
 月爲絕命詞四章授府君其詞曰黔婁家事本蕭然中饋餘
 開手一編不道言歸成死
 別未七人自恨終天雖然髮白責原同死易生難念代終五
 十年來辛苦事鬢絲如雪對西風兒輩能將手澤尋孫曾繞
 膝亦森森桑榆總是冰淵境日夜何曾解寸心作婦不曾堂
 上乳九原相見慰姑尊當日阿姑齋志歿夫無兄弟未生孫
 先大父居喪哀毀踰禮既出殯晨則繞室中慟哭三年之外
 未嘗改云

道光七年丁亥二十五歲

先大父仍館家塾府君隨讀

道光八年戊子二十六歲

先大父授徒本里東山寺家塾已鬻也先大父素不喜治生理財而奉養必豐賓客來常待之厚下至販夫樵牧莫不沾及餘波自館歸雖甚窶必分錢米以濟親鄰以故揭債日多府君雖竭蹶償還然旋又困乏矣自先曾祖母歿後年益衰館穀稍稍薄拮据甚鬻家塾於富鄰而館於鄆邨之東山寺休西雙溪李宅延府君課讀秋應本省鄉試便道掃先太外祖王汝楫公及胡孺人墓冬自金陵歸先兄培治生旋殤

道光九年己丑二十七歲

先大父仍館東山寺府君授徒休西雙溪攜兩叔父讀書館

中夏輯前明休邑汪仁峯先生年譜嘗云余少時究心史鑑
及一切經世之學年二十六七得仁峯文集讀之稍知鞭辟
近裏未幾讀陽明書又爲所奪謂聖賢指日可到二十餘年
更細讀朱子全集及 本朝張陸汪三先生書然後知一向
所是皆躐等無實不足取法

道光十年庚寅二十八歲

先大父授徒本里湖山書屋府君授徒休西雙溪攜兩叔父
讀書館中秋先大父命府君入監讀書作詩送之九月北上
謁荀卿墓孟廟及諸名勝凡所觀覽發爲詩歌庚寅至乙未
詩集第二卷成冬十二月援例爲廩貢生

道光十一年辛卯二十九歲

春試成均高等先大父仍館本里湖山書屋滿洲某宦延府君課子夏六月病暑於京邸先曾祖母節行由禮部請旌七月先兄述古生九月應北闈鄉試不第先大父寓書府君言衰狀遂自北歸冬抵家先大父已有微疾作青氈詩遺府君道光十二年壬辰三十歲

先大父仍館湖山書屋府君授徒休西雙溪二月先大父爲府君兄弟三人析爨夏先大父有疾遺囑府君數千言且曰汝能爲人所不能爲之事天必報以人所不能受之福府君涕泣受命五月初八日先大父考終是時人丁漸繁仰給於

府君者眾館穀所入僅三四十金吾母時以十指佐薪水猶
覺不副至是更遭大變益難爲力矣乙丑府君祭耘竹叔父
文云宿逋如蝟歲值奇
荒弟等方自謀衣食之不暇固不能爲子
分肩子以一身內外支持常至廢寢忘食冬授徒湖山書屋
權先大父館事也

道光十三年癸巳三十一歲

授徒湖山書屋先大父舊門人也督課之暇更紬繹舊時所
讀葬經嘗論地理葬術根源於易詩書禮俗術造諸邪說以
牟利固不可從然諸夙儒確論一概抹殺則狹而窒矣朱蔡
二賢信之所以爲學之大也由是府君不避嚴霜烈日游歷
山水間凡邑中峯巒脈絡天下輿圖大勢無不悉心稽考聞

有名穴輒齋糧往夜讀葬經常達旦如是者有年始得安葬
三代乙丑府君祭耘竹叔父文云子以三代浮屠借弟旁習
吉壤稍慰生平猶憶某歲除日夕陽西下子與弟猶徘徊於
白玉山頭遙聽里中爆竹喧闐家家祀先度歲此情此景如
昨日夏三叔母卒明年二叔母相繼卒時家計極窘府君稱
貨備棺與兩叔父親自負築未僱工也冬先曾祖母節行事
奉

旨給帑建坊旌表貞節

道光十四年甲午三十二歲

仍館湖山書屋遵遺命修余氏家乘往金陵拜掃王汝楫公
及胡孺人墓秋自金陵歸

道光十五年乙未三十三歲

仍館湖山書屋春為先叔父耘竹公續娶叔母程氏秋應本省

恩科鄉試舉第十四名主考為卓公秉恬單公懋謙房考為許

公心源先期鳩工修王汝楫公及胡孺人墓

公子敦夫久客漢上墓旁土為

水所蝕先兄培脩生旋殤冬自金陵歸終湖山書屋館事

道光十六年丙申三十四歲

同邑龍溪俞宅延府君課讀應 恩科會試丙申至己亥詩

集第三卷成

道光十七年丁酉三十五歲

仍館龍溪輯先族祖疑庵公晚聞堂集授單佩綸姻丈付梓
道光十八年戊戌三十六歲

應本科會試中式改備榜第六名房考爲涇陽張文毅公

國史館分錄夏自北歸仍授徒龍溪俞丈堯章慕雙池汪先生
學行欲出貲刊遺書府君以理學逢原爲能綜括大要因與
汪莊甫年伯立中校讐付梓冬輯汪雙池年譜讀汪雙池先
生文集云吾鄉某嘗譏先生文集予丁酉始聞之某蓋僅觀
文之流而昧於文之源也文以載道孔子論語所以高於左
傳國語者果何在乎朱子代人作王梅溪文集辨陰陽君子
小人之分方望溪稱錢某之文穢濁入於骨髓識乎此然後

可以讀雙池先生之文若論波瀾格調陸稼書文集尙不及柳歐蘇曾而何以能任斯道非柳歐蘇曾所敢望云云又嘗論桐城方姚劉三家古文云方以理勝爲上姚以法勝而氣度有涵養爲次劉以才氣勝爲又次方姚皆從經學出然姚稍遜於方者蓋方研經窮理而歸之躬行少歷艱苦長嬰患難皆足以爲動心忍性之助而其交游多勵名檢行勤於學問其

國初遺老及兄百川剛介不屈固足示典型而並時如李文貞楊賓實陳滄洲蔡聞之李剛主王崑繩劉言潔徐貽孫左未生諸賢皆不愧於直諒多聞有益於望溪者此其文之所以

超軼等倫於秦漢唐宋諸家外別開一境而爲諸家所不能到之詣但其才氣不能及諸家之雄厚盛昌耳姬傳安常處順檢身自好言行無尤然其立志只以義理考證文章三者爲己足其景仰程朱亦第中心好之重其解經而已於其躬行實踐死生不移固亦未之及也而其時士風卑下學術乖謬能爲益於姬傳者未有此其文演迤涵泳擇必雅馴在乾嘉時特樹正鵠比迹南豐震川而不足與昌黎望溪並立也海峯才氣怒發筆力雄奇世推爲子長昌黎而實不過老泉東坡之弱弟其經學亦淺集中記序傳誌哀祭之文多有可觀而言理則動輒疎謬如天道息爭難言續難言諸篇是也

十二月爲先叔父立齋公續娶叔母宋氏

道光十九年己亥三十七歲

仍館龍溪俞宅秋邀同族議禁青山引漿兩處資土二山爲
吾邨水口山川靈氣所鍾資土較他處嘉美吾邨人文樸茂
有由然也明嘉靖乙巳以後始有入山開砭者地脈因之以
傷而人風日就澆薄自我十九世祖晦齋公集邨人鳴之官
取土之患始息歷百餘年復有開砭取利者於是與族人復
議禁之鳩工修太外祖汪世壽公墓先是府君將應戊戌會
試囑叔父耘竹公往省汪世壽公及孺人江氏孫百慶公墓
乃俱草葬因會試未暇及也至是爲之加築立碑焉

道光二十年庚子三十八歲

應 恩科會試遊京師黃金臺憫忠寺延壽寺萬壽山及諸名勝而歸庚子至乙巳詩集第四卷成

道光二十一年辛丑三十九歲

應本科會試房考蘇公廷樾極力薦元格於大總裁遂置備卷

道光二十二年壬寅四十歲

授徒東山寺秋先兄

述文

生同邑賦春吳述菴文憲文招遊

奉新官署時中秋解館也九月歸冬爲先兄述祖娶婦詹氏讀汪清簡公中詮書後略云新安爲朱子父母之邦聞朱子

之學者固有其人而自元末明初趙東山以後有背馳而去者至中葉湛甘泉鄒東廓來遊則更叛入於鄒湛矣其號守程朱者亦依附聲氣以爲名惟清簡公實力躬行觀其所著中詮可見氣類所鍾篤生汪雙池先生昌明紫陽正學豈偶然哉

道光二十三年癸卯四十一歲

仍館東山寺五女兒生旋殤冬偕同人北上十二月抵杭州
隙日偕王丈丹岷石丈超然汪年伯莊甫張丈殿英遊西子
湖謁于忠肅公廟

道光二十四年甲辰四十二歲

春公車北上至宿遷道中車賃於石梁輪阨闌石得免應本科會試府君卷堂備是年恭逢大挑府君名列一等引見於

圓明園

勤政殿蒙

恩准以知縣試用赴吏部掣籤分發江蘇五月自北歸

道光二十五年乙巳四十三歲

是年家居以先高曾祖未葬故也夏四月不肖香祖生冬十

一月葬我先高祖於本里梅樹塢用輓槨有礦記凡附於棺

槨者參用文公家禮仁峯葬法魏叔子灰槨紀事明年葬我

先曾祖於里北高環之原府君雜土工中親自負築

道光二十六年丙午四十四歲

夏作先曾祖行述礦記五月安葬先曾祖及妣於高環原先曾

祖母存日嘗云吾葬所欲近家以子孫獻飯到墓猶溫為度今葬高環原尚不及半里 亡弟 述洙 生六

月拜辭各處先壟秋七月赴江蘇候補冬長姪女生先兄 述

祖出丙午至辛亥詩集第五卷成

道光二十七年丁未四十五歲

春三月奉檄赴上海辦海運議叙奉

旨加二級儘先補用夏先兄 述祖 補縣學生冬迎先大母至蘇城

眷隨侍修廣唐書共三十餘卷計本紀八表六志十二列傳

雜傳如干世家五載記八外國十七正歐史之誤者十之三

刪其繁雜者十之四補其缺略者十之一焉天祐續紀後論云夏統中絕史臣不紀羿浞之年更始稱尊綱目卽正中與之號所以明君臣之義絕篡逆之原凡人臣不幸值陽九厄運國曠無君有能建故號以討賊者則不闕其後之成敗實急予之也唐自椒殿遇害曹州被拘河東淮南郟岐諸鎮共奉天祐正朔以圖興復揆之靡鬲之苦心伯升之壯節未遑多遜焉宋時所用崇天厯大書天祐十九年李昉編次前世帝號亦黜開平貞明而薛居正歐陽修作史以爲唐亡於天祐丁卯此豈足以教忠百世乎於是後之良史欲以莊宗上繼昭宣然而同光未建遽以帝統歸之則旣失晉王父子討

賊之初心而當時淮南吳越楚蜀諸國之事又不當併入莊宗本紀謹據實事作天祐續紀冠於同光之前其於夏紀牧正漢錄聖公之義蓋異而同云烈祖本紀後論云帝王德澤深廣者其垂蔭子孫必遠元臣郝經曰三代以下實有志於安天下救生民者稱漢唐宋漢之公恕近乎夏唐之德義近乎商宋之仁厚近乎周謂之後三代誠哉是言故漢中微而再興宋南渡而延世唐夷藩鎮吐蕃之禍屢仆屢起及夫乘輿東遷大盜移國莊宗以賜姓維城力延唐祚天未厭亂禍變相尋石敬瑭狼子野心引契丹入寇冠履倒置腥穢洛京則是高祖太宗之業再墜於地矣烈祖煢煢孤露寄養東海

沈潛締造臣庶歸心自輔吳政以至於卽帝位無日不以息
兵養民求賢育才光復舊物爲事勤儉惇大克己裕人蓋太
宗以英敏創業烈祖以柔順圖功昇元之政綽有貞觀之遺
風正不獨文物聲名勝於諸國而已也使其享有遐齡畜養
全力則開運之變傳檄北征中原父老孰不簞食壺漿以迎
唐師哉金丹邁疾奄忽升遐土運不延實關運數然而仁心
仁政被於江表五十餘年不愧於高祖太宗子孫矣當日者
契丹德光兒呼敬塘而以兄禮事烈祖高麗遣使江左貢方
物上表稱臣非慕唐祖宗之威靈而能若是乎僻居正歐陽
修作史尊漢晉而黜南唐是中國史官其見反出外夷下也

昔晉習鑿齒以蜀漢爲正統謂晉當承漢而不必承魏當時未之許及朱子修綱目而後大義以定趙宋得江南而統始大則宋當接乎唐祇以受禪於周遂乃遞承漢晉明詔一定史臣遂不敢違江南舊族如馬元康胡恢王暉雖具有習氏之識皆屈於忌諱而不得伸南渡後陸游以唐宰相之裔慨念舊君遺業作南唐書隱然以江左爲正統而於論贊仍不能不委曲其辭夫尊劉黜曹越千年而始定南唐之與蜀漢後先一轍也嗚呼昇元建號適嘗清泰之終此其中有天焉亦可見高祖太宗功德之靈長矣爲晉載記後論云石敬瑭始勸明宗據汴繼幸閔帝奔亡蓋曰豈聲已露矣與朝廷稍

猜稱兵作逆又惑於桑維翰劉智遠之計稱臣稱子於契丹
覩然南面亦孔之醜而君臣不悟自比於唐高祖之事突厥
知己知彼者諒不如是纔及再世恩變爲仇戎馬長馳汴都
腥穢妻子諸孫流離沙漠艱難萬狀前乎此者懷愍淪於平
陽後乎此者徽欽殂於五原二民皆爲憤惋至於開運之禍
天下後世無有惜之者豈非以孽由自作哉傳曰君以此始
必以此終天網恢恢疎而不漏其斯之謂歟逆臣傳後論云
孔子曰禮樂征伐自諸侯出蓋十世希不失矣陪臣執國命
三世希不失矣唐自肅代以後藩鎮闖奴爭相雄長雖有英
君賢相不能剷除病根勢窮理極於是崔允李茂貞韓全誨

等凶德參會喋血神京養癰百數十年而後潰決於礪山一盜天意人事足爲百世龜鑑者矣然而自古強藩之篡弒也始於窮羿而桓元蕭衍高歡效之輔相之篡弒也始於王莽而魏晉宋齊周隋踵之至其窮凶極惡皆未有如朱溫之甚者也而溫起自草寇有罪無功又非世爵舊家勤勞王室如曹馬之於漢魏者天哀唐禍篤生賜姓功臣舉少康光武之故事卒伸討賊復仇之義於天下廢爲庶人則其結局又與羿莽無殊而不得等於齊梁周隋之自成一代當其時遺民故老莫不切齒朱氏至宋興事越六七年而天下莫不以梁爲僞不幸宋詔修五代史以五代爲名於是辭居正等不

去僞梁帝號然猶曰奉天子命不敢違也又不幸歐陽修負文章之望重撰史記曲爲推原以爲梁不必僞引春秋魯桓弑隱宣弑子赤鄭厲逐忽衛剽逐衍聖人皆不絕其君以爲比嗚呼何其悖哉夫魯桓宣鄭厲衛剽皆處懿親冒不韙以竊大位然已告之天子列在會盟國人咸戴以爲君孔子修春秋因舊文而君之法無可僞之也其社稷宗廟亦無更姓改物之嫌也往者太宗殺建成文宗武宗昭宗皆立於宦官之手後世若宋理宗元文宗明成祖同一轍也皆可以魯桓宣鄭厲衛剽例之也朱溫非唐宗室盜竊神器二世未終爲唐義兵所討滅且自篡位以後天祐正朔未嘗一日絕於天

下是溫之僞統尙未能並於羿莽嗚呼春秋書齊豹陽虎曰盜矣設使弑隱弑赤者非桓宣而出於陽虎逐衍者非剽而出於齊豹逐忽非厲而出於荏苒之盜周王冊命不之賜盟主載書不之齒而三國臣子又能討而戮之孔子修春秋亦將以爲君乎否乎歐陽子史所論何異老吏舞文故從輕比出脫人罪也左氏申春秋書盜之義曰若艱難其身以險危大人而有名彰徹攻難之士將奔走之逆溫艱難血戰躬弑二君富貴旣不能終猶冀千秋顯號而歐陽氏竟如其願以予之且懼後人之奪之也又爲之援聖人之經以困之豈非溫含笑於地下而引爲知己者哉易曰差之毫釐謬之千里

此之謂也班固漢書傳王莽於末斯爲善學春秋謹倣其義
補唐史作逆臣傳使溫與祿山泚巢同科庶幾立君臣之大
防誅巨憝於漏網若夫盜賊本性老猶不悛穢著聚麀逆子
割刃正如后羿遭烹湜因其室祿山洞腹禍由家賊淫凶末
路如屠羊豕理有固然無足異者

道光二十八年戊申四十六歲

寓蘇州茶鋪巷冬奉委幫辦海運省局

道光二十九年己酉四十七歲

春題署崑山縣事爲先兄

述古

娶婦吳氏夏大水入縣治者

凡三版崑民蕩析離居水旣退府君親自踏災計淹民田五

千二百數十頃飢民十餘萬人號呼轉徙府君請於大吏發帑金五萬餘兩勸富紳輸錢十三萬緡更捐俸稱貸以振又設局平糶諭商賈無居奇諭初下府君盛服召諸商至開陳大義自卯初至於日中晨皆感動有涕下者府君因離席曰公等能平米價救我飢民當受我一拜眾皆跪言誓不增價有王賈者陰縮其升斗俄而雷電繞屋賈懼有悔意既免升斗失所在合邑詫以爲異府君時有疾而一切救荒奇策必身親之雖困甚精神不敢懈寘民以是皆全活無名氏爲詩數十章榜於通衢有可歎琴堂殫心力忍飢耐病出官衙之句府君始得足瘋疾歲時一發舉步維艱蓋由勞瘁之極兼

得溼氣也將卸任猶爲崑民請於大吏將本年受災田五千餘頃免其完糧請

旨定奪崑民感遺愛送萬民繖馬牌頌府君德去之日設香案於

途絡繹不絕冬十一月題署元和縣事先大母以不服水土

歸叔父立齋公隨侍弟

述徐

生後殤於痘十二月奉檄赴上

海襄造海師船隻是年擬捐廉俸建顧亭林先生專祠忽大水驟至振災事急旋卸崑山縣事遂中止

道光三十年庚戌四十八歲

署元和縣事自初下車興利除弊與民更新邑之鄉大夫下及農工商賈莫不交口頌德元和政理煩劇簿書訟獄無休

時府君盱食宵衣爲民請命雖有幕賓不輕以政事假手夜

得睡息者只數刻

乙丑府君祭先叔父耘竹公文云予性剛材拙泥古而不諧於俗簿書訟獄事事經

心不輕假手於人

先是邑多劫奪案自府君至密巡防嚴祿甲盜風

日靖常夜巡府君便服跨馬命邏者密布要路終夜不輟以

是盜不敢竊發更榜勸諭文於四鄉見者畏威懷德化而爲

善者甚眾嘗論捕盜爲安良之要務今各縣只捕快四人則

人太少公食每人八兩則祿太少每捕盜則縣官賠錢尤非

政體此縣官諱盜所由來捕快豢賊所必至也考周禮小司

徒之職凡起徒役毋過家一人惟田與追胥竭作追胥卽今

捕盜之職曰竭作重於他役也其口糧器械諸費皆民自任

之今奈何使追胥之費盡資於國帑不足又令有司賅乎似宜於市廛中酌抽釐金以資捕費至於人數則巡檢之弓兵縣官之民快民壯皆設之以備暴客者今則此輩惟收糧傳訊訟獄以取利而捕盜之事盡以委之捕役四名可乎若責成弓兵民快民壯則耳目既多擒捉亦易但令衣食有資不至叅賊以肥身盜賊何患不靖乎既又禁火葬革惡俗勸民間積穀以備水荒禡積惡紳衿以伸民怨凡所舉措皆有實惠在人又於每月朔望日朝服赴公所宣講

聖諭廣訓並飭文生赴各圖宣講於是政教相資境內漸知向化三月題補婁縣未赴姚姓兄弟爭產十餘年未決聞府君將

莅婁縣其狡者以重金賄府君叱之召至內署曉以大義姚
姓感謝願從此息爭秋姪受祿生先兄述祖出旋殤許大夫
子心源卒府君聞訃哭盡哀遣使致奠招其子入幕以酬知
遇之恩始立規條周卹同族府君少時讀范文正公義田記
慨然曰他日當如此矣遂有志爲族人立義倉義學至是以
廉俸之半分給親族故舊於是歲有衣日有食婚嫁喪葬皆
有資其貧而好學者雖疎遠隨事周急必盡力如是數年罷
官歸里遂不克酬少志然猶量力存問并囑不肖等宜存此
心以俟他日嗚呼自顧碌碌不知何日克慰九原矣

咸豐元年辛亥四十九歲

仍署元和縣事二月校刊二十世祖淡庵公省吾錄同邑汪

生為先曾祖庸言嘉興沈鼎甫染學齋詩集當塗夏

五月病暑劇甚至七月始瘳長元吳三縣地居省會政治較

繁而輿馬供億之資常應接不暇因此積勞冒暑大病後鬚

髮稍稍白矣秋先兄述祖中式本省恩科鄉試舉人先兄

之赴試也府君命於鄉試後便道攜太外祖王汝楫公及孺

人胡氏並其子王敦夫公柩歸葬汝楫公同邑詞源人賈於

中常以康熙字典自隨觀其訓詁漸知大義聞先大父名欲

聘則荆釵可矣公嘗謂先大母曰余門一杯清水亦帶書香

也先大母以道遠未得歸省歿後欲迎三柩返葬家山前此

力未能也及是始克榜發後遂解纜歸時王汝楫公已乏嗣

慰先大母之素志

府君因命先兄

述祖

敬奉三槐厝於吾里擇詞源族中親子

弟嗣焉勸富紳捐田八十餘畝益林文忠公撫吳時所設豐

備倉姪

家鼎

生先兄

述古

出九月大計王太守具府君考語

語曰勤慎幹練辦事實心四柱冊曰操守潔曰才具裕曰年
力富曰政事勤獻汪雙蓮先生遺書於曾文正公書略云我
朝以神武平定海內鷹揚虜旅功績照耀寰區而所以闢二百
餘年之太平實賴諸理學名卿贊襄啓沃之力蓋

聖祖

天縱生知緝熙典學氣運盛隆上倡下應百年之間閣臣則

李文貞熊孝感疆臣則湯文正張儀封楊江陰卿貳庶僚則

陸當湖張韓城蔡聞之方望溪尹元孚雷貫一實能身體力

行輔世翼教以故縫掖之士聞風興起以心性倫紀爲實功以氣節風教爲己任自通都大邑下至僻壤荒陬指不勝屈盛矣哉宇內熙皞之象人才之美民俗之厚淵源於此可不誣矣乾隆之初朱高安孫文定以正學鉅儒匡扶世道先正典型於茲未墜自考据盛而誠正之學衰詞章競而功利之習起然大臣中如諸城桂林兩相國正色立朝儀型百辟此如韓富重臣不以理學鳴於時而自能激揚士氣自時厥後士風學術不逮於前大興朱文正支撐其間取才大寬醕疵並進然由嘉慶以至道光餘韻流風亦未嘗或息汪瑟庵湯敦甫兩協揆沈鼎甫侍郎宗法先儒主持風教雖覺孤立無

助而守先待後恆必由之今者

冲聖御極百度維貞務學親賢同符

聖祖一時理學儒臣雲蒸霞蔚而起儼然有康熙時氣象此誠

盛朝無疆之福中外臣民所同慶也每閱邸抄見先生所敷陳眷

眷於

君心治本體用兼該古大臣所謂上不負君下不負所學者何幸
當吾世而遇之某窮鄉下士承先人九葉傳經愚魯無知困
於科舉自傷失學今碌碌風塵簿書鞅掌心長力短自問不
能有成惟懿德好同每聞當代賢公卿及韋布中間修之士
未嘗不心焉慕之先生位尊望重自惟下吏何敢遽以言通

而舊冬見與黃麓溪邑令書有云平日景仰汪雙池江慎修兩君如斗杓岱嶽而以先大父爲汪門弟子深加眷注并囑黃令傳語被以謙光此等風誼求之當世豈可多得某苟有人心能不感激奮發至於長言咏嘆而不能自己耶以此見德不孤立氣自感通雖地隔數千里時隔百餘年而道脈相親不啻比肩接迹也夫以某之景慕道範匪伊朝夕也如此而先生接沖含和不遺寒賤先加欵洽也又如此此而自嫌疎賤不以言通則亦情之所不敢安也敬因黃令入都之便肅泐寸箋用申積悃謹獻上汪氏遺書四種仰冀鑒定虔請鈞安伏維爲道自玉臨江北望無任依馳答書云前承賜書

盛辱稱譽非所敢承若謂 本朝雖以神武開國亦賴諸理
學名臣默扶國脈於不敝則國藩夙持此論固已歷有歲矣
自乾隆以來倡爲一種破碎之學鉅析乎字句蔓衍乎旁證
規小得而破大義有宋諸儒爲舉世無形之厲禁卽來書所
稱李湯張楊諸公亦已等諸深冬之絺綌不復以相高尚當
此之時而欲推尋性理從事於身心踐修之域所謂操瑟而
立齊門樹之杓以速人世之唾侮者也故雖有深根厚力獨
追古人而不懼者且將大困於眾口况如國藩之區區其又
足當一彈射耶以是彌皇恐外懼隳行爲謗者所快內懼無
實而愛者誤加以浮名益無以雪斯恥閣下過情之譽祇使

吾惴惴而不知所措也尊府先德以瀆行爲汪門弟子曩在
朱學士文中見爲師死營葬及迎養師妻蓋已欽仰高誼未
俗豈復有是頃題請鄉賢一疏敬將此事叙入不日當有文
咨徽省矣盛德之後宜有興者揚正學之微燼暴世德之幽
光惟閣下力圖之江天在望瞻企無已冬十月卸元和篆題
署青浦縣事到任後接總督札八月徐州豐北黃河漫口廬
舍蕩然人民轉徙飭各屬捐廉助振府君捐銀二千兩有奇
振彼處飢民先曾祖學行事實由禮部題請崇祀鄉賢祠奉
旨依議欽此明年春送木主入祠十二月以崇祀鄉賢祠事告於

家廟

告文云嗚呼鄞山之英沱水之靈篤生賢哲窮抱遺經
緬溯家聲勝朝隆萬二百餘年星江文獻越高曾祖粹

然純儒諡傳貞孝錄著省吾惟公繼起益懋修途孝友任卹
內行交孚致誠正實學是圖絕糧見肘操履毋渝巖巖莘
源雙池汪子道紹考亭舉世莫識公獨信從謂師在是揚園
稼書茲其方軌先生曰噫吾道有侍季通勉齋勿讓專美乾
隆乙卯梁壞山頽嗣子毀卒子婦自裁哲人之後天道難推
焚燹寡妻迎奉如母生養死殯豐碑壟首表章遺編千里奔
走祀醜紫陽人欽山斗四庫書登儒林傳有師生風義終
始無負嗚呼士習濡染利祿詞章性真汨沒孰全其良我公
奮發砥礪自防辭受取與細行必匡白沙姚江援儒入釋明
季遺風虛僑成癖公惟主敬精嚴閑闢窮理力行洛閩一脈
考据風行搜履經辭輕詆宋儒妄自尊大公笑曰嘻是何味
味買積還珠紛蕭作佩凡茲行詣中正無邪流風遺訓後學
漸磨當代名卿探風郡邑仰止高山遺風什襲

奉

綸音士林舞蹈孫子不肖羈宦海邦爰遣弱弟歸告

寢堂伏惟
尊靈欣被

榮光附陳薄奠來
格來嘗謹告
汪雙池先生行狀墓表
狀先曾祖所作表學
使先公竹君所作也

越十有八年同治己巳六邑紳士以先曾祖學行呈請學使
得祔祀郡邑紫陽講堂

咸豐二年壬子五十歲

仍署青浦縣事春二月孔宅聖裔有以小過被控者並誣其
非孔氏後府君惻然因查青浦之有孔宅自聖裔潛居此始
青浦之有衣冠墓自聖裔禎奉

至聖衣冠環璧瘞此始其後潛與禎子孫遷徙無常墓祠皆郡
人士相沿祭掃至宋建炎中聖裔傳從衍聖公扈蹕南渡賜
居衢州傳七世孫濤以進士爲吳江州判官歿後其子思構
遂家於蘇是爲衢裔遷徙蘇之始經

本朝

宸翰疊頒而衣冠墓之名始顯第思構子孫日就零落泯然無復先聖之遺風其幼者嬉戲於泥塗之中無以端其蒙養其長者奉祀生憲晉等目不知書或則裸身赤腳以謀衣食於田園府君旣釋羣情之妄誕復請於大吏請照乾隆故事給奉祀生衣頂仍捐廉俸倡建庭闈書院以供聖裔讀書啟告五鄉紳士富民先後捐田八百餘畝就中以二百畝給聖裔之衣食餘六百餘畝擇聖裔之秀者於孔宅知天草堂延師教讀又爲嚴立學規籌善後章程以期久遠自是孔宅書聲不絕宅旁梅花書屋卽建庭闈書院基址也梅花久已枯萎自聖

齋讀書後花盛開為十餘年來所未有氣類相感信有然也
 夏吾里大水出蛟三百六十餘壞田廬甚多秋成甚歉於是
 府君八月五十壽不肯受賀以實振親族之貧者姪德象生
 先兄述祖出旋殤奉巡撫行知己酉年襄辦海師船隻應得
 議叙奉

旨准加同知銜並給予父母祖父母曾祖父母外祖父母七品封
 典是年更遇

覃恩府君以吾母應得封典馳贈祖父奉政大夫妣皆宜人五月
 將蠹役徐滌收禁詳大吏究辦鄉紳陳雪亭遺愛詩小註云青浦蠹役徐滌肆橫二十年
鄉民之受其害者以萬計侯下車廉得其詳出招告後即革
役下獄民間歡頌聲夾道路又諺云青浦一顆印不如徐滌

一封信其總督陸公建瀛批云查徐濂爲著名積蠹歷任知
威畿如此縣無不愛而護之視同嬌子以致該犯魚肉鄉民挾制官長
無惡不作其起居飲食與婦女衣飾雖鉅紳豪富不及其什
一詰其惡迹擢髮難數本部堂早有所聞正擬飭拏該縣先
已訪拿收禁通稟解省具見盡心民事惟聞該犯與上下衙
門書役無不鉤通且有不肖委員與之聯絡者稍縱卽逝仰
按察司卽速提省收禁遴委公正之員嚴行審究重則肆諸
市朝輕亦送於徼外秋七月卸青浦篆去之日聖齋紳民感
遺愛者一如崑元兩邑府君凡三宰吳隨所至皆有實惠邑
之人常以不得少留爲憾有遺愛詩一卷卽今三邑去思集

也卸任後寓辦蓮巷壬子至乙卯詩集第六卷成

咸豐三年癸丑五十一歲

寫辦蓮巷二月吾母挈家眷歸里隨侍先大母秋爲前青浦任內拿辦徐灤一案其黨與周立春因鬧漕畏法潛逃異方經府君緝訪一年罪人未得周立春知終不免陰結土匪王愾初等謀爲變形迹已露始行就縛正法市曹民心旣快而府君亦因此罷職矣冬立先高曾祠祀

咸豐四年甲寅五十二歲

春正月先大母王淑人卒於家年七十有五歲府君聞訃以時尚星吏議不得奔喪一慟幾絕旣設位於辦蓮巷公館而

命叔父立齋公先兄

述祖述古

敬謹辦理喪事秋權厝本里

高環原侯府君歸葬也部議遣戍瀕行時猶以惓惓於汪雙池先生遺書作家誠示子孫曰汪先生遺書筠谿公師傳所在昔公與宗弟道周云遺書存我家倍令我夢魂驚悸是以自祖父以來什襲尊藏歲時翻曬垂百年不敢懈筠谿公歿後付我伯父竹香公公不付其子而付先考先考臨終舉遺書再三諄囑冀重以付子幸先後錄有副本呈送當路並承邑殷實陸續刊行然迄今尙未及半茲將遠行有志未逮我子孫當擇業儒有學行者守之若等歲等分甚至與人者均以不孝論四書詮義理學逢原原本汪姓借鈔未還向之索

回則以汪書當歸汪爲辭不思先生存日東家某無與聞知
飢寒不相顧卹身後喪葬及表章遺書終養師妻皆先祖獨
力經營是以先生子鳴之及汪族環洲翁等舉遺書以付先
祖迨後名望日隆凡希附末光冒淵源通講籍及獻遺書於
學使以冀得補博士弟子者所在而有昔年曾見吾宗子矜
爲學徒女壻借鈔遺書謀入膠庠者先考弗肯子彼揚言曰
汪氏之書余氏何必祕惜此等澆習難保日後遂無諄諄爲
子孫言之如有好學之士願藏遺書者令其具紙筆來鈔無
論親友原本概不出門云

咸豐五年乙卯五十三歲

府君居憂仍寓辦蓮巷夏述文香祖述洙至蘇隨侍秋姪家

豐生先兄述古出冬蒙

天恩賜歸田里

咸豐六年丙辰五十四歲

春先兄述祖會試不第援例捐郎中掣籤歸工部効用旋

派屯田司行走兼管司務廳事秋述文香祖述洙侍府君自蘇

歸舟中課不肖等讀書自蘇抵里不使有暇日也先是府君

服闋同寅多勸之開復原官府君以宦海風波人情叵測且

老母又復終堂奔走名途久不奉先人之卮壟於是決計歸

田府君之居官也務以興利除弊為己任凡三宰吳皆有政

聲性嚴毅人不敢干以私上自幕賓下至胥役皆以府君操

守廉潔不事苞苴而是時吳中官多以依附上司為務府君

則又落落寡合以是更不容於時未足竟其所學府君嘗著學古彙鈔

二十餘卷皆言經世之學秋八月舟次浦口便道謁張文毅公於郡城是

時郡城戒嚴軍書旁午公欲延府君幫辦軍務府君以父母

未葬不能留也抵里結茅於先大母厝側凡三旬日而後反

其居於是告歸於祖廟徧謁諸先壟焉告廟文云自違桑梓十有一年宦海風波

備嘗艱險祇服先訓清白視躬剔蠹鋤強橫遭反噬

祖蔭昭雪還鄉當詣松楸載申依戀謹陳薄奠預告几筵伏惟尊靈丙辰至丁卯詩集第七卷成

咸豐七年丁巳五十五歲

天

春立先大父祠祀

序云吾先世硯田自給高祖以上雖有祀產甚薄若高祖以下則無半畝之資薦而

不祭癸丑冬既為高曾祖規置祀田以為始基而吾父祠產向未暇議及且以慈親在堂方冀承歡日永更不當計及此也今老母棄養某適以事故羈滯吳中未獲送終痛恨何極嗚呼風木之悲終身莫解霜露之感來日方長爰置田租若干立誦芬祠以為久長祭掃之計篋邨宗人以德公及配黃氏孺人乃吾父之乳父母也乏後其喪葬皆吾父經理謹遵遺命世世子孫每年辦酒肴香紙掃墓一次外祖父母誦源王汝楫公及胡氏孺人不幸之後某補婁縣令已援例陳請得貽贈七品

封典

及舅父敦夫公三樞又幸辛亥年子命兒子述祖自金陵迎歸安厝吾里得免年來兵燹之禍並奉三木主入祀王氏宗祠將來營葬吾里每年祭掃墳墓當體考妣之意一例致敬

三月往蘇州為先兄

述祖辦

玉牒館事夏流賊由浮梁竄吾里衣服什物剽掠一空秋自蘇歸

九月二姪女生先兄

述古

出先兄

述祖

以工部屯田司郎中

隨帶加三級恭遇

覃恩得贈先大父中議大夫先大母淑人府君及吾母亦如之又
以本身妻室應得

封典贈先外祖奉政大夫妣宜人恭迎

誥命

咸豐八年戊午五十六歲

家居命

不肖

等時親農事因誨之曰士人讀書宜親艱苦每

見宦家子弟藉祖父之餘蔭恣意養安寢成輕薄未有不喪
身亡家者也推原其故皆由不知稼穡之艱難不知祖父之
困苦遂至一敗塗地不可救藥耳先儒吳康齋張楊園諸賢

皆眷眷於農事躬親勞苦其見識自超出流輩使予筋力未
 衰當率汝輩力作若以父爲官子負薪爲恥此則鄉曲之見
 卑鄙狹隘之甚矣自是採茶穫稻舂梁簸穀凡用手足肩背
 之事皆命不肖等習之是時先大父母仍浮厝淺土府君深
 以爲憂日率不肖等遊歷山水間足瘋發則乘竹篋子遇險
 處耐疾扶杖命不肖等輔之行如是者凡數越月至夏秋間
 始卜葬我先大父母於小沱外段去家十餘里路多嶺府君
 親自督工往返常步行自開土至完工兩月餘矣先曾祖考妣柩於
光緒壬辰孟冬改葬於冬舉焚黃禮懸諸名公所贈先人楹
高環原孫男家鼎注
 額於宗祠

咸豐九年己未五十七歲

授徒湖山書屋府君宰吳時廉泉所入以供敬宗睦族者為

多有餘則以買書積數萬卷外此僅薄田二十餘畝老屋數

椽而已歸來兩袖清風猶是寒儒舊况汪莊甫年伯集生徒

數人勸府君作舌耕計府君意甚得也惟時不肖等亦得侍

側而府君又以時修校二十齡以後所著書府君二十齡至此著書已百餘

卷嘗謂不肖等曰吾人隨遇而安此中自有樂處託先人之

庇歸老田園以得從事於青氈舊物未必非餘年清福也夏

五月跋四書釋地云國朝考据之學顧閻肇其端至乾嘉時

風氣徧海內天然亭林尊信朱子終身無改百詩則陽尊而

陰畔之啓後人詆毀紫陽肆無忌憚之習所關於學術人心
匪細故也乃予觀其著述則亦非有心詆毀先賢如毛西河
戴東原之放恣亦不過始於智小謀大之一念而終之以器
小易盈之淺量耳潛邱劄記卷一有云天不生仲尼萬古如
長夜天不生宋儒仲尼如長夜又云周元公其三代以下之
伏羲乎程純公其三代以下之文王乎朱文公其三代以下
之孔子乎其推尊宋儒可謂至矣乃引歸熙甫所稱宋大儒
始以其自得之見求聖人之心於千載之下然雖有成書而
多所未盡又引元儒黃楚望言欲以近代理明義精之學用
漢儒博物考古之功斯詣朱子猶不足以當之噫此百詩智

小謀大之見之所由來也至著四書釋地則又妄自尊大而藐視朱子甚至欲請於朝刊正四書集註云云則器小易盈昏迷而不能自覺矣夫百詩考辨末節未嘗不有裨於治經然視程朱之志量功力乃如爨火於日月耳子貢所謂得其門者或寡矣夫子之云不亦宜乎善乎商邛宋中丞之序四書釋地也曰朱子註四書傳詩每云地名邑名不詳其所在或云未知是否豈僅斤斤然慎重傳疑或亦以吾儒窮經應用之學有更大且亟於是者耶其諷之也微矣夏府君往蘇探先兄述古病六月先兄歿於蘇邸小傳附兄諱述古字希彭號信齋府君仲子也余兄弟皆讀書兄年十六七則輟舉子業為府君任家政日吾一人廢讀可使兄弟無分心且子既有兄弟能讀書何必

在予而以家事勞大人者方府君宰吳兄益側身修行以鄉
先達往事爲鑑所居室座間皆先賢格言晨起必讀小學孝
經而後敢應他務日則記其功過夢寐必書之旣而納粟爲
佐貳官與同僚接皆依附典認則又辭弗爲也性孝友侍祖
母疾數月不解帶無倦容聞水部兄拮据狀輒終夜流涕告
貸寄金去叔父窶又以妻之衣服首飾益之未嘗問也其他
振災施藥周親鄰活物命性之所好隱德益弗勝書矣有子
二歿年二十九歲歿後府君有枕上句云孤孫權作幼兒看
痛逝者之純明後必有令子憂患或將
年壽補冀天心之仁愛得見其成人 秋攜先兄柩歸冬授
徒於如不及齋涇陽張文毅公遣邑尊朱誦清刺史齋手書
徵府君入幕府府君以瘋疾時發不能遠役致書辭謝蓋府
君自歸田後刊落聲華非公事不至城市不以私事干邑宰
日惟尋繹舊聞究心漢宋以來諸儒之學名所居曰忍喜齋
取少陵忍過事堪喜之義自言性褊急與物多忤宦海風波

全言
三四
幾蹈不測以此自遣云邑有大興革再三敦促始一至時方
會善後局鄉紳會議其中流品閒雜門外多怨謗聲府君偶
一至談公事數語外輒與夏燮甫先生論學及表彰先儒事
餘不及私人服其立身之嚴云

咸豐十年庚申五十八歲

春葬先太外祖王汝楫公及孺人胡氏並其子敦夫公柩於
吾里麻員山夏祁門東山書院聘主講席五月 不肖香祖述

洙侍府君至書院重修廣唐書舊稿曾文正公駐節祁門徵

府君入幕府以年老辭上書陳團練事宜秋督學邵公汴生

以張文毅公意問府君起居

邵公亦張文毅公門生文毅公常以學問經濟眷屬府君邵公

之來徵府君幫辦
陝甘團練事也
冬為不肖香祖
娶婦詹氏先兄
述祖奉

上諭回籍辦理團練十二月因風寒誤服補劑疾甚劇

咸豐十一年辛酉五十九歲

二月先兄述祖自北抵家是時府君病卧牀第已三越月先

兄診脈知為風寒誤服補藥復用麻黃細辛等味疾漸瘳先

素精岐黃術活人甚眾著有離吾村流賊竄清華三十里時先兄述

初抵家團練事尚未就緒因急往祁門募兵既至賊將沲

川往清華隘路斷而柵之夜遁去復竄邑中申邑主殉難先

兄率所募兵往勦皆遁去乃購邑主屍以禮殮葬為之請卹

焉

龍馭升遐府君北向慟哭縞素如禮

同治元年壬戌六十歲

元旦試筆云三五而盈虧凡事可以悟矣六十不親學斯語

豈其然乎夏六月先兄述祖以勞瘁卒於家小傳附兄諱述

黼自明隆萬以來世有清德列膠庠者至兄已十世兄幼有

大志嘗曰吾他日必為族人置義田長益折節讀書工詞賦

曰著

為名舉人三十後循例捐郎中參贊公務見識常過人旋奉

攻守之具無不詳備嘗言吾欲殄浙江賊運籌帷幄數月未

嘗脫衣睡卒以勞瘁卒於家殯之日鄉人素不通慶弔者感

兄舊日恩皆縞素伏地哭唏噓流涕者徧百里而休邑則尤

戀兄之以一言退數萬賊兵也聞之吾母云丙午夏弟述洙

生乏乳哺嫂詹氏方媿吾兄命以乳哺弟而以米汁哺女以

天恩

訴於部部不允更訴於親王卒得天恩昭雪嗚呼可無愧於仁人孝子之用心矣兄無子以信齋兄

之仲子家豐為嗣
涇陽張文毅公殉陝甘回匪之難府君方
歿年三十八歲

食聞訃投匕大慟不
懌者累日
戊戌庚子會試文毅公兩充
分校府君始受知於公其後

以道義相交嘗欲以
軍務相屬府君雖未往而感公之
知己者深矣是年因兩先兄俱病故心

緒甚惡舊恙時發冬
乃檢讀舊書以先儒之處患難者自解

心稍定十二月彙吳
康齋先生學案
府君嘗以吳康齋
先生為明儒之冠更讀

朱子全集及陸稼書
張楊園汪雙池三先生書日夜不釋手

嘗論與朱子為敵者
四家陸王之佛老陳同甫之管商竹垞

西河之考據袁枚之詞章此四家者自古皆有不害其並育

並生於宇宙但前之
四家如管子程迥商君管仲漢之馬鄭

唐之賈孔六朝三唐
詞賦之士皆未嘗恃此以誇孔孟此如

藥材青松烏柏牡丹芙蓉亦得氣之一偏未聞與五穀爭勝
乃宋明以下四家忘其分量敢與朱子爲敵是不安分矣究
之藥材花草萬不能與五穀爭勝徒自欺以欺人是其人曾
藥材花草之不若耳悲夫又論陸王入手工夫可合中庸其
次致曲二句使其虛心從善會歸程朱之學術以統同於孔
孟之正傳何不可積漸到至誠地位乃偏至自喜不思求進
而反詆訾程朱以至陷於異端至死不悟則是終於變化氣
質忘已無我上欠工夫也又論陽明事功氣節俱超出流輩
故後人多袒護之何以楊園稼書雙池諸賢皆必欲斥之蓋
事功氣節如管仲召忽者不一其人矣而道統必歸之孔門

者則以管仲召忽輩未得道之至也使陽明具此事功氣節而不講學與朱子分門別戶亦不失爲一代名臣如唐之姚宋宋之韓富未嘗講學也陽明恃其高才妙悟思以學術變易天下譬如辟穀學仙人服氣導引亦得壽遂教天下欲廢五穀有是理乎陽明因章句訓詁及依附程朱而無實學者故提起良知二字然欲救此二病亦惟以程朱居敬窮理力行之道救之爲宜何必另標宗旨啟後人倡狂放肆之習乎

同治二年癸亥六十一歲

正月爲亡弟

述洙

娶婦吳氏二月爲

不肖

等析爨冬

姪志平

生先兄

述文

出宗祠落成理源始遷祖祠也創於嘉靖甲申

我十九世祖晦齋公議修於康熙甲戌越百餘年半已朽蠹
 府君宰吳中嘗捐千金修造以領袖不得人而止去年先兄
 述祖復有成議未鳩工而歿是役也始謀者先兄述祖殫心
 力者族叔文杰也

同治三年甲子六十二歲

攜不肖等讀書家塾閱各書院文社課卷秋子志重生不肖

香祖

出與夏京卿弢甫先生書求序先曾祖染學齋詩集并
 寄景紫全書書後四則書云兩月以來敬讀大著景紫堂全
 書覺衛道之嚴研經之審扶世翼教之苦心畢見於字裏行
 間此非近世考據詞章二家號稱名士者所能彷彿萬一也

夫經學至

國朝大備矣然其間有意於誇多搜異馴是離經畔道而不自知此學術之憂亦政俗所繫也先生源源本本純粹以精砥柱中流厥功甚偉某不揣淺陋謹就管見所及爲書後四篇錄呈電政曩庚申九月拜謁先生於蚌城曾爲先大父詩集求賜序言別後卧病三年神思恍惚未能顧及此事茲瘋疾漸瘳又得讀鉅製覺久委之精神頓爲之奮發更念先大父學遵紫陽與先生志同道合異世相孚用特檢呈遺集敬申前請伏乞垂鑒而終惠之某世世子孫感且不朽冬讀學部通辨書後云明正嘉時陽明王氏揚象山之餘波鼓異學以塗

天下之耳目以該朱子至比之洪水猛獸其言肆無忌憚類於喪心病狂同時秦初羅整庵先生著困知記又兩貽書以救其失第二函未發而陽明遽下世君子惜焉而吾徽汪仁峯先生循與陽明論學書劄往來亦多規正仁峯門人程氏啟皦曠又著閑闢錄以正程敏政之道一編陽明之傳習錄之謬皆有功於斯道者也而尤大聲疾呼搗陸王之巢穴以收摧陷廓清之功者則莫如東莞陳清瀾先生之學蔀通辨國朝正學昌明當湖陸清獻公儀封張清恪公大興張武承先生烈吾婺汪雙池先生紱皆推重此書而中孚李氏乃譏先生因當時閣臣嫉陽明功高斥爲僞學迎合其意而爲之說觀

其詞氣卽所學可知云云厥後吳鼎尊彝撰東莞學案攻訐
十三條極口詆毀夫朱陸之是非經諸大儒辨晰好學深思
者自能明之無庸再辨第中孚學術頗辟而尙志節負重名
其謂先生迎合閣臣實屬節外生枝如爭訟者恐不能勝撫
案外之事以亂聽者之聰明冀周內人罪則亦不可不辨也
考明史閣臣與陽明不合者正德時有王文忠廷和費文憲
宏嘉靖時有張璁桂萼楊一清而文忠於嘉靖三年去位七
年爲民文憲於六年去位十四年七月再起十月卒一清於
八年去位九年落職聞往旋卒璁屢起屢仆爲帝所輕惡十
四年去位十八年卒萼於九年旣罷復起氣懾不敢放恣十

年正月去位十月卒而先生著此編始於十二三年癸巳甲午間成於二十七年戊申其時閣臣之與陽明不合者已或罷或死先生何能用其迎合乎嘉靖二年癸未輔臣主禮闈試者蔣文定冕石文介瑤發策謂今之學者強合朱陸陰詆朱子究其用心與何澹陳賈輩無異禮官當舉永樂朝待朱季友故事焚其書而斥之文定文介實賢宰輔所發策問及萬世之公是非並非忌陽明功高也且文定卽於三年致仕文介亦於六年致仕先生又何所用其迎合乎若夫自十四年張璉罷去之後以至於二十七年先生書成其間閣臣爲李時夏言顧鼎臣翟鑾嚴嵩許讚張璧等多恃祿養交不但

不知尊朱子并不知忌陽明先生又於誰而施其迎合也先生於簡末自述著此編時方官閩南適婺源潘樸溪儀部漢提學閩中與質朱陸異同奉命考訂成前後二編其後六七易稿增續終二編書成之歲樸溪已入爲少宰故有長安日遠就正無由緬回疇昔曷勝寤嘆之語尊彝遂謂其媚朝貴蓋潘與朱子同邑黜陸王正所以媚潘也予謂此論尤陋考潘簡肅視閩學時華亭徐文貞階方謫爲延平推官簡肅嘗下教延主鰲峰書院講席清瀾先生於徐爲同寅而徐實尊信陽明之學一謫卽起先潘數年入爲少宗伯少宰資格名望出潘之右凡迎合人者無不畏首畏尾顧此失彼若先生

斥陽明以媚潘豈不慮開罪於徐哉此可以證其必不然也
夫先生之鄙辨明正學淑人心也而異趨者指爲迎合當路
然則

本朝張楊園先生批傳習錄曰姚江罪之大者也詆朱子爲異
端本釋氏以爲教又曰傲然以生知自處自堯舜孔子而外
未有所服膺尤其無恥之甚也又曰一部傳習錄只驕吝二
字盡之王較陸尤多欺已誑人之罪其不能虛已遜志則一
而已又曰閃爍變幻總不出知行合一之旨所謂假近似以
文其奸也又評晚年定論曰年之晚與不晚論之定與不定
考之年譜自見卽此欺已誑人之罪雖有儀秦不能爲之解

矣楊園先生窮居不仕純粹中正天下後世所共信也豈亦有所迎合耶若夫是書措詞時或激厲英氣頻露中孚不足於其所養却非過詞然而學術之端立言之確則固昭然若揭矣豈得以其所養之未純而并訾其有邪心鄙情哉中孚之學宗主陸王其教人曰學者當先觀象山慈湖陽明白沙之書闡明心性直指本初熟讀之則可以洞斯道之大源然後取二程子朱子以及康齋敬軒涇野整庵之書玩索以盡踐履之功由工夫以合本源下學上達內外本末一以貫之噫斯言也豈非中陸王之毒以至於偏僻破碎顛倒彌縫終身浮游而無所歸哉宜其與清瀾先生不合也至於尊彝不

過章句之士原不足與議斯道徒自形其善罵而已夫先生
干城斯道功在整庵之上而予閱雍正九年廣東通志并不
採入人物傳意者白沙甘泉之流派大衍於嶺南歷三四百
年人猶沾染故習當時秉筆修志者既多伸彼故遂不能不
黜此歟因論學部通辨而并及此亦冀後之修志者有所考
焉十一月號讀書處曰震无咎齋

同治四年乙丑六十三歲

元旦試筆云九十五猶勤修衛武公之年何敢望也六十三
始講學羅文莊之事其可師乎又示兒句云無精神則貧寡
廉恥則賤貧賤皆由自取多文以爲富天爵以爲貴富貴勿

與俗同攜不肖等讀書家塾閱各書院文社課卷二月重修

汪仁峯先生年譜

彙成於道光己丑
府君年二十七歲

四月彙仁峯學案序云

康熙中儀封張清恪公尊信朱子力掃前明中葉以後白沙
姚江門下之說稱本朝陸稼書先生學朱子之學而爲許辭
胡羅之繼起又謂明儒辭胡羅之外得其正而不爲邪說所
搖者僅六人曹月川陳剩夫崔後渠魏莊渠汪仁峯蔡汝濱
也清恪公理學名臣洞明蘊奧而以吾郡仁峯先生與曹陳
五先生並列其必得見先生之遺文而有以觀其深矣顧五
先生皆載明史儒林傳章澂濱亦登列傳而先生僻在深山
當日著作實行未得送呈明史館是以橫雲山人原藁及桐

城張文和公重修本於先生皆見遺某年二十六七館休西
雙溪李氏與先生齋孫字翔表兄鵬齋書齋比鄰得讀先生
文集既爲叙年譜一編今六十有三矣歸田十載百念淡然
惟讀書有味不厭讀朱子全書愈覺有味不厭因復向季侯
表姪濟借讀仁峯文集其言平正樸實其氣溫厚渾含其於
陽明也始則聞其風而不存成見以拒之終則正其非而不
少游移以徇之蓋吾徽承朱子之遺規歷宋元明初諸儒恪
守家法罔敢踰越雖東山趙氏稍有歧趨然亦未嘗顯相背
也先生生諸儒之後趨向正大志氣堅定故其所成就如此
而是時程篁墩已著道一編亂朱陸之真開姚江之派徽之

學脈岌乎殆哉其後鄒東廓湛甘泉來徽開講聰明才傑之士靡然背紫陽而趨異端恬不爲怪故嘉隆以後吾徽之講學者壇坵主盟雅鄭雜出以視宏正以前樸厚端慤之風殊不侔矣然則先生之身其當吾徽學術升降之會乎而卽有關於天下士習人心之得失也惜先生之學晦之久而不傳而徽志儒林傳亦只寥寥短簡不足以發揚之故於年譜之外更爲訂仁峯學案一編先述行實次纂遺文終及餘事較年譜尤入目了然凡好學之士欲知鄒魯閩洛之正軌則先生其指南也豈獨以其爲吾徽之望而推崇之哉五月與莘原汪自修書囑鈔汪雙池先生副本書云承賜雙池先生孝

經章句或問刻本謹登肅謝又承借以物詮四五兩卷俾補鈔舊藏本之缺但敝處所缺係五六兩卷今將第四卷附便繳上仍望將第六卷寄鈔爲感盛宅山川博厚靈秀篤生雙池先生朱子集諸儒之大成爲孔子後一人而先生又實朱子後一人也朱子閱歷之辛勤閑距之艱大其勞瘁有倍於顏曾思孟者蓋顏曾思生與孔子同時孟子亦去孔子未遠尊聞行知初無歧誤而其時先王之教澤未盡湮人心之陷溺未極至異端雖起亦未甚熾故顏曾思孟爲力尙易也朱子生千四百年之後當儒佛混淆王霸雜亂之時人心蔽蝕已極仁義充塞已久前雖有周張二程出而正之而四賢卽

世其門人已有背師說而淫於佛者况其他乎不有朱子則後世亦烏知有周程張哉某壯年汨沒於科舉詞章旁涉夫馬氏之通考姚江之良知浮沈出入茫無心得年垂六十刊落聲華始信朱子之賢無異顏曾思孟而其繼往開來之功則有出於顏曾思孟之上者非故爲駭人之論也其生與朱子同時與朱子爲敵者同甫之事功林袁之經術雖有牴牾不久卽黜若其氣燄相逼別爲一端則莫如金谿陸氏兩家之學厯元明而疊相消長及陽明出而揚陸氏之波天下靡然從之故自明中葉以後士習人心迷惑顛狂前此未有也國朝正學昌明於是張楊園陸稼書諸先生出而人始知朱子

爲孔孟之宗傳而近年嘉興沈少司空鼎甫先生亦一代理
學名臣也某在京師嘗得捧手受教語某云朱子而後得其
正傳者惟楊園稼書雙池三先生鼎足而立而某又嘗卽三
先生之書讀之其學行之純正同也而其精神魄力天授神
奇與夫閱歷之辛勤閑距之艱大著述之富有日新精貫日
月思通鬼神理析毫芒道彌六合則雙池先生視張陸兩先
生似猶過之然則朱子之道直接孔子而雙池先生是非朱
子之孟子也哉非盛宅山川之靈祖德之厚焉能產此名世
大賢也惟是生當

國家全盛之日而海內之士日趨於考据蓋自閻百詩毛西河

創斯術而學者爭挾漢唐著述以集矢程朱歷百五十年而未已先生則博極兩漢六代有唐諸疏義而一以朱子爲折衷微特其躬行心得非俗儒所敢望也卽其博學詳說亦豈閭毛以下諸考据家所能及哉特先生不屑以是見長耳是以同時吾鄉江慎修先生專崇漢學其著作不脛而馳海內幾於家有其書而先生與時異趨久晦不顯亦風氣使然也先祖及門受業極力表揚當世鉅公長德多有尊信者數十年來而其書未盡刊行其道尙未大顯竊思此事實關正學之明晦絕續斷無有終於不顯者但遲速有時耳楊園先生一生窮困傳三世而嗣斬焉故不及稼書先生之甫歿卽

顯而百年以來好學之士多慕而尊之搜刻其書沈少司空督安徽學政時刻其年譜乃陳右民所訂者並欲疏請從祀文廟因耳疾致仕而止去年杭城兵火之後卽有好義丁姓者刻蘇惇元重訂楊園年譜校陳本尤詳而左爵帥於軍事方殷時以四百金付丁姓屬修楊園祠廟且欲奏請從祀甚哉潛德無不發之光觀於楊園之事則我雙池先生可推而知之矣異日蚌城廟貌兩廡豆籩盛宅之榮豈他族功名富貴所可望哉昔先祖於先生歿後承盛族環洲諸先輩公同付託抱守遺編乃謀於執友邑中董厚山先生繕寫副本呈於朱學院得登 四庫配祀郡邑紫陽講堂厚山先生又再

錄副本豐具束膳延名士校對謹藏於家並謀刊刻以遽卽
世未果其後先生得立傳

國史儒林實賴此副本寄呈館局之力局竣書得發還而原藁
之存舍者自先祖時已不能全方幸董宅所藏尙備恃以無
恐不意往年粵匪寇婺董氏曾孫以邑當寇衝移寄東鄉某
邨忽然被寇一炬聞之令人驚心動魄夫先生之書以天道
人事卜之必無絕傳之理但保守表章吾輩今日之責孔子
六經尙遭秦火則先生之書之偶值劫運何足異焉而人事
要不可不盡先祖文集中有寄族弟道周書云師友之變痛
不自勝遺書存我家倍令我夢魂驚悸耳蓋道周亦先生門

人也又臨終遺命云汪師遺書道脈所存有欲讀者鈔以與之勿借出門其鄭重如此歷先伯父先父至今八十餘年惴惴惟恐失墜某齒逼衰暮忽聞董宅藏本之厄別無副本以防患於將來更不勝聳懼而屈指目前吾婺殷實如厚山先生之豪傑亦覺罕覯爲此奉告閣下轉達盛族念此事所關甚鉅若欲刊刻爲費太奢倘能贖貲各鈔一副本藏之文會公所待時而發亦有備無患之道也某歸田十餘載兩袖清風無能爲役竊念求諸婺人不如求諸先生同族之爲親切也但鈔書不難鈔而精工且校對無訛則難非妙選書人及延集有學者校字則未能稱善本也凡事有心者無力有力

者或無心且在一族之中或拘於房分或狃爲故常如昌平鄉人稱孔子爲東家某不知尊敬皆人情之常惟閣下與同族高明者多方鼓舞破除習見勉爲此事不但先生攸賴其

朱子之靈實默相之千萬留心言不盡意

癸巳秋孫男家鼎以汪子遺書獻於

長安趙展如中丞舒翹首先捐廉及當道諸公陸續俵助甲午開刻盡行刊布矣

六月與夏京卿

甫先生書爲文廟祠祀事書云某昔計偕入都道經鄒縣嘗兩謁孟廟見夫孟門弟子樂正子配祀堂上萬章公孫丑諸賢從祀兩廡蓋宋政和五年奉詔舉行者也而唐之韓子因推尊孟子功不在禹下一言亦綴於諸賢之後竊以爲聖賢之道所以垂範於天下萬世者旣已體諸躬尤必傳諸其徒

一時師若弟講習討論之功所關於見知聞知之統者非細故孟廟從祀諸賢實仿孔廟四配十哲兩廡之典不爲誇也因思朱子集周程張邵之功所關於見知聞知之統建廟實與鄒之孟廟同嚴而當時門弟子英才林立若閩若浙若江右若新安其數旣倍蓰於伊洛之門而其純明中正斷斷然足爲後學之規矩準繩者若勉齋若敬子若西山父子若安卿子晦果齋諸子亦不下於程門之尹謝呂楊其後勉齋一脈遂衍派於金華轉授浦江青田聿開有明一代之治雖朱子之道明儒亦未及體驗躬行然其設施亦窺見大概矣若使當時無諸弟子相與辨析講明將紫陽盛德幾有孤立之

嘆而又何以昭示來許使孔子孟薪傳有以接續於無旣哉故常以爲朱門弟子配享從祀之禮所當仿孟廟舉行而從前定徽國祠堂祀典未曾議及似屬缺事也第諸君子學行風裁與籍貫履歷除見於宋史道學儒林二傳及有著述可稽與夫記載可證者不難臚舉表章而其見於文集語錄者或只標其姓字而他事無徵誠恐遺濫之弊俱所不免意宋元好學之士或有著錄如仲尼弟子考伊洛淵源錄之類某愧孤陋寡聞徒有斯意未敢以聞於人邇因讀先生述朱質疑見夫子朱子一生師友淵源歲月離合無不條分縷析燦若列眉則是舉也非先生孰能任之哉伏乞披尋舊籍舉朱門

弟子應升配享應列從祀者綜爲一冊各作小傳疏於姓名之下將來賦氛掃盪廟貌重新即可呈請督學使者按冊舉行既補我婺從前之缺典而卽可以續刻於述朱質疑之後使後人得以備考朱學之流傳也若夫朱子再傳之後如何王金許以及吾徽玉齋雙湖定宇環谷諸公應否如孟廟祀祀昌黎之例亦惟高明裁之秋七月作朱子祠堂配享從祀考二卷因夏京卿覆書衰憊不堪任此事轉屬府君作也重修汪雙池先生年譜計四卷凡例第一條云是編草創於道光戊戌時館龍溪俞氏居停主人堯章兄方刻先生生理學逢原以校字見屬某因仰承先祖之意搜輯遺文敬成先生年譜自揣學識淺薄不足

以發揚蘊奧藏之篋中不敢出以問世又方分心於舉業汨沒於詞賦不知專一正學一行作吏從事簿書更無暇及此矣歸田後荏苒十年忽逾六十生平於金谿姚江之學術永康永嘉之事功鄱陽馬氏之通考亭林顧氏之遺書亦常領其大略泛濫出入迄於暮齒始確信朱子之學廣大精純爲孔子後一人而雙池先生尊信朱子昌言保衛直如孟子之於孔子爰將年譜彙復加訂正大約增者五之二刪者五之一又得就正於當塗夏弢甫先生蒙加裁定庶幾不失先生之真八月再與夏弢甫先生書云承借讀方植之先生漢學商兌此書于城斯道其志意甚堅其見聞極博其分別黃東

發顧亭林及閻朱毛惠江焦臧戴諸人或意在救弊而不自知其見地之未精或志在夸多而不自揣立言之已陋甚則忌嫉先賢狂妄悖謬原其情而差等其罪明允剛斷甚盛業也前明姚江樹異端之幟得東莞陳清瀾先生學蔀通辨以正其邪辭近世考据家集矢於程朱得植之先生此書以破其癥結此皆廓清氛祲保衛宗傳天地間凡物有陽卽有陰而陰究不能敵陽此亦理氣流行之自然如學蔀通辨漢學商兌二書其功實與孟子拒楊墨相等未審先生以爲然否書板旣燬於寇難以購求某意欲擇其要者摘鈔數十頁以補衰年善忘之病惟刻下尙缺書人用敢商求展至冬春間

奉繳是爲至幸雙池先生年譜約中秋前後可以寫成彼時
再當送呈鈞政肅此奉布八月下澣年譜修成求序於夏弢
甫先生書云仲春季夏兩謁台階言及雙池先生年譜伏蒙
誼篤斯文諭謦藁呈覽將勸同鄉好義者刊刻某以先祖師
承所出之故啣感難名茲將舊藁四卷復加修飾僱人寫成
專送函丈搜輯之意略具凡例八則內惟是學識淺陋不足
以發揚蘊奧而於體裁恐亦未能雅潔並祈高明裁正俾免
掛漏貽譏更賜大序以弁簡端俾後學開卷卽肅然尊信此
某之所傾悃引領以冀之者也竊念雙池先生紹朱子之傳
純粹中正五百年間與楊園稼書鼎立爲三而其精神魄力

之充沛絕倫著述之富有日新境遇之流離困厄視張陸兩先生殆猶過之故愚昧之見嘗謂自今日以前求所謂朱子之後復有朱子者舍雙池先生其誰歸乎當時先祖表章遺書其鈔錄副本延通儒校對約費千金實藉邑中董丈厚山之力厥後王顧亭太守沈鼎甫侍郎刻書共五種皆能尊德樂義闡發幽光近則洪梅坪中翰俞堯章員外金道傳詹簿單佩綸別駕亦續有刊行然綜計全書刻者尙未及半鄉俗不古重利輕義如董丈及太守侍郎之豪傑固絕無其人卽求如中翰等之勉於善舉亦罕覩矣使非先生篤念聖傳心契前哲當此兵燹之餘誰肯顧及茲事乎是則德必有鄰氣

常相感或百世以後或千里比肩此天地自然之理也讀大
著述朱質疑一編其於朱子契合者深矣宜其惓惓於雙池
先生也哉遺書三十餘種向來分別某部某部不能括著述
之全旨昔楊園先生見劉念臺先生年譜謂其學問源流立
身本末俱備文集之外可以單行某今所輯上仿此意但學
識未臻不能不仰藉裁正也若果能借重鼎言刻以行世汪
氏之學旣顯則朱子之道彌光匪惟先祖及小子輩歿存均
感其斯道竇嘉賴之肅此奉佈九月鳩工修先大父乳父母
墓冬十月叔父耘竹公卒府君理其喪事以汪雙池先生年
譜付梓

刻資係夏中翰領袖斂之發
人卽參訂校刊中諸人也

與夏弢甫先生書謝年

譜序及先曾祖行述跋書云前月伴回捧讀鈞函并大製雙池先生年譜序先祖行述跋二篇拜登莊誦序文質樸中正氣度和平上下數百年學術升降一齊道出而絕無激昂猛厲之氣以知此事自關涵養非晚學所可望也行述跋見之真言之切先人一生尊師衛道之苦心藉此益加顯漏某之啣感豈可以言喻乎昔鄉先達董筱楂太史因嘉興沈鼎甫侍郎刻汪先生儒先晤語而以長篇書其後謂汪先生之書不如江先生之易顯者一尙析理時賢好尙適偏重考据云云此其言當矣而又謂汪之所遺實有不如江者四一則藏書少未曾徧讀近世之祕本新編也二則境遇困阨子毀孫

殤歿無繼嗣以守其遺書也三則江之弟子以高才達識見稱於時能廣其師之傳汪之弟子皆謹言飭行匿跡銷聲不求聞達惟鄉曲間稱道品望推述師承而已四則江之所著書盡登 四庫其未登之河洛精蘊亦已刊行汪書收入四庫者惟參讀禮志疑而已某於太史素佩服其德望而於此篇則微有不愜於心蓋其所稱不如者四惟第四條爲實事若一二三條則不無可疑也夫太史旣稱汪先生自通經後研究宋元明諸儒之說以朱子爲得聖學宗傳卽毅然以紹述朱子爲己任又云定學術之歸發聖賢之奧精貫日月思通鬼神析及毫芒略無眩惑窮極根末覺悟迷滯自朱子

以來言理之純粹顯豁如先生者未易指數某以爲此足以彰汪先生之實詣矣至於近世之祕本新編雖間能補前人之缺訂前人之誤然而喜新好異搜爬細碎爲蠹滋多卽其所得亦於大本大源究無甚關係孟子於周室班爵祿未聞其詳於諸侯喪禮未之學於汝淮泗稱其入江孟子豈以此見短乎觀先生再與江先生書有云商羊萍實與掘地之羊專車之骨識與不識於孔子聖德殊不增損一毛而朱子所修傳註於鳥獸草木之名亦間多失是今之號爲尊守紫陽者亦或以小言細物與朱子爭博洽懸揆慎修所志當與洙泗紫陽同一心法而世徒以博稱慎修不反以虛稱掩耶其

言如是祕本新編皆先生所不暇究心者也而况先生之博洽又實未嘗少遜於江先生耶安得因此遂謂汪不如江也至於境遇困阨爲古今諸儒所未有而學業成就如此之大此正汪先生之超絕流輩處子毀孫殤歿無繼嗣然得門人如先祖者爲之極力表揚保守遺書百年未失恐世之賢子孫亦不過如此之篤摯安得謂汪不如江也江之門人戴東原爲稱首其仕爲翰林掄揚江先生甚易若先祖以一窮諸生表章遺編徒步奔走會城郡邑總可數千里使汪先生書登

四庫從祀紫陽後來崇祀鄉賢

國史儒林立傳皆由前此呈書於朱笥河學使以爲之基其艱

難拮据實百倍於戴君更安得謂汪之門人不如江之門人也如太史言則先祖一生尊師衛道之苦心俱沒矣竊意太史在嘉慶時士大夫猶偏尚漢學如方植之先生漢學商兌痛闢毛戴者尙未著太史未免囿於風氣震於毛戴之盛名而以先祖與戴君相衡又未免以窮達爲優絀故持論如此此某之所以有疑而不愜於心也今讀先生跋語云江氏雖專力漢學而實未嘗不尊信朱子東原盡倍師說直以程朱爲異學并詆其冒宗亂族其所著書無復忌憚其於師不過登高而呼游揚其姓名於公卿間耳而其叛師害道甚於相辛之於陳良以視先祖之尊聞行知一以雙池爲法終身闡

揚不遺餘力者不可同日而語此論直如撥雲霧而覩青天
九原有知定當慰愜况其後人之生存者乎肅此敬覆無任
感謝十二月府君為姪家鼎聘婦程氏立春日書對語示不
肖等云學未老成遽登科第非為福生於憂患但願兒孫不
厭貧

同治五年丙寅六十四歲

攜不肖

等讀書家塾閱各書院文社課卷春夏間校刊汪雙

池先生年譜五月姪

志鎮

生亡弟

述洙

出秋七月年譜刻成

先生祖墓前池中蓮花盛開

先生祖墓前有蓮花池二雙池
所由名也池常種蓮花紅白相

雜先生歿後花不發而白者尤稀是年特發
白蓮花數千枝年譜成而先生之道將顯歟

遺先兄

述文

奠

汪雙池先生墓告文云 維年月日後學某敬因先生年譜刊

生之墓曰自昔聖賢之德業顯晦各以其時所可信者斯文

之奇德愈盛則顯愈遲以鄒輝之大賢猶見疑於溫國得洛

閩而論定始羣喙之並息惟先生之傑出寔聞氣之所鍾於

六經而黜百氏奉徽國以折衷專一心於述朱譬孟氏之學

孔放異端之詖辭氣浩然而思泉湧自文公之既歿元明

而漸微得許曹與胡薛僅補救於中衰忽姚江之橫出舉天

下靡然而從之雖高顧與念臺亦倚於一偏而不自知逮

盛朝之郵隆際 聖祖之典學纂朱子之全書升十哲而開拓偉

宗之繩武 著蒼說而孜孜斥濟世之狂悖表闕里之經師

迺士習之紛馳競崇漢而抑宋閻毛挺其前矛臧惠擁其後

從李臨川揚陸氏之波戴海陽冒康成之統爭叢鎬於紫陽

寔如醉而如夢湖 初之正學有楊園與稼書作中流之砥柱道脈藉以匡扶先

生繼張陸而特起更大聲而疾呼精心貫乎日月疑似析乎

錙銖極人生之厄窮更善人之乏後惟明道而不計功早奉

教於魯叟昔吾祖之受學十載託乎門牆生前則誠於尊信

身後則力為表章誦行狀之六千言真借金石而永壽

高聖

國史傳乎儒林鄉賢崇乎俎豆惟年譜之未訂常不嫌於寸心
顧小子之愚情慙半解於蹄涔承先人之言意僭草創於戊
戌藏巾笥者三十年欲問世而不敢出遇姑溪之耆舊獲就
正而質疑欲鐫梨而乏費賴領袖以集貲幸雕工之告歲當
拜墓以陳詞藐孱軀之多病謹遣使而奉卮先生著作逾於
等身刊行未及其半世欲窺德業之全無極同平江漢惟茲
編之簡括別羣書而單行挈著述之綱領見全體之畢呈晦
之久而愈光固斯理之可信冀從祀於
廟庭與當湖而並進惟尊靈之陟降同不朽乎
山川鑿芹藻之微忱忝來格於幽挺尚饗 八月以雙池先

生年譜焚告先曾祖墓九月子

志億

生

不肖香祖

出冬校忸

存藁小引云予自少學爲駢體文自漢魏以至近世諸名家
皆嘗涉獵及之然愛博而情不專不過得其貌而已四十爲
吏乃輟斯業五十罷歸不揣光陰已暮勤苦難成思用力於
經史及先儒性理諸書雖無新得而覺前之嘲風弄月配白

儻青徒費日力爲可惜也欲舉前藁盡焚之朋友中有止之者謂春華秋月隨時發見過而存之夫亦何傷聆其言不能勇於割愛爰刪汰蕪穢更以晚年數作附焉然而顏忸怩矣後人觀之當以予之晚悔爲鑒毋庸攻此也十二月輸田半畝爲族叔祖璧輝公立祀公府君發蒙師也歿後乏嗣其曾祖廣祥公以下久不祀矣府君追維舊誼輸田半畝祀公支祖三軒祠內自公會祖以下四世皆得歲時祭掃彙元明儒學正宗錄因論及明代氣節之多世人皆謂明祖培植之功而不知實宋程朱講明之力蓋自東漢尙氣節至於黨錮之禍興而節苦矣窮則必變魏晉公卿視七國喪君如墮甑然

相沿四百年至唐而不能振降至五季而廉恥喪盡矣宋興
治教休明程朱出而孔孟之道著於是天下知有節義之重
元雖不信漢人而元儒守宋賢之遺範相與講明於下未嘗
少變元諸帝崇儒重道徵聘處士幣帛隆禮封爵貴顯實過
於明祖明祖雖號養士然彎弓射孟子太子師傅宋景濂全
家獲罪文學之士多被刑誅加以成祖之信闈宦其弊延及
二百餘年設廷杖置詔獄安在其能真重士也不過重進士
之科以爵祿網羅天下士耳幣聘之典惟用於吳康齋陳白
沙尙不及元代之盛然而靖難之變甲申之變殉義如林者
實程朱講明之力也至於魏闈門下之乾兒義子乃二祖殺

士重閭之報至於楊左之禍則節亦苦矣窮則必變不其然乎

同治六年丁卯六十五歲

元旦試筆云誦至聖之格言見善則遷見過則改佩先人之懿訓做官日短做人日長府君以直道罷官先工部兄亦以辦團練忤上游兩起兩蹶彌見宦途之險嘗謂登高有法徐步則不躓腳踏實地則不顛每見用心粗而求治太速者不但獲禍且促年壽又嘗舉加之公祭族祖尙書恭穆公文做官日短做人日長做生前之人日短做死後之人日長數語提耳面命使子孫知所警惕又示兒楹對云弓冶之傳休失

陸羣弦何佩自裁量春紫陽書院聘主講席休邑生員李淦
等來就學二月補校先曾祖庸言舊橐補遺引云咸豐辛亥
壬子間某作宰吳中將以先大父筠谿府君所著庸言付梓
爰就質於二三朋友每卷爲刪去若干條某資愚學淺兼之
簿書鞅掌神智益昏遂貿貿從之罷官以來十有餘載不敢
暇逸補讀遺書時有新得乃知前之所刪十當存其八九也
蓋聖賢之學必實從躬行閱歷過來而後言之親切有味孟
子所謂善言德行是也否則立言難擇其言而去取之亦不
易某用是愧悔怵惕思邇前愆爰將原本除重出若干條從
刪去外餘皆補鈔付手民綴於簡末並以識曩者之謬云三

月校舊彙學古彙鈔小引云尙書稱學古入官議事以制謂仕必資乎學也

功令鄉會試策問博詢治法源流亦欲以覘士人所學卜異日從政之才而對者勦襲雷同答非所問殊失

功令發策取士之意近代著述有濟於實用者羣推亭林顧氏日知錄謂其能盡棄陳言確指利弊或激而失中或拘而泥古然亦可想其救世苦心焉予質鈍善忘少時爲春秋兩闈對策起見好觀古人之書隨手鈔存不過科舉習氣違敢言及從政一行作吏親歷夫催科之遲拙捕盜之勞費救荒之拮据除猾之阻深文書紛紜動輒掣肘惕惕然若不克終日

支柱四年卒註吏議罷官以後目擊流寇之縱橫兵制之廢弛國用之支絀郡縣之凋殘凡諸大利大弊所關亦竊粗究其大略因并昔所鈔者以彙相次而寫之而刪其迂闊冗蔓者倘有公忠大府實心爲

國虛懷下問亦冀以爲芻蕘之獻焉昔衛樸齋湜著禮記集說自序云人之著書惟恐其言不出於己吾之著書惟恐其言不出於人此集思廣益與掠美者異也今仿此意顏是編曰學古彙鈔以明所言之非敢臆造云爾其見於亭林文集者一體鈔入其載在日知錄者則概不敢襲焉其或與亭林意見偶同而別出於他書爲日知錄所未採及則亦不之避夏

左言

四月先兄述文與香祖入邑庠十九日姪家鼎隨侍往引漿

山審視壽藏歸而有疾猶為校刻試卷時不肖等仍在郡邸

接府君書言有微疾命送學使起馬然後言歸不可造次無

禮且云汝兩人入泮冀從此守得三百年書香一脈若因初

得一衿視讀書為甚易便是墮落一生志氣坑陷進步不少

又云他日歸來便宜向小學近思錄上用功免後來走許多

錯路二十六日不肖等歸至休治更接府君手書言病甚狀

星夜奔馳二十七日抵家猶勉力為不肖等申小學近思錄

之訓二十八日時加未覺腹中飢命進湯粥時加酉疾漸革

命具湯沐更衣時加亥端坐正寢遂考終嗚呼痛哉不肖等

縻於考試不獲躬侍湯藥自郡歸扶持進食者僅一日有餘

卽棄

不肖

等而逝抱憾凶有終極耶府君體素弱起居飲食

必深自保愛以故雖常發足疾而精神甚旺每夜觀書必至

漏三四下侍立者欲睡府君命先就寢已尙歷一時也精力

如此孰謂竟棄

不肖

等而逝耶謹遵遺命殯斂旣三月權厝

於嵐山之陽茲卜葬於高環原府君嘗言予少時內稟祖母

之教外承庭訓之嚴讀書未嘗懈怠十五齡讀史鑑始有意

於經世之學館休西雙溪讀陽明王氏書稍知鞭辟近裏竊

謂聖賢爲可幾及然先入已差終未得爲學之要領泛濫乎

詞章出入乎朱陸以至永康永嘉之事功鄱陽馬氏之通考

莫不粗究其大略。宴鹿鳴後始得就正諸名公。然後知居敬窮理力行三者爲程朱喫緊示人處。荏苒暮齒罷官歸來。百念淡然。惟讀書不厭。讀朱子之書愈覺不厭。尋繹旣久。因悟紫陽之功不在顏曾思孟之下。自惟末學未能果有發明。而於古今儒學之是非亦竊謂不迷於所向。又嘗謂後生趣向未定。固無以辨異端於毫髮之際。卽紫陽正學亦未能窺見籓籬。一切譏議程朱之書。切不可使之寓目。到腳跟立定。自然知學術之邪正。彼侮慢聖賢者。徒自囂囂也。府君自五歲入塾。六十年間非甚病及應務。手未嘗釋卷。藏書近百厨。多看至六七過。每有心得。輒夾小紙簽其中。積久書口字幾不

復見其居官務以興利除弊爲己任有善舉輒與同寅共謀之不欲歸功於己遇疑讞必悉心推勘務得實情有所得輒秉燭達旦又嘗反覆開導使犯罪者自新嘗言俗吏以文法行事尙多趨避之巧化得一人爲善則一邑中多一良民治盜最嚴遇劫奪案必坐大堂訊鞫嘗言耳目眾著之地則善者見之不敢爲惡惡者亦知畏懼又嘗謂訟獄不平半由胥吏舞文弄弊愚惑官長之耳目推原其故皆由官長貪受苞苴爲猾吏所制若操守潔白并可以杜胥吏之需索上下無私訟獄焉有不平者乎居鄉以德服人無論少長皆向慕之百步外聞府君咳聲莫不肅然起敬府君謙恭自若與老農

話桑麻與商賈談貨力之豐絀與士人言讀書爲人之方羣相忘於勢利之藪人有過失必從容教戒使之自新有善舉必極力贊成之有以爭競事就質於府君者悉聽公論而折其中從未嘗堅執己見歸田十餘年邑有大興革強府君一至餘則跬步不入城市不以私事干縣主治家最嚴肅終歲不聞嬉笑聲婦女無故不出中庭男子無故不入內子弟有過失令跪堂下誨諭再四自新而後解嘗曰家人嗃嗃悔厲吉婦子嘻嘻終吝不肖等夜讀書畢必召至前稱道先人德行諄諄以法祖爲訓次則諭以讀書做人之道語畢則問今日所爲之事更諭以明日所當爲者然後退又嘗彙列女傳

一編命女媳等拱手立階下敬聽古人孝貞節烈之事又命不肖等各訓其婦以爲正家之始自奉最儉常著大衣居官時錦衣一襲非遠拜客勿衣也日食只一豬肉有兼味必命徹去餽餘則分給族中之貧者最惜物力零星紙角竹節木頭常不使棄曰今日留之他日終得其用恆課畢輒補綴蟲蝕書一日中不使有暇常誦余竹心先生不可喫天地間半日閒飯之語稍倦則靜坐片時旋又讀書如故嘗言讀書須熟靜中涵泳自生出許多意義晚年更補溫少時所讀十三經晚飯後或夜不成寐輒朗朗默背無差失終日讀書未嘗箕踞坐與人言色莊而和雖接下無惰容也晚年不喜著作

曰著述紛紛至

本朝已大備吾惟擇而從之遵而行之可矣又謂爲學之方當以小學近思錄二書爲先資以居敬窮理力行三者爲宗旨以爲近年考驗有得篤信謹守者憶丁卯二月不肖等將赴郡試猶提耳而訓之曰人家不可一日不讀書汝看眼前卑污苟且之人誰非名宦之孫子皆由不讀書不知義理遂至流落無底人家後事難測伊可畏也嗚呼言猶在耳庭訓永違中夜以思慚憤交并追念府君學行足以信今傳後倘不能紀其厓略以留沒世之名則不肖等之罪孽不更深重耶謹就見聞所及略具巔末俾知人論世者因流溯源不致盡

無稽考至於學行功業之本見諸府君著述中者不肖等闇
昧無似不能窺測萬一敬謹什襲遺書計朱子祠祀考二卷
元明儒學正宗錄二卷吳康齋學案一卷汪仁峯學案一卷
仁峯年譜二卷汪雙池年譜四卷已刊表章儒碩錄二卷經
學管窺六卷溫故一得四卷學古彙鈔二十四卷短檠餘墨
十二卷廣唐書三十卷讀史劄記四卷枌榆雜述三卷忸存
藁六卷拙翁家訓二卷論文彙語八卷文集二十卷詩集十
四卷及他書若干卷藏於家敬敘事迹仰冀

當代有道君子錫之鴻文垂諸久遠世世子孫感且不朽不肖

男香祖孫男家鼎 同編次

(清)周以均編 清光緒三年木活字本

一齋公年譜

年譜

澹香老人手訂

嘉慶九年甲子三月二十九日未時生於會稽之法濟

里福彭橋

公諱以均字一齋號仲笙晚號澹香行一章嗣衡注

先世出道國

元公之後家世業儒

曾祖熊占公

公諱渭誥贈奉政大

夫 大夫章嗣衡注

曾祖妣沈太淑人

郭太淑

人 陳太淑人

祖繡階公

公諱鑑林郎

勅贈文誥贈中議

大夫章嗣衡注

祖妣陳太淑人

太淑人候選按察司經歷諱鴻開雍公女章嗣

衡 註 考癸三公

公諱其琛候選鹽運司知事勅贈文林郎

誥贈中議大夫

章嗣 衞生 妣余太淑人 太淑人候選州同諱大年鶴亭公女章嗣衞注 繼

妣邵太淑人 太淑人八品衞諱秉五公女章嗣衞注

十年乙丑二歲

正月二十八日母余太淑人見背時未周歲 大

母陳太淑人撫育

十一年丙寅三歲

十二年丁卯四歲

十三年戊辰五歲

十四年己巳六歲

繼母邵太淑人來歸是年入塾從沈蘭谷師

諱清
標邑

生 庠 授書

十五年庚午七歲

子厚仲弟 以培
生

十六年辛未八歲

方川季弟 以增
生

十七年壬申九歲

始授經

十八年癸酉十歲

一齋公年譜

一一 第...

十九年甲戌十一歲

初學爲文

二十年乙亥十二歲

二十一年丙子十三歲

二十二年丁丑十四歲

二十三年戊寅十五歲

九月初十日 大母陳太淑人棄養是年大妹生

二十四年己卯十六歲

應童子試是年並受業馮毅齋帥

諱燾邑
增生

二十五年庚辰十七歲

道光元年辛巳十八歲

院試堂備十一月 曾大父熊占公捐館舍

二年壬午十九歲

縣試前列邑侯常石馨明府賞其文

三年癸未二十歲

院試因邁疾不得預縣試爲常邑侯特拔以第一
人目之因娶婦不覆試是年十二月娶陽川孫氏

贈鹽課司提舉諱
循慎德先公三女

四年甲申二十一歲

府試前列以第四名入縣庠

試題其不敢何也

學使杜石

樵太傅

諱愕時官吏部右侍郎

是年二妹生

五年乙酉二十二歲

問業李梅生師

諱燮鼎道光辛巳恩科舉人

鄉試房備是年

三妹生

六年丙戌二十三歲

歲試一等學使朱文端公

諱士彥時官禮部左侍郎

四月十四

日未時長子錫祺生

七年丁亥二十四歲

聞業何慎緘師 諱金銘嘉慶戊辰恩科舉人

八年戊子二十五歲

遷居路南寤蘧新築聞業秋研芸師 諱家丞嘉慶癸酉科舉人

是年充補增廣七月子厚仲弟去世

九年己丑二十六歲

歲試一等咨 部優行學使李北溟先生 諱宗瀚時官禮

部侍郎兼內閣學士

十年庚寅二十七歲

戊戌司氏乞普爾 一齋公年譜

四

等第

走地居上又司

卷三十五

四月十六日寅時長女生後一歲殤

十一年辛卯二十八歲

鄉試堂備房考裘鄉珊先生

諱榮甲時官永康縣知縣

主司何

仙槎先生

諱凌漢諡文安時官禮部右侍郎

批云清切恬適孟藝

獨見心裁又加批云首藝後路趨重權字微少圓

到九月初一日覆閱備

十二年壬辰二十九歲

問業王蓮波師

諱文瀾嘉慶己卯解元

九月初三日辰時次

女生

十三年癸巳三十歲

十四年甲午三十一歲

是年親受業秋研芸師館跨湖橋舊鑑湖書院著

有雙清閣文稿秋試以第六人膺鄉薦

頭場題繪事後素二

句發強剛毅二句膠鬲舉於魚鹽之中二句賦得雲開雁路長得長字五言八韻

房考陝

西韓城師理卿師

諱長治時官上虞縣知縣後官崇陽殉難

主司古欵

吳退梅師

諱博時官戶部右侍郎

古欵徐廉峯師

諱寶善時官翰林院

編 闡中得卷擬元五日僅得魁選闈墨選刻批首

藝云壁壘一新旌旗變色於題之義蘊周匝靡遺

其行文亦極一氣相生之妙批三藝云入手取徑特別後路骨采飛騰聲情激越不徒以裁對見長詩亦選刻房考浙闈紀事詩四首有云果爾文章憎命達一經鸚薦便扶搏註云本房騰字陸號得卷頗遲因闈中有異兆其人必世有積累亟宜搜採主司令再薦佳卷八月廿四日呈薦主司擊節歎賞決爲首選後以鄉試錄已梓定置爲榜元騰字六號殆有前定耶此詩以五色牋印送故備錄之九月初七日榜前繼母邵太淑人棄養十三

日捷至正在苦次中悲號欲絕

十五年乙未三十二歲

十六年丙申三十三歲

十七年丁酉三十四歲

大妹于歸羅午橋嘉榮

十八年戊戌三十五歲

會試薦師許琴舫先生諱前軫

十九年己亥三十六歲

授徒里門是秋鄉試及門周丙堃中式十一月初

十日卯時次子錫嘉生

二十年庚子三十七歲

會試堂備房師黎樾喬先生

諱光曙

不第留都穆鶴

舫相國

諱彰阿

批云詞氣安雅後尤警切額溢惜之

六月三十日

父府君見背泣憶七月初六日僑

居邑館嘉蔭堂植有大椿樹蓋數十年物於夜半

無故摧折仆壓屋上柯葉蔽戶聲振梁木此異之

大者也

同寓為山陰孝廉錢棣初亦於是年丁外艱

復於次夕見先

靈於夢寐儼然朝服嗚呼其示兆也耶八月家耗

至匍匐奔喪回里

二十一年辛丑三十八歲

九月長子錫祺娶茹氏

二十二年壬寅三十九歲

七月仲父德愔公

諱其去世

二十三年癸卯四十歲

二十四年甲辰四十一歲

計借北行道經泰安借馬葵耕褚收皋孝廉謁碧
霞元君廟徧覽古明堂岱宗及孔子登臨處諸古

蹟會試不第先是三月二十四日 祖府君歿七

月在京聞耗奔歸丁承重艱是冬吳姓舫學使

鑒

按臨紹屬子錫祺以第九名入縣庠

二十五年乙巳四十二歲

授徒里門是年二妹于歸陶式之

謨

二十六年丙午四十三歲

授徒里門著有交翠草堂詩稿是年大妹去世孫

女若仙生錫祺出

二十七年丁未四十四歲

次女子歸謝潤

二十八年戊申四十五歲

王石橋太守德寬延邀分修會稽邑誌十閱月稿

成未梓

二十九年己酉四十六歲

授徒里門評選發蒙初二集四月初七日戌時孫

起鳳生錫祺出九月三女子歸勞守謙是年越大

水徐鐵孫太守榮設局府廨壽樂堂勸捐辦賑疏

江築塘從公無虛日

三十年庚戌四十七歲

授徒里門評選八銘初集明文必自集越又大水

連歲成災田惟草宅是年三妹子歸高晉舫楨孫

女似仙生錫祺出

咸豐元年辛亥四十八歲

評選國初天崇文及門陶妹聲謨族叔寶瑛及問

業阮寶霖俱鄉試中式

二年壬子四十九歲

山長宗笛樓侍御稷辰鐵嶺徐鐵孫太守榮清釐

戴山書院派令經理院務及門胡福鄉試中式

十一月初三日孫淑人卒

三年癸丑五十歲

中丞黃壽臣同年宗檄委隨同沈墨莊同年元

泰招募練勇並監修城垣正月十一日申時孫鳴

鳳生錫祺出納簞室和氏九月次子錫嘉娶余氏

四年甲寅五十一歲

監造三江閘側石塘七月初三日子錫祺卒閏七

月十三日子時孫鏘鳳生錫祺出八月十二日寅

時孫儀鳳生錫嘉出

五年乙卯五十二歲

幫辦籌餉局務以揀選知縣報捐國子監學正雙
月選用隨帶加二級

六年丙辰五十三歲

幫辦籌餉局務 勅贈祖父母父母正七品封

典七月廿七日卯時孫苞鳳生錫嘉出

七年丁巳五十四歲

幫辦籌餉局務勸捐出力保獎 賞加光祿寺

署正銜奏保者爲浙江巡撫何根雲中丞

桂清

八年戊午五十五歲

正月廿二日未時孫超鳳生錫嘉出十一月十一
日夜子時三女生是年子錫嘉援例得官翰林院
待詔

九年己未五十六歲

勸辦籌防局務以內閣中書候銓並叙員外郎銜
勸捐出力保案 賞加四品銜奏保者爲浙撫

胡恕堂中丞

興仁

是年七月主講鑑湖龍山書院

及門陳爾幹鄉試中式九月次媳余氏以產難亡
十年庚申五十七歲

勦辦籌餉局務掌教龍山書院七月錫嘉績娶王
氏加捐同知銜

十一年辛酉五十八歲

籌辦軍餉掌教龍山長媳茹氏卒是年粵匪直逼
紹興九月廿九日城陷前一日携眷奔僮塘屢遷
至虞邑梁湖臈月由梁湖遷山邑南池度歲是年
十月二十八日子時四女生

同治元年壬戌五十九歲

正月包村事急星夜移寓會邑漁港旋避山邑丁
墟度歲官軍渡江來攻是年著有漁莊漫錄

二年癸亥六十歲

三月移寓趙家阪○中外兵勇大集賊匪肆掠正
月五日復遷陽川又遭焚劫屢遷雪瀆賞枋衣食
全缺二月臧可園司馬均之邀赴吳融兵米局總

辦三月楊豫庭太守叔憚邀至善後局勦理諸務

局帥善化許雪門太守瑤光倚重之贈谷山石研

并系以銘云維茲楚寶持贈越賢交情一片翰墨

千年

余作跋鏤刻硯旁

又贈聯語云銜杯重讀中興頌贈

研新聯翰墨緣新建昭忠祠

今借設鹽釐局

新司考棚證

人書院工程俱往董其役次第告成勒石以記在

新司書院隨辦理米捐局是年冬由鄉寓復還城

東寤適故居七月廿二日亥時孫梧鳳生錫嘉出

後三年殤

三年甲子六十一歲

是年夏仍掌教鑑湖龍山書院兼辦貢院捐局善

後局務

四年乙丑六十二歲

及門汪

蓉照

考取辛酉選拔五月水決山會蕭三

邑各塘隄應宿大牖沙淤不得宜洩越遭非常大

水城內水及半扉田廬淹沒幾有其魚之歎賴東

西決隄得洩秋稼無收省憲檄前廉訪段公

光清

蒞紹籌捐築塘設塘工總局六月十八日申時五

女生八月補行辛酉壬戌鄉試門下王

熙年崧年

同榜中式鮑鮑與焉是年著有寤適漫錄

五年丙寅六十三歲

築塘疏江連歲勤辦局務迄本年秋後以疾歸里

門頗有退志自號澹香寓晦養云 繪有老圃秋容

圖示意
別號澹吾

六年丁卯六十四歲

負疴却掃汎覽殘編以自頤樂與在院肄業諸人

講求實學自是同志者來遊益衆本年甲子丁卯

鄉試及門楊燮和潘良駿孫琥銘沈百壩鮑謙胡

大晟姪福清同榜中式○浙江全省肅清在事出

力官紳保案內於同治六年二月十五日奉

旨交部從優議叙奏保爲閩浙總督一等恪靖伯

左宮保宗棠浙江巡撫馬中丞新貽是年七月子

錫嘉以縣丞銓發江蘓試用次媳王氏卒

七年戊辰六十五歲

仍掌教龍山書院

八年己巳六十六歲

是年杜遵衡閣學壽引疾歸田主講龍山遂不掌

教揚生吾邑侯恩廷請分閱朔課卷

九年庚午六十七歲

分闕龍山書院朔課卷

拾年辛未六十八歲

二月次子錫嘉續娶梁湖王氏

先大夫年近古稀氣體疆固今歲二月十六日忽發寒熱醫云用心太過陽氣外越連服補劑雖得少安而飲食大減氣息低微三月初二日早間食稀飯一盂安眠片刻不孝等侍立床側寤而謂曰吾今雖無病而食少氣微能久延於人世乎將與汝輩訣汝輩其謹守禮法讀書勵品毋貽先人羞午刻命不孝等扶坐促衣冠遂端坐瞑目而逝嗚呼痛哉先公好學篤行賦性孝友生未週歲祖母見背長事繼祖母甚謹而祖母邵太淑

人亦愛逾己出庚子會試丁先大父憂甲辰會

試丁曾王父承重艱號哭奔歸哀毀逾禮三赴

禮闈兩遭大故遂潛心力行不求仕進每逢歲時

祭祀必親滌祭器敬養若生數十年如一日嘗諭

不孝等曰吾兩次丁艱俱以會試在都不克親視

含殮抱恨終天雖祭以大夫則何益歟與仲父

義讓相事無爭競無推諉終朝聚於廳堂講求實

學非有大事未嘗少離咸豐二年宗滌樓侍御稷

辰主講戢山書院商之徐鐵孫太守榮清釐書院

丈畝增租加額加獎選舉 先公經理一切院務
每屆課期隨同山長到院辨課諸期整頓四方人
士鼓舞借來監辨飯菜給發膏獎事事躬親不經
書吏之手俾在院生童俱沾實惠迄丁卯二月力
任院務十餘年因年力就衰呈請另選殷紳接辨
李樹堂太守壽椿批該紳經理院務已歷多年悉
臻周妥云云自己未至戊辰主龍山講席者前後
計十年文則以黜浮崇實爲先行則以啟品力學
爲助生平不信浮屠不感風水不樂逢迎不事奔

競砥行修名講求實學佐理局務時以干謁寅緣
爲戒甘貧自守鐫介于石圖印以見志治家則嚴
肅整齊勤儉恭恕馭奴僕則體恤矜憐約束教導
故歷辨局務未敢生事害人晚年尤好學不倦嘗
云吾身體稍有不安不必以藥醫惟閉戶靜坐讀
書一日卽瘳耳吾 母山陰陽川孫淑人幼秉庭
訓動中禮法于歸府君克盡婦道侍奉甘旨必躬
必親勤儉治家秩然不紊親族稱之先 府君十
九年而歿

男錫嘉泣識

年華錄序

夫華封肇三多之祝洪範列五福之先蓋有德者必有壽年
華之永可決焉余父執謝丈厚菴先生少負奇氣耽讀書受
業先大父笠樵公深器之與先嚴惕齋府君昂學相契年十
九應京兆鄉舉薦而未售名日噪旋筮仕於浙歷任縣丞累
保舉知縣署臨安縣事宦浙幾四十年久爲上游引重所至
以經術飾吏治政通人和卓然著循績焉丈雅諳韜鈴好奇
計往往洞中機宜長溪之師追獲軍械乍浦之役保護軍資
厥功偉矣洎粵匪之變大府耳丈才略委赴江右皖南籌兵
援浙嗣辦建甯大營糧臺戎馬倥傯之際軍書旁午艱苦備

嘗事平後蒞任臨安未朞卽引疾歸人皆以不竟其用爲可惜而處之坦如也今家居倏廿載矣舞綵盈庭纓華繼起丈第優游林下以著書自娛比撰述半已梓行於世年過八旬耳聰目明披吟不少輟暇輒追憶生平以溯宦遊之迹據事而直書之顏其編曰年華錄蓋感年華之荏苒而按年以紀實也觀於此而知丈之克臻眉壽年彌高而德彌劭隱符於人定勝天者其來有自海籌永錫行開百歲筵也令名曷有旣歟善孫夙蒙青睞卽之如坐春風心儀久矣今歲客茗上丈郵書命序深愧不文姑略抒管見謹爲記其緣起云光緒歲次丁亥七月旣望世姪莊善孫性初甫識

厚庵自敘年華錄

晚季姓謝氏名蘭生初名仁溢字厚庵幼字善騰號巽行曾
祖耕于公謹聘乾隆壬午順天舉人丙戌進士歷官河南州
縣終鄭州知州著有春及堂稿與宦績俱載邑志妣汪宜人
祖曉榭公諱湛恩候選郡司馬貤贈通奉大夫妣丁夫人本
生父寶齋公諱珍國子監生貤封通奉大夫著有三近齋語
錄踵息廬粹語易學贅言俱載邑志本生母顧夫人嗣父諱
務滋字德齋一字維清國子監生誥贈朝議大夫例晉資政
大夫母原配趙恭人甌北先生女孫廷英公次女繼母趙恭
人恭毅公元孫女亦之公學愈長女皆例晉夫人蘭生甲子



癸酉丁丑癸卯生

嘉慶九年甲子一歲

十年乙丑二歲

十一年丙寅三歲

十二年丁卯四歲

十三年戊辰五歲 族叔祖增中北闈舉人

十四年己巳六歲 仲偉叔祖聯捷進士以學正用是科

會試宜黃本家謝階樹中式進士殿試一甲二名榜眼
及第

十五年庚午七歲 從史洵侯先生讀書明春入都會試

十六年辛未八歲 從族叔德玉先生

十七年壬申九歲 四子書讀畢

十八年癸酉十歲 放晚學祖父講二呂小兒語四言六

言禠言

十九年甲戌十一歲 放晚學祖父課讀唐詩二首

二十年乙亥十二歲 從李蔭佳先生開筆做起講破承

二十一年丙子十三歲 祖父於八月初三日去世

二十二年丁丑十四歲 從莊仲吹先生冬月勉強完篇

二十三年戊寅十五歲 族兄王會中順天舉人

二十四年己卯十六歲 出考府縣試名列前後十

二十五 金
二十五 庚辰十七歲 從王步津先生澄江院試備

道光元年辛巳十八歲 貢秋曉程鳳芝雲陽姜應揆皆從

批改文字程府尊芝圃先生鍾麟甄別拔取正課在龍
城書院肄業二年邑侯汪蒼溪世璋張柵木作楠皆考
取十名之師

二年壬午十九歲 二月趙淑人來歸系出馮立朝公派

趙梧岡諱涵長女馮翊馮慶祥從姊母董氏嘉慶丙寅
五月二十一日生是年十七歲進京鄉試汾陽宋湘帆
侍御二房薦卷爲主試所擯戊子年以縣丞分發浙江
湘帆師亦以糧道至浙與同房薦卷同分發到省之貴

州人包萬春接見於石門甚加青睞後升運司升浙江
藩司蒙另眼相待栽植不爲薄焉九月二十五日祖母
丁夫人壽終

三年癸未二十歲 作落花詩七律三十首

四年甲申二十一歲 長女生正室趙淑人出適錢葵因
縣丞

五年乙酉二十一歲 往吳門住外家賜硯堂半年表兄
顧湘舟邀嚴闖仙尤崧鎮沈閨生陳小松釋麗天松泉
兩禪師同遊靈巖天平穹窿玄墓蓮峯法螺滄浪諸勝
有記遊詩

六年丙戌二十三歲 九月二十日長子昌霖生是夕在
賜硯堂與湘舟表兄看天上月華

七年丁亥二十四歲 嗣繼母趙恭人命往河南張羅捐
款酌增事例報捐縣丞遂棄舉子業

八年戊子二十五歲 赴吳門偕顧小雅吳興陳抱之章
耘花同伴入都分發簽掣浙江至南橫街顧南雅母舅
宅叩別蒙書對聯條幅勗以居官語有古人之寬大非
直謂道理當如是然煞有受用處宏氣度以養德也省
怨怒以養氣也絕仇讐以遠禍也受教萬分矜持千分
檢點權貴之門雖係通家知己也須見面稀行蹤少嘗

愛唐詩終日帝城裡不識五侯門之句可爲新進之法
余誦之終身出都自常赴浙道出吳門長興朱立齋紫
貴邀顧千里顧沅戈載韋光徽沈秉鈺沈傳桂尤崧鎮
饒予於白公祠立齋贈以詩云湖山有分狎閒鷗不負
新涼是此遊曲榭平陂先得月曉風高樹早驚秋匆匆
琴酒酬佳約澹澹鶯花寫冶愁最是白公隄下水年年
無語自東流是年七月三女生適無錫華文瀾從九

九年己丑二十六歲 杭州府成世瑄派赴仁和楊丹山
國翰錢塘石敦甫同福兩首縣署隨同陸子範模萬少
山啟封宋柏臺璜鄧芝珊培諸公管發審事理於八月

十一日丁嗣繼母趙氏憂請咨回籍

十年庚寅二十七歲 葬嗣繼母趙太恭人於章家園與
德齋公原配趙太恭人合墓

十一年辛卯二十八歲 嫡堂叔父近華榜名紹樾中式
奉天府豐甯縣舉人是年四女生適長洲顧承業銀臺
公諱蕤孫副指揮條曾次子咸豐庚申四月十三日蘇
州省城失守承業率妻謝氏並兒女同殉節於銀臺公
南雅先生墳堂屋中

十二年壬辰二十九歲 嫡堂叔父潤華榜名兆榘中式
順天經奎第三名冠北雍是年外叔祖趙季由太守歿

予杭州省城余輓聯云廉吏信難爲嘆陽羨歸耕半頃
未謀丹秫酒大招驚莫返憶吳興待澤滿汀空怨白蘋
香汪小米輓聯云二千石竟長貧仰風流久播湖山識
公恨晚廿五人同雅集矧眉宇重看圖畫成佛居先小
米有東軒吟社圖畫師烏程費曉樓丹旭所作凡二十
五人爲杭州汪劍秋鉞秀水莊芝階仲芳杭州黃香泉
士恂項蓮生鴻祚餘杭巖鷗盟杰杭州汪小米遠孫高
爽泉愷諸秋士嘉樂吳仲雲振棫夏松如之盛汪覺所
阜胡書農敬鄒粟園志初趙雱門鉞龔閻齋麗正陽湖
趙季由學轍歸安張仲甫應昌武進湯雨生貽汾杭州

陳扶雅善錢蕙窗師曾汪又村适孫嘉興張叔未廷濟
杭州汪少洪邁孫汪小逸東健南屏釋松光了義海昌
吳子律衡連和尙畫師爲二十七人今是圖在汪子用
大令曾唯所藏季由外叔祖爲外祖亦之公學愈胞弟
外祖工詩外叔祖書名甚重申耆先生謂五百年來無
此書外祖有韞秋齋稿申耆太史採數十頁刻舊言集
中子謙舅氏京錫外叔祖長子亦以書名世曾爲靈壽
令

十三年癸巳三十歲 署理紹興府山陰縣縣丞事雲南
宋雲笏明府大寅成涵齋照磨毓璜王半泉少尉鐫幕

友宋珊洲與予會飲于蘭亭倣修禊之舉覺永和一觴
酒痕千古致足樂哉因思宋文憲潛溪學士所撰李公
麟畫觴詠圖記王仲則所作蒲褐山房與王述菴司寇
觀劉貫道畫蘭亭禊飲圖歌遂自撰集蘭亭字上巳日
修禊蘭亭五律詩二首以記斯遊從甥金淮生武祥已
刻拙詩于粟香三筆集中考五忠祠亦在山陰前明劉
忠端宗周祁忠敏彪佳王正義毓著潘集周小年也按
御史王紹請卹五忠王元趾得贈翰林院檢討 國初
蔡徵士仲光有弔忠端忠敏正義詩各七律一首在謙
齋集中詩曰先生道德高天下於越諸賢半在門滾滾

黃河比幾曲巖巖秦嶽久稱尊栢臺蒼佩巖朝典廉里

丹心報主恩已識時危應見節幾從鄉土弔忠魂左都御史

劉字敬東漫漫澄湖白浪長娑娑衰柳被風揚故國阿閣招

魂至舊日清池汎影涼吹蠡縣旛愁渺渺奇花怪石悵

茫茫干戈遠道顏行逆省想英靈總不忘寓山弔都御史祁忠敏字

幼文隔江鐵騎羽書飛懷石沉身有布衣謠啄何如難結

痛柳橋曾是汨羅非不須生作文山弔元此為劉念臺門生死時上書

勸忠端早自決以自王炎午之生祭文文山場謂有招魂宋玉歸吳越戈連長

共戰英靈助決幾重圍弔贈翰林院檢討王正義先生毓菁大敬又有弔

倪文正尙書元瑤殉甲申難詩一首尙書昔以文章重

此後更從節義傳逆賊入都何太易忠臣殉國最稱先
垂紳宮闕懷銀印御輦雲霄侍玉鞭自古朝廷培養
士幾隨龍御在中天 宋潛溪曰天生九賢將以興
斯道也寤寐思之而無以寄其遐情因作濂溪周子伊
川程子康節邵子橫渠張子溫公司馬子晦菴朱子南
軒張子東萊呂子九賢遺像時而觀之覺願執鞭從之
有不可得者余輯十家語錄列先生於上卷列劉念臺
於下卷余之敬慕十賢亦猶先生之敬慕九賢也潛溪
先生亦有像贊併記之贊曰外和而神融內充而面
晬衣冠雖管人之風氣象實宋儒之懿夫其知言以窮

天下之理養氣以任天下之事隱則如虎豹之在山出則如麟鳳之瑞世後乎千載而有存立乎兩間而無愧此蓋古君子之所難然吾謂斯人之必至

十四年甲午三十一歲 署理杭州府經歷事首府胡元熙委管理南糧倉監放滿洲營南米是科族叔牧堂名謙中河南商邱縣舉人族兄芝卿名誥中順天宛平縣舉人儀徵縣本家夢漁謝增中江南本省舉人藩司程晴峰方伯委解海關餉銀五萬兩刑部飯食等各項搭解銀兩入都赴戶部交納掣批迴回浙

十五年乙未三十二歲 藩司錢伯瑜方伯委充浙江正

典試翁三銘大司成傳宣蒙贈詩並題詠梅軒詩稿書
函往還常荷物色焉是年族兄炳曾大挑以知縣分發
河南

十六年丙申三十三歲 署理甯波府奉化縣縣丞事邑
有祠曰資福祠祀晉季祐侯謝鳳郭外有大橋長幾里
許侯爲鄞令時所建至今呼爲謝鳳橋予按侯爲晉獻
武公玄曾孫從遠祖也時澤耘族叔勤爲甯波府呂子
班太守家教讀邀往謁祠擬上敬仰遺芬四字扁祠中
有進士陳觀國子助教貝瓊所撰廟碑記會節錄大略
於謝氏源流中

十七年丁酉三十四歲 節孝陳氏姑母寶齋德齋公胞
姊也是科伊子陳肇鏞中式北闈舉人予於子俶爲中
表其三子金和字慶孫予婿也以知縣指分湖北未赴
而歿子女鳳來能書能畫稱才媛焉五女是年十月初
二日生

十八年戊戌三十五歲 藩司宋湘帆方伯委解北關餉
銀六萬一千六百餘兩入都交戶部投納是科進士予
誦生嘉葆憚濟生光宸史士良致謗董蓉初似穀呂星
田信孫皆用翰林道賀握別各致殷拳
十九年己亥三十六歲 八月十七日次子錫昌生族弟

殺章中式河南祥符縣舉人署臬司布範堂觀察彥博
委巡湖州通府屬七縣河道獲要犯二十餘名常犯四
十餘名一年期滿記大功十八次常功三十六次援委
優差優缺各一次

二十年庚子三十七歲 署理杭州府海甯州長安州判
事譔楹聯於大堂云此地遠州城矢慎勵勤似水鑑臣
心要自守懷冰素抱我來權判事謫奸發伏爍金成眾
口問誰言索米長安會元許辛木先生楣篆之長安郊
好許氏珊林辛木朱氏仲青昆仲筱漚鈞尤屬交厚其
所贈六朝文絜二本桃柳菊花畫扇尙存筱漚以糧道

署江蘇臬司任粵匪攻陷省城投井殉難予載其事於
軍輿本末紀略中所贈賢丹旭畫予所寄十二月閏詞
刻於詠梅軒稿

二十一年辛丑三十八歲 臬司孫梧江廉訪毓淮檄委
巡嘉興府通屬各縣河道倣朱竹垞檢討鴛湖櫂歌七
絕百首廬陵王小霞先生宰武進時以留香書屋詩鄱
湖櫂歌百首奉贈欲與拙作倣朱竹垞鴛湖櫂歌百首
併刻爲王謝合稿惜以罷官去竟未獲償願焉是年二
月七女鳳梧生適馮氏士貞次子嗣芝馨後名承緒是
年春以王氏春歸爲妾如臯南埠塘人經水火兵荒之

後其家竟無查考曾詢之王琴圃俊亦不知其詳
二十二年壬寅三十九歲總局憲卞光河方伯委辦省
糧臺收放軍械各事務又調赴大營僱備船夫支應大
兵進勦 叅贊文大兵潰自長溪嶺退紮紹城余帶自
僱之勇會慈溪縣丞蔣貴斌追獲 頒發之翎頂小刀
火鏈一箱文卷三箱炮位十八門大夾帳房四十八頂
鬼子槍一杆鉛丸二桶呈叅贊行轅後蒙 奏保以知
縣卽補並請五品花翎適值將軍參贊被議所保鼓勵
出力各員奉 諭旨交軍機處存記又委解軍餉銀三
萬兩洋三萬元錢二萬串馳解乍浦告投四月初八日

抵乍初九日乍浦陷宋堯農觀察不知何往極力保護
解回無失蒙卞方伯詳請記軍功大功三次謝稟中有
方幸獲免愆尤何敢罔希獎譽矧以國事爲事實公忠
之志所必爭例之軍功日功非奔走之勞可同語栽培
逾分宏獎殷懷大度能容惟誠惟一小善必錄至再至
三河海不擇細流葑菲無遺下體顧名思義受寵益驚
惟有益矢慎勤竭圖報稱以期仰副高厚殊施於萬一
云云此稟卞方伯甚誇美之劉玉坡中丞向司道言如
某者微員中之麟鳳至今深有愧於斯言

二十三年癸卯四十歲 署理衢州府西安縣縣丞事遠

峰族姪紹安中順天大興縣舉人予八月生辰李朗山
明府王簷生廣文楊春泉照磨金簡菴從九觴飲爲壽
成七律四首孔惺齋學博次韻和之按衢郡孔氏宗子
元至元十九年十月以宋衍聖公孔洙爲國子祭酒兼
提舉浙東學校召洙赴闕洙遜居曲阜者帝曰甯違榮
而不違親真聖人後也卒命之余考孔子譜系孔子生
卒辨文廟歷代崇祀考諸儒歷代廟祀考歷代諸賢事
器考 國朝崇祀諸賢考聖學源流五卷自序存之
二十四年甲辰四十一歲 署理杭州府理刑廳是年余
會同紳士請建五忠祠於吳山祀海疆殉難之定海縣

知縣姚懷祥定海典史全福乍防同知韋逢甲卽用知
縣顏履敬鎮海縣丞李向陽五人粟主爲位于吳山元
慶坊之西首一間爲文以祭焉詞曰嗚呼五公名齊華
嵩職守則異殉難攸同慘海波之騰沸驚炮火之飛紅
滌洲猝罹夫鯨噬噓毒霧于甬東戰勾章而少挫九山
復危而被攻嗟乎五公或守官而隨營兮當城陷師潰
之下乃牽衣而不去遂各効其孤忠上五星下五嶽昭
白日亘長虹洋洋海水兮梯航通吳山高高兮俎豆崇
神之來兮驂赤豹而乘風千秋百世兮垂臣鑒於無窮
伏惟尙饗余以表揚各省殉難文武各員輯思忠錄二

卷襍記一卷姚履堂遺翰藍筆書七十三字題詠三卷
翁二銘相國趙蓉舫尙書吳崧甫學使周石生廉訪邵
漁竹侍御胡書農學士金亞伯廷尉梁芷庭中丞戴醕
士侍郎丁誦生學士費鶴江呂堯仙管蕙軒中丞汪衡
甫卞光河孫琴西方伯孫駕杭侍讀錢楞軒司業黃燮
廬徐鐵生觀察金賦山太守各題詩詞徐信軒王雪軒
葉青原譔徵詩啟廣徵歌詠江浙知名士趙良甫朱立
齋姚梅伯楊岳秋鏡警石蔣生沐莊蒿菴諸公之作郵
筒遞寄頗多湯果卿伯溫助予校讐付梓以傳不朽四
月八女生適山東濟甯州提舉銜儘先選用通判史濟



臣字心蘭其父翼久按察使銜四府道祖宓臺灣府知府

二十五年乙巳四十二歲 署理嚴州府桐廬縣縣丞事
兼理遂安縣典史三月輯兵法要言六卷自序未梓

二十六年丙午四十三歲 桐廬聞訃本生母顧夫人於
七月初三日壽終內寢請咨回籍治喪是科族姪子俊
名錫申中本省江南舉人

二十七年丁未四十四歲 葬顧夫人於章家園起復赴
浙正月二日女初芙生適府學生員劉允中字鳳儀其
父兆亨監生成豐庚申在郡殉難

二十八年戊申四十五歲 署處州府麗水縣碧湖分縣
書是亦爲政扁懸之大堂十二月二十六日女麗人生
適福建候補同知署石碼分府昇西卞祖同字瑞甫其
父綬芝福建知縣

二十九年己酉四十六歲 署理杭州府餘杭縣縣丞事
糧道委催杭屬九州縣道欵並催杭屬兌開

三十年庚戌四十七歲 署理温州府經歷兼批驗大使
事十月二十日十一女東甌生適江都縣庠生錢鴻策
溫郡華蓋山雙忠祠祀殉耿難之溫處道陳忠毅公丹
赤永嘉縣馬忠勤公瑒馬穎姿與二公同殉耿難應爲

栗主附龕因稟明道府增建龕座爲忠勤公姪穎姿設
牌位於西首俾與祭享輯景忠錄文一卷詩一卷雲浦
觀察慶廉序而梓之板存郡學焉是科會試儀徵本家
夢漁謝增中式進士殿試一甲三名探花及第

咸豐元年辛亥四十八歲 藩司庚子仙方伯委充浙江正
典試呂鶴田侍郎傳宣業序詠梅軒稿副典試沈經筮
編修亦贈楷書扇對情誼亦殷

二年壬子四十九歲 署理台州府臨海縣海門分縣管
理甯台道關稅事務是年七月二十日三子昌爵生族
叔芸甫令瑜中江南副榜就職以州判分發陝西芸甫

胞兄勤增生殉庚申之難卹贈雲騎尉世職

三年癸丑五十歲 海門交卸回省黃壽臣中丞到任蒙

留撫院差遣時金陵失守飭局司道委解軍裝火藥馳

赴兩江總督大營 署總督楊安卿中丞咨留行營差

遣兼辦文報在江南十八閱月六月十三日鄧紹良提

督駐京峴山營盤被賊焚燒兵勇潰散督帶艇師麟藩

司月舫方伯委執令箭傳知鎮將李德麟周士法劉廷

鏌等水陸截擊賊匪冲至馬陵始遁還是秋方伯五節

稱慶予亦大衍初逢各作七律四章依方伯原韻敬和

四首豫粒民太守立亦和焉

四年甲寅五十一歲 奉委隨在籍團練大臣前浙江藩
司汪衡甫方伯會同丹徒縣知縣張印坦武進縣知縣
孫亮功統帶武勇三千四百人進攻鎮江府襲奪北固
山營壘陳爾繡一軍飛勇三百人進攻直抵城根擬持
杆而登王學山繼進之勇被廣勇等撓阻功敗垂成三
月之後經費無措不得已隨同方伯妥爲遣散回省銷
差

五年乙卯五十二歲 委帶釣船三十隻防守嚴州江道
復奉 臬司晏彤甫廉訪飛調皖南行營辦理文案六
月初二日四子鶴羣生於杭州道院巷 前江西巡撫

張小浦中丞接辦皖南防務咨留差遣與楊詠春顏博
洲張仙舫王慶三同辦糧臺事務奉委解易換洋銀赴
杭在浙聞本生父寶齋公在籍於九月十五日無疾而
終請咨回籍治喪蒙以昔年在浙委辦海運微勞保舉
服闋到省以知縣升用

六年丙辰五十三歲 降服期滿復到稟謝保舉條陳捐
造外城曰杭垣之武陵鳳山兩門其城外人烟稠密當
與城內並重上馬頭至六和塔下下馬頭至登瀛橋邊
一律勸諭捐造外城並濠溝砲臺內外城共相維繫古
人云一座城池抵得雄師十萬有重城爲固人心堅定

可免捷徑突入之虞云云各憲深然其論而卒未舉辦
總局司道韓樹年方伯委辦乍浦牙釐捐局兼勸捐事
務得楊升菴史略詞話抄本並得平湖宋雙穎明代史
畧一冊刻之有吳門宋于廷翔鳳序兵燹後板已無存
七年丁巳五十四歲 署理紹興府蕭山縣縣丞事並奉
本府韓培乾札委代理縣事月餘按宋楊文靖公令斯
邑開湘湖以利民因作蕭山水利記並繪湘湖圖以志
先賢仁政與鍾蒔山王嘯篁集資刻天文仰觀錄四卷
有長沙周韓臣宗伯玉麒序之鍾蒔山王嘯篁集資校
刊板存蕭山嘯篁家方輿紀略二卷有潞河白季生觀

察讓卿序平湖徐伯蕃太守元錫邀鄒西漁駕部校而
刊之是年八月十八日女鳳簫生適汪子溪名學澈陽
邑庠生

八年戊午五十五歲 奉飭知補授嘉興府桐鄉縣縣丞
部議在五百里迴避改補金華府永康縣縣丞在金郡
嘗與朱笏山太守志汾言曰元代理學金華甚盛如何
文定公基實得程朱正傳而黃文肅公幹黃文獻公栢
又師友於何文定也金文安公履祥又學於黃文獻而
及登文定之門者也許文懿公謙同出諸先生之鄉而
克任其承傳之重而諸先生之學卒以大顯而程朱之

道於以益崇毘陵謝龜巢先生應芳不仕於元隱居芳
茂山志趣實與金仁山許白雲二先生相若其學亦同
永康丞署須捐廉俸修建以資棲止時四郊多壘與印
官吳江照少尉趙玉森紳士王子副榜胡繼勛望溪等
籌團練禦賊之策

九年己未五十六歲 奉准離任開缺以知縣歸候補班
補用 欽加同知銜是年十二月初五日五子昌廣生
於永康署字康侯

十年庚申五十七歲 閩浙總督慶正軒端制府八百里
牌札調赴建甯大營差遣稟報起程

十一年辛酉五十八歲 赴閩稟到 督憲慶札委馳赴
江西省城催兵提餉並護送巡撫關防請 左寺堂統
帥援浙自江右馳抵安徽婺源縣行營進見領廻文回
閩是年女門虫生四月浙信

同治元年壬戌五十九歲 與李慶霖章倬標等八人奉
督憲慶委辦建甯大營糧臺

二年癸亥六十歲 八月十五日六子昌墀生於福州省
城劍光亭字榕亭大兒署福清縣曾接往任所兩月有
六十自述七律五首潘向雲曾爲謄文

三年甲子六十一歲 督憲慶放江甯將軍余稟銷糧臺

差務請咨回浙稟採訪忠義局詳請復建五忠祠重修
吳山西湖昭忠彙祀祠吳道大廷批該令心思忠義矢
志表揚實屬可嘉之至候詳請大憲飭辦 藩司蔣蕪
泉方伯委督巡武陵城門復委赴嘉秀二縣查災
四年乙丑六十二歲 大部調取引 見給咨入都驗看
帶領引 見領憑依限來浙稟到奉 藩司蔣蕪泉方
伯委查仁錢二縣保甲差是科外甥陳本枝中式進士
馨山戊午順天經魁以主事分戶部行走今以翰林院
庶吉士用渠係厚甫太親翁陳鍾麟孫叔熊妹婿陳泰
華子是年四月十三日七兒柱臣生十歲殤

五年丙寅六十三歲 總局司道委辦餘杭縣大東關釐捐局務輯三才集天文仰觀錄續編地輿總論十家語錄常惺錄有合肥張宮保靖達公樹聲總序可濂甫孫琴西京卿王清如傳臚皆有序言梓而行之

六年丁卯六十四歲 藩司楊石泉方伯委署杭州府臨安縣知縣事撰楹聯於大堂云戒貪酷以勵廉隅要一錢恐一錢不值尊德性而道問學閒半日知半日讀書按臨安有駱太守鍾麟者吾常名宦也由西安府同知擢常州知府邀李二曲先生顛同至吾常建延陵書院講學今余來宰斯邑兵燹之後教養難施實抱愧於先

生焉在任未及一年因病開缺病痊起病又復到省當
差坐署斯缺

七年戊辰六十五歲 總局司道委辦嘉善縣楓涇陂捐

局務因病請假請另委員交代回省李撫臺瀚章到任

以年力就衰原品休致本思歸隱甚洽予心是科會試

靖江本家謝鴻誥中式進士以主事分戶部行走甲子

舉人小雲籍本儀徵遷靖江甫三世耳

八年己巳六十六歲 新正二十日到常租徐惠和房屋

局前街陞子受觀察間壁居住真芳隣也

九年庚午六十七歲 常州府札仁山觀察克丹訪請進

公善堂會辦育嬰壽安堂務時吳君旭仲營造武陽三
縣忠義墳先葬九十二塚後又開河續葬四十三塚各
立一碑載某河池并忠義骨請 旨例入祀典准照祭
厲之例守土官詣祭余隨衆送忠義骨至北郊葬大塚
並譔義塚對聯云豹尙留皮想當年身膏草野骨曝荒
原豈藉陳屍裹馬革狐猶正首幸此際典重壇壇芳傳
誌乘爭看高塚表龍城

十年辛未六十八歲 在壽安堂校正龜巢先生辯惑編
五卷吳旭仲視劄劄焉

十一年壬申六十九歲 重刻龜巢先生懷古錄三卷與

顧元公裔霞軒學博名雲階集貲校刊余居郡五年承
親友史士良憚晚薨盛旭人劉雲樵陸子受劉英甫諸
公糾會一千千俾脩葺鄉間舊宅得還故居
十二年癸酉七十歲由郡城局前街挈眷回羅墅濟南
村作自述七律四首江都錢子奇親家次韻四首送昌
化石老壽星一尊按天文狼北地有大星曰南極老人
星見治安不見兵起真定郡治後土山高臺臺上有絳
侯亭亭有南極老人碑漢丞相絳侯周勃所立刻老人
像如世俗所傳壽星圖繫銘於上有南極儲精曰惟壽
星人間顯像安享遐齡等八句祇記得十六字矣輿地

今正定古爲真定表姪陳麗生金式曾令斯邑焉史鑑
論略約書紀年二卷集成自序存之

十三年甲戌七十一歲 是年十二月初五日

大行皇帝龍馭上賓奉 兩宮

太后懿旨

今上入承大統繼

文宗顯皇帝爲嗣皇帝 吏部稽勛司主事前河南道監察
御史吳可讀上以死泣請豫定大統摺杜鵑欲化猶振
哀音鷺鳥將亡冀留勁羽詩以哀之辭曰批鱗効節振
綱常諍諫諸賢可頡頏一疏讜言誠諤諤盈廷清議實

堂堂儲難豫立違家法意本徽音待後王陵寢甫安遺
直死雙懸日月並輝光

今上光緒元年乙亥七十二歲軍興水末紀畧四卷崇文
勤公樸山尙書序左若愚錢警石莊嵩港均有題誌詠
梅軒稿詩集六卷呂文節公鶴田尙書序翁二銘相國
陳碩士侍郎李申耆馮少山太史徐桂棣大令有評語
序言皆活板摩行四百部

二年丙子七十三歲是科會試豐甯本家星海謝祖源
中式第五名進士係戊午舉人以主事分刑部行走今
中會奎以翰林院庶吉士用留館編修是科族弟瑞昌

中式河南商邱縣舉人

三年丁丑七十四歲 爲序謝莊續修譜系補立三大傳

晉文靖謝安石公宋惠正謝子肅公明文正謝子喬公
栗主神位並撰祝文

四年戊寅七十五歲 類編百家文乾坤正氣集目錄又

明末福唐魯桂四藩紀略樂府六十章自序存之

五年己卯七十六歲 爲溫壘序士英公支續修譜系議
附謝氏源流卷於譜後散之

六年庚辰七十七歲 黃宗師體芳科試昌爽進武進縣

學三名

七年辛巳七十八歲 爲惠甯寺重修金龍四大王廟碑

記擬勒石寺廟中

八年壬午七十九歲 是科江都錢簡臣壻名鴻策中江

南舉人

九年癸未八十歲 自述詩十首並對聯句一聯曰爲吏

爲儒一寸未成真事業學仙學佛八旬虛負好光陰

愚按自黃帝八年起甲子至同治癸亥已歷四千五百

六十年爲一元初終余以嘉慶九年甲子生年算起至

光緒九年癸未則一元滿後又歷二十年矣人生壽卽

百歲其亦彈指光陰乎八十老人

歲朝吟

躋堂羣進南山頌一日當傾幾百杯

從遠祖子蘭公九十自壽詩有四八

三百六十歲一日

還傾三百杯之句

今歲長庚星更耀社中三壽作朋來

南秀族叔莫紹堂皆八十歲三人二百四十歲云

公祝對句曰八秩圖開百歲

壽三人瑞應萬年清

十年甲申八十一歲

校刊龜巢先生思賢錄五卷續思

賢錄二卷補遺一卷鄒道鄉祠活板摩印三百部存祠

十一年乙酉八十二歲

長子六十歲余尙康強戲占

十字寄之曰旦夕靜復靜一日算兩日若活九十歲便

當百八十

十二年丙戌八十三歲 按自順治丙戌至今丙戌二百
四十年中一百四科狀元而貴州一省今始見貴陽趙
以燭一人及第乾隆丙戌張書勛榜曾祖聘公與堂弟
鷺同榜進士弟兄競爽今本族式微外省本家浙江謝
昌年雲南謝崇基廣西謝元麒四川謝臨春同榜者四
省四人 國朝僅有榜探未有狀頭不知何時而有步
武大韶者出也予何能無望也

十三年丁亥八十四歲 序刻聖學源流五卷謝氏清芬
詩錄十六卷

余以道光丁亥分發浙江長房之
次孫荔裳以光緒丁亥分發廣東



鄒叔績先生年譜

嘉慶十年 乙丑 十月二十一日先生生

十一年 丙寅 先生一歲

十二年 丁卯 先生二歲

十三年 戊辰 先生三歲

十四年 己巳 先生四歲

十五年 庚午 先生五歲 望之府君教授家塾先生就學

先生追憶賦云半六歲而授方名汜五齡而尋韻字

十六年 辛未 先生六歲 學於家塾

十七年 壬申 先生七歲 學於家塾

十八年 癸酉 先生八歲 學於家塾

十九年 甲戌 先生九歲 學於家塾

二十年 乙亥 先生十歲 學於家塾

廿一年 丙子 先生十一歲 學於家塾

廿二年 丁丑 先生十二歲 四經讀畢始論史

廿三年 戊寅 先生十三歲

廿四年 己卯 先生十四歲

廿五年 庚辰 先生十五歲 望之府君延塾師課左氏

道光 元年 辛巳 先生十六歲 佐長兄伯申先生撰左氏地圖說博物隨鈔佐仲兄仲

二年 壬午 先生十七歲 辰先生撰羣經百物譜山經本艸百物譜諸子百物類

譜漢魏詩百物類譜

三年 癸未 先生十八歲 撰六國春秋

四年 甲申 先生十九歲 撰六國春秋 遘咯血病

五年 乙酉 先生二十歲 六國春秋成 母吳孺人及兄伯申先生相繼逝世

追憶賦云年方冠而書成思不阿而心毀喪未闕於倚廡伯又殤於遠水

六年 丙戌 先生廿一歲 學制藝

七年 丁亥 先生廿二歲

八年 戊子 先生廿三歲

九年 己丑 先生廿四歲 追憶賦云彌年執筆侍側而成述祖之篇粵歲論昏脫纓旋慰抱孫之望娶妻生子當在二十三十四歲

十年 庚寅 先生廿五歲

十一年 辛卯 先生廿六歲 父望之府君卒 協修新化縣志

十二年 壬辰 先生廿七歲 縣令林辛山修縣志聘先生分撰物產志 譔南高平

物產記

十三年 癸巳 先生廿八歲 讀書偶識成甲乙丙丁四冊

十四年 甲午 先生廿九歲 釋服 與兄弟及侄世琦仍共理學業

十五年 乙未 先生三十歲 以數藝名齋為數藝齋記唐叔兌為之銘

十六年 丙申 先生卅一歲

十七年 丁酉 先生卅二歲 學使蔡春帆試經古先生以三江九江考獲雋補府學

博士弟子員 肄業長沙城南書院事賀柘農與丁取

忠等研究算學

十八年 戊戌 先生三十三歲 肄業城南

十九年 己亥 先生三十四歲 赴鄉試報罷 在省校讎船山遺書 按先生長沙家書云揭曉我輩皆在

孫山外新化僅中楊篤厚一人考縣志選舉志楊篤厚榜係十九年己亥可知先生是年赴試未第書中又云近湘皋先生又送到王船山先生所撰三種使之錄校可見是年已校讎船山遺書行述謂二十一年始應聘校船山遺書與家書不合

二十年 庚子 先生三十五歲

在省校讎船山遺書

是年有致湘皋先生書商校刊事

廿一年 辛丑 先生三十六歲

在省校讎船山遺書

弟叔升先生取入縣學附生

廿二年 壬寅 先生三十七歲

廿三年 癸卯 先生三十八歲

以經解受知張振之學使補廩膳生

廿四年 甲辰 先生三十九歲

廿五年 乙巳 先生四十歲

應黃惺齋太守聘助鄧皋先生纂修寶慶府志

廿六年 丙午 先生四十一歲

廿七年 丁未 先生四十二歲

廿八年 戊申 先生四十三歲

廿九年 己酉 先生四十四歲

應貴州大吏聘譚貴陽大定興義安順四府志

三十年 庚戌 先生四十五歲

書成東歸

五均論成

於所著諸書最為晚出

咸豐 元年 辛亥

先生四十六歲

陷邵陽獄夏釋出秋赴鄉試獲舉

讀書偶識成三

十六卷

二年 壬子 先生四十七歲

春赴禮部試鼎荐報罷之高郵州訪魏默深先生攜
遼史稿歸 五弟叔明先生六弟季深先生均取入
縣學附生

三年 癸丑 先生四十八歲

四月抵長沙粵賊圍江忠烈於南昌先生與江忠淑
率勇往援圍解論功授知縣留江西候缺忠烈援九
江先生參軍務尋隨至田家鎮至武昌忠烈移撫安
徽先生從之於十一月至廬州入城防守以功保同
知直隸州知州并用賞戴花翎十二月十七日城陷
先生殉難卹贈道銜世襲雲騎尉

(清)黃贊湯編，黃祖絡補編 清同治九年刻本

繩其武齋自纂年譜

繩其武齋自纂年譜

衡紀不淹候踰艾歲遭時竊位皋瑁多惡尅功伐之
可述豈嘉懿之足詮顧涉世既久更事遂多追憶生
平覬存陳迹監河有暇泚筆叙之自茲以往隨年續
廣匪云垂示方來庶幾自省警疚并俾後人無所增
飾云爾咸豐九年六月黃贊湯莘農甫

嘉慶十年乙丑七月八日子時生

余世居廬陵縣儒行鄉四十四都社邊村五世祖諱
雲蔭字虬山妣氏高繼氏歐陽高祖諱日德字魯南
事實詳縣志行誼傳妣氏高曾祖諱廷璽字代傳監
生妣氏高祖諱作渠字粹胎別字穆亭歲貢生事實

載縣志儒林傳妣氏劉父諱學顏字復身別字乾齋
時爲縣學廩生母氏蕭二叔父學會叔母氏劉三叔
父學孟叔母氏劉繼氏程伯兄贊禹時年五歲

十一年丙寅二歲

遭重疾服棟頭醫士王君啟明藥忽變證氣息絕舉
家皆哭王君復來視曰此轉機也逾時當甦果驗

十二年丁卯三歲

十三年戊辰四歲

十四年己巳五歲

十五年庚午六歲

十六年辛未七歲

初啟蒙讀書大父穆亭公手鈔程子四箴范氏心箴授之繼授論語及朱子集註

十七年壬申八歲

從劉鳳岡先生學句讀

先生名起同邑人嘗受業先穆亭公乾齋公門歲貢生

是年二叔父補縣學生祭祖日賀客盈門余無完衣蕭太夫人拆所著舊藍布衫爲余改單衫衣之意頗欣欣

十八年癸酉九歲

穆亭公課余兄弟於退息居學齋中穆亭公幼失怙恃賴高祖魯南公教養成名貧無立錫之地後積館穀始置土房一所三叔父受室後人浮於屋穆亭公

解館歸輒下榻總祠內壬申年府君始於住屋右邊

隙地添蓋土房三間穆亭公署退息居學四字於壁

初與伯兄學為八股文十月三日穆亭公卒公持己

端嚴待人和易淹通經史口誦手鈔至老不輟弱冠

即善屬文顧知者絕少惟翁覃溪

諱方綱直隸大興人乾隆壬申進士

鴻臚寺卿

賜二品卿銜

趙鹿泉 諱佑浙江仁和人乾隆壬申進士左都御史

兩先生

先後督學江西拔冠多士自年十七授徒至七十一

歲門弟子不下百人皆循循有規矩所授文一以漢

唐及有明西江五家為宗束脩有無多寡不計人至

今猶樂道之所著詩古文制藝甚富惜道光辛巳燬

於火惟存手評羅文止稿 是年府君應本省鄉試

考官已取中旋被黜二叔父亦房薦

十九年甲戌十歲

縣試前列先是府君不令赴試泣求始許

二十年乙亥十一歲

府試前列院試坐堂號督學使者爲兵部侍郎王公

諱鼎字省崖陝西蒲城人嘉慶丙辰進士後官東閣大學士諡文恪見余投卷招至前

諭云爾年尙幼若取入學將自負不求進是誤爾也

後官詞曹謁公執弟子禮蓋感公愛我以德云

二十一年丙子十二歲

二叔父督課 是年府君以屢試不售謝門徒質田

數畝往豫章書院肄業屆鄉試忽抱病不能入場自

是知命不可強遂無意科名專以課子爲事矣

二十二年丁丑十三歲

府君因食指繁始與兩叔父析爨先世遺產擇膏腴者讓兩叔父歲入館穀分給之 嫂氏蘇來歸

二十三年戊寅十四歲

二十四年己卯十五歲

二十五年庚辰十六歲

道光元年辛巳十七歲

長姪類徵生 室氏劉來歸

二年壬午十八歲

縣試第一知縣爲陳蘭鄰先生

諱徵芝嘉慶壬戌進士福建閩縣人

是年十一月二十八日府君自鈞源高家歸途中折足伯兄與余旦夕籌醫藥十二月初四日爲縣試期先一日晨府君命伯兄往應試晚忽又命余往且曰兒能作案首吾病自痊不則反以鬱鬱增吾病也不得已著草屨夜行家距城四十里至則士子已橐筆進場遂逐隊入息息完卷出卽仍著草屨夜歸府君索文覽之有喜色初覆榜揭列第四名府君又促余往覆試自是五場往返俱如首場竟忘其疲及發案得首選府君果能步履矣

三年癸未十九歲

院試入府學第一學使爲禮部侍郎李公

諱宗昉字芝齡嘉慶

王戌進士江蘇山陽人
後官禮部尚書諡文敏

四年甲申二十歲

伯兄縣府試俱第一院試入縣學

五年乙酉二十一歲

鄉試與二叔父俱房薦

六年丙戌二十二歲

長男祖纓生 鄉榜名祖綽

七年丁亥二十三歲

科試一等學使為內閣學士福公 諱申字禹門滿洲正黃旗人嘉慶辛

未進士 二姪祖繩生

八年戊子二十四歲

補廩膳生 鄉試中式七十五名正考官詹事胡公

諱開益字牧堂嘉慶壬戌進士順天宛平人原籍會稽 副考官兵部郎中三公

諱貽桂字丹亭嘉慶丁丑進士順天宛平人原籍蕭山後官雲南督糧道 本房同考官定

南廳同知廣溥菴先生 諱宣漢軍舉人 宴客稱堂上五旬觴

鷺洲書院山長徐夢笙先生 諱盛持奉新人道光丙戌進士 賀以詩

有難得科名當少日况逢父母未衰年之句

九年己丑二十五歲

會試薦卷出編修常南陔先生 諱大澗湖南衡陽人道光癸未進士後官

湖北巡撫殉難諡文節 房 三姪祖緒生

十年庚寅二十六歲

次男祖綸生

十一年辛卯二十七歲

伯兄本省鄉試中式

十二年壬辰二十八歲

會試薦卷出編修陸立夫先生

諱建瀛湖北沔陽人壬午進士後官甬江

總督房 偕伯兄留京伯兄考取八旗教習分覺羅學

任大蓆兒胡同邑館

十三年癸巳二十九歲

會試中式二十一名正考官 武英殿大學士曹公

諱振鏞字儷笙安徽歙縣人副考官協辦大學士雲

辛丑進士 贈太傅諡文正貴總督阮公 諱元字芸臺江蘇儀徵人 乾隆己酉進士後官體仁閣大學士 贈太傅諡文

達 兵部尚書那公 諱清安字竹汀滿洲正白旗人 嘉慶乙丑進士諡恭勤 刑部

侍郎恩公

諱銘字蘭士滿洲正紅旗人嘉慶戊辰進士後官刑部尚書諡文勤

本房同

考官編修吳甄甫先生

諱文鎔江蘇儀徵人嘉慶己卯進士後官湖廣總督殉難

諡文節

殿試二甲第三十五名

朝考入選第八名

改翰林院庶吉士 九月告假旋里省親

十四年甲午三十歲

二月偕伯兄抵家 五月府君以廩餼歲滿貢大學

十月入京居庶常館 是年長姪頰徵殤

十五年乙未三十一歲

散館取列一等第五名授編修 是年

特旨諭翰詹輪班

召見八月

繩其武齋自纂年譜

召對勤政殿

詢籍貫年歲科分並

訓以翰林爲清華之選當名實相副恭遇

覃恩加一級馳贈祖承德郎妣安人 封父承德郎母太安

人 是年移居香爐營四條胡同又移北官園

十六年丙申三十二歲

充 國史館協修官 七月迎父母至京侍養 九

月府君以家事旋里 是年伯兄補鑲藍旗覺羅官

學教習移寓崇文門外上三條胡同

十七年丁酉三十三歲

四月二日府君以疾卒於家享年五十有七五月聞

訃與伯兄先後奔喪歸府君連不得志於場屋家居
授徒學者甚眾訓人啟迪有方而課贊湯兄弟慕嚴
往歲迎養至京督責一如平時中秋日家饌稍豐夜
呼贊湯跪庭階撻而訓之曰汝甫入詞林飲食便有
官氣用奢則取不廉他日臨民尙能有守耶其平日
教家防微杜漸類如此 是年三男祖絡四姪祖經
同月生移寓平樂園

十八年戊戌三十四歲

主講廣東南雄州道南書院

十九年己亥三十五歲

納妾杜氏 祖纓婦歐陽氏來歸 奉蕭太夫人攜

眷屬入京供職住繩匠胡同

二十年庚子三十六歲

復補 國史館協修 伯兄復補鑲紅旗覺羅官學

教習會試中式第四十名卽用知縣籤發直隸旋署

順天固安縣事 是年移寓官菜園上街

二十一年辛丑三十七歲

充 國史館纂修旋充總纂 十二月 乾清宮考

試御史取列第五名引

見記名故事翰林院保送御史如不與部員同時並送則不

考試此次保送無部員前一日忽奉考試之

旨 是年伯兄題補撫甯縣知縣

二十二年壬寅三十八歲

二月充 文淵閣校理 五月補江南道監察御史

稽查海運倉時外國內犯攻守交困奏請豫儲軍器

以資利用

略云湖南鎮軍營兵所用滴水槍由高

平擊下擊皆較尋常致遠有準又有守城槍名曰鈞

嘴如烟袋式用時將火門向下鈞住城堦可以直中

貼立城根之人蓋賊臨城下必直貼立城根若於雉

堞內平施鳥槍近且不及何況城根且城上兵丁俾

頭外探又恐適中敵槍惟以此槍守城賊不能近請

飭下湖廣總督湖南巡撫擇熟習二種槍法者

派二三名攜帶進京教習以廣其傳

摺入

留中

九月轉掌湖廣道監察御史兼署掌江南道監察御

略云山東河南

史有盜匪擾害行旅請飭緝捕之奏

肆擾或冒兵役白晝嚇詐或持刀械夤夜劫掠至濱

江沿海之區外國既撫漢奸四散此輩狼心未改鷹

繩其武齋自纂年譜

八

眼終存難保不呼羣引類肆行江海請
撫嚴行緝捕又附片奏南贛會匪沿河搶劫冬令
尤甚更有白米船摸牌船名號遇客商輒以賤值招
誘僱載及登船後投以迷藥進以悶烟乘機搬運行
囊甚至戕其軀命並請
飭江西巡撫嚴行訪拿得

旨命直隸山東河南各督撫嚴飭地方官無分晝夜實力查

拿又以外國就撫港口新開宜思患豫防專摺密奏

云為外國就撫港口新開江西廣東沿途船戶挑夫
亟宜嚴加彈壓以靖地方恭摺奏祈
聖鑒事竊
惟外撫尤在內安思患必應備豫臣查外國所需內
地貨物惟福建黑茶安徽綠茶浙江湖絲三項最大
每年出口價值至四千餘萬兩之多其中脚費約計
二千餘萬兩當初併歸廣東貿易路遠值昂按價起
課帑項不至於少虧而窮民亦藉以餬口今聞江蘇
閩浙港口分開一切客商勢必舍遠就近黑茶往福
州綠茶往上海湖絲往甯波較之前赴廣東者脚費
既輕價值減半江廣兩省窮民將無所藉以為生計
臣籍隸西江界連東粵稔知江西之廣信南安廣東
之南雄韶州沿途船戶挑夫藉此營生者不下數千

萬人廣東省城藉洋務營生者不下數萬萬人若各貨俱於近地貿易則各處挑運窮民一旦失業衣食無資必將聚而為盜且贛閩梅嶺素為盜賊出沒之區從前客貨通行尚屢有聚眾搶劫之案若客貨不通更不知若何肆擾是各處港口之開其不便於江廣窮黎者貽害非輕也溯查嘉慶二十四年江西客民在湖南湘潭縣設立腳行因爭馬頭與本地挑夫械鬪竟至釀成巨案卽上年廈門外國初擾江西撫州等處亦聞有成羣結黨包送烟土之事經過州縣目覩凶頑莫可如何緣此輩暴橫性成利之所在罔恤身家且聲氣相通稍有釁端一呼百諾蜂屯蟻聚恃眾抗官往往而有以爲事果制於未發患自消於無形亟應請旨飭下兩江兩廣各督撫預飭各路通衢地方官設法周防悉心解散或諭令別圖營趁或責成行戶稽查務期默化潛移悉臻靜謐庶窮民不至滋生事端爲害行旅而擾及閭閻矣

人

留中密寄兩江兩廣各督撫查辦 十二月協理京畿道事

是年捐貲倡修京都廬陵會館吉安義園及內城

府學術術文丞相祠伯兄正月調署柏鄉縣十二月
復回撫寧任

二十三年癸卯三十九歲

正月轉掌京畿道監察御史 二月遷吏科給事中

稽查通州西倉 七月奉

命巡視北城五城惟北城轄地最寬諸無賴所在潛聚有馬
子張者其黨尤夥余廉得其巢捕獲之奏交刑部按
治如律匪徒稍斂迹焉 十一月聞高唐州驛站有
因搶斃命者具摺以奏得

旨命山東巡撫查辦得實置之法 是年伯兄遣家丁來京
迎蕭太夫人往撫寧侍養移寓繩匠胡同

二十四年甲辰四十歲

六月擢奉天府府丞兼學政

上召見勤政殿云汝做御史甚好條陳俱可見諸行事不比他人應點塞責以後做官只照此做去便不錯汝之人品學問係我看出並無人在我前保汝者 七月攜眷出京道撫寧宦轍殊方忽得一家團聚亦奇遇也信宿數日奉蕭太夫人以行 是年復捐貲倡修吉安義園 二十五年乙巳四十一歲

二月按試錦州府 三月返試奉天奉

命與

盛京刑部侍郎廣君林

字喬臣漢軍人道光壬辰進士

會同 欽差

刑部侍郎廣君福

字濟川滿洲人

查辦事件隨以會辦緣由

繩其武齋自真年譜

十

覆奏奉

硃批明慎公平又奉

派偕廣君林考試 盛京宗室覺羅官學漢教習 十二月

補授通政使司副使 是年恭遇

覃恩加一級祖父父並 晉贈中議大夫祖母 晉贈淑人

母 晉封太淑人並以己身妻室應得封典 貤封

二叔父爲中議大夫二叔母淑人時伯兄升任大興

京縣加同知銜 貤封三叔父爲奉政大夫三叔母

宜人三叔父卒於家

二十六年丙午四十二歲

三月還京 六月奉

派稽查東四旗覺羅官學

簡放江南鄉試副考官正考官為戶部侍郎柏君葆

字靜濤 蒙古人

道光丙戌進士後 得士汪應森等如額十月還京

十一月奉

命馳驛往楊村通州查驗運糧剥船同行為光祿寺少卿宗

室綿君森字竹坡 現官 刑部尚書 十二月遷光祿寺卿 是

年四男祖燹生杜妾出居東華門外錫拉胡同

二十七年丁未四十三歲

遷宗人府府丞 蕭太夫人年七十江南門下士會

試集京師製錦上壽 伯兄引疾 長男祖纓入縣

學 祖綸婦蕭氏來歸 是年移寓燒酒胡同

繩其武齋自纂年譜

十一

二十八年戊申四十四歲

十月遷都察院左副都御史

上召見諭云爾人品學問我所深知將來定爲國家出力人物區區副都御史何足道我不僅如此用爾只要好好打點做去恭聆

天語驚悚移時至邸爲蕭太夫人敬述之母子皆感泣不知何以圖報 十一月奉

派偕吏部侍郎瑞君常

字芝生蒙古鑲紅旗人杭州駐防道光壬辰進士現官協辦大學士考

試漢廕生 十二月署順天府府尹府尹年終奏事甚多每奏事必蒙

召見計十日內

見凡八次

是年移寓宣武門外爛面

胡同擢貴俱修吉安二忠祠吉安義園又與陳子鶴

侍郎孚萬藕齡學士青捐貲置地倡建江右鄉祠於

謝公祠右二姪祖繩入縣學

二十九年己酉四十五歲

四月奉

派閱考試試差卷 五月

簡放福建鄉試正考官副考官為編修史君澄字穆堂廣東番禺人道光

庚子進士得士盧紉芳等如額闈中兩奉

上諭一補授兵部右侍郎一留任福建學政 十二月調補

刑部右侍郎仍留學政任蕭太夫人自京率眷屬抵

閩 是年祖纓本省鄉試中式第二十二名二叔父

以疾卒於家

三十年庚戌四十六歲

正月驚稔

皇太后上年十二月十一日崩問偕同城各官三日臨繕摺

籲請

節哀 二月按試興化痛稔

大行皇帝正月十四日崩問泣思通籍以來感受

知遇之恩至優極渥跪讀

遺詔五內摧裂伏地哀鳴不能自已即日停試率文武紳耆

集公廨三日期夕臨繕摺籲請

嗣皇帝節哀 三月按試永春以次試泉州漳州 五月奉

寄諭著借福州將軍裕瑞字集菴滿洲鑲黃旗人現官理藩院侍郎訪查閩浙總

督劉韻珂字玉坡山東汶上人道光乙酉拔貢叅款 六月試龍巖時

皇上初政汲汲求言接閱邸報凡講學勤政用人理財諸務

廷臣已次第敷陳惟外國和議雖成而專出權宜究

非長策尙未有慮及者因密陳數事云臣惟外攘內

防微杜漸制治之良圖臣近讀邸抄仰見皇上

嗣登大寶以求汲汲圖治求言納諫芻蕘之微皆得

自達苟有可稱即蒙嘉納舉凡講學勤政用人

理財之方諸臣次第敷陳鉅細畢舉誠能以行實言

慎終如始內治先臻上理矣顧臣竊謂自古經世之

大原端由慎德今日救時之急務要在防夷外國犯

順逾十載矣茲擾之初先皇帝赫然震怒命

將出師乃一舉而失師律於東粵再舉而蹈覆轍於

江浙士不用命無可如何先皇帝用是惻然

動念謂我百姓何辜疊觸鋒鏑不得已以容忍之心

作安撫之計蓋亦欲暫息我人民而徐整我軍旅也

乃撫議已成而修防仍弛雖簡閱操練先皇

繩其武齋白纂年譜

十三

帝屢申誠辭我皇上亦續垂明訓而試問疆吏
以戰守之法久安長治之謨恐仍茫乎其未有主見
也書曰惟事事乃其有備有備無患孫子曰無恃其
不來恃我有以待之況夷情貪詐反覆無常自今以
往能保其必相安乎此臣所未敢知者也且兵可百
年不用不可一日不備寰宇雖臻靜謐而居安不可
忘危矧狼心未改鷹眼終存如外國者尙未可測乎
伏望 皇上當此閒暇之時預作綢繆之計乘彼
空虛之際早爲訓練之方密降諭旨詢問沿海
督撫提鎮若何可以摧強屈敵若何可以出奇制勝
彼兵猝至何以應之求請無厭何以杜之糧餉何由
充足器械孰爲優劣或用官兵不如義勇之可靠或
練義勇以助官兵之不足文武員弁中何人有某長
可以爲禦侮之選何人有某短不克爲敵愾之資而
其中之最堪痛恨者莫如漢奸彼外國得以進退自
如深入不懼悉情此輩爲之援引爲之主謀而所爲
漢奸者逆用之可爲彼之羽翼順用之卽爲我之干
城必如何查禁如何招徠而後不至以內地之民人
爲外夷之接應凡此數條皆令其各就地方情形悉
心籌畫明白回奏密飭速行並卽令原議該督
撫提鎮久於其任者以責成效倘外國敢再肆要求
以圖技制理論之不可德化之不能在閩粵者卽以

閩粵之兵民勦之在江浙者卽以江浙之兵民擊之
勝算既操於平時竭蹶自不形於倉卒專權既各有
專責臨機自無用其邊疑如是則設有不虞在朝
廷不必遣將帥而邊隅已可期肅清矣蓋兵非其所
熟習則遷乎地而弗良患至切於肌膚則爭效死以
求勝以地方之事責成地方之官卽以地方之民捍
衛地方之事無不捍命舍力以各保其身家者人情
也上年粵東之不准夷人進城者因民情而利導之
彼亦遂帖然而不敢動非其明驗乎臣愚以爲求先
事之備而無煩臨時之謀用素練之眾而不煩客兵
之調各固封守以求自全而不致羣相觀望以互推
諉合羣策羣力以慰先皇帝不得已之衷而
成我皇上繼志述事之孝計未有便於此者不
然待其事至而欲取辦於一時則已晚本地之兵不
足以禦敵而紛紛征調於他省則形勢未諳適足以
饋事而經過地方已不堪騷擾且當事既至而兵不
足禦敵勢又必遣將帥以臨之甚或意見參差而封
疆大吏轉得置身事外坐觀成敗羣視戰陣爲兒戲
此而謂其有濟臣未見其可也至於厚賞重罰以神
鼓舞之權因地擇人以妙轉移之術臣尤祈我
皇上斷以武勇加以明察任使則委用必專勸懲則
飭部先議將見以守則固以戰則勝外無敵而內自

安中外臣民咸翹首而瞻邗隆之治也臣淺陋迂疎
無補於事爰 皇上聖鑒密賜施行再華夷相安總在
伏乞 地方官廉明公正臣聞原任江蘇臬司宮慕久在上
海道任三年不激不隨能以信義折服又聞道光二
十八年春海運漕船正欲開行外國領事以青浦水
手毆傷夷人之故阻止船隻適候補道吳健彰督捕
洋盜至彼反覆開導立即解散又該道署上海時夷
商有私至湖州買絲者該道告知該夷領事言爾係
外國之官爾商民不似中國之畏法者以不執法故
也爾商敢私去湖州買絲並不稟命是藐官也如前
約何該領事勃然奮怒立拘夷商懲辦又夷人私至
太湖該道照會告知該領事立即叫回又有內地民
人爲夷人僱工竊番銀七百員而逃者夷人向該道
要人要賄該道問該僱工籍貫何處薦主何人夷言
不知籍貫並無薦主該道云爾收無來歷之人是自
己錯了又無家屬薦主叫我何處拏人夷人遂默然
而去種種辦法似亦皆中肯綮大抵夷人亦非全不
諳理只要地方官處置得當又須平日居官清正彼
亦心服從前之所以叠生事端者皆地方官之辦事
不足相服有以啟之也故當朱桂楨撫粵林則徐督
兩廣時雖拆馬頭燒烟土彼尚稱是好官現在徐廣

縉不准夷人進城彼亦帖然畏服可見安邊撫夷全在地方官之廉明公正也然臣以為華夷雜處日久終難相安總以思慮預防無事有事皆責成地方官未雨綢繆方為正辦摺入

留中聞密諭直隸兩江閩浙兩廣各總督山東江蘇福建浙

江廣東各巡撫辦理 七月試汀州以次試邵武建

甯延平由邵武至建甯道出考亭謁朱文公祠敬書

聯語懸祠楹 聯云繼往開來無不被其澤經天緯地是以謂之交 十月奉

頒賜

宣宗成皇帝遺念芙蓉紗大衫一件大荷包一對玉珮一件

十一月旋省試福州 是年疊遇

覃恩累次加級曾祖暨祖父 累贈光祿大夫曾祖妣暨祖

妣 累贈一品夫人母 累封一品太夫人本身及

妻室亦俱沐一品封又以累次本身妻室所遺封典

馳贈外祖父蕭公覺縣學生本邑泉塘村人為光祿大夫外

祖母劉氏一品夫人 馳贈二叔父 馳封伯兄俱

為光祿大夫二叔母暨兄嫂俱一品夫人次男祖綸

蒙

恩予二品廕生三姪祖緒入縣學伯兄由京旋里

咸豐元年辛亥四十七歲

二月按試福甯地濱海例歲科並舉蒙

恩頒賞

御製文餘集詩餘集返試福州 十月

頒賞御門聽政示在廷諸臣述志詩刻 十一月按試興化

以次試永春泉州歲杪抵漳州先是歲試慮有招搖
撞騙者曾揭榜文曉示至是再申誓詞切諭之有備
念貪汚神其必殛如受一毫賄賂後亦不昌此上遵
君父垂訓之嚴久以清霜矢節而下念兒孫讀
書之報尤可皦是年選刻歲試生童詩文祖纓挈
日明心之語

眷入京二姪祖繩本省鄉試中式

二年壬子四十八歲

正月試漳州以次試龍巖汀州邵武建甯延平 六
月蒙

恩頒賞經筵御論一册 十月任滿

予假省墓時蕭太夫人病甚伯兄來閩同侍回籍以蕭太夫
人病不宜陸行由灘河溯流而上 是年捐軍餉議

繩其武齋自纂年譜

十六

叙隨帶加三級紀錄三次選刻科試生童詩文

三年癸丑四十九歲

正月抵豐城祖絡婦盛氏來歸時粵逆攻破潯陽臨

九江城 二月二日抵郡暫寓城西仁山巷本館八

日蕭太夫人卒於館第享年七十有六 五月營葬

畢 七月建家廟當是時廣西逆賊勢漸張由湖北

順流東下攻陷郡邑蔓延入江西省城被圍三月以

巡撫張君芾字小浦陝西涇陽人道光乙未進士後於原籍殉回匪之難諡文毅守禦

有方獲全一日寇穴地用大礮轟倒城垣十數丈我師以火藥撲地燒退且戰且築十

月偕修撰劉君繹字詹巖永豐人勸捐得制錢二十

餘萬緡備吉安防費 是年祖纓考取內閣中書引

見記名三姪祖緒補廩饍生五男祖緯生

四年甲寅五十歲

三月奉

上諭督辦本省捐輸濟兵部侍郎曾君國藩

字滌生湖南湘鄉人道光戊戌

進士今官協辦大學士兩江總督

礮船軍需設總局於江西省城

十月長孫者齡生 是年捐軍餉議叙隨帶加四級

時推廣捐例准子孫為已故祖父捐職請封復納貲

得授高祖曾南公光祿寺署正銜 贈五世祖虬山

公如其職二姪祖繩考取教習第三名榜下補鑲白

旗覺羅官學教習

五年乙卯五十一歲

五月服闋奉

旨督銷浙鹽時曾君國藩奏允借浙鹽抵餉故有是

命遂合捐輸鹽餉爲一局駐浙督運者爲丁憂學政吏部侍

郎萬君青藜德化人道光庚子進士今官兵部尙書

九月粵寇由湖

南茶陵入永新陷安福欲直趨吉安知府陳君宗元

字柳坪江蘇吳縣人癸巳進士羽書告急大吏檄臬司周君玉衡字潤

山湖北荆門州舉人後丁巳吉安失守殉難諡貞恪率南贛兵勇赴援余在省

局屢請益兵省垣兵單合威武軍湖南寶勇二部得

千人以往劉君子溍字養素南昌舉人官甘肅按察使在籍統帶水師率水

師與余繼進寇知有備由安福走袁州周君尾追之

合戰不利退守吉安城 十一月粵寇分二股一自

茶陵而下一自臨江而上合攻吉安 是年以勸捐出力蒙

恩賞戴花翎祖纓補中書四姪祖經以縣試第一與三男祖絡同入縣學三婦盛氏卒

六年丙辰五十二歲

正月二十一日粵寇僞翼王石達開陷吉安城闔城官紳兵民皆死之余家廟廬舍悉爲賊燬方吉安之受困也賊勢甚盛袁臨二府已先陷臨江尤爲賊藪非重兵不能赴吉安之援吉安城中疊用蠟書來省求救省中官紳日夜集議至歲除計卒無所出而寇又分一大股踞泰和縣以斷吉安上游周君之子募

贛勇來援卒不得達迨聞吉安陷遂返贛 先年賊
陷安福余家屬徙居省城旋因撫州建昌相繼陷省
城戒嚴二月祖絡繼婦蕭氏來歸兒輩以無家可歸
遂侍劉夫人率家屬北上 十一月勸捐督鹽事竣
奉

命旋京 是年捐軍餉議叙隨帶加三級祖纓委署侍讀
宣宗成皇帝實錄告成恭遇

覃恩祖纓以內閣中書加一級 馳贈其外祖父劉公諱曰
明文林郎外祖母歐陽氏孺人祖綸考廕用主事分
工部祖絡亦入貲爲主事分戶部

七年丁巳五十三歲

四月次廣信清釐積年公牘爲礮船捐輸出力官紳
奏請獎叙並請加廣文武學額中額均奉

旨俞允 五月次杭州納妾沈氏 十月抵京恭請

聖安

召見奉三無私便殿問捐輸鹽務及沿途光景甚詳時人無
侍郎缺又在京候補侍郎者四五人自揣補缺尙遲
日晡忽奉

諭以二品頂戴補授通政使此異數也 十一月奉

命偕左副都御史書君元字輔菴
滿洲人往楊村查驗剥船 是年

正月次孫錫齡生二姪祖繩教習期滿以知縣用改
捐郎中分兵部居爛面胡同

八年戊午五十四歲

元旦恭詣朝賀故事元日

上升太和殿受賀諸王列 丹墀上 丹墀下東西排品級

山各十八文武官照品級序立北面都察院堂官東

西各一人糾儀東西品級山各站科道一人糾儀是

年

上御乾清宮一品入 宮門內二品以下俱 宮門外階下

行禮糾儀官亦照次站立六日以

玉牒告成祖纓蒙

恩加侍讀銜 五月外國人寇天津廷臣議戰議撫游移莫

決因奏修守備

奏云竊維外攘必在內修無患由於有備徹桑之戒有敵國外患者所宜

深知夷情狡獪往往邀我以不可從之事制我以不
敢為之謀故臣於道光三十年六月間奏陳防夷之
摺請 皇上密飭沿海督撫提鎮迅速舉行蓋逆
知其必有今日而欲為未雨之綢繆也臣招當蒙
留中 飭行與否臣未能知或者已邀 寄

諭置吏不過以空言覆奏視為不急之務而姑置之
耳誠使彼時實力舉行枕戈嘗膽歷久不倦迄今八
年守備修明何至倉皇無措若此夫中國之御四夷
也不外戰守撫三策方今議夷務者莫不以戰為是
然欲主戰而守備不修以饒倖於一戰則在我勝算
不能操何可以戰為嘗試之端自古議夷務者莫不
以撫為非然即主撫而守備不修以希冀於可撫則
在彼驕志且益萌何可以撫貽後來之患不能戰不
能撫而日日議戰日日議撫迄無定局徒以有用之
時日坐耗於無益之議論而我日弛其防閑彼且日
增其備禦勢必至戰與撫俱窮而並不能守臣請姑
以戰恐之姑以撫緩之內則暫罷戰撫之議亟自治
而專以守為策擇能守之人設能守之具而預籌能
守之財速據能守之險斯非但守也亦可戰也亦可
撫也暫安之計即久安之圖也臣願 皇上詔諭
在廷王公大臣共議守備之策公舉將弁精制器械
諮商餉需之所出條論險要之所宜或每日令值日

繩其武齋自纂年譜

二十

各臣工聚集公所各舉所知各抒所見陳於我
皇上而採用之以見諸實事斯不至徒託空言而無
補於時艱至於經久之謀則臣於道光三十年所陳
防夷一摺如尚有可納並祈 皇上俯賜飭查採
擇施行夫需者事之賦震以恐致福值此內盜未弭
外寇並至正恐懼修省以迓天命之幾共惜分陰以
趨事赴功之日臣誠恐築室道謀日相持
於戰與撫之說而反置守備於不修也 摺入

留中 七月

派充順天鄉試稽查接談換卷大臣 八月一日

上命補行經筵禮赴 文華殿侍講入 文淵閣侍班二日

派稽查右翼宗學蒙

恩補授刑部右侍郎

召見勤政殿 九月

派充覆勘順天鄉試試卷大臣復

派閱順天鄉試覆試卷 是年重刻穆亭公評選羅文止時

文稿辛丑初刻於京祖纓卒於京未病時有醫為診

丙辰燬於家

脈云內虧已極須亟服人葠乃因服葠而病作此可

怪者又或謂其平日信扶乩愛服仙方戕生殆由此

乎七月三孫遐齡生八月四孫桂齡生

九年己未五十五歲

二月充會試搜檢大臣 三月兼署戶部右侍郎兼

管錢法堂事務二十一日蒙

恩補授河東河道總督次日

皇上祈雨 黑龍潭

召見時潤軒 四月朔日赴 圓明園請

繩其武齋自纂年譜

二十一

訓二日至五日日一

召見問運河水利 盛京福建吏治民情及經歷各省人才

政事甚詳並

諭見在經費支絀河務應隨時督飭節省辦理不可任其偷

減工料致有貽誤前督學福建曾奉

頒賞御製御門聽政述志詩墨刻恭懸家廟至是

上垂詢家廟已燬得邀

再賜十五日出京之河督任彭咏莪相國章總以詩贈行張詩

舫總憲河祥繪贈行圖潘星齋侍郎曾瑩繪安瀾圖並繫

以詩 五月一日抵陳橋祥河行館十一日移居河

南岸黑堙下南行館時因蘭陽漫口蘭儀儀睢睢甯

商虞曹考曹河曹單等廳所轄皆成枯瀆有河務者
惟北岸黃沁衛糧祥河下北四廳南岸上南中河下
南三廳 七月一日由中河歷上南各堡四日自滎
澤口渡河而北遂歷黃沁衛糧祥河各工至下北舊
漫口處周查兩岸西盡黃沁之攔黃堰東盡下北之
銅瓦廂凡十三日前奉寄

諭著敷陳鹽務疏銷通變之法以備採擇因據實覆奏

云為接奉

延寄遵

旨據實具奏仰祈

聖鑒事竊臣

於六月三十日查工至東彰河岸承准軍機大臣字

寄咸豐九年六月二十三日奉

急籌軍餉請飭黃贊湯辦理鹽務一摺據稱連年用

兵耗費捐輸抽釐而外別無長策惟有清理鹽務取

之不窮尚可接濟於萬一黃贊湯於數年前曾辦鹽

務頗資軍餉請飭該河督通盤籌畫等語現在東河

繩其武齋自纂年譜

二二二

五

!

必深知惟該河督所熟悉者係何省鹽務抑或各省
 情形俱能洞悉此事原須分別省分會同地方官辦
 理非可徒託空言至其疏銷之法通變之方因時地
 而制其宜順人情而盡其利如果參稽育素不難詳
 悉指陳著黃贊湯據實具奏以備採擇將此諭令知
 之欽此遵旨寄信前來臣學識庸愚於各省鹽
 務俱非熟悉咸豐五年曾因軍餉缺乏請撥浙
 鹽三萬引抵餉並請皇上派臣招商領運各商
 節次運銷少資接濟第彼時係前任浙江學政臣萬
 青藜駐杭督運臣駐江岸督銷且實因江面阻梗口
 岸空懸坐視私鹽充斥大利盡歸梟徒是以借浙鹽
 以行淮引臣試行後始知天下自然之利莫大於鹽
 鹽利之大莫過於兩淮蓋鹽以賤值為要買於場龜
 價值本自無多但非水運則過山盤壩耗費多而成
 本已昂商販所獲無幾不免觀望惟兩淮引地長江
 千里一帆可通不須過山盤壩之費本賤而商樂從
 其利之大一也鹽以速售為要他省之鹽不能概山
 水運過山盤壩或為行戶所抑壓或為挑脚所留難
 以致商販累月積年僅運一次時日就延遂多賠累
 惟淮南引地全由水路此捆彼銷一歲可運數次售
 速而息倍厚其利之大二也鹽以廣銷為要他省引
 地無多即廣為招徠而口岸祇有此數惟兩淮鹽境

西盡兩湖北至河南之歸陳光而東下盡徐州南自
 江甯沿江上盡江西之域幅員六省引地既廣銷路
 自暢其利之大三也有此三大利而銷數總不能足
 額者弊在於私也私不一種灌湖北安襄荊鄖有路
 私灌宜昌有川私灌湖南寶永有粵西私灌江西吉
 建有粵東私閩私灌河南歸陳有蘆私灌江西饒州
 安徽甯國有浙私然此等梟販之私猶可設卡以緝
 之至若官商夾帶謂之船私從前回空糧艘夾帶謂
 之漕私無私之名而私且數十倍於梟販甚或緝私
 之汎弁兵役等藉此漁利得錢買放則梟私仍不能
 緝即有一二口岸認真巡查不時捕獲而所獲之鹽
 到官名曰功鹽作官售賣並不按餉配引遵例輸課
 則又有功私諸私盛行則正鹽滯銷而課不能裕准
 鹺積弊大畧如斯惟能清私之源以竟私之委斯私
 不待緝而自弭利即不言而自大所以臣每論餉需
 所出捐輸抽釐均非長策惟兩淮鹽務為天下自然
 之利可以取之不窮臣前年蒙 皇上召見會面
 陳之退食之餘與陳孚恩等商權時事亦嘗議論及
 之然而天塹之鯨鯢未翦則引岸難通沿途之烽燧
 相連則眾商裹足軍務未竣而論兩淮鹽務不特皖
 岸江岸道路鮮通籌畫徒勞即徐州及歸陳光等處
 亦難確有把握至楚岸已有川鹽潞鹽運銷設局抽

捐接濟軍餉辦理頗聞得手如使今日即議以淮鹽運楚無論迂道前往通行尚不可必就令抵楚暢銷而川路之鹽勢難並暢此有所贏則彼有所絀雖復淮鹽舊岸於軍餉亦未必加增所以此事必於金陵收復後妥議章程急為整頓現在江面未清賊氛猶熾疏銷之法變通之方固難臆度即因時地以制宜順人情以盡利尤非先時所能懸揣從前曾國藩借浙鹽抵餉臣等初辦時斟酌條款頗覺妥適商情極為踴躍及行之未久而衢廣告警常王賊陷在途之鹽搶掠一空已掣之驚堆積場所辦理遂由是掣肘此其明徵臣惟願 皇上迅派大員前往會同地方面肅清其時望 皇上迅派大員前往會同地方官和衷商酌或應由舊或應更新變通辦法庶有以收遠大之利若以此時而妄為敷陳不特道路梗塞徒託空言亦恐時勢不同轉滋 摺入報貽誤理合恭摺據實覆 奏

聞 九月一日密奏黃河宜因勢利導不能挽令南趨 奏云

勘蘭陽漫口黃水經由各州縣現在情形統籌全局必須因勢利導不能挽黃再令南趨恭摺密陳仰祈 聖鑒事竊照豫省北岸蘭陽汎漫口黃水淹及三省各州縣因逆氛不靖軍餉浩繁數載未能籌堵

昏墊之憂無時不上塵宵旰臣總理全河自宜
隨時體察情形熟籌久遠以期仰慰聖懷伏查
黃流旁溢與舉大工歷歲修物料土工照常發辦用
挑挖引河於下游各廳歲修物料土工照常發辦用
能剋期蒞事此次蘭陽漫口已歷五載自口門迤下
豫東各廳工程一概停辦舊河兩岸未修堤工裹延
數百里磚石埽壩亦全行朽腐廢棄若欲挽黃仍歸
南流故道不獨自蘭陽口門起至南河外南北迤上
止築壩挑河所需甚鉅即豫東乾河各廳修堤壩壩
籌備磚石料物需費亦復不少就令逆捻一律掃平
何能集此鉅款與辦是因勢利導之論萬不可更易
者也臣到任之始本擬規往東境查勘緣往返需時
庚伏卽屆今年黃水較往年更大修守時形緊要當
經 奏明劄委上年原勘之京員刑科給事中宗稷
辰內閣中書陳繼業帶領明白工程武弁前往周歷
各州縣確查應如何築壩攔束或已經百姓興築自
為保衛或尚須官為修守是否可以順此時大溜入
海無煩另議復堵去後茲據各該員先後具稟並面
陳實在情形前來查蘭陽口門當黃水初漫之時分
歧錯出大溜分為兩股自直隸長垣東明開州直趨
東省荷澤濮州范縣又斜串一股自河南考城地方
分支漫注定陶曹縣單縣鄆城金鄉五邑各處黃流

至壽張縣張秋鎮穿運漕成一股全歸大清河由利
津縣牡蠣口入海當時水患猝至河身不能容納漫
入徒駭等河又因宣洩不及以致長清縣之久隆山
惠民縣之白龍灣俱各衝潰民田廬墓受黃水衝損
固多而清水被黃水頂託漫衍為患者亦復不少歷
年來經該管各州縣諄勸紳民或築埝攔禦或堵塞
支河黃流稍順清水漸分較之五年分漫淹情景迥
不相同考城分支一股業經淤塞是以定陶鄆城曹
單金鄉等縣漸無水患民田涸復照常可以播種其
大清河以下久隆口白龍灣缺口亦經該管知縣等
堵築合宜已於另片陳明現在黃流直趨東海尾間
通暢計自東阿縣魚山起至利津縣牡蠣口約長九
百餘里河面寬廣刷槽亦深已成自然之勢查黃河
由利津入海本係唐厯五代以迄宋初故道今大
河即其所經行處故唐時河患絕少自宋廢京東決
溢之事遂多金明昌五年南北分流河水大半入淮
及元代會通河成北派漸微至明劉大夏築太行隄
而北流遂絕始以清口一線受萬里長河之水河患
迄無已時蓋治水必順其性然後能行所無事河勢
本欲北行而人力必挽令南趨入淮所以勢恆不敵
今據稱大清河崖高水深似可毋庸設埝修守其間
於縣城有礙之處或築堤埝捍衛或拋磚石抵禦費

縣每年無多勸民自衛亦尚易於為力應由沿河各州
 直至口門凡有隸東明開州山東荷澤濮范壽張東
 阿等州縣受災尚重因水勢散漫正溜無定或一股
 分為數股或數股匯成一股寬約二三十里至七八
 十里深不過七八尺至一丈一二尺除直隸長垣南
 岸及河南蘭儀考城被水較輕處所尚可設法攔禦
 外其餘各處居民亦知築埝用力自護因不能堅厚
 以致旋築旋圯難抵大溜欲求補救必須建築長堤
 攔束官為修守使激湍之水悉歸正溜自能刷槽成
 河歸併一股可免泛濫為患但自蘭陽口門起至東
 阿魚山計程約有四百餘里兩崖築堤錢糧雖不致
 如挽黃南趨挑河築壩修堤之多而需費亦復不少
 其築堤所壓民地尚應給價難以猝辦且被災各村
 莊現多孤立水中用小舟往來渡食并有自行築埝
 暫資攔護者莫不引領而望興堵口門冀復舊業即
 東境被水紳富亦有情願捐貲助堵口門者殊不知
 堵口築壩之費可計而挑挖引河修復堤埝之資難
 籌是以統籌大局必須因勢利導難以挽黃再令南
 趨然此時若遽將因勢利導之意宣揚於外被水之
 民勢必至於聚眾譁然爭辯并恐不逞之徒煽惑滋
 事故雖可因勢利導仍宜暫緩改築以順輿情俟南

省軍務一律肅清再行勘籌奏乞

口門以下乾河各廳原可請撤但一經裁撤即係明

示以爲工雖停辦有官任堤與沿河地方各州縣

可守望相助若一旦裁汰其營汛兵夫亦須全裁

數百里荒堤並無一官一兵巡查亦非所宜且思

河各廳現在並不開銷絲毫錢糧僅食廉俸爲數

多是所費者小所全者大亦請緩至軍務肅清時

併辦理至南漕現由海運設將來仍須河運則張

穿運之處即爲渡黃地方除修復運道之外應於該

處或灌塘放船或繞坡插標導引行走臨時尚可

辦茲謹將黃水經由各州縣現在情形繪具準圖詳

細貼說恭呈 御覽因事隸三省是以圖幅稍寬

臣又思黃河南流於都城爲反弓之形黃河北流於

都城爲環拱之勢域中形勢亦頗相宜從前河流南

趨屢致漫溢卽有以歸北流入海爲言者但無故改

道駭人聽聞河工積習已深一切冗員糜費忽聞裁

撤過半並東省士庶亦或懼以鄰爲壑必有阻撓紛

乘者今改道業已多年而河道日見刷深壑壑日見

不愈刷愈深其附近村莊安知不漸自爲謀且蘭儀

迤東乾河泗出民田將來墾荒升科賦額所增無數

而歲修可減搶修可裁廳汎各官將來酌量裁撤省
費又不知凡幾臣以為窮則思變轉敗為功因勢利
導正在此時惟現今不可明示其意以啟人疑慮祇
須嚴飭地方官隨時保衛因其已然冀其將然以順
其自然不數年間帑項不糜而河流順軌亦未可知
所謂民可使之不可使知之也臣愚陋無知受
恩深重陛辭之日蒙 皇上諄諄訓諭以
現在河道是否可以不改乾河員弁是否可以裁撤
命臣到任後察看具奏茲謹就見
聞所及據實繕摺密陳仰懇
留中

命代祀河神是月祖綸侍劉夫人率眷屬至自京 十一月

赴濟甯州閱伍住漁山書院北來河督俱駐豫防河
霜清後不回濟甯衙署

坍塌不
可棲止先是粵匪捻匪勾連為一皖北之師新敗又

聞穎毫等處捻匪糾眾出巢意圖北擾乃東約河南

巡撫瑛君棨字蘭坡漢軍
正白旗人山東巡撫崇君恩字語舫
滿洲人

緬其武齋自纂年譜

奏請俟天津馬隊撤防

敕派重臣移師南下督同剿匪

奏云為備陳皖北賊勢粵捻交乘兵單匪眾統籌大局擬

請俟天津防海事竣

敕派重臣

移師南下督同

勦辦以期一鼓蕩平恭摺奏祈

聖鑒事臣等竊

見皖捻滋事以來屢次竄擾河南江南山東轄境雖

經三省兵力擊剿疊挫其鋒然而裏脅愈多蔓延愈

廣者則以諸路防剿僅能為犄角之勢未暇為攻心

之計也夫行軍之要先發制人後發則為人所制故

賊來後應不如直搗其巢然以現在諸路官兵僅敷

援應欲搗其巢則兵不足以敵賊賊反得以乘虛而

入於剿無功於防有礙用兵數年迄未撲滅正坐此

耳臣等竊謂為今日計莫如祇令諸路之兵將畢力

分防而厚集一路之師專圖大剿謹就管見所及為

皇上陳之查逆捻張落刑龔得等始在皖境滋

擾稽誅日久其勢愈張現其夥黨劉天幅孫葵心等

著名各捻首大小不下數十股每股萬餘人數千人

不等宿亳蒙懷靈鳳阜穎等處賊墟林立所在蔓延

其附近居民疊遭兇燄搜括蕩然地盡荒蕪人無恆

業被捻裏脅不能不隨眾剽掠以為偷生之計而其

平素不安分者又輒乘機蠶起煽惑鄉愚以為入夥

業被捻裏脅不能不隨眾剽掠以為偷生之計而其

平素不安分者又輒乘機蠶起煽惑鄉愚以為入夥

卽保身家兼得財物是以逆旗一豎響應動卽數萬
比及本境無可擄掠非西竄豫境卽北擾徐郡山東
此匪勢愈聚愈多之實在情形也查三省合剿官兵
祇有此數徐州馬步兵勇萬餘人東省兵勇四千人
豫省除各處防兵外亦祇四千餘人歸傅振邦關保
分帶一由宿州一由亳州兩路兜擊然使得專意進
攻別無牽制原可節節掃蕩直搗賊巢早報凱撤無
如逆援甚衆東擊西應此敗彼來我出賊歸官軍已
疲於奔命矣加以竄路甚多徐屬之蕭碭銅睢豫境
之永夏商鹿山東之曹單滕嶧地勢曠衍路路可通
匪衆被剿狂奔一處有警又須回軍馳救及至回軍
匪衆又竄而他往是以該逆疊經摧敗死灰復燃咸
豐六年間前撫臣英桂現署漕臣袁甲三自歸德轉
戰而前直至亳州迤東攻破雒河老巢張龔兩逆僅
以數百人逃逸復糾東南大股捲土重來又成燎原
之勢七年英桂勝保擊賊至潁郡迤南疊次痛勦連
復霍邱正陽闕該逆僅以數千人困踞六安未幾而
粵逆圍攻回始官軍在援逆衆乘虛回竄又肆鴟張
近日定遠不守捻逆粵逆聯爲一片南抵安慶舒桐
北逼滕嶧曹單東界徐宿清揚西鄰歸陳光固縱橫
千餘里之內實已民賊不分而翁同書一軍暫保壽
州勝保一軍扼紮蔣壩已岌岌乎無駐師之地徒恃

傳振邦闕保以區區之師當數十股兇悍之衆前後左右紛至沓來雖畢力進攻仍難面面堵剿制賊死命此官兵勢單未能迅圖撲滅之實在情形也臣等目擊心憂再三籌畫竊以蒙亳逆捻一日不靖則東豫江南邊防一日不安年來統兵諸臣竭盡心力分投策應隨時剿退而被竄之地已不勝其蹂躪匪退之後亦不勝其防維況近日之捻已與粵逆合而爲一賊勢之張十倍曩日夫粵逆蟻聚之始亦猶皖捻烏合之初不數年而蔓延幾半天下然使僅此髮逆不令與捻逆勾連則合諸路兵力何竟不可聚而殲旃徒以伏莽紛乘亂我民心分我兵力遂致師老財匱年復一年是南服欲圖衽席之安宜北路先除腹心之疾該捻逼近東豫爲畿疆密邇要區若不預籌一鼓盪平之策集兵籌餉刻日廓清其爲患有不堪設想者查逆捻所最畏者惟三省馬隊從前步賊多而馬賊少近則大股之捻馬輒數千馬上能施鎗箭者亦復不少我以步軍當之卽使出奇制勝而追奔逐北勢常不及是此時剿賊之要厚集步軍固不如添調馬隊也馬隊官兵一名用餉雖當步兵之二三得力實抵步兵之八九現在傳振邦關保隨營馬隊合計不過二三千名分爲兩軍仍屬不敷衝擊而吉林黑龍江邊防緊要又未敢遽議徵調加以道路遼

遠南下需時近日仰蒙 皇上天恩賜撥馬隊二
 千名分駐山東江北扼要之地以備攻剿北路臣民
 同深感激惟兵以分而力單加以地勢遼濶揔粵交
 乘思掃穴擒渠尚須別籌方畧臣等往返函商查天
 津防海馬隊現集萬餘悉為勁旅 欽差大臣親
 王僧格林沁曾在直隸阜城東省高唐剿除粵逆久
 著聲威逆匪聞風畏懼可否俟天津海口撤防即將
 此項得力馬隊酌撥數千名 特簡威望重臣調
 派打仗勇敢熟悉皖豫軍事之將領如樂善格綱額
 德楞額等分起統帶盡數南來由西北一路直指蒙
 毫督令傅振邦關保將舊統兵勇分駐要路以供策
 應而杜旁竄而大兵鼓行前進徑搗賊墟勝保翁同
 書兩軍亦令酌量增兵募勇於東南一路兜剿一面
 知會江南嚴防徐郡要隘所有東豫邊境臣等各飭
 所屬厚集民團防其竄越夫要害有備則聞警無煩
 調撥而犄角之勢堅捷伐大張則先聲可以奪人而
 攻心之計得該逆捻聞重兵南下其膽已寒平昔裹
 脅之徒本非甘心從逆自必聞風解散附近反側之
 眾業見兵威大振亦必嚮導輸誠賊勢愈孤賊蹤亦
 感擒渠掃穴不啻拉朽摧枯可剋期而待矣至此項
 所需兵餉臣等擬先由河南山東屆期設法各籌現
 銀十餘萬兩聽候撥用雖皖豫之交屢經兵燹殘破

不堪而大軍所到一戰再戰之後民氣歡舞必有就
 近彌助糧糧草豆款軍門而獻納者如此則士飽馬
 騫成功之速如操左券而北路既免竄越之虞南師
 亦無牽制之患添兵而適以戢兵籌餉而轉以節餉
 收先聲後實之效得因利乘便之機今日之務全局
 所關莫要於此臣等受 恩深重蒿目時艱不能
 上方 宵旰之憂下舒昏墊之苦實已寢饋難安
 若兩稍存苟且因循之見更何以仰對 君父不
 揣冒昧謹合詞恭摺具陳如蒙 皇上逾格天恩
 俯允所請伏希 明發諭旨渙汗大號使各省軍
 民咸知秋高馬肥 天兵大舉不獨禡逆捻之魄
 兼可安黎庶之心直東豫三省麥收稍歉之處既不
 至民饑為盜即大江南北髮逆尚未肅清亦必聞而
 膽落矣臣等為統籌大局起見如俟天津撤防後再
 行陳請恐各起馬隊撤回歸伍又多徵調之煩是以
 先期陳 奏敬乞 聖鑒訓示遵行再馬隊大兵
 未到以前臣等仍函致傅振邦關保等就現 奏入奉
 有兵勇隨時相機堵剿毋稍懈弛合併聲明 奏入奉

寄諭天津防務急難議撤令嚴飭地方官激厲民團聯絡聲
 勢以固疆圉及校對河標四營官兵畢覆奏復以

派馬隊駐防考城為請

畧云山東邊防南路曹單境內有署曹州鎮郝上庠帶領兵勇駐紮東路

嶧滕等處有副都統德楞額帶領馬隊駐防惟西路豫東交界之考城一帶空虛本年九月內捻匪即由直隸長垣地面豫省蘭儀等處亦可就近策應摺入報

知 是年出京時捐千金改建廬陵會館

大門舊向蕻兒衛衙今改向蔣家衛

術託回縣彭伯桂比部世香九太史世昆季董其事

伯兄積軍功

賞戴花翎三姪祖緒亦以訓導儘先選用四姪祖經補廩館

生六男祖徽生沈妾出

十年庚申五十六歲

正月一日奉到

繩其武齋自纂年譜

二十九

御賜福字一方 三月十四日諜報捻匪分擾睢陳蘭杞各

州縣適副都統勝君保字克齋滿洲人奉

命督辦河南軍務至汴遂檄副都統關保字九如吉林人總兵承惠

字紹之滿洲人河標左營參將黃得魁字星五河南魯山人分隊迎勦

旋報賊逼近汴城勝帥率親軍數十騎出曹門汴省東門

禦之遇賊於城東南二十五里白酒店麾所部迎擊

賊眾狂奔擒獲十餘人余聞警即飛檄防河委員及

沿河州縣提渡船泊河北岸並會商巡撫慶君廉雲字

滿洲人飭王榮第葉法兩道員會同南北兩道及河陝

汝道協辦河防賊遂不敢渡 七月請於蘭儀以下

乾河各屬丈量開墾招種升科並以營弁改作操防

編其武齋自纂年譜

三十

奏云為蘭儀以下乾河各廳議請飭令會同地方官
 丈量舊河身灘地開墾招民耕種升科以裨經費並
 以營弁改作操防而重地方恭摺縷晰具奏仰祈
 聖鑒事竊照豫省北岸蘭陽汎漫口因經費難
 籌未能興堵臣於上年赴任東河陛辭之日仰
 蒙訓諭以現在河道是否可以不改乾河員弁
 是否確勘悉心統籌全局必須因勢利導不能挽卽
 委員確勘悉心統籌全局必須因勢利導不能挽卽
 再令南趨惟豫直東三省地方被水各處莫不引領
 而望興堵口門冀復舊業若遽將因勢利導之意宣
 揚於外恐小民無知聚眾爭辯且慮不逞之徒煽惑
 滋事請俟軍務肅清再行勘籌其乾河各廳亦請暫
 緩裁撤於九月內恭摺密陳在案本年三月內恭奉
 各就地方悉心酌議將有無窒礙情形先行審度具
 奏等因欽此當經臣與直隸督臣並河南山東撫臣
 先後札委道府大員前往周歷勘估勸諭民間能否
 捐辦俟各委員具稟到齊再行籌議會商覆奏外
 其改河築堤一事現既奉有諭旨且南河乾河
 各廳業經裁撤工段汎地著落州縣官管轄則河南
 蘭儀以下乾河廳員事同一律亦應酌裁但情形各
 有不同查豫省南路南岸各州縣或毘連皖境或切

近逆氛時虞為賊蹂躪北岸豫東各縣籌辦團練防
剿事務紛繁未能兼管河堤若將廳營汛弁全裁則
數百里荒堤並無一官一弁巡查似非所宜且乾河
各廳營現在並不開消絲毫錢糧僅食廉奉為數無
多而有官任堤與沿河地方州縣聲氣聯絡究可得
守望相助之益惟各該廳汛除巡堤之外別無所事
臣復查蘭儀以下舊河身現俱淤成平陸兩厓灘地
廣遠擬請飭令乾河各廳各按所管汛內會同各地
方官將舊河身及灘地確切丈量除飛沙佔壓之處
不計外其半淤半沙及全係淤土凡可以開墾耕種
者量明確計實有地若干畝先行造冊詳送司道存
案第一年招民試種第二年酌征錢糧五成至第三
年則須確勘地畝之肥瘠其膏腴者應完錢漕照豫
省定例征收稍瘠者如何減成征解臨時再行議辦
至灘內各村莊居民向來認種之地亦應詳細查明
如先已升科者各州縣有案可稽毋庸另議其尚未
升科納糧之處諒亦不少亦應確按地畝之肥瘠分
別酌征錢漕之多寡以裨經費一併造冊通詳咨部
立案均不准影射隱匿九灘地河身新墾升科之地
所征錢漕除漕米仍搭解通倉外其征收上下忙官
銀應請毋庸解繳司庫如南岸蘭儀睢州寧陵商邱
虞城五州縣灘地錢糧徑解開歸道庫北岸考城縣

及東省曹單二縣灘地錢糧徑解河北道庫湊作上
 游有河七廳修防之費以抵司庫例撥之款每歲灘
 地錢漕雖仍歸地方官征解應責成乾河各廳督催
 倘有征不足數以及挪移短少准其由廳稟揭請參
 庶有專司而無推諉再查乾河各營現無修防之責
 應請改為操防惟河營武弁兵丁向不練習弓馬技
 藝祇須明白工程熟諳樁埽故雖年老尚可留工茲
 既改為操防必須汰其老弱另選精壯充補但河營
 戰兵每名每月餉銀除朋銀額支一兩六錢有零守
 兵額支一兩二錢有零向不敷日食之需迺復按五
 銀五鈔支發更形竭蹶在上游有河處所凡搶險廩
 工係由廳日給飯食錢文方能力作現在下游乾河
 之處無工可修各兵均係自謀生業若令其操防則
 應日日在堤習練弓箭鎗棒方能漸成勁旅斷難枵
 腹從事應令按日酌發口糧當此度支不易何敢另
 請籌給擬俟灘地新升之科辦成後由各該道於各
 州縣解解錢糧內核發作正開銷以免另籌其乾河
 各營改為操防之兵俟一律選補精壯後不必歸撫
 鎮各標管轄南岸歸開歸道調遣北岸蘭考二汛歸
 河北道調遣東省曹單五汛歸兗沂道調遣均令協
 同地方兵勇防堵似較現募之勇更為得力至乾河
 各文汛飭令隨同各廳辦理丈量灘地開墾升科之

事各武汛隨同各營備督飭兵丁操演技藝以期耳目周密而臻妥善臣爲籌經費而重地方起見雖無益於目前而有裨於日後得理合核議縷晰具奏

旨交部議旋奉

上諭乾河各營員弁兵丁著卽行裁撤勿庸再行察看情形其一切關涉營制事宜均毋庸議惟現任實缺營弁暨精壯兵丁應如何補缺入伍之處著該河督會同巡撫妥擬具奏餘依議欽此 八月恭稔

皇上於初八日駕幸熱河毫東擒匪復大舉擾河南界總兵承憲知府王榮烈游擊苗玉榮王居廣都司何天保楊郁文知縣田玉梅禦於汝陽俱陣歿時余訪聞滑縣有教匪傳帖聚眾之事卽致東巡撫慶君飭拏並

飛檄河北鎮道等密查旋獲二十餘人按律懲辦餘

黨解散滑縣與直隸開州山東曹縣接壤訊鞫獲犯

皆言已糾約三省教匪同時並起設不早發覺應時

捕獲又成燎原之勢矣信乎防患在未萌也奏請黃

河暫緩修築奏云為蘭陽口門以下改河築堤勸捐

將實在情形合詞覆奏仰祈前准軍機大臣字寄咸豐十年閏三月初五日奉

上諭沈兆霖奏請就黃河改道勸捐築堤錄出前

人奏疏並將東省原寄圖說呈覽一摺據稱歷來河

流皆以北行為宜乾隆年間吏部尚書孫嘉淦請開

減河入大清河一疏言之最詳所謂入大清河由利

津入海即是在現在黃河所改之道詢之東省官紳俱

繩其武齋自纂年譜

三十二

大局起見著恒福黃贊湯文煜慶廉各就地方情形
 悉心酌議覈實勘估如果事屬可行即勸諭各該處
 紳民力籌捐辦並遴派熟諳河務之大員會同各該
 地方公正紳士妥為區畫或應開引河或應築堤堰
 分別相度一面勸諭捐輸將來民捐民辦均著紳董
 經理毋許假手委員吏胥以歸樽節如果輸將踴躍
 即可於本年霜降水落時奏明一律興工並著各該
 督撫將有無窒礙情形先行審度具奏總期為民捍
 患節經費而順輿情是為至要沈兆霖原摺及錄呈
 孫嘉淦奏疏均著抄給閱看將此各諭令知之欽此
 當經臣等恭繹諭旨創築新堤全資捐輸必
 順輿情而無窒礙民患而節經費方為妥善即各
 遴選熟諳形勢辦事認真之道府大員帶文武員弁
 周歷豫直東三省黃水經由各州縣詳細履勘體察
 輿情實力勸捐辦理均先附片奏明各在案茲據
 各委員會同核議先後稟復前來臣等伏查豫省蘭
 陽汎北岸自咸豐五年黃流旁趨後當因軍務不靖
 需餉浩繁未能集資與堵迄今已歷五載之久若再
 挽黃南趨不獨堵築口門挑挖引河需費甚鉅其蘭
 陽以東直至河南乾河各廳堤埽俱已殘廢補堤還
 埽所費亦屬不少何能有此巨款自不得不因勢利
 導就黃水現行之路東流而入況由大清河歸海本

繩其武齋自纂年譜

係從前黃河故道並非改絃更張先經臣黃贊湯於
上年秋間繪圖貼說詳晰密陳在案茲擬勸諭民間
捐貲築堤攔束誠為一勞永逸之計除張秋以東自
魚山至利津海口大清河一道厓高水深黃流足資
容納即有險要衝刷之處由各州縣勸捐修築堤堰
可期捍禦毋庸估辦外其自豫省蘭陽口門起歷直
隸長垣東明開州大東境之濮州荷澤范縣陽穀壽
張直至張秋鎮迤東之東阿縣魚山應築新堤兩岸
各長四百數十里其西北雖有各舊堤現均卑矮殘
缺就之修補亦屬非易約估錢糧雖不致如挽黃南
趨挑河築壩修堤之多而統計需費亦復不少且估
築新堤向例應在兩岸河沿十里之外以免冲刷而
東阿縣境內李連橋以西上至東明河勢散漫支幹
分流時有變遷或分或合淺深不一如遇水漲一片
汪洋寬至十餘里及三四十里不等河內村莊未被
沖去者均已築堰居住似尚安定若於十里外兩岸
加築長堤則棄各村莊廬墓於河中必生怨望另滋
事端自須給以地價飭令遷徙當此度支萬緊何能
籌此鉅款如於沿河築堤則一遇水長大溜奔騰難
免冲塌更恐水難容納溜緩沙停河身墊高倘有漫
溢掣溜旁趨為害無窮是捍患而轉以貽患或謂遴
派熟諳河工員弁管帶爬沙船隻相度形勢往來疏

三十三

浚以期正河深通殊不知製造爬沙船鐵篦子亦需
經費駕船弁兵應日給飯食況爬沙船施於舊河身
內底係純沙易於爬刷若現走之河類多庄基樹根
且有塌卸石橋豈鐵篦子所能刷動於事無益徒滋
勞費現查魚山以上二十餘里已較上秋臣黃贊湯
委員查勘時河底刷深此後安知不愈刷愈西不假
人力而能逐漸歸槽也至勸捐一層經委員候補道
王榮第等親赴河南之祥符蘭儀考城封邱厯直隸
之長垣東明開州山東之濮州范縣陽穀壽張東阿
鄆城荷澤等各縣旬到一處邀集紳民諄諄勸諭並
令隨員分赴近河窮僻鄉村逐加諄諄勸復諭以此次
勸捐係量出工費創立始基俟河流順軌窪下悉成
膏腴窮黎復業從此繼長增高隄永固於民生大
有裨益其捐工較多者無不優予獎叙奏乞
施斷不沒其善舉當據該紳民紛紛呈訴咸謂連年
被水窮苦異常或因田廬漂沒遷徙他方或因逼近
賊氛兼遭蹂躪其距河稍遠村庄雖尚有可以支持
者而工段延長無力捐辦俱係實在情形似難抑勒
臣等往返函商悉心籌議蘭陽口門以下改河築堤
既未能請帑辦理民間捐辦復力有不逮且於河
內村庄廬墓均有望礙擬請從緩興舉以順輿情當
由臣等先行嚴飭各州縣各於所轄沿河村庄隨時

勸諭紳民自築土堰攔禦保衛田廬並令逐年增高俟軍務完竣籌有款項卽就民間之堰培築長堤則事半功倍易於爲力至開挖引河另無大河可引無須籌辦一併聲明謹合詞恭摺覆奏 又請暫停京員揀發河工學習均得

旨俞允 九月於恭報安瀾摺內額請

回鑾 十月外國和議成 十一月奉

命兼署河南巡撫疊奉

寄諭寬籌南北水陸各軍餉需迅速接濟源源報解查明河南歷年守城防剿出力各屬地方文武員弁紳士練勇凡三百數十人奏請獎勵疏入報

可前撫瑛榮慶廉兩君俱欲上陳躊躇未果余竊謂當有事之秋必使出力官紳有所獎勵方足以鼓舞情而收

繩其武齋自纂年譜

三十四

實效攝事月餘毅然入告幸荷

欽俞彌感

聖明之微功必錄云 十二月十六日卸署撫事歲除奉到
御賜福字一方 是年捐輸京餉議叙隨帶加四級伯兄幫
辦本省團練祖綸納貲以知府指省湖南祖絡以道
員指省湖北祖彞捐同知職銜祖纓妾彭氏卒五兒
祖緯長孫耆齡殤三孫遐齡痘殤於京師祖繩祖綸
祖絡自京挈妻子旋里四孫桂齡又殤於途五孫萱
齡生

十一年辛酉五十七歲

二月移駐河北荊隆工

卽衛
澤廳

三月奉

旨交卸防河事務專辦修守工程接家信知粵逆再陷吉安

本村大宗祠亦爲賊燬 四月移駐汴城入旗會館

五月有星孛於井十日而滅占者主兵主喪心竊

憂之 七月痛稔

大行皇帝以十七日崩於行在泣恩

大行皇帝英年踐阼勵精圖治遭時多故

宵旰焦勞馴致大漸海內臣民無不椎泣

贊湯

逮事

兩朝渥受

恩眷攀號莫及五內摧傷伏地痛哭不覺失聲遂率文武各

官朝夕臨繕摺籲請

嗣皇帝節哀 八月擒匪竄省垣撫臣已帶兵駐陳州余

督同文武晝夜登陴防守偶因挫跌傷腰自是遂有

腿臂酸麻之疾時賊沿河肆擾南岸上南中河下南

三廳廟宇衙署均被焚 十一月奉

旨以御極之始勅中外臣工於用人行政據實直陳因請

慎選內侍

奏云為請慎選內監以待

皇躬恭摺

陋備員河壩未報涓埃仰惟

聖鑒事竊臣一介庸愚學識淺

念軍務未竣民生多蹙諭令中外臣工有奏事

之責者於用人行政一切事宜據實直陳臣沐

贊 三朝養之恩際茲言路宏開正宜竭誠抒悃仰

儉去奢任賢錯枉凡臣民之所欲言而不敢言者皆

已行之何俟臣言而臣要不能已於言者臣惟

聖學崇高始基在於蒙養內廷供奉近侍尤宜

豫防周書立政之篇曰綴衣虎賁知恤鮮哉古者左

右賤役皆士大夫非如後世專用闈寺而周公以是

戒成王者蓋其時成王冲齡踐阼內憂未靖外患迭

興使近侍任用非人肆譏構釁不但流言無所底止

卽君德亦因之虧故既立三公道之教訓傳之德義保其身體復以左右薦僕爲捲捲良以師保之與僕從貴賤懸殊而其朝夕君側則一也臣近復讀上諭恭悉皇上以典學爲念已博訪老成端謹學問優長之員同資輔導矣而臣以爲從古格非心者責在大臣而後世貢非淺者恒由內監蓋此輩託處於肺腑隱深之地設不能絕去聲色狗馬游宴沈湎之樂則投間抵隙苟合取容何所不至出一言而稱善舉一事而歌功豈盡獻諛而人君耳熟於此久且匪諛則逆而匡拂者拒諷截者進矣木訥者厭便佞者容矣趨諂諂脅顧盼皆然免冠叩頭應聲卽是卽非貢媚而人君目熟於此久且匪媚則騎而質野者斥虛浮者至矣嚴憚者疏善柔者狎矣夫至耳熟於諛目熟於媚於是乎意之所欲自信以爲不踰返之己而不見其過詢之人而不聞其短而心亦卽習於所是必至喜從而惡違而慘刻傾險者得以託足於朝野宋程子爲講官言於上曰人主一日之間接賢士大夫之時多親宦官宮妾之時少則可以涵養氣質而薰陶德性呂祖謙曰陪僕脅御之臣後世視爲賤品而不之擇者曾不知人主朝夕與居氣體移養恒必由之潛消默奪於冥冥之中而明爭顯諫於

繩其武齋自纂年譜

三十六

昭昭之際抑未矣我朝

祖訓森嚴所用內監祇供灑掃而備傳宣承

無干預朝政之事

兩宮皇太后仁慈聖

明無微不照無念不周夙夜防閑自必備極縝密而

臣猶總總慮者誠念人恒狃於所習而事當謹於

厥初與其為履霜之戒慎不如作未雨之綢繆也臣

願願

木訥者去其便佞用其質野者去其虛浮用其嚴憚

者去其善柔用其慈祥良善者去其慘刻傾險既有

老成端謹學問優長之臣為之輔導而侍御僕從罔

匪正人內外交養旦夕承弼斯出入起居罔有不欽

緝熙光明之學日以增而復旦光華之治

無所累我國家億萬年有道之長基此矣臣為

慎始防微起見是否有當伏祈皇上聖鑒 摺

入

留中 是年四姪祖經考取拔貢生以五孫嗣祖纓後

同治元年壬戌五十八歲

捐貲千金重建本村大宗祠寢堂 六月因前在本

省勸捐有劉錫綬蕭魁涯二名各捐萬金地方官延
未請獎奏請

飭江西撫臣查案獎叙得

旨允行 七月奉

旨充河南鄉試監臨旋奉

諭命巡撫廣東閏八月入都展

覲得請詣

觀德殿叩謁

文宗顯皇帝梓宮蒙

兩宮

皇太后

繩其武齋自纂年譜

三十七

皇上召見兩次問河南官吏地方情形甚詳

諭令迅速赴任 九月初九日奉移

梓宮隨

朝臣齊集齊化門外道旁舉哀跪送是月回汴梁

十月起程赴粵 十二月道經吉安因泊舟郡城

度歲回家展謁祖塋 是年四姪祖經北闈鄉試房

薦取膳錄考取八旗教習分覺羅學

二年癸亥五十九歲

二月六日抵韶州府署巡撫晏君端書

字彤甫江蘇儀徵人道光

戊戌科進士時在粵辦理釐務

差官送印至遂於舟次接篆視事十

一日至省 三月以廣東吏治民生及軍務軍餉各

情形剴切具奏

奏云為謹將廣東吏治民生軍務軍餉應互籌辦各情形恭摺據實奏

聞仰祈

聖鑒事竊臣蒙

恩補授廣東巡

撫於本年二月初六日接印視事當經恭摺奏報

在案伏念臣猥以輪材謬膺疆寄奉命以來即

將廣東地方公事念釋在心猶竊謂嶺海一隅撫循

或易比大境後咨訪考覈始知廣東之吏治已極隳

壞廣東之民生已甚彫敝軍務則蔓延數載賊事有

稽軍餉則積欠已多眾憂譁瀆臣受恩深重自

當地竭駑駘力圖挽救而實在情形要有不敵不據

實上聞者查廣東地處濱海民俗強悍命盜重

案視他省為多從前地方安謐戶口殷繁禮義生於

富足尚不致果於犯法且各州縣地丁錢糧大都埽

數全完官吏黽勉從公亦覺力有餘裕咸豐初年已

不能盡如往日迨至四年逆匪搆亂各處無業游民

相率煽誘羣盜蠢起地方官議防議剿日不暇給遇

有莠民嘯聚輒恐激之生變但求苟且相安兼之粵

民慙不畏死一經事發又可賄買頂凶而頂凶之犯

貪賄輕生至死不悔地方官或知或不知無不將錯

就錯以致真兇漏網屢犯不悛事非一朝已難究詰

臣到任後披閱各屬詳報命盜案件其裝點情節疑

竇百出及通報遲延竟有至一月兩月者臣隨卽逐

案批駁嚴加申飭並分別檄調委審以昭炯戒然亂

繩其武齋自纂年譜

三八

民知生之可樂死之可畏則命盜之風難於弭息此
吏治隳壞之實在情形也廣東從前富庶之日不在
農桑而在商賈商賈之利不在他貨而在鹽洋近來
粵鹽行銷口岸多被賊擾埠地殘破道路時梗販運
不通殷實商家率已中落餉欠引懸現今同治二年
甫征咸豐十年之課昔年借領帑息更屬積欠纍纍
洋務則自道光年間裁黜洋商改設五口近年復添
設各口貿易之途日分商賈之利漸薄加以江蘇浙
江被賊蹂躪粵貨之銷路既少客貨之來路亦稀且
湖絲茶葉以及外洋貨物皆可徑由航海不必取道
閩津由此各行生計蕭條而傭趁力作之徒更無以
資衣食在國家則粵海關正稅以及釐稅釐金等
項有絀無贏在閩閩則從前殷富商民亦皆有名無
實又況高州屬則逆氛肆擾肇慶屬則土客尋仇鄉
里或化為邱墟田園間失於耕種物價踴貴數倍於
前小民終日勤勞不足以供一飽古來生財之道在
生衆食寡爲疾用舒今且反是此民生彫敝之實在
情形也巨逆陳金甌自咸豐十一年竄踞高州府屬
之信宜縣城負嶺甚固屢次撲犯高郡其黨四出剽
略延及肇慶府羅定州等處而肇慶屬之恩平開平
陽江陽春高明鶴山等縣土客互鬪歷年不解論起
粵之劫則土強而客弱論逞毒之勢則客莠而土良

通其武齋白纂年譜

從前尚祇自相報復本年正月間竟敢闖入廣州府屬之廣海寨城勢已暗與賊通形同叛逆不得不痛加懲創而又誅之不可勝誅必俟首惡就殲仍復徐圖安插此又陳逆之外別起一波查高州固為邊陲重鎮而廣海尤屬沿海要區若不及早撲滅勢成燎原無論全局掣動收拾為難即兵燹未及之地餉源所出其傷實多辰下各路戒嚴軍餉浩大約計每月兵勇口糧各項已須十數萬兩之多方能支應而積欠舊餉且至一百數十萬兩查本省藩庫每年免收各屬征解地丁正稅等欸極多不過一百萬兩而應支官兵俸餉公費各項一百五十萬兩從前尚賴運庫撥解鹽課銀兩足以相資近因鹽課短征此欸亦不能解濟粵海關正稅上年僅收八十餘萬兩並潮州新闕所入十餘萬兩共計不足百萬兩內除英法兩國坐扣六十四萬兩所餘三十萬兩僅敷分解廣儲司及造辦處而已至若太平關稅從前每年征收十三四萬兩近年不過十之二三正稅尚且不敷更屬無從籌撥各庫之支絀如此而捐輸則為數頻仍民力已竭報兌者寥寥無補於事之十一然軍務一日不戢則軍餉不能一日不用兵法所謂有拙之速無巧之遲此又軍務所宜亟辨軍餉所宜亟籌之情形也此皆臣到任以來體察所及現擬督同司道嚴

三十九

飭守令各官講求緝捕以肅吏治訪問疾苦以厚民生並密加察看如有貪劣不職之員卽當從嚴叅劾其廉幹有爲者試有實效亦擬分別陳請獎叙以昭激勸一面會同著督臣晏端書將剿匪籌餉事宜悉心商辦容俟略有端緒隨時奏明請旨遵行再奉撥京餉上年已先解過六十三萬兩又解京米價銀三十萬兩另粵海關解過本年第一批京餉銀五萬餘兩現又籌解京米銀三萬兩京餉銀一萬兩鹽課銀七萬兩粵海關稅銀五萬兩定於本月初十二日起程此外未解之數臣與晏端書督飭藩運二司極力搜索無論如何窘迫總當殫竭血誠上緊籌畫批解以冀仰紓宸廑其詳細原委會同晏端書另摺陳明所有粵省吏治民生及軍務軍餉應亟籌辦各情形謹恭摺具奏奉

御批覽奏已悉該撫甫經蒞任於該省官民利弊均能洞

悉惟當力圖挽救行之以實持之以久期於吏治民生

兩有裨益方爲不負委任欽此六孫大齡生 五月陸

路提督昆君壽

字靜山漢軍正白旗人太子少保銜喀勒春巴圖魯

奉

命督剿信宜縣高州府屬爲籌餉銀二十萬兩以行時訪聞有

省垣東北山內燒香拜會者夜聚曉散來去無踪余

召都司保應熊密投計擒之三日內果械其首匪樊

丁桂至據供係番禺龍眼洞人在鹿步慕德里兩司

夥劫多次現又糾約二千餘人商於九月底收割後

先搶魚沙坦李姓米穀爲糧隨往三寶墟駐紮起旂

攻打省城並置有竹扎嘴七百枝大小砲廿餘位藏

在長濂村梁亞眷祖祠內訊畢立梟諸市卽派本標

三營兵前往長濂村搜取軍械事遂寢又有東莞縣

鐵岡村之姚姓平日以攔河劫掠爲事復恃衆恃強

欺凌湖尾村之徐姓被其殺斃男婦幼孩百餘名拋

棄屍骸以爲兒戲所有徐姓祠堂住屋概行平毀僅
有在外謀生未歸者未經被害屢鳴諸官不爲伸理
余檄候補知府史樸帶兵前往捕治姚姓仍固守爲
拒捕計適檄都司蔣朝綱帶兵往羅定因令其繞鐵
岡前進姚姓聞之始懼願獻首匪數十人講和鬪始
平 六月奏劾不職各官 七月瀝陳高州各路軍

情奏云爲瀝陳高州各路軍務並廣海寨踞匪及土

客互鬪情形恭摺仰祈 聖鑒事竊查粵東毘

連粵西軍興以來首被其毒兼之民氣浮動奸勇鬪

狠土客仇殺歷有年所祇以地處邊陲去 京師七

千餘里遂視爲癘疥之疾無足介意而積微成鉅由

淺入深從前富庶之區早成瘡痍之地臣披閱軍報

詳細推勘得其大綱敬爲我 皇太后 皇

上陳之高州一府自防西匪已閱十年中人之產十

破七八其逼近西省居民向受讐慄納租輸稅於賊

恬不爲怪逆首陳金缸估踞信宜縣城已將三年僞

先鋒鄭金劉超兇悍善戰而鄭金尤狡襲脅已逾十
 萬雖老賊不通萬人而槍礮甚多善用誘伏使我軍
 入險而後以火器環攻此賊之長技也賊之老巢在
 信宜鄭金之輜重在鎮隆墟劉超之輜重在東岸距
 信宜或十里或二十里不等由鎮隆而南賊有險隘
 曰大井咸豐十一年冬副將方耀出死力爭之不克
 南山之東三十里有賊隘曰石骨險而堅此即上年
 副將潘其泰卓興前後失利之處石骨之西北有賊
 隘曰東岸阻水為營賊聚精銳於此所以策應南山
 石骨大井者也鎮隆之西五十里有賊隘曰寶墟為
 化州境上人所謂西路之寇也賊由西南出寶墟可
 擾化州石城由東合陽春陽江客匪可擾電白水東
 及茂名之東南各村日來電白又復告警陽江之上
 洋鎮最屬膏腴亦被肆擾至信宜北面毘連廣西岑
 溪西北毘連廣西容縣東北直至羅定數年來均為
 賊藪而西首貴縣之賊被剿方急刻欲東向窺伺廉
 州屬之靈山等縣適當其衝我軍惟卓興六千餘人
 葉安良堡與南山最近方耀六千餘人葉藍田與大
 井最近而賊又堅壁不出以老我師賊有三便我有
 三難賊伏寨中槍礮足以及我我處山下槍礮僅中
 其牆一也賊蹤蔓延所及方數百里賊糧隨地可掠
 而我餉疲於轉輸賊眾隨時可添而我兵艱於征調

二也賊恃勢裹脅良民雖非本願不敢不從我設法
招徠而賊中譏防甚嚴無由自拔大抵樂生之心不
勝其畏死之心自古未有不剿而能撫者賊情逆而
勢順我情順而勢逆三也現在提臣崑壽奉命
督剿周歷各營裁汰老弱增選精壯擬飭方耀一軍
由大井之西南進攻青山青峒而以卓興仍駐安良
堡為游擊之師賊若傾巢出救則尾擊而痛剿之如
仍死伏老巢則步步為營得尺進尺卓興方耀向有
嫌隙業經崑壽派令隨營之在籍知縣丁日昌妥為
勸解現已釋怨和衷可期首尾策應方耀固無虞深
入重地卓興亦可擇利而趨查方耀智而機深卓興
忠而氣悍必在駕馭得宜方能始終得力此高州各
路軍務之情形也客匪竄踞廣海寨城負岬數月疊
經官軍節次進攻所有賊之要隘在北面之南塘古
隆賊埋伏之所在偏西之區家村蛋家山賊之死黨
在西北路之田心大隆洞與東路之曹冲而援救接
濟之路則在寨城西面之西村業據臬司吳昌壽稟
報奪扼四面合圍亦經臣會同署督臣晏端書隨時
奏聞在案乃為時又閱二十餘日尚在相持未
能攻破推原其故虞海寨城南瀆大海東南烽火角
海面遼闊而淺潮退之時寨裳可涉雖經設有拖船
添僱快艇而賊或以小艇潛行乘夜偷渡希圖接濟

雖被獲者十之六難保無得達者十之四也田心大
 隆洞各匪目觀寨城之困時時乘間迭出以撓我師
 本月初二日官軍放哨之勇瞭見附城岐石橫龍一
 帶伏匪三四百李邊村外沙壘亦屯匪四五百即有
 西路援賊七八百人欲從大洋村入城雖經我軍截
 回可見賊中消息未嘗不通我即足斷其首尾之援
 而亦不能不防腹背之敵也臣惟有嚴飭吳昌壽督
 令各軍慎密防範毋得稍有疎虞以致意外之失而
 臣更有慮者不在已叛之客匪而在伏莽之戎不在
 難克之寨城而在善後之舉蓋土客勢不兩立已非
 一朝客勝土固慘酷不堪土勝客亦兇殘符甚現在
 各縣客民恍於官兵潛伏不敢動而土民猜貳積深
 又復轉相挑釁邇因鶴山及開平土紳募勇攻客客
 務欲洩忿四出尋仇兵連禍結曾無已時廣屬新會
 向係完善之區而西接鶴山恐未免先受其害又廣
 海寨客匪罪固不赦然果有縛獻首逆投械聽命者
 勢必不能盡誅即盡誅矣而此外之客民顛沛流離
 尙復不少無家可歸無田可耕必須設法安插欲爲
 安插而經費不貲即有經費而住址難覓且恐安插
 之後土民又未必相容官兵一撤釁端復起自非通
 盤籌畫徹始徹終不得遽言歲事此廣海寨踞匪及
 各縣土客互鬪之情形也竊思治絲者先尋其緒療

疾者首究其源臣夙夜圖維冀得良策而其間棘手
所在不敢不披瀝上聞致蹈粉飾計惟有熟思
審處隨時函商提臣崑壽並飭臬司吳昌壽相機妥
辦以期計出萬全早日肅清仰紓聖主軫念巖
疆之至意所有各路軍務並廣海寨踞匪及土客互
鬪情形除分別繪圖貼說封呈軍機處備查外謹恭
摺具奏並於北江一帶增設巡船兵勇以安行旅查廣

東以南海三水清遠韶州為北江以番禺東莞博羅
惠州為東江以三水至肇慶為西江故設有緝盜巡
船北江道里較長商賈往來亦夥連年首民散勇濶
迹其間遇船輒劫行旅裹足船隻太少不敷巡緝余
抵任後即飭令舊額外增設扒船四號淺水快船十
六號其支河為連陽江上通湖南係連陽鹽商運道
亦增設衝鋒三板船十六號陸路則撥清遠營兵百

名募勇百名分駐山塘洪岡恒頭呼矚可及商民藉

以無恐至是附奏奏云再廣東省自南海三水清遠

羅以至惠州為東江該兩路皆省外商民來往銜途

盜匪素多出沒近年復因各路散勇與首民游蕩四

鄉到處皆是此輩既無恒產安有恒心散處為貧民

聚集又成一股亟應加意防範杜患未萌今年正月

間臣晏端書訪聞北江清英連陽一帶商船時被搶

劫臣黃贊湯於二月間道經該處沿途探訪情跡畧

同深以為慮到任後即會同熟商派撥水陸舟師

馳往巡緝因查清遠河面原撥有藍底扒船四號惟

河道綿遠不敷周巡當飭軍需總局添撥扒船四號

新造淺水快船十六號每船募水勇二十餘名配撥

軍火礮械揀派幹練員弁管帶駛赴該縣下自三水

交界之界牌上至英德交界之峽口統共一百餘里

分段駐泊晝夜偵緝其清遠英德交界之浣洗地方

繩其武齋自纂年譜

鹽商運道該處原撥三板船四號尚覺數少不敷照

應現復新造衝鋒三板船十六號每船亦撥勇二十

餘名於上至蓑衣灘下至青蓮往還梭巡其英德曲

江大河有前撫臣耆齡原撥之彰信軍師船數十號

四十三

既以護鹽釐各廠並以巡緝地方亦可無虞疎漏臣
等復於清遠營撥兵一百名另募勇一百名分紮山
塘洪岡恒頭堵扼陸路其原駐大灣三峽頭青蓮之
功勇同人勇八百名仍舊駐紮似此星羅棋布水陸
交嚴匪徒自可潛踪商旅漸期安枕至東路之東莞
博羅河面素為逋逃淵藪今年入春後土匪四出剽
掠行旅頗有戒心查東莞向有沙艇七號常川駐泊
石龍專為保護巡防之用而弁勇日久怠玩經臣晏
端書特委籍隸惠州之釐務委員湖南知府顏培森
前往該處會同署惠州府華定祁傳集東博官紳公
同集議將舊日沙艇修整完固挑換勇丁另又新造
大巡船五號由惠州協借撥大礮於石龍至鐵岡一
帶河面往還輪巡護送商船圍拏盜賊現在東北兩
江河面日臻綏謐商民均屬敎安所有東江各船係
派惠州紳士分發江蘇同知顏培豫為統帶清遠各
船派候補知縣周為楨為統帶連陽江各船派候補
通判涂陽麟為統帶督率各弁勇購緝盜踪保衛商
旅聲勢極為聯絡惟新添各船弁勇口糧每月須四
五千金省局支絀異常殊難支應臣等現飭各商民
酌量捐助設法挪湊尙有不敷由臣等竭力籌墊俟
察看盜風寢息遐邇肅清再行陸續減裁所有東北
兩江因盜匪蠢動添勇造船分投巡防緣由謹附片

具摺入均報

可二十九日收復廣海寨城查廣東肇慶所屬土客爭讐由來已从此疆爾界動起干戈其故出於劣紳藉端生事歛錢肥己鄉愚爲其煽惑亡身敗家竟所不恤余思以兵懾之而經費無出且撤兵後又恐生覺兵連禍結迄無已時終非長策不若曉之以禮動之以情感之以恩或可日久相安擬於收復廣海後輕騎親往曉諭因先委知縣謝玉漢字秋槎福建閩縣人道光戊子舉人前往勸導並發扎諭數十道開陳利害紳民咸知感悟半月以來投戈聽命土客各紳均赴省垣於西關外設局會議息爭八月余與藩司文君格字式巖奉天蒲洲正

繩其武齋自纂年譜

四十四

黃旗人道光
甲辰進士 奉來京另候

簡用之

命代余者為郭君嵩燾

字筠仙湖南湘陰人道光
丁未進士時官兩淮運使

以三品

頂戴署理土客各紳遂散而西關之局寢文君由楚

藩移粵不滿三月潔己奉公察吏安民興利除弊百

廢俱舉余頗賴其匡襄聞者並惜之是月二十九日

興工修築礮臺省垣東北面舊有礮臺五座洋人入

城後俱廢每議修築輒以費絀罷余以寇氛在邇不

可恃陋不虞飭屬釀貲鳩工焉六孫大齡殤 九月

初七日信宜踞匪偽將鄭金劉超殺其偽王陳金缸

獻青玉偽印以降城池收復查陳逆於咸豐十一年

佔據信宜地方四出擄掠官軍餉缺任其蹂躪余蒙

恩調粵日卽以此爲念抵粵後竭三月之力籌餉二十萬

兩總令崑軍門成行復續籌餉十餘萬金陸續濟之

收復之日軍門專弁馳報余尙未交卸也論者均以

此事歸功於余且強余奏報余曰信宜旣復元惡授

首百姓漸出水火余心安矣奏報聽制軍王之無容

計也初十日郭君到粵十一日交卸撫篆十八日由

粵起程取道本籍進京請假兩月修墓並醫舊病得

旨允准 十月十九日抵南雄州寓城內保定樓側葉君

永元宅 字善堂余掌教道南書院肄業 二十一日爲

相彝舉行嘉禮二十七日七孫南齡生 十一月朔

繩其武齋自纂年譜

四十五

日命祖綸挈眷先行祖絡同往余因左臂酸痛復發
暫留醫治州中有桂香社課葉君丐余閱因爲分甲
乙擇其尤者給銀獎之自是以文藝求正者踵至余
每日於藥鑪側爲之批評竟忘其倦 十二月朔日
度嶺初八日抵贛州因家中廬舍累被兵燹暫卜居
於道前街

續

三年甲子府君壽六十歲

正月十四日還里展謁 先塋鳩工以次修理 三
月假滿二十四日買舟赴京 四月十九日抵吳城
鎮方渡湖病大發痰忽上湧急救醒左臂左髀似麻

木不仁因返權至省垣遣家丁呈請沈中丞

名葆楨字幼丹

福建閩縣人道光丁未進士代

奏暫緩入都 五月初四日過吉安十九日仍至贛閉

門養病 六月益劇食輒吐兼患脾約 七月沈中

丞咨稱乞假一摺奉

旨允准 九月命祖綸應本省十月補行鄉試

四年乙丑府君壽六十一歲

正月至七月歐逆愈胸腹痛楚醫藥日進時愈時發

八月病間往吉水謁始祖中孚公墓並修仙居寺

饗堂費千金 九月仍至贛刊奏稿八卷尺牘四卷

五年丙寅府君壽六十二歲

五月病泄 二月泄愈復患脾約痛苦異常 八月

哈君桐階

名庭楷 雲南人

來診服藥痛稍已

十月祖綸卒

於顛 十一月病痊刊懋菴公遺集 祖綸 歸葬於長

嶺 十二月十八日胸膈微痛藥下輒吐二十三日

子刻氣微四肢冷仲明府杏園

名鵬 旗人 滄洲駐防

來診主服

四逆湯翌日始甦又翌日哈君由差次來接診除夕

尚卧牀呻吟 是年修葺里中被燹舊宅將為歸計

六年丁卯府君壽六十三歲

正月病未痊 二月始扶杖能行 三月二十三夜

胸肋痛甚噁氣時作歐酸水盈盆四肢煩熱服哈君

藥無效因請劉君松園

名本堅 與祖綸 為再從舅行

同診酌方

四月病如故或疑宅不吉移寓南門 五六兩月精

神更疲萎身羸且腫 七月楊太守素園名照蔡通光甲長進

士道銜江西薦王君鳳來名朝儀江西至 九月病

痊回原宅 十二月伯母蘇夫人卒

七年戊辰府君壽六十四歲

正月祖絡奉府君暨家慈旋里 二月初八日至時

朔風大作府君因感冒復患歐逆 四月始痊祖絡

長子錫齡殤 五月以本村大宗祠燬於寇壬戌僅

重建寢室至是捐貲貳千金踵成之 八月胃逆腹

痛諸證復發服王君藥久乃稍瘥 十二月立春後

精神漸長飲食日增除夕能舍杖出廳處分事事如

曩時且曰我荷

三朝知遇之恩涓埃未報今中原雖靖邊疆尙未肅清此豈
臣子優游日耶吾病果愈行當擊楫枕戈上紆
宵旰之勤下了平生之願耳是月伯父病類中風狀

八年己巳府君壽六十五歲

正月初接服王君藥神爽食加腰脚頗健日往視伯
父病坐談歷一時許不少疲十七日忽委頓喉間痰
鳴服藥罔效十九日戌時壽終

府君督河時嘗手訂年譜其後次第增入自撫粵
還京至顛病遂絕筆於此又五年竟棄養

祖緒
苦

凶之餘肝腸摧裂既小祥始克續而成之追憶五

年中侍養左右藥爐烟恒不斷劇則展轉牀褥至
今如聞呻吟聲大命莫延恨不能以身贖也同治
庚午年閏十月十八日男祖裕泣血識

